

SIMONIS SIMONIDÆ BENDONSKI

LEOPOLITANI
MAGNI IO. ZAMOSCHII

A SECRETIORIBUS CONSILIIIS

PINDARI LATINI

Opera omnia quæ reperiri potuerunt olim sparsim edita,
nunc in unum collecta, ac denuo Typis consignata

PROCURANTE

ANGELO MARIA DURINI

Æ COMITIBUS MODOETIÆ

PATRITIO MEDIOLANENSI

ARCHIEPISCOPO ANCYRANO

Per utramque Poloniam & Mag. Lith: Ducatum
cum facultatibus Legati a Latere

NUNTIO APOSTOLICO.

Plin: Lib. V. Epist. VIII.

Pulchrum imprimis videtur non pati occidere quibus æternitas debetur.

VARSAVIÆ

In Typographia MITZLERIANA

1772.



Cum Plinius in libris naturalis hiftoriæ conqueritur proventum agrorum fuo tempore minime ubertati fuperiorum ætatum refpondere: tantam tamque infignem mutationem non exhaufcæ, & quafi effictæ foli naturæ, fed cultorum fociordicæ & negligentiæ imputat. Sic etiam fi quis diligentius inquiret, cur iftius temporis Poetæ ab illa decantata Cochanovii & Simonis Simonidæ excellentiâ longiffime abfint, intelliget tandem, non vim ingeniorum vetufte, & quodam temporum fenio defeciffe aut elanguiffe, fed difciplinam & institutionem Juventutis, quam Græci παιδείαν appellant, claritudinis & perfectionis omnis originem fontemque effe: quo præcifò vel averfo virtutem ipfam in hominibus exarefcere & aboleri neceffe fit.

Jlluſtriſſimo Excellentiſſimo
VENCESLAO SIERAKOWSKI

ARCHIEPISCOPO LEOPOLITANO

ANGELUS DURINI

ARCHIEPISCOPUS ANCYRANUS

NUNTIVS APOSTOLICVS.



Oeſim VENCESLAE SIERA-
KOWSKI Piſſime Archipræ-
ſul, atque integerrime Senator,
ſive ea ſit ars, ſive ſcientia, ſeu
potius ut ſenſiſſe videtur Plato,
res multo cæteris liberalibus di-

ſciplinis præſtantior atque divini-
or, quæ illas omnes
amplectens, illarum etiam omnium utilitates unâ
hominibus præſtet, & carminis ac numerorum
dulcedine mirâ animos iucunditate permulceat; ve-
tuſtiſſimam eſſe & nobiliſſimam, cùm doctiſſimi Viri
memoriæ prodiderunt, tùm ex litteris ſacris id li-
quidò & manifeſtè apparet. Ex his enim novi-
mus originem duxiſſe à divino verbi Dei concentu,

ſac

quo



quo Pater universitatem hanc rerum multis muneris vinxit, & versum reddidit. Quam cum in principio condidit, in Verbo condidit numeroſe dicente, quæ Pater numeroſo repræſentavit; Sancto Spiritu inbalante, & ſonum vocum ciente. Atque adeo rerum ordo ſuis partim vinculis nexus, partim intervallis, diſinctus mutuâ vice conſenſionis, & varietatis concentum quemdam & harmoniam effecit; unde juſtus hic & numeroſus orbis exiſtit, quem verſum & carmen Patres dixere; Hinc in cœleſti Hierarchiâ novem chori. Hinc in Sula-mitha Eccleſiæ typo, cum choris caſtra conjuncta. Ad Intelligentiarum pulſus orbis cœleſtes inciti, tenorem carminis ſervant, & concentum edunt. Verbum ipſum Divinum quod egerat in Patris ſinu, præſtitit in alvo Matris. Cum eius ore canens Infantem Baptiſtam intra materni ventris anguſtias, ire in ſaltus compulſit, libertate motûs carceris anguſtiis caſtigatâ: ut Poëtica licentia vin-cta numeris in eo corporis ſubſultu appareret. Quid? Ipſum, in quo ſe Sacramentum, ſuos Sacerdotes, ac Patres inſtituit, convivium, hymnus tanti myſterii ſigillum, confirmavit. Imo & intentis in Cruce nervis Pſalmum Davidicum canens, ſe
ſe

*se concentus magistrum exhibuit; ut quâ mundum
 harmoniâ condiderat, eâ instauraret. Jam vero
 Spiritus ille sanctus Archiphonascos, Prophetarum
 eorum corda domuit, oraque in versum pressit, ut
 Enthusiasmo Vates æsrum paterentur, & in car-
 mina erumperent. Hęc Moses, hęc Maria, hęc
 Debhora, hęc Anna, hęc Judith, hęc Ezechias, hęc
 Zacharias, hęc Maria, hęc Simeon incitati cecine-
 runt. Illo Job, Isaias, Hieremias, Abacuch spi-
 rante, statum Poëtæ prodierunt. Salomonis sapi-
 entia orbe cantici coronatur. David non cantor
 modo & modulator, sed totus harmonia & vox
 fuit. Idem Numen Ecclesiam offiit agitque in can-
 tus; præcentrix illa Triumphantis est, & cum Chri-
 sto Leone militans, Agno Christo præludit. Tota
 vocalis & musica, per omnes sacri corporis partes
 in versus erumpit. In quibus quidem legendis ne-
 minem opinor, tam immanuetum, tam ferum, tam
 prorsus lapideum, qui non intimis sensibus per-
 moveatur, ac ab hisce terrenarum rerum cogita-
 tionibus ad cælestium, & Opificis Dei contemplati-
 onem non rapiatur. Poëtas igitur cum dico, non
 eos intelligo, qui dum obsœnis suis carminibus
 divino hoc Poëtices munere abutantur, juvenum*

animos inquinant, nefariisque, & flagitiosis appetitionibus imbuunt, quos & leges coercerent, & ab urbibus exclusisse Platonem crediderim; sed eos, qui non solum doctrinae eruditione, & candore styli legentium ingenium acunt, iudicium augent, & sermonem expoliunt; sed etiam virtutis & probitatis à se laudatæ præconio animum, ad honestas præclarasque actiones excitant, tum verò innocentis vitæ exemplo ad benè, beatè, piequè vivendum incendunt. Quales (ut Græcos, veteresque Latinos præteream) fuere apud Hebræos ii, de quibus supra attigimus, & apud meos Italos: Jacobus Sannazarius, Hieronimus Vida, Antonius Flaminius, paucique alii nonnulli, (exiguus enim semper in omni ævo summorum Poëtarum numerus fuit) qui omnes quanto in pretio fuerint, notius est, quàm ut meo, aut cuiuscumque egeat testimonio. In horum paucitate, si quis alius, mihi maximè dignus numerari videtur Simon Simonides Leopoltitanus. Cuius Opera Poëtica omnia, sive ad res sacras, sive ad civiles pertinentia ita eleganter, ita luculenter, ita suaviter confecta, ut Numine dictante excepisse videatur. Quod verò admirationem auget, scripsit uzo eodemque tempore
tum

tum Latinâ, tum Polonicâ linguâ, sic, ut cum utrâque excellat, dubium sit utrâ magis polleat. Sed de Polonicis Simonidæ carminibus aliquot abhinc annis editis sententiam dicent eruditi Poloni. Quid de Latinis sentiam ego, Italus, atque in hoc studio non prorsus hospes, dicere non alienum nunc existimo; ac mihi quidem in Simonidæ omnis generis poemata intuenti, haud satis liquet in quibus magis emineat: adeo se se in unoquoque perfectum, atque omnibus eloquentiæ numeris absolutum ostendit. Quis enim in inventiundo acutior, locupletior, recentior? Quis in constituendo compositior, aptior, accomodatior? Quis in eloquendo luculentior, splendidior, illustrior? Numerorum certe ea varietas est, id artificium, is concentus, ut legentium animi insolitâ suavitate perfusi, omni se sentiant dulcedine liqueferi. Quid dicam de decore rerum, personarum, temporum, & locorum servando? in quo Simonides adeo & perspicax, & vigilans est, ut nihil quicquam ne criticis quidem relinquat, quod desiderari, aut reprehendi meritò queat. Illud minime prætermittendum, quod cum Simonides sui naturâ semper in sublime feratur, tamen demittit se aliquando ad Epithalamicos amores cantandos



dos, eâ tamen adhibitâ cautione, ut nihil unquam
scurrile, nihil sordidum, nihil civili temperatoque
homine indignum effutiat, sed semper sui, hoc est,
honestatis memor; omnia plena pudoris, plena ve-
recundiæ, plena gravitatis, & dignitatis enunciet.
Sed nec silentio prætereundum, (quod imprimis
dicendum fuit) Simone Simonide neminem magis
Relligionem coluisse, neminem Patriam charitate
ardentius prosecutum esse, neminem in Dominos
suos & amicos, & fide, & officiis constantiorem fu-
isse. Sed singulares huius Poëtæ dotes in sequenti
præfatione fusius persequor; hoc uno tantum addi-
to hic concludo, Simonis Simonidæ carminibus, do-
ctorum, & bonorum omnium consensu nihil esse
perfectius, exactius, absolutius: itaque illi quàm
paucissimos comparari posse, neminem anteponi de-
bere. Huiusmodi ego Poëmata in lucem emissurus
mea quidem sponte, & sumptu, non abs re me fa-
cturum putavi, VENCESLAE Archipræsul Opti-
me, si quò gratiora omnibus forent, Tui Nominis
inscriptione ornarem, & veluti nova luce illustra-
rem; quandoquidem in Te uno omnia Antistitem
ornamenta conspiciuntur; atque ille es Bonus Pa-
stor, qui summi Pastoris imitatione, animam suam
dat

dat pro ovibus suis, in eamque curam dies, no-
ctesque incumbis, ut in populis fides Tuae commis-
sis Christi Dei Fidem ab omni labe puram, inte-
gramque conserves.

Tu fontes liquidos, lataque pascua,

Tu infirmo pecori das medicamina,

Sanans quod fuerat corpore morbidum,

Lacte & vellere ut affluat.

Tu post TE populos eloquio trahis

Dulcis dum loqueris blandius Orpheo

Illis verba Dei, verba salubria

Suavi plenaque necesse.

Tu Lumen rutilans in medio atrii

Tu montis posita in vertice Civitas,

Tu Sal terræ avidum, Tu speculum nitens,

Exemplarque Viri integri.

Hæc sunt illa Laudum Tuarum ornamenta,
non omnia, sed præcipua, quæ omnibus cognita,
hic commemoro, ut omnibus planum faciam, quàm
jure & merito Simonis Simonidæ carmina Tibi
inscripserim. Sed nec defuit alia etiam causa, quæ
me

me, ut hoc facerem, impulit. Cum enim Simon Simonides fuerit Leopoltitanus; neminem videbam, cui rectius, & decentius quàm TIBI ARCHIEPISCOPO LEOPOLITANO inscriberetur. Nunc reliquum est, ut Simonem Simonidam per me redivivum, Patrocinio TUO tuearis, meumque erga TE Piissime ARCHIPRÆSUL obsequium boni consulas. Deus Optimus, Maximus TE Russiæ Populis conservet,

*Detque TIBI corpus vegetum, viridemque senectam;
Floreat atque TUUS Grex, & TIBI credita Tellus.*

Scribebam Varsoviæ Mense Maio 1772.

IN OPERA



IN OPERA POETICA
SIMONIS SIMONIDÆ BENDONSKI

ANG. DURINI ARCHIEPISCOPI ANCYRANI

NUNTII APOSTOLICI

P R Æ F A T I O

AD INCLYTAM IUVENTUTEM

P O L O N A M.

QUantum momenti remotior Antiquitas esse iudicaverit, ad hominum vitam regendam, moresque conformandos in severâ scelerum vituperatione, recte autem & fortiter factorum commendatione luculenta, satis demonstrant funebres illæ Orationes olim in exequiis illustrium Virorum haberi solitæ, quas & Græcia instituit, & Roma (a) ita solemniter usurpavit, ut sæpe ipsi Imperatores, minime augusto illo Romanæ Maiestatis fastigio indignum esse existmaverint: quibus in Imperio successores fuerant, eorum res præclare gestas principali facundiâ exornare. Sed Encomiorum omnium, sive ea mortuis seu viventibus tribuenda sint, duo sunt genera: Quædam enim soluta oratione explicantur, quædam vero carminibus, numerosisque vocibus, quasi invecita & incitata, vehementi-

A 2

(a) Romana lex de spectatis formis, perinde ac de viris, post mortem haberi panegyrim, easque pro dignitate laudari iubeat; quo virtutis præmio aliæ commoverentur,

mentius ad hominum aures, sensusque perferuntur. Prioris generis Panegyricæ orationes multæ & Græcâ linguâ & Romanâ conscriptæ adhuc extant; posterioris habemus Homeri, & Pindari Hymnos, quibus in Græciæ Theatris atque congressibus decantatis, mirum in modum erudita illa Natio delectabatur. Atque hæc duæ laudationum species, ut in multis conveniunt, ita etiam in nonnullis discrepant. Eam autem arbitror esse discrepantiam inter solutam orationem, & versum, quæ inter simplicem oris nostri sonum, tubæque clangorem percipitur ab omnibus. atque exauditur. Nam quemadmodum spiritus noster longe edit clariorem sonum, cum illum tuba per flexi æris cornua atque angustias tractum patentiore novissime exitu effundit, sic animi nostri conceptus clariores atque altiores constrictâ illâ & modulata carminis necessitate efficiuntur. Ac nescio quo fato id evenisse dicam, ut quibus temporibus famosa bella a Regibus, aut Rebuspublicis terra marique gesta sunt, iisdem etiam Poetæ excellentes pœne divinitus excitati extiterint, ad eas res, quæ tum gerebantur, versibus concelebrandas, & in æternam posteritatis memoriam propagandas; quâ in re demonstranda nulum opinor ex Scriptorum monumentis nec clarius, nec antiquius argumentum erui potest vetustissimâ illâ expeditione Argonautarum,

(b) *Vellera qui Myniis nitido radiantia villo*

Per mare non notum primâ (c) petiere carinâ.

cui

(b) Ovidius in Metamorph.

(c) Navis omnium prima mari credita, qua Jason cum quinquaginta quatuor heroibus in Colchum navigavit rapturus vellus aureum. Navim Argo dictam volunt vel ab Argo artifice, vel ab Argivis seu Græcis remigibus, Palladia vocabatur quia Palladis ope structa. Dodonæa etiam dicebatur a Dodone sylva, ex quâ compacta fuit; cuius abores olim cum oracula redderent, navis ipsa vocalis dicta est. post expeditionem in cælum subducta.

cui militiæ cum certatim omnes, qui tum appellabantur Deorum filii, nomen dedissent, illi ipsi Orpheum Poetarum omnium Parentem socium voluerunt, sine quo labores omnes suos, quamvis admirabiles, temporis tamen fugâ perituros, tandemque in obscuro futuros existimabant. Iost res Colchicas, atque, ut cum Manilio loquar:

Semideum Navim quæ nunc quoque navigat astris.

sequutum est bellum Troianum ab iis Ducibus administratum, quorum parentes sub Jasone vellus aureum armis repetente, ordines duxerant. Nec vero patribus ab Orpheo collaudatis, filiorum gloriæ Phemius, & Demodocus Poetæ egregii defuere; quin etiam ipsum Mæonidem

- - - à quo ceu fonte perenni

Vatum Pieriis ora rigantur aquis.

nonnulli authores Iliacæ obsidionis, bellique & scriptorem, & spectatorem fuisse memoriæ prodiderunt. Cum vero bello Troiano Victores Argivi & decus sibi atque otium peperissent; nullo, vel formidoloso, vel valde memorabili bello à Barbaris petiti sunt, usque ad Darii, Xerisque Regum imperia, qui cum dominationem suam, ut scribit Herodotus, non montibus, nec fluminibus ullis, sed cæli ambitu ipso definire, & terminare statuissent, per Legatos superbe admodum a Græcis universis aquam terramque poposcere, quorum Elementorum utrumque non paucis offerentibus, aliis autem fortiter denegantibus bellum illud Persicum periculosissimum exarsit; cum Persæ innumeras Asiæ Nationes in partes traxissent; Græci autem ad commune ius libertatis defendendum Siculorum, atque Italorum auxilia implorare cogerentur. Atque ab hoc illis tantæ servitutis discrimen, quatuor pedestribus præliis sane memorabilibus depulsum est, unaque potissimum illustri pugna navali Salaminia. Quo quidem tempore ne tot fortibus, & bellicosis viris *magna animæ prodigis & pro Patria*

Patria non timidis mori, graves, & canori Præcones deessent, Euripides, Æschylus, Simonides, Archilochus, Bacchillides, Pindarusque viguere. Persarum sic dominatione omni impulsâ prostratâque, Alexander Macedonum Rex pulcherrimæ expeditionis Dux constitutus est, qui cum non minus litterarum studio, quam bellorum cupiditate flagraret, arma illa invicta toto orbe circumferens, atque, ut ait Poeta æstuans *infelix angusto limite mundi*, non Centuriones tantum & Tribunos in comitatu habuit, sed Poetas celeberrimos scriptores rerum suarum: quorum ingeniis aliquid sublimius desiderans, Achillem hoc uno se feliciorem fuisse dixit, quod (d) laudatissimo Homeri Poemate commendatus ubique claruisset; unde illud Silii Italici

Felix Æacida; tali cui contigit ore

Gentibus ostendi: crevit tua carmine virtus.

Alexandro mortuo Imperium illud infinitum a Proceribus primum distractum est, tandemque occupatum a Romanis omnium Gentium Victoribus, apud quos cum militari disciplina ars quoque Poetica inventa & exulta est, atque in summo honore, & pretio habita. Hinc Romani illi Heroes in epulis accubantes, clarorum & fortium Virorum laudes versibus mandatas canere ad tibiam consueverunt. Hinc (e) Ennii statua ad sepulchrum Scipionum viâ Appiâ:

(d) Alexander Magnus inter spolia Darii Persarum Regis, unguentorum scrinio capto, quod erat auro gemmisque ac margaritis pretiosum varios eius usus amicis demonstrantibus (quando tædebat unguenti bellatorem, & militiæ sordidum) immo, Hercules inquit, librorum Homeri custodie detur, ut pretiosissimum humani animi opus, quam maxime diviti opere servaretur. Plinii verba sunt.

(e) Eius sepulchri Elogium inscripsit Cicero his verbis.

Aspicite o Cives seuis Enni imaginis formam:

Hic vestrum panxis maxima fasâ Patrum.

Et alibi loquentem idem Cicero sic inducit Ennium,

Nemo me lacrimis decoret, nec funera fletu

Faxis; cur? volito vivus per ora Virum.

viâ Appiâ: de quo hoc olim legi Epigramma recentioris
Poetæ ex inclyta Theatinorum Familia

*Scipiadum ad cineres insculptam marmore vivo
Vatis Apollinei cernitis effigiem.*

Ennius iste, gravis vultu, nivedque verendus

Canicie, Aonidum gloria, amorque chori:

Heroas cecinit, magnorum & sacra Quiritum;

Crevit & eximio a Vate Latinus honos.

Scipiadum illustres animæ, queis gloria cura

Vel fidum ad cineres Hunc voluere suos.

Hoc præsentē putant revirescere nomina, quodque

Mors delet, Musis hunc reparare suis.

Julius autem Cæsar Augustus, qui magnitudine rerum suarum terræ totius habitabilis imperium complexus est, Publium Virgilium (f) Maronem non cognitione tantummodo dignum existimavit: sed præmiis etiam & honoribus amplissimis affecit: Cui quidem tantæ & tam admirabili summi Principis beneficentiæ gratiam Poeta omnium ætatum præstantissimus referens, unum id clarissimo Æneidos opere potissimum egit, & studuit, ut Cæsares & Iulios a nobilissimo Æneæ Iulique sanguine ortos, & iam inde ab infinita annorum serie universo terrarum orbi admini-

(f) Quanta fuerit æstimatio Poetarum Aug. Cæsaris exemplo constat, qui a Recip. negotiis seriatim duorum Poetarum gaudebat contubernio, Maronis & Flacci; licet alter lacrymis & oculis lippis, alter suspitiis & tussi Imperatoris gravis esset. Nec mirum, cum Poetis prima Veterum Philosophia fuerit & sapientia. Quare nec fero illos, qui nullo offenduntur magis quam Poetæ nomine, quod adeo venerabile est, ut omnium dignitatum & appellationum titulos transcendat. Legimus, & Metellum illum pium, Poetis etiam inereditis aures suas dedisse, qui res a seipso gestas utcumque canerent. Cicero autem cum a cantoribus verius quosdam ex Virgilii Eclogis recitare audiret, in hæc verba erupit

Magnæ spes altera Romæ.

significans, ipse ut latinæ linguæ spes prima fuisset, ita secundam futurum Virgilium.

adminiftrando per oracula , fortesque antiquiffimas defti-
natos oftenderet. Itaque cum Homerus ampliffimam, &
maxime diuturnam Iuliorum & Cæfarum potentiam, in
terrīs fore præfagiffet his verſibus

Ἡ δὲ δὴ Αἰνείδω βίη τρώεσσω ἀνάρξει

Καὶ παῖδες παυδῶν, τοῖσιν μελόπιθε γένωνται.

Illos ipſos ita in Æneidem ſuam Virgilius tranſtulit.

At domus Æneæ cunâis dominabitur oris

Et nati natorum & qui naſcentur ab illis.

Quis neſcit Populum Romanum Vniverſum Virgilio in
Theatro recitanti tamquam Imperatori aſſurrexiſſe; Corne-
lium Gallum ab Auguſto Tribunum, Silium Italicum a
Domitiano ter Conſulem creatum, Saleium Baſſum a Ve-
ſpaſiano quinquaginta donatum ſeſtertiis; Martiali Serti-
nium, Claudiano ſtatuum erexiſſe Arcadium, & Honorium;
Opiani verſus nummis aureis exæquaſſe Antoninum. Ca-
rolus autem Magnus, poſtquam Imperium Romanum tre-
centefimo iam & trigefimo anno in Italia proſtratum ac
Barbarorum inſolentia miſere conculcatum denuo erexiſ-
ſet, & quod longe omnium primum eſt Chriſtianis Riti-
bus, & moribus firmaveſſet, corroboraveſſetque ditioni ſuæ ad-
iunctis Galliis, Hiſpaniis, Pannoniis, Germania, Italia, Bri-
tanniâ, Dalmatiâ, aliisque Europæis Gentibus bellicoſiſſi-
mis: duo in orbe terrarum maxime inſignia Gymnaſia,
Bononiienſe ſcilicet, & Lutetianum inſtituit, eaque undi-
que accerſitis, & liberaliſſime invitatis ingenuarum arti-
um literarumque omnium magiſtris inſtruxit, atque exor-
navit. Nec deſunt etiam, qui ſcribant illum ipſum tot
Imperii, Regniſque negotiis implicitum, antiquiſſima quæ-
dam Gallorum carmina, quibus priſcorum Regum, Ducum-
que res illuſtres celebrabantur, publice cantanda in vul-
gus ediſſe. Prætereo pæne innumerabiles in omni Poefe-
os genere præſtantes Viros ſub Leone X. e mea Italia artium

adinven-

adinventrice, & magistra Doctrinarum: E Gallia sub Francisco I. scientiarum eximio, & munifico altore: Ut ad illum tandem deveniam, cuius causâ qualiscumque mea hæc fermocinatio præcipue suscepta, *Simonem*, nempe *Simonidem* Leopoltanum, quem ego divinitus excitatum arbitror ad Stephani Bathorei Regis Poloniæ inclyti, Magnique Joannis Zamoscii Reip. Pol. Exercituum Præfetti facta condecoranda iis versibus, qui Veterum Græcorum, Latinorumque carminum gloriam, & verborum splendore, & sententiarum gravitate, & numero ipso concentu facile adæquarunt, quibusque tandem effectum est, ne ulterius suos Jovianos, Aëtios, Politianos, Lampridios, Flaminios Italiæ, Macrinos, Auratos, Hospitalios, Bassios, Bellaios Galliæ; Camerarios, Melanchtonios, Sabinos, Lotichios, Melissos Germaniæ invideret Polonia. Etenim nemo Poetarum quod sciam melius, quam *Simon Simonides* calluit Poesim ab otiosis & futilibus nugis, quæ nativam illius (g) nobilitatem nimium quantum infamant, ad sublimiora humanæque felicitati profutura argumenta revocare, atque ad utiliorem morum, vitæque disciplinam traducere. Quod si singula eius carmina diligenter excutiamus,

B

in omnibus

-
- (g) Si verum amamus, id sane fateamur necesse est Poeticam artem a Philosophia non instituta, sed tempore & ortu, non rebus, sed numeris & modis seiunctam & separatam esse. Quod cum ex Vatis aliis tum præcipue ex Homero Poetarum omnium Principe & Patre cognoscere facillimum est, qui nec nobis Agamemnonis gravitatem, neque Achillis præcipientem iracundiam, neque Ulyssis prudentiam, neque Therisitæ temeritatem, neque Hectoris robur, neque Paridis molliorem, neque Nestoris sapientiam, neque Aiæis & Diomedis magnanimitatem per totum Poema suum ob oculos posuisset, neque facta præclara miris in cælum laudibus extolisset, neque flagitia in bello aliisque locis admissa toties vituperasset, nisi musico illo & modulato genere scribendi, id ipsum quod Philosophi postea conari sunt, iam tum assequi studuisset: ut scilicet homines vitiorum quasi deformitatem evosi, universæ honestatis pulchritudinem cupide spectantes adamarant. Unde Græci Filios suos potissimum poetis erudiendos tradiderunt, solos nimirum illos sapientes iudicantes.

in omnibus nihil fere, nisi grave & serium, & Juventutis moribus conformandis valde necessarium contineri inveniemus. Longissime enim abfuit *Simon Simonides* ab illa Poetarum fere omnium improba opinione, qui tum maxime dicendo splendere censent cum amore vesano ardent, tum acutissimi esse, cum tela Cupidinis acuunt, tum acerrimo videri ingenio, cum hoc indulgent genio. Ergo nulla suavitas erit Poetæ nisi delibuta veneno? nulli horri, nisi Adonidis? nulla voluptas, nisi adpersa cæno? non afficiet animum, nisi etiam inficiat? At hæc in Epicuri gurgustis disputent non in Musarum sacrario.

Castæ placent Musæ.

Vidit hoc Theocritus cum dixit nihil hominem ab omni illecebra revocare magis, quam Musarum cantum; Hinc illa non magis decora fabulis, quam significatione vera, Sirenes, blandas illas voluptatum conciliatriculas a Musis cantu fuisse superatas, pennis etiam evulsis, ex quibus coronam sibi Musæ confecerint. Vidit & *Simonides* noster, ex cuius carminibus quid honestum, quid turpe, quid utile, quid inutile, quid fugiendum, quid optabile sit

Plenius ac melius Chrysippo & Crantore dicit. Horat.

Atque hæc, quæ diximus in rebus ipsis elucet, in verbis autem & numeris *Simonidæ* tantus est splendor, tanta gravitas, tanta sublimitas, & grandiloquentia, ut eum (quod Horatius de Pindaro) violentissimi torrentis more incitatum ruere, omniaque sibi obvia rapere secum, & auferre dixerim. Non prætereunda est hoc loco Aristotelis verissima sententia, qui de arte Poetica scribit, excellentis Poetæ, summum artificium esse τὰ πράγματα τίθεσθαι πρὸς ὁμμάτων hoc est omnia ita luculente describere, ut quæ narrantur non recitari, sed potius fieri coram gerique videantur. Huius tam egregii operis sibi gloriam & palmam suo quodam iure *Vates Leopolitanus* vindicat.

Argu-

Argumento sunt loca plurima, sive in Epithalamio Sigismundi, sive in Casto Iosepho, sive in Hercule (*h*) Prodigio, in quibus res non tam commemorantur quam quasi in tabula effictæ, pictæque proponuntur; Quod vero in supradictis *Simonida* Poematibus, id per alios omnes hymnos æqualiter sparsum & diffusum reperietur. Quæ omnia cum apud me sæpissime reputarem, & considerarem operæ pretium me facturum, deque inclyta Polonorum Gente bene meritum existimavi, si *Simonis Simonida* carmina omnia, quæ possem, dispersa colligerem, & quasi in unum corpus compacti ex tenebris Bibliothecæ Zaluscianæ & Cracoviensis Academiæ eruerem, inque illam lucem proferrem, quam oblectatores atque æmuli Eiusdem perpetua nocte involvendam obruendamque flagitiose curarunt. Nec vero defuturos scio, qui me ad studia severiora (*i*) revocent, nostramque operam & industriam melius in aliquo Theologo, quam in *Simone Simonida* in lucem protrahendo collocari potuisse existiment. Verum enim vero ut personæ, quam sustinemus, nonnulla alia magis convenire & congruere fatemur, & ne illa ipsa aliquando attingere liceat, minime nobis interdictum putamus: sic *Simonianam* Poesim rerum gravium & magnarum cognitione abundantem, ad vitæ communis usum spectare imprimis & pertinere arbitramur. Ac si Gregori-

B 2

us Nazi-

-
- (*b*) Humanæ vitæ speculum, hocce Simonidis carmen iudico, utpote ex quo omnis illa, non solum cognoscatur, sed quomodo instituenda, quæ eligenda, quæ omittenda, intelligatur.
- (*i*) Ea fere hominum conditio est, ut quotidianam sapientiæ professionem suaviore otio diffindere ament, & postquam sezi fuere cupiant in amœniora secedere. Huic in deliciis exotica sunt, & ex alio orbe allatus Simius, Pistracus. Illi testacea, conchæ, cochleæ diem trahant. Alios Veterum Græcorum & Romanorum utensilia occupant, Lychni, fibulæ, pelves, unæ, numismata. Sunt, qui felicitatis suæ summam ponunt canibus imperare atque Equis, alii strillis indulgent: mihi duæ maxime arident. Philolophia & Poesis. Illa seria & ad vitæ usum faciens, hæc magis ad oblectationem.

us Nazianzenus scriptis Poetarum mire delectatus est, & ipse etiam suorum carminum volumen posteritati reliquit, si Jo. Chrysostomus Aristophanis Comædiis noctu etiam pro pulvino usus legitur, si Euthatius in Homerum scripsit Commentarios, si Basilii Cæsariensis, adolescentes ex Poetarum scriptis multum proficere & posse, & debere docet: Si Clemens Alexandrinus, & Eusebius in difficillimis etiam de Deo (k) quæstionibus illustrandis, confirmandisque Poetarum gnomas adhibuerunt; Si denique Ambrosius, Prudentius, Damascenus, Paulinus, Prosper, Sadoletus, Bembo, Urbanus VIII. Alexander VII. atque hoc nostro ævo Cardinales Melchior Poliniacus in Gallia, Angelus Quirinus in Italia, in Poesi canitiem suam oblectavere, non video, cur vitio verti debeat mihi Nuntio Apostolico, quod *Simonem Simonidam* Poetarum omnium, quos peperit Polonia, Principem deveneratus fuerim; statuerimque ad Polonici nominis gloriam, literarumque utilitatem prelo committere, cuius Poesis tot verborum, sententiarumque luminibus distincta & ornata est; tanta rerum illustrium multitudine locupletata, ut in ea cum gravitate suavitas, cum voluptate & delectatione utilitas certare & contendere videatur: neque illud improbandum in Odis Dytirambicis istius Vatis excellentis, quin potius prædicandum est, atque imitandum, quod sæpe instituto sermone abrupto quasque derelicto in aliarum rerum magnarum certe, & cognitione dignarum vacua spatia libere vel potius

(k) Ephrem Syrus a Theodoro laudatur, qui ad eius sæculi corruptelas reprimendas, & ad hæreses proligandas de rebus divinis Odas conscripserit. Ac mihi Græcorum & Romanorum studia antiqua memoria repetenti vix ullus in ceteris artibus & scientiis reconditis præstans Vir occurrat, qui non severioribus aliis ac maioribus studiis hanc Poeticæ facultatis suavitatem, & hilaritatem aliquando asperserit. Tales fuere apud Græcos Solon, Plato, Aristoteles; apud Romanos, M. Tullius, M. Varro, uterque Plinius, aliique complures omnium ætatum & Regionum.

tius licenter excurrit. Enim vero longiusculas illas digressiones, quas Græci appellant *ἐκβάσεις*, ut a Pindaro, sic & a *Simonide* nostro usurpatas fuisse existimare debemus, partim ut hoc genere scribendi Lectorum fastidium vitaret, partim ut diversarum rerum, sententiarum, historiarum, fabularum coacervatione furoris, & cuiusdam divini afflatus opinionem sibi artificiose quæreretur: in quo quidem artificio adeo feliciter imitatus est Pindarus, ut Thæbana lyra quasi hæreditario ad eum iure pervenisse videatur. Et si contingeret, ut cum iis, qui recentiorum Poetarum Latinorum Principes habentur in Italia, Gallia, Germania, aliisque Regionibus exultis in contentionem de Principatu veniret; profecto in inveniendis rebus, iisque verborum, sententiarumque luminibus illustrandis, omnique apparatu poetico instruendis neminem non metueret; quin & meo quidem iudicio longo intervallo omnes post se relinqueret. Quare non possum satis intelligere, quomodo Tantus Vir, quem Lipsius sui sæculi Varro, inter Poetarum apices posuit, quem magnus ille Heros Jo: Zamoscius baltheo Equestri, quem CLEMENS VIII. Pontifex Maximus laurû Poeticâ ornavit, quomodo, inquam, illa vis ingenii, doctrinæ admirabilis, ac prope divina ad Poesim indoles Pindaricam notitiam effugerit Renati Rapini Poetæ eximii, atque in æstimandis Poetarum ingeniis iudicio prudentiaque præstantissimi, qui in suo de Poetis (1) commentario nullam prorsus mentionem facit de *Simone Simonida*, quem si agnovisset certe suo *Sarbievio* & sublimiorem & puriorem invenisset: Non enim credibile est Renatum Rapinum,

(1) Parmi les Lyriques Latins des derniers siècles, j'en trouve trois qui se sont distingués des autres. Casimire Sarbiewski Polonois, Duncan de Césaires, & Magdalener tous deux François. Sarbiewski à de l'elevation, mais sans pureté. Magdalener est pur, mais sans elevation. Césaires a joint dans ses Odes l'un & l'autre. Rapin T. II. des réflexions sur l'Eloquence, la Poétique &c. Amsterd. 1693. 8. p. 208.

Rapinum, utpote erecti Vir ingenii, laborasse tam stultâ philautia atque ut ita dicam, hæresi quorundam hominum caudato Pavone superbiorum, qui nullas alias merces æstima-
 mant nisi suas, nulli alii vino hederam suspendunt nisi suo: cum de *Sarbievio* Societatis suæ *Pullo atque Delicio* non veritus sit pronunciare:

Sarbievski à de l' elevation, mais sans pureté.

Cui sententiæ Daniel Morhofius atque alii subscripserunt, addentes illud etiam, quod *Sarbievius* affectaverit Metaphoras nimis audaces, quod antichetis non utatur tantum sed abutatur, quod subobscurus, quod stylo afro sæpe scribat, non Romano: quæ vitia, equidem nemo cui *mamilla salit, & Italum acetum est in pectore*, inveniet in *Simone Simonida*. Candor, polities, lepos, nitor minimum sunt in illius Poesi. At vero seria eruditio, sententiæ crebræ ac graves, mira ubique sanitas sensuum, & per totum carmen, veluti sanguis per universum corpus diffusa naturalis quædam gratia atque iucunditas lectores probos non minus capiunt, non secus afficiunt quam Poetæ Veteres, Pindarus atque Horatius: Omitto omnem illam stupendam artem, quâ se noster *Simonides* tam ingeniose Lectorum animis insinuat, iisque motus suos & affectus inspirat, & genii sui vim per omnia extendit; quæ sane totidem artis miracula censerî debent, neque a mediocribus ingeniis capi possunt. Nam maioris est acuminis & iudicii illa in carmine videre, quæ bona sunt & excellentia, quam quæ minus perfecta & vitiosa; quia manifestius oculos percellunt nævi quam virtutes, quæ levi negotio fallunt plebeias mentes, neque percipiuntur, nisi ab erectioribus. Sed ut statuatur aliquid certi de *Simone Simonida* deque *Casimiro Sarbievio*, necesse est observare discrimen inter huius & illius *characterem*, plurimum enim inter se differunt. Nam quam studiosus est ornamentorum *Sarbievius*, tam
 parvus

parcus est *Simonides*. Ista nobis discrepantia certum signabit discrimen inter genium uniuscuiusque. Nonnulli se acres Criticos venditant & de *Simone Simonida* iudicare audent, qui neque scandere callent illius Odas, & nunquam scire potuerunt, in quo consistat excellens illa virtus ingenii & iudicii huius Poetæ, quâ *Sarbievium* facile superavit. Ego quidem in his studiis non prorsus hospes quique a duobus annis, *Simonem Simonidam*

Nocturnd versoque manu, versoque diurnd.

nihil in eo æque admiror, quam sobrietatem illam ornamentorum stupendam, quâ nihil effert, nisi quod efferri debet, semperque credam ab hac parte *Simonidam* esse considerandum. Premenda sunt propius eius vestigia, si quis discere velit parsimoniam illam multa dicere, atque prudentissimam esse: imo si quis sensum recte penetrare potest, non minus interdum admirabitur, ea quæ reticuit, quam quæ dixit: Et certe prudentia *Simonidis* tam grandis fuit, ut sibi (*m*) moderari potuerit, & temperare in ardore *imaginationis* incensæ a genio equidem maxime Poetico maximeque afflato. *Sarbievium* si conferas insanum & furiosum dicas, destitutumque illa maturitate iudicii, quâ regnat *Simonides*, quem hac in re comparo Exercituum Ducem, qui in medio igne & pulvere, & fumo, inter armorum strepitum, turbarumque clangorem, ad nullam rem attendit, quam quæ a prudentia dictatur. Quod certe magnorum duntaxat Virorum est & consummatæ sapientiæ, qualis fuit illa *Simonidis*, qui in ipso furoris Poetici ardore nihil dicit, quod dici non debeat, & plus semper cogitandum relinquit, quam quod dicit. Habet forte *Sarbievius*

(*m*) Hinc Vida in arte Poetica, hæc habet de furore Poetico
 Ne tamen ah nimium, Vires concede calori
 Sisle forentem animum fœno, & sub signa vocato
 Et premere, & laxas scito dare catus habenas. &c. &c.

bievius quedam argutiora, quæ oculos ritu fulminis citius feriunt, quæ si acuto oculo consideres, illico dicas, non omne id esse aurum quod lucet, similique tibi videbuntur illa in speciem maxima ornamenta genis quibusdam, qui noctu mortalibus illudunt. Apparent enim armati Herois instar, stringunt gladios, protendunt frameas, mox ubi propius successeris, & tetigeris acreum fucum deprehendis. Ut paucis dicam; tota illa ornatuum moles leve frigidumque negotium est, possisque dicere de illa, quod nuper quidam de Magnate uno, homine valde ab extra specioso: Si adimas vestis & comæ luxuriem, haud dissimilem fore cæteris mortalibus: Etenim si *Sarbievio* demas exaggeratam & insolentem illam Epithetorum & translationum pompam similis sæpe erit reliquo Poetarum gregi. Porro nunquam istæ affectatæ Veneres placere possunt cordatis Viris: quocumque enim loco ponas male illis convenit cum reliquo corpore, quia nimis eminent, quod tanta cum bile sui Ævi Declamatoribus obijcit ille boni saporis Criticus apud Petronium. *Inanibus sonis*, inquit, *ludibria quadam excitando efficiſſis, ut corpus orationis enervaretur & caderet.* In cauta autem prudentia atque admirabili ornatuum parsimonia ostendit sese verus *character Simonis Simonidæ* leviter transeuntis materias suas, ut Viator festinans; generoso delectu recidit quidquid luxurians est & (n) superfluum, ut nihil prorsus retineat, quod non sit necessarium: Non dissimili modo, laudat Plinius celebrem illum Pistorem Timantem. *Timanti*, inquit, Cap. X. Lib. XXXV. *plurimum adfuit ingenii; in omnibus operibus eius*

(n) Quintilianus, nimium ingenii sui amatorem vocat Ovidium, ut indulgere illi maluerit, quam imperare. Scaurus quoque apud Senecam inter Oratores Ovidium vocare solitus fuit; addiditque non minorem esse virtutem scire desinere, quam scire dicere; sed non posse Ovidium, quod bene cessarit, relinquere. Eodem fluxu laborat *Sarbievius*.

eius intelligitur plus semper, quam pingitur. Quod ut melius intelligatur, ipse se explicat paulo inferius. *Rarum in successu artis, ut ostendat etiam, quæ occultat.* Talis erat admirabilis illa eloquentia, de qua Cicero loquitur ad amicum suum his verbis. *Sumpsi aliquid hoc loco de tua eloquentia; nam tacui.* Atque hanc ob causam nunquam exhaurit suam materiam *Simonides*, ut relinquat semper aliquid, quo ipsi penetrarent Lectores. In hoc siquidem consistit magnorum operum excellentia, quæ tum demum perfecta sunt, cum nihil habent, quod demi possint. Ab eadem ista perfectione nascebatur exquisitus ille bonæ mentis gustus quo imbuta erat Polonia sub inclyto Rege Stephano, eiusque celeberrimo Achate Jo: Zamoscio. Eo palato erat felix illa ætas, ut sobria ubique esset iuxta illud Horatii præceptum ad Pisones, quod quidem *Sarbievius* videtur ignorasse.

- - - - - *ambitiosa recidet*

Ornamenta &c.

Luxuriantia compescet

Idem Horatius hoc ubique inculcat, ut & in Satyra in Lucilium

- - - *currat sententia, neu se*

Impediat verbis lassas onerantibus aures.

Imo, inquit, ipse Lucilius

Si foret hoc nostrum fato delatus in avum

Detereret sibi multa, recideret omne quod ultra

Perfæctum traheretur.

Hic fuit genius sæculi Augustæi, quem Horatius & Virgilius hauserant a bona mente, quam amabant & colebant, quamque *Simonides* ubique Ducem secutus est, & tanquam suum *characterem* habuit. *Sarbievii* autem *character* in intemperantia atque insolentia translationum longissime ductarum versatur: Verba propria, apta, ac rem explicantia,

C

tanquam

tanquam ante pedes posita reiecit, abdita, abstrusa, quæ nemini unquam sano venerunt in mentem excogitat. Tumidus, inflatus, alas pandit, montium vertices appetit, atque ut ait Horatius

- - - *montes & inania captat.*

Qui ut cæteris vitiis careat, vel hoc ipso corruptus existimandus est, quod tumidus: ut enim corpora non (o) robore sed debilitate inflantur, ita etiam Poësis non viribus, sed morbo, vitioque turgescit. Fluxu isto linguæ impetuque imaginationis abreptus longius sæpe expatiatur quam debet, plenius omnia exprimit quam necesse est: adeoque Lectoris sui ingenio nihil relinquit, qui certe ut solidam voluptatem capiat, tam debet esse occupatus cogitando, quam legendo. Reprehendit hoc olim Apelles in Pictoribus suæ ætatis, ut notavit Cicero in Oratore. *Pictores eos errare dicebat, qui non sentirent, quid esset satis.* Quod Apelles de Pictoribus, Cicero de Oratoribus, ego de Poëtis dicendum censeo iuxta præceptum illud Horatii

Ut Pictura Poësis erit.

Constat quoque *Sarbievium* peccare non solum translatis immanibus ac furiosis, vi impetuque tanquam in alienam domum irrumpentibus, sed & in epithetis; atque illis naniis indulgere, in quibus toti erant corrupti illius sæculi Poetæ, quorum palato nullum fere Epithetum sapit, quod non simul contradictionem involvat eius verbi, cum quo iungitur, scilicet ut plus adferat splendoris orationi, & eluceat per hanc oppositionem: quibus deliciis nimium quantum capiebatur *Sarbievius*; cui nihil elegantius videtur ac pulchrius, quam verba iungere & in unum sensum redigere

(o) Quintilianus in suis institutionibus nihil tam inculcat discipulis suis, quam ut eam eloquentiæ viam rectissimam ducant, quam Tullius & Virgilius; Eam autem tanquam scopulum evitent, quam tumidi inflatique sectantur, additque inflationem & tumorem sicut in corporibus, non esse sanitatem, sed vitium.

redigere ex diametro inter se pugnancia: quod quidem scribendi genus fortasse non caret, externa aliqua venustate; sed ista venustas haud male comparatur steminis fucatis, quibus ornamentis opus est extrinsecus positis & arte factis, quia ingenuis & naturalibus desistuntur: Sæpe etiam commentario *Sarbievius* indiget atque interprete. Et quid hoc est ita scribere, ut non nisi adhibitâ Sphinge, consulta Pythia intelligi possis? Placeat hoc illis, qui saxa & lapides loquuntur, & per scæbrofa, & verrucosa incedere amant. Amo prolem facili partu editam. Quæ diu inter matrem & obstetricem hæsit, nec nisi uncis & speculis adhibitis in lucem protrahitur, horribilis exit obtorto collo, vel capite, vel pede, aut elumbis. Quapropter iure Cicero & Quintilianus eloquentiæ primas deferunt perspicuitati. *Est inquit, obscurior, quo quisque deterior.* Natura ipsa docet, ad eum finem datum esse sermonem homini, quo animorum sensus exprimeret; proinde qui cæteris plenius & dilucidius hoc faceret, hunc ingenio, hunc eloquentia valere, qui autem se attollere, & inexplicabili loquacitate circuire omnia quæ dicerent conarentur, eos ab ingenio facundiæque destitui, neque aliter facere, quam staturâ breves, qui se in digitos erigunt, vel expertes virium qui plura robustioribus minantur. Sed ne aliquis me id gratis de *Sarbievio* asserere, aut cavillandi studio lucem veritatis oppugnatum ire, & quod aiunt, Sandalium Veneris reprehendere existimet, nonnulla ex *Sarbievii* carminibus in medium afferam, quæ certe neque Horatii, aut ullius Veterum lucernam redolent, neque decebant illum Poetam (p) qui Princeps Lyricorum a suis agnoscitur atque proclamatur.

C 2


CUL-

(p) Principis superba appellatio nulli hominum ordini magis invidenda quam Varibus. Omnium modis & jaculis parent sic dicti. Citius ferant Reges Dominatum Atre & Atreæ quam Poetæ Principem. Unius dominatione genus irritabile Vatum ostenditur. Præstat intra honoris æqualitatem consistere.

CULPANDA IN SARBIEVIO.

Nemus ridens fletibus Amnium - - - facundisque musæ
Fletu fontium rident valles. Carmina deproperate remis,
Cachinnus aura plangens ripas. Alti navita sanguinis
Margines fluentorum invicem Portum non soliti nominis at-
cachinnantur. tigit.
Euri oscitantur in campis. Vates profunda navita gloriæ
Feretrum noctis. Caligat ala in portu nominis in-
Diei cunæ. clyti.
Nani colles. - - - totisque sonaret
Riparum pateræ. Lætæa tempestas fluviis.
Rores Floræ Olitores. Flosculi alas foliorum explicant,
Herbarum lacerti. Atque odoris flant suspiriis.
Caligo sereni. Absiste a placitis, ne Roma Pla-
Aura prati volantis. centia fiat
Herbosa superbia. Ipse Placentinus, ne videre, tace
Croci potantes vivum fluminis Ludo vices, Ludovicus, ait,
pudorem. Mars risit, & ohe
Vivi paries vitri. Lude meas inquit, Rex Ludo-
Nitens ore meridies. vice vices.
Formosus in Iride vultus. - Carolumque sonabunt
Risus siderum. Fortem saxa, gravem convalles
Siderum vaga crystallæ. flumina largum.
Maria alta famæ. - - - aurea
Fundum virtutum. Risere longum sæcula, sæcula
Procella nexillis florum. Auro laborata &c.
Florum procella. Tempestas Pegaseus Iemo volaturusque
Nimbus. currus
Odorati pupilli rosarum. - - - radiantium
Auræ vernula Tibicinæ. Flatus Quadrigarum.
Latrones mentis & excelsi inge- Et fernuginea plebe pecunia
Mystacles nimborum. (nii. Circumsusus honor.

Tunc



Tunc & caductis ningere liliis Urat minaci sidera fulgure.
Molles pruinæ, & violaria - - - -dolefi
Et nubem rosetorum protervo, Munera, blanditiæque belli.
In puerum cecidisse nimbo. Diademata fulgentia usque ad
Hic ille plenis Oceanus patet dies
Laudum carinis. Invidiam opprobriumque solis.
Appendit ensem qui male pallida

Hæc, & alia non pauca revera in opprobrium Romanæ
 linguæ, atque indigna non modo quæ in Parnassum, sed
 quæ in Cimmerium montem admittantur passim occurrunt
 in *Sarbievio*. (9) Quis non exardeat ad huius styli insolentiam,
 audaciam, corruptelam, lasciviam, inverecundiam,
 argutias, phaleras, cincinnos, & fucati candoris atque
 ruboris medicamenta? Memini me in Comædiis Plauti
 legisse de Coquo, qui ut se Lenoni, cui costum ibat, commendaret,
 culpabat condimenta omnia, quibus alii Coqui cœnas
 condiebant, ac nova & portentosa condimentorum
 genera afferebat, *Sicilendrum, polindrum, macidem, cicimandrum,*
happalopsidem, cataraëtriam, quæ omnia non rerum
 certarum

- (9) Si me non fallit natus; (quoniam Pædagogi damnant, quod ignorant) insurgunt in hæc mesm præfatiunculam gregatim ominosi vitiligatores, rabiosi, dicaces, isclanticuli, ieiunitatis pleni, male litteris inauspicati, Momique meracissimi; (deftos semper excipio & castigati examinis viros) qui, cum illam visuri sunt, venenatis invidentiæ spiculis, sermone dicaulo, vultuosa fronte spumanti rictu, eandem compungent, obelo fideant; oppedent; debebunt lituris intra se se indignabundi musantes; quamvis est hæc tam effrons Cicada, quæ tanquam Marfya cum Apolline, aut Pica cum Musis congregiendi tam licentiose, tam arroganter carpere præsumpserit Divinum *Sarbievium*; meque commississe immurmurabunt piaculum nullis Februalium Sacris expiandum, tanquam si Apolliniis Templo incassum; quibus sic respondeo: posse aliquem esse sanum bonorum carminum æstimatorem, licet non sit probus eorumdem artifex. Non dubitabo mutare sententiam, si errata mea cognovero. Interim sciant pro me stare Ciceronem, Virgilium, Horatium, Petronium Arbitrum Quintilianum, Deus bone quales germanæ eloquentiæ & Poeseos æstimatores atque Artifices!



certarum sed nugarum inanissimarum sunt vocabula. Ita etiam sepe *Sarbievius* non item ut Horatius, atque ut aureæ ætatis Poetæ Poesim suam condit; videlicet sententiis gravibus, translatis ratione sumptis, verborum complexione tenera atque flexibili, sed argutiolis puerilibus, translatis furiosis, anthiteris immanibus; Ubi Musa illa frugalitatis copię servatrix, graviumque Magistra sententiarum? ubi succus ille bonę mentis, & sanitas sensuum?

Et sane Horatio teste

Scribendi recte sapere est principium & fons.

Hęc sunt, quę improbare in *Sarbievio* quisquis debet, qui habet palatum, quęque nauseam movent delicatiori stomacho; ut sileam implicatam verborum seriem inter se ita insolenter, ita putide devinctorum, ut in toto eorum ambitu vix tenue prisci illius Romani sermonis vestigium appareat. Nonne hoc est vero Eloquentię Numine deturbato turpe abiectumque mancipium in ipsa Apollinis arce, in ipsis Musarum aris collocare? Neque putandum est *Sarbievium* nescivisse, quod optimum esset, aut quo genere orationis Musis litaretur & Gratiis, non vidisse. Fuit hæc illi quoque sapientia, ut fidem faciant non pauca ipsius Odę naturali illa & veteri pulchritudine exturgentes, & revera dignę Venusinæ Lucernæ. Placet, æternumque placebit (r) *Sarbievius*, sed in quibus minus laboravit, ut placeret. Displicet atque semper displicebit in quibus pravo studio

(r) Ludovicus Aubelius inter alia Hugonis Grotii; hoc de *Sarbievio* iudicium refert, *Non solum æquavit, sed etiam iurandum superavit Horatium. Cedit Judæus Apella, & quicumque non navit, iuræ anse, em & elorem quid intersit, non ego; Testudo aquilam, pumilio gigantem vicerit citius. Et me he, ele, quod Horatius de Pindari Emulo pronuntiabat, idem Sarbievius periculum, si altivolantem velit sequi Horatium, iure sibi meruist vitreo daturus nomina Ponso. Cedo mihi Hægo Grotii loca in quibus Sarbievius superavit Horatium, & eris mihi magnus Apollo.* Nullum est signum assertantis magis quam ita im-

vo studio voluit placere. Verum abreptus sæpe impetu imaginationis, abuti identidem maluit ingenio, & quædam eum iudicii perversitas ac sæculi genius, ad difficultium inep-tiarum, phalerarum, cincinnorum, ad immanium translationum vada & syrtes allisit, prætulitque e fuco quæsitæ delicias verissimis Musarum thesauris, relictoque serpenti corpore, inanes eius exuvias confectatus est. At desinam *Sarbievii* censorem agere, ne mihi *Sarbievianus* aliquis frontem corruget, mentum intorqueat, contrahat labra, ambasque iratus inflans buccas in me despumet suum *πῶτος*, atque anathemata scribat, nimis ægre ferens censoriam hanc virgulam: in qua exercenda si acrior quibuscumque & vehementior visus sum, ii sciant me ad id inductum non cavillandi studio, non odio, non inimicitiiis ullis, sed amore Litterarum, sententiamque nostram niti approbatione gravissimorum (s) Virorum, atque etiam calculo

modice laudare. Qui de *Sarbievio* hæc jactant, minus mihi observasse videntur, quid in Flacco stupendum sit. Sua sibi Flaccus habeat sine rivali, orationis magnitudinem, elegantiam, celsitatem, divinitatem; quas fateor in suis lyricis referre hic ille conatus est *Sarbievius*; quod si scripsit fecisset, maior esset Lyricorum eius maiestas, dignitasque; sed relicta Horatii sæpe parsimonia prudenti & curiosa felicitate, Lucani clangorem & Statii crepitacula imitatus est. Eodem delirio laborasse Hugonem Grotium constat ex eius Ep. ad Fiatrem *agnosco me ipse*, inquit *alibi Lucani spiritum plenum, interdum Manilii plus quam satis est, studiosum, non nunquam aliquid ad Statii & Claudiani instar sonantem. De iure belli & pacis, quam de Poetice ratione pronunciantem Hugonem Grotium sequi malim.*

- (s) Nous voyons même d'autres critiques d'aujourd'hui qui reconnoissent dans plusieurs endroits de *Sarbievski* de la confusion & des obscurités qui en gâtent la beauté; & quelques uns jugent qu'il s'est quelques fois laissé emporter trop loin, sous prétexte de suivre l'impetuosité de l'esprit Poétique, & qu'il a des figures outrées, & des expressions trop fortes. D'autres prétendent qu'il est quelques fois Africain dans son style: & tout le monde convient que ses Epigrammes ne répondent point à ses Odes. Adrien Baillet dans ses Jugemens des Savans &c. Anst: 1725. Tom: IIII. p. 226, 227.

tiarum vanissimo strepitu. Conferant hæc ii, qui Scriptores haberi volunt cum insigni præcepto, quod nobis reliquit subtilissimus & sagacissimus Criticus Petronius Arbitr, sed parum recte a multis intellectum. *Curandum, inquit, ne sententia emineant extra corpus orationis expressas; sed intexto vestibus colore niteant.* Videor evicisse damnari hoc loco conceptus, quos expressio nimis valida, nimisque picta & splendida quasi peregrinas reddit reliquo orationis corpori, neque admisisse *Simonidem* quicquam, quod sit affectatum aut quæsitum, sed splendorum duntaxat adeo naturalem

Qualis Apellais est color in tabulis: Tibullus.

Ut verbo absolvam, omnia ornamenta verborum nimis splendida, longe quæsitæ, nimis frequentia adimunt orationi pulchritudinem naturalem & germanam dignitatem. *Gravitas siquidem*, inquit Cicero ad Heren. *minuitur exornationibus frequenter collocatis, quod est in his festivitas, non dignitas, lepos, non pulchritudo.* Et hoc est principium naturale in omnibus rebus præclaris ac grandibus, quarum maiestas iuncta cum simplicitate decenti facit omnem ornatum, excellentiam & dignitatem: ut videre est in pictura atque architectura, ubi grandes animi conceptus multo minus se sustinent exornationum copia, quam illa simplicitate decenti, unde omnis dignitas, & maiestas. Omnes itaque Eruditi, quos exteriora illa & immania Poetarum ornamenta morantur, non sunt idonei Iudices. Ut recte aliquid statuatur de præclaris Poetarum operibus, penetrare oportet virtutes, ut sic loquar *essentiales*, dimetiri omnes proportionem; dispicere utrum pulchra quæque suo sint loco posita; utrum moderamen illud inter admirabile & verisimile, cum iudicio adhibitum; Procefferit ne audacia nimis longe quam Poesis admittit, tumidave sit, atque ampullata; Utrum bona & sana mens ubique luceat, habeant-

D

beant.

beantque se se res omnes, quo par est modo. Nam ut prudentissime monet Quintilianus. *Nihil potest placere, quod non deest.* Atque ut ait Petronius; *Nihil commodius est, quam semper cum sapientia loqui; sed nunquam bene loquimur, nisi cum sapienter meditamur.* Denique arbitrandum est de præclaris Poematibus, atque etiam Lyricis carminibus, tamquam de magnifico & Regali aliquo palatio, cuius prima ac præcipua pulchritudo habetur totius operis proportio ad partes singulas, singularumque inter se partium convenientia. Hæc sunt, quæ considerantur a peritis, non ornatus exterior, qui solos capit, atque delectat architecturæ ignaros. Sed ne tædium pariam ulterius Lectoribus nimis prolixè omnia discutiendo concludo; malle me *Simonidem* fuisse quam *Sarbievium*; malle quoque multo ardentius unicum *Simonida* Castum Josephum, aut unicum *Simonida* Odam ad Thomam Zamoscium scripsisse, quam totum volumen Odarum (y) *Sarbievii*, cui etiam præpono *Cochanovium*. Qui *Sarbievium* præferunt, vix illis optari quidquam peius potest, quam ut fatuitate sua fruantur. Ita statuo salvo aliorum iudicio; nec enim mea suffragia pro Prætorio Edicto, aut Apollinis oraculo haberi volo. Ac denique legendum *Simonem Simonidam* si quemquam alium Juventuti Polonæ censeo, ut ab eo non solum veram

-
- (y) Franciscus Bohomolec in vol. ab ipso edito Varsaviæ an. 1769, cui titulus *Marthæ Cas. Sarbievii* opera posthuma inter Lyrica Eisdem recenser quinque Odas de Sigismundi Pol: Regis trophis, quas luce meridiana clarius constar Romæ a Gilberto Jonino Arverno Societatis Jesu conscriptas fuisse; Non minus liquet & Jonini esse Epistolam ad Sigismundum Regem, quæ Odis præfixa est. Consule amico Lector Jonini Lyrica Lugduni edita sumptibus Jacobi Prost anno 1639. Debui re huius commonere, ne dum Jonino tribuo, quod suum est, tu forte in Lyrica Jonini incidas, atque in Joninum furti probrum refundas. Maluisset Joninus Poeta Eximius propria suppressere, quam sic uti alienis. Qui si posset redire ad lucem nimiâ certe in se usum familiaritate Socium suum Franc: Bohomolec iure ac merito conquireretur.

ram Græcorum & Romanorum Poetarum rationem, sed & bene recteque vivendi & philosophandi normam, addiscat, quas certe ab huius ævi Poetulis accipere non potest, a quorum puerilibus argutiis sanum scribendi genus magnam cladem pati video; audioque quosdā (2) Viros in pretio hic esse, qui apud meos Italos ne centuriatis quidem comitiis suffragium ferunt. Hæc maior est calamitas, quam si omnino litteræ non æstimarentur. Nam quid isti latinicitatis tortores & Gratiarum præter glandem in Heliconia illa sylva legunt, aut quod unquam ex felici arbore nitidius pomum decerpunt, quod in ipsorum scripta tanquam in agri maciem translatum continuo non emarcescat?

*Non ita Phinei dira immundaque volucres
Diripiuntque dapes, contactuque omnis faciunt
Harpyæ. Virg. Æneid.*

Ut isti in Musarum convivio bellissimum quodque corumpunt, & contactum ore nectar sordida vappâ atque cerevisia commutant. Neque enim si quam forte purpuram rudi panno orationis intexunt, aut siquid Apellæi coloris enormi tabulæ, turpique, extantibus nodis inducunt, eo

D 2

situ

(2) Incidit nuper mihi in manus Oda cuiusdam hominis, qui in magno pretio est. Legi semel, iterum, tertio ac sæpius; ac verba vix pauca intelligo. Tum ego tradere me tristitiæ, mihi ipse irasci. Quid dicam amplius? Dum in eo omnes nervos ingenii contendo ut saltem suspitione eius Odæ sensus aliquos assequar, integram horam male perdidici. At nihilominus quidquid ab ipsius officina prodierit, perfectum ingenio & elaboratum industria creditur esse. Quidquid aliunde emanat, contemnitur, irridetur, ac sæno villius habetur. Atque ira ille hac opinione inflatus se magistrali supercilio infert, ut quemcunque offendat, qui se eloquentem audeat appellare; nisi sit aliquis, qui ex ipsius Secta, tanquam ex Equo Troiano prodierit, seque in eo scribendi genere, quod solum ipse probat, exercuerit. Hinc acclamationes & plausus, tanquam iure sibi debitos exigit, quod solus cum sua Secta eloquentiæ, Poeseos, cæterarumque scientiarum patrimonium tenere se putet. Non possum quin cum Catullo exclamem. *O homo insipiens & infestus!*

situ luminis explicant, ut nitorem illa suum & nitore spectantium oculos retineant. Inanibus semper locis excurrunt, & tanquam si ex Jovis Hammonis fonte prognati essent, in calido argumento frigent, calere student in frigido; sed ut maxime tamen caleant, frigus est tantum, quantum vel ignem quo olim Dianæ templum conflagravit, possunt extinguere: quorum ego de Vini Hungarici vetustate iudicantium sententiam sequi malim, quam de Poeseos Latinæ gustu & sapore pronunciantium. Habeant *Corvi Poeta & Poetria Pica*, ut cum Persio loquar, suos admiratores & Plausores, qui ipsis sacrificent. Ego Apollini censeo immolandos, aut, ut cum Horatio, mitius in illos animadvertam.

Discipulorum inter iubeo plorare cathedras.

Nunquam illi carminibus suis assequuturi sunt, ut eorum rationem aliquam, Posteritas habere velit, penes quam ius est & arbitrium verissimæ gloriæ. Non ista erit semper temporum caligo, ut illa veluti testi ad Doctorum Virorum & Poetarum album obrepant, & iudicio præditos pro Viris præstantibus fallant. Sed de his satis. Fruere interim Polona Juventus immortalibus *Simonis Simonidæ* monumentis. Offero vobis Civem vestrum, quem veluti postliminio reversum amplectamini: Jacebat ille, ut iam dixi, sepultus tenebris, & non habebat, qui hortaretur, ut lucem speraret. Movit me & fortuna Viri de litteris optime meriti, & studium meum in vastissimam istam ac nobilissimam Regionem, summorum ingeniorum Matrem, ut ederem illum in eam lucem, in qua vivebat memoria clarissimi Hominis. Persolvit ille debitum Patriæ dum res Polonorum & præcipue Zamosciorum suis carminibus æternitati consecravit: ego studio & observantiæ satisfaciam, illa carmina, quæ nominis tantum celebritate vivebant, in lucem, quam amiserant, proferendo. Civem vestrum vobis
allego.

allego, qui testetur, a me eo loco Poloniam vestram haberi, quo æquum est eam Regionem, quæ altrix doctissimorum Virorum, non anteaſtis modo, sed & præſentibus ſeculis apparuerit; docueritque non eſſe effectum naturæ ſinum in Viris procreandis.

IN TUMULUM

SIMONIS SIMONIDÆ BENDONSKI

ZAMOSCII

IN TEMPLO MAIORI

ANG: DURINI ARCHIEP. ANCYR. NUNTII APOSTOL.

O D E

AD NUMEROS PINDARICOS

STROPHE I.

Q Uo te beatam nomine
 Prædicabo potiffimum
 Ruſſiæ decus atque ocellæ nigræ,
 Magni Zamoſcii nomine quæ incluto
 Gloriaris Civitas?
 An quod blanda loci ridet amœnitas,
 Lætisque circum tot places viretis?

ANTISTROPHE

ANTISTROPHE I.

An quod fluento divite
 Limpidi allueris Vepri?
 An quod usque tuas per officinas
 Massam tenaci forcepe ferream
 Mille Brontes concoquunt?
 Vnde & crescit opum vis Tibi: quid sacra
 Tot templa dicam, quid domum Camœna-

EPODUS I.

-rum, educta cœlo quid loquar munimina?
 Vna tamen superest
 Quæ te gloria cœlo
 Æquat æternum: cineres *Simonis*
 Vatis, & ossa

STROPHE II.

Sub mœnibus servas tuis;
 Cui nec ulla parem tulit
 Ætas, nec feret; o foret tuos fas mi
 Intrare muros! ut venerer lubens
 Parva tanti nominis
 Busta & reliquias? nec foret amplius
 Mi ægre, quod oras incolam Polonum

ANTISTROPHE II.

Dum factio duellica
 Sarmatum furiat globos.
 Effet iam mihi abunde, læta si mi
 Sors inquieti damna tot Exili
 Penset hoc solatio.
 At postquam eripitur milite ab extero
 Iter Zamoscium. Tu comes mi adesto

EPODUS II.

Joseph (b) Virique Maximi mecum incipe
 Versibus Æoliis
 Iustas dicere laudes
 Atque *Simonem* referat sonoris
 Vistula ripis.

STROPHE III.

Qui barba cum nec primula
 Vestiret roseas genas,
 Casto Pieridum calens amore
 Intacta Findi culmina per, novum
 Scandere ausus est iter;
 Læchosque artis adhuc Pindaricæ rudes
 Lyrâ beavit primus atque plectro.

ANTISTROPHE III.

Intonsus illi Cynthius
 Munera hæc dedit, indole
 Captus egregii aurei Poetæ,
 Tunc cum exeuntem e finibus (c) Italûm
 Ad suos dimitteret;
 Atque hanc ipse Deus texuerat Lynam
 Mira arte calans, finxeratque circum

EPODUS III.

Novi labores Vatis & nascentium
 Omnem operum seriem,
 Quæ longe ante videbat
 Scilicet Vatum Deus, & futuri haud
 Inscius ævi.

STROPHE IV.

Illic *Josephum (d)* fecerat

Castis

(b) *Joseph Epiph. Minafovicius* Can: *Kiov. Vir Eruditus & Poeta elegans.*

(c) Vide *Starovolsceum* ubi de *Itinere Italico Simonis Simonidæ,*

(d) *Castus Joseph Tragedia Eiusdem.*

Castis moribus inclytum:
 Adflecti hunc thalamo laborat amens
Jempfar, reflectit se at Juvenis catus,
 Rigidusque elabitur .
 Defluxi subito munere pallii.
 Longe haud Joëlem (e) cerneret Prophetam

ANTISTROPHE IV.

Fantem Dei *Magnalia*,
 Quæ Interpres sacer hauserat
 Ipso numinis intonantis ore:
 Pone at videres Agmina (f) Amazonum
 Cincta peltis Agmina,
 Reginamque Ducem, materiem optimis
 Scenis Poetæ maximi futuram.

EPODUS IV.

Neque procul inde Sarmates (g) etiam Viri
 Emicuerè, quibus
 Concessura canendo
 Ipsa *Simonis* chelys haud caducos
 Effet honores.

STROPHE V.

Atque unus inter cæteros
 Tollebat caput arduum
 Late Sarmaticis micans in armis,
 Ceu purus orto lumine Lucifer,
 Ipse Dux Exerciti,
Joannes Generis Gloria *Sarii*
 Murus Polonum Littavæque Gentis

ANTI-

(e) Joëlis Prophætæ Eiusdem Paraphrasis.

(f) Penthesilæa Tragedia Eiusdem.

(g) Poemata cætera *Simonida* sive Pindarica, sive Heroica, sive Elegiaca, sive Epigrammata Jambico metro atque Hendecasyllabo in Laudem illustrium Polonorum.

ANTISTROPHE V.

Tali laboratum manu
Simon accipiens ebur
 Miratur speciem, novoque lætus
 Honore volvit vivida identidem
 Huc & illuc lumina,
 Paulatimque fides tentat, & omnium
 In se ora vertens protinus virorum

EPODUS V.

Pictura quicquid continebat fertili
 Explicat ingenio:
 Nam quæ singula Vates
 Cæteri claudunt numeris, hic unus
 Omnia (*h*) clausit.

STROPHE VI.

Vt amne passim devio
 Nilum Ægyptia iugera
 Non uno accipiunt vado sonantem,
 Largi sed undans copia fluminis

E

Diditur

- (b) Omne carminum genus attigit *Simonides*: pudorque illi fuit, ut eximio
 Cytharædo circa eandem Chordam oberrare. Est & Poeti sua Har-
 monia & concinna modulatio. quæ non minus quam Musica, & nu-
 merorum diversitatem & modulos discrepantes amat; ut ex dissonis
 vocibus Symphoniam fabricet, & discordiam laudabili concordia com-
 ponat. In vestibus placet varietas, placet in suppellectile, in libris,
 in cibo, & poru, & nullibi non: Placet eadem Poetæ, ne aut Hero-
 ici carminis perpetua gravitate severitatem induat sibi molestem, aut
 Elegiarum facilitare ac suavitare diffuset, aut Jamborum brevitate ve-
 luti conciso spiritu concidar. Non sunt Poetæ, qui semper, ut iam
 dixi, oberrant eadem chordâ, atque eandem repetunt cramben. Cui
 commode omnia metra fluunt, *do nominis huius bonorem*. Talis fuit
Simonides, quem ego hæc ad numeros Pindaricos Oda laudare cona-
 tus sum. Erunt, scio, qui dum illam legent os distorquebunt naute-
 abundi, atque ira frontem caperabunt, ut Scaphium ollectisse aut na-
 sturcium momordisse videantur. Sed nos fusæque habemus & flocci
 facimus inanes vacuosque litterarum. A paucis iisque doctis legi vo-
 lumus, & qui sciant, *quid distent ara lupinis*.

Diditur late, Affricum
Littus dum subeat, seque per ostia
Septem æstuoso misceat profundo.

ANTISTROPHE VI.

Sic illa inexhausti ingent
Vis, nullum sibi terminum
Permisit statui. Quid inde honestos
Mores celebrem? quid cata pectora
Digna queis Zamoscius
Dilectam Sobolem traderet imbui
Thomam scientiis litterisque. Manes

EPODUS VI.

Salvete manes inclyti, & nostrâ manu
Ad tumulum quoniam haud
Datur spargere flores;
Sumite hos versus, precor, usque nostri
Pignora cultus.

De Eiusdem inimitabili Poesi

H E N D E C A S Y L L A B U S I.

Dulcis *Simonides* Latina Siren,
Vnus omnia quæ ambiunt Poetæ:
O Cycne, o Philomela, ver Latinum,
Mel merum Latii, Latinæ Athenæ,
Men tecum trahis, incitamque mentem
Ignoto attonitum rapis furore!
O si in te penitus migro, meique
Tuis nescius inferor medullis,
Cur abs te doleo me abesse tantum?
Dulcis *Simonides* Latina Siren.

AD LEOPOLIM

I I.

AD LEOPOLIM

SIMONIS SIMONIDÆ PATRIAM.

O urbs Leone superba Conditore
 Arce dupplice, dupplice atque muro,
 Nec non Emporio beata magno:
 Tu nec tam mihi diceris superba
 Conditore tuo Leone, nec tam
 Arce dupplice, dupplice atque muro
 Nec magno Emporio beata; Vatis
 Quam quod *Simonida* es Parens; quod isthic
 Cæli semina primulum sereni
 Divinum caput hausit, & tenello
 Rifu distulit incitas tenebras:
 Fortunata *Leopolis*, superba
 Jure hoc pignore, Pindaro Latino.

I I I.

DE EODEM.

Magno Mantua quam Marone gaudet,
 Smirnæique suo tument Homero,
 Dirce & Pindarici sonore plethri,
 Verona & modulo Catulliano;
 Tam te, clara Leopolis Poetâ
Simon Simonida, intumet, triumphat.
 Nam quo tempore sermo Grævus, atque
 Perfecta latius vigeret arte,
 Illi carmina florueret terfo;
 Tum cum Romula lingua iam iacere,
 E2 Tu cum

Tu cum Læchica lingua adhuc careret
 Suis & numeris leporibusque;
 Jam cultissimus eruditione,
 Jam purissimus elocutione,
 Sensu argutus & arte singularis
 Læchos carminibus tuis beasti,
 Tua & secula seculis vetustis
 Æquasti duplicis decore Musæ:
 Quidquid proinde tua excitata laude
 Tulit Læchia carminis Latini,
 Tulit Læchia carminis Poloni,
 Acceptum id referat tibi necesse est
 Auctori Archetypo, Artis & magistro.

O D E

Per me *Simonida* denuo vivete
 Exire & latebris denique tristibus
 Concedunt superi. Carmina Sarmates
 Extollent meritis iam tua laudibus,
 Et toto repetet flumine Vistula.
 Ibis, nec vacuâ ludor imagine,
 Ibis per populos, atque recentibus
 Frontem Calliope frondibus ambiet,
 Qua Sol exoritur, qua medius calet
 Dicêris, radios qua occiduus tegit;
 Nec mors atra nigras iniiciet manus.
 Hæc te fama manet, qui bene Pindari
 Pulsasti ingenuus pectine Barbyton.
 Sed quis læta furor pectora concutit!
 In Pindum rapior. Pegasus alire
 Dorso me liquidum ferre per æthera
 Gestit, non humili lætitia tumens.

Vt

Vt Cyrrhea procul subsiliunt vada!
 Vt me *Simonides* stringit amicior!
 Vt collo tereti gratus in oscula
 Tendit prona! Choris me ut sociat lubens
 Sanctis Aonidum! Plaudite, plaudite
 Nil nostrâ enituit sorte beatius.

O D E.

Phæbi Sacerdos purus, & inclyti
 Vates *Zamofci*, gloria Russiæ,
 Hic ille *Simon*, quem disertus
 Suadæ Helicon aluit medulla :
 Cracoviensem edoctus ad Istulam
 Exceptus ulnis mox Tiberis fuit;
 Suspendit aures & Potentum
 Romulidum, Latiosque colles.
 Manantis illic forbuit ungulam
 Totam fluenti; germen & omnium
 Decerpfit elegantiarum
 Romulidum e gremio virorum.
Clemens Latini Rex gregis & Pater
 Curis sopitis grandibus Imperi
 Audire gavisus ruentem est
 Pindarico numeros sonore.
 Salveto Vatum maxime; tempora
 Si te tulissent aurea; si tuum
 Vocale ebur, plectrumque prisco
 Nobile personuisset ævo;
 Quas Smyrna lauros occupat innubas,
 Quas clara Dirce, doctaue Daunia
 Diſtante Phæbo vox Sororum
 Aonidum tibi destinasset.

O D E

O D E S A P P H I C A.

Barbitō quænam docuit canoras
 Mûsa *Simonem* sociare chordas,
 Nobilem quidquid placuit decoro
 Ludere versu.
 Ille profundum numeros ruentes
 Pindari solus valet æmulari;
 Sive devolvit rapidos citato
 Carminē Jambos;
 Seu Lyram pulsans graviore plectro
Sarii laudem exequitur *Zamofci*.
 Seu levi ludit cythara, Philetâ
 Callimachoque
 Mollius cantat. Generosus ardor
 Me rapit tantum sequier Poetam
 Piscis ut patrem sequier natantem
 Parvulus audet:
 Nec tamen vastos superare fluctus
 Auferim, latum secet ille Pontum.
 Me iuvet parva legere, in carina
 Littoris oram.
 Spes vetat magnas alere impudentis
 Marsyæ cantus; cûte cuius olim
 Aspera hirsutos spoliavit artus
 Læsus Apollo.

AD SIMONEM SIMONIDAM.

Qui modo pulvereâ tenebrarum in nocte iacebas,
 Atque æmulorum iniuriâ, atque ævi incuria;
 Jam cape *Simonida* priscos redivivus honores,
 Lætusque lucem prodiens petas licet:

Ceu

Ceu posita verno nitidus sub sole fenestæ
 Serpens Juventæ munere elatus novæ.
 Te tibi, te Læchis, te reddo *Nuntius* Orbi,
 Dum te indecoro libero fœdum situ.
 Nunc tandem tua fama redit, tua scripta leguntur,
 Tecum triumphat denuo & Zamoscius.

SIMONIS SIMONIDÆ

Manes respondent.

Io! revixi, denuo in auras luminis
 Exurgo lætus, sed perennes, sed novas,
 Quas nec vetustas immemor, nec temporum
 Fuga insequentum, aut impotens oblivio,
 Nec æmulorum iniuria, atque ævi incuria
 Absumat olim: Munus hoc totum tuum est
Legate Sedis Romulæ. Nos nos tibi
 Debemus uni nominis vitam novi,
 Novumque per te gloriæ acceptum decus.
 Mecum refertque gratias Zamoscius.

Ad Eumdem.

Hanc tibi *Simonides* sacravi *Nuntius* Aram
 Vistula uti lambit mœnia Varfaviæ:
 Ara habet effigiemque tuam, titulosque decentes,
 Editaque ingenii tot monumenta tui.
 Quæ coluit transacta, rudis quæ hæc nesciit ætas,
 Postera sed melior quæ super astra feret.
Simonida illustres menses salvete Poetæ,
 Atque hoc obsequii pignus habete mei.

Ad Eumdem.

Ad Eundem.

Romani Vatis vera hæc sententia. non est
 Ultima Principibus laus placuisse Viris
Zamosko placuisse, parem quem nulla tulerunt
 Sæcula, prima tibi laus ea, *Simonida*.

Ad Eundem.

Si Vates Læchi cupiant sibi condere Regem.
 Regis habe titulos iuraque *Simonida*.

In Eiusdem Effigiem.

Laudatum cunctis, laudandum nec satis unquam
 Maiorem invidia conspice *Simonidem*.

Ad Eundem.

Sarmatiæ es Siren ita cantu surripis omnes,
 Nam tua qui legit, scribere nemo potest.

Multa alia carmina, Odas nempe, Hendecasyllabos, Epigrammata in laudem Simonis Simonidæ conscripsimus: quæ omnia visum est reiicere ad calcem ne diutius in vestibulo operis Lectores moraremur. Maluimus balbutire, & dissona scribere, quam obmutescere. Quæ si non arridebunt exactis ad omnem elegantiam auribus, officio tamen cultus atque affectus in Simonem Simonidam probari fortasse poterunt.

SELECTA

SELECTA ILLUSTRUM VIRORUM
DE SIMONE SIMONIDA LEOPOLITANO
TESTIMONIA.

I.

Ex Justi Lipsii Epistolarum Cent. V. Epist. LVII. pag. 56. (i)

SIMONI SIMONIDÆ. *In Poloniam.*

Litteras tuas, & quod librorum adiunctum fuit, nimis libens legi. illas, ab humanitate & affectu mei, quem spirabant; istos ab eruditione varia, quam præferebant. Ego mi Simonide, ut de affectu dicam, pretium laborum meorum censeo à talibus amari: id est à doctis, bonis, quorum inter apices te pono. ut fama mihi non dixerit (quam & hic habes) unum illud carmen tuum *in Imagines Zamofciana diata* approbet: quod ita me Deus, eruditum, antiquum, suave est, & numeros ac phrasim Catulli, ac veterum illorum habet. Maſte! spondeo tibi, paucos in Europa esse (& est ingens Poetarum copia, ut apum) paucos, inquam, qui meo quidem sensu sic scribant. Iam illa Stoica, quam putas ipso titulo & argumento blandita esse? quid cum cœpi legere, tam multa e Græcis Latinisque, & remotis etiam auctoribus petita: sic adaptata & nexa, subtiliter explicata: quam putas, inquam animo affectum & motum esse? Amo illam sectam, & conatus sum producere, ut vidisti: sed hanc Logicam partem reformidaui pœne tangere, vix otii, certe non languoris huius mei. Gaudeo illuc factum à Burſio, & sic erudite factum: à Burſio, an

F

vis me

(i) Antverpiæ ex Officina Plantinianâ apud Viduam & Filios Jo: Moreti: cl. l. c. xi,

vis me magnum (k) illum Heroem vestrum inscribere, quod vix ulla ætas credat? Virum in tot, & tam arduis occupationibus, regni Atlantem, sustinere & has litterarias curas ac lucubrationes posse? Diuinum ingenium dicendum est, in admirationem ævi, vix in exemplum (qui enim imitetur, vel ausit?) datum. Diu nobis viuat, quem toto animo suspicimus & colimus: diu tu tali patrono felix, mi Simonide, flore itemque vive. Louanii, vii. Idus Novemb. ∞. IocIII.

I I.

Ex Epigrammatis Henrici Hudemanni, F. Holsati pag. 174.

IN LAudem SIMONIS SIMONIDÆ

PINDARI LATINI.

HAstenus has tenuit numerosus Horatius aures
 Laudans Pindaricæ plurima fila lyræ;
 Quod summum scandat super æthera solus, & omnes
 Ducat Apollineas in sua vota Deas.
 Vt nulli nostrum donent depromere, quales
 Hic Dyræus olor concinit usque modos;
 Sed video tandem quæ me dementia cæpit,
 Dum faveo dictis Flacce Poeta tuis:
Simonides rigida postquam surrexit ab Arcto
 Victurum latiâ fundere voce melos.
 Sic bene Romanis numeris responder, & omne
 Punctum, non plausu deficiente tulit,
 Pindarus ut doctis dicatur ab omnibus alter,
 Qui merito primus sceptrâ latina gerat.

EIUSDEM

(k) Joannes Zamofcius Magnus Cancellarius.

E I U S D E M.

De Eodem SIMONIDE & LÆVINO TORRENTIO

Pindaricum Latium devolvit ut alite carmen

Simonides, Patriæ gloria prima suæ,Sic Lyricis numeris *Torrentius* (1) æmulus audit

Alcæi Flacco cum Comes ire solet.

Salvete o nostri Vates, & vincite Vates

Græcia quos, & quos Terra Latina tulit.

I I I.

*Ex Simonis STAROVOLSCII Centum Illustrum
Poloniæ Scriptorum Elogio & vita. pag. 131.*

SIMON SIMONIDES.

Magni Jo. Samosccii Secretarius. Leopoli in Russia natus, puer domi, adolescens in Acad. Crac. melioribus artibus imbutus, primaque Philosophica laurea, una cum Nicolao Dobrociescio, sub Decano Anselmo Bodzentinio, ornatus, brevi in Italiam, quæ felicissima omnia ingenia inclusit, profectus, bibit e sacris illis pectoribus *Clavii*, *Vittelschii*, *Moreti*, *Molina* aliorumque, hianti ore abditæ doctrinæ fontes adeo, ut in patriam reversus, paucos sibi æquales haberet, neminem autem, qui maiores illo statenrium litterarum gazas in pectore gestaret. Quas tibi primo obtutu Magnus ille Heros in eo reconditas pernoxit, statim virum sic adamavit, ut nusquam cum postea à se dimiserit; sed ornatum beneficiis etiam in aula Principis ita promoveret, ut & baltheo equestri, cum aliis virtute illustribus viris, ob egregias animi dotes, ornandum curarit, atque paulo post lauru Poetica à Clemente VIII. Pont.

F 2

Max.

(1) Lævinus Torrentius Episcop. Antverp. Poeta Lyricus Eximius. Eius Poemata impr. sunt Antverpiæ in Officina Plantiniana 1594.

Max. quod solus fere, Magni Lipsii iudicio, sua ætate potestas, usque ad invidiam veteris sæculi, eruditione superaret; idque non in phrasi tantum, aut numeris poeticeis, in quibus eum Catullo similem facit, verum etiam in omnis generis scientiarum cognitione. Cuius rei fidem faciunt scripta, varia de re, varioque carminum genere à se conscripta. Ac primum *Nania in obitum Jacobi Gorscii & Stanislai Socolovii, Carmen in imagines Samosciana diata, Herculem Prodicium. Oñonarios in D. Stanislai laudes. Flagellum Liuoris. Castum Josephum, Joëlem, Pentezileam. Odas in viætoriam, Nuptias, atque Obitum Samoscii. Inque victoriam Thomæ Samoscii Joannis F. Polonico vero carmine Eclogas XX. Scripsit & Epigrammata varia, tam Latina quam Polonica, tum Epistolæ quoque familiares.* Sed quæ omnia nondum sunt uno volumine comprehensa.

JO: SCROBCOVICH. (m)

*Grande virum pectus, quicquid molitur acuti,
Latius aut quicquid Musa leporis habet;
Id sacunda ferunt monumenta Simonidis omne,
Fontes & cytharas vir tenet iste Deum.*

I V.

Ex Dictionario Historico & Critico Petri BAYLE

pag. 148. Edit. 5.

SIMONIDES (SIMON) l'un des bons Poëtes Latins du XVI. Siècle, nâquit à Leopole en Pologne, & après avoir fait son Cours de Philosophie à Cracovie, il alla se perfectionner dans les études en Italie; d'où il revint si rempli d'érudition que Jean Zamoski le plus grand Héros qui fut en Pologne, le choisit pour son Secrétaire, & lui témoigna beaucoup d'affection, & lui procura la dignité de Chevalier.

(m) Apagæ Scrobcovici cum tuo hocce insulsiſſimo Epigrammate. O inficere inficior rure, ut ait Catullus.

lier. Le Pape Clement VIII. l'honora de la Couronne Poétique. Juste Lipse lui donna des loüanges fort distinguées, le comparant à Catulle, & prétendant que ses Vers eussent pû donner de la jalousie à l'Antiquité (n) Simonides reçut chez lui à Lèopole en 1597. avec une affection tres-particuliere George Douza qui alloit à Constantinople, & qui étoit fils de Janus Douza, bon Poète, & bon Humaniste. Cela lui valut un Eloge que l'on verra ci dessous avec le Titre de ses Poèmes. (A)

(A) *Un Eloge que l'on verra ci-dessous avec le Titre de ses Poemes* George Douza écrivant à son pere une Relation de Son Voyage lui parla ainsi de son séjour à Leopole: *Huic urbi (Leopoli) plurimum me debere fateor, quod hic cum Simone Simonide hospitium & amicitiam contrahere licuerit: qui Vir quanto orchestræ plausu Parni sibi collens influerit, e Scriptis eius editis Ælinopæana videlicet, & casto Josepho, tum Joëlis illa Paraphrasi satis superque constare arbitror* (1) Son pere lui écrivit à Constantinople une Lettre où il lui maqua sa reconnaissance pour le bons offices de Simonides, & l'estime qu'il avoit depuis long-tems pour les Poësies de ce Polonois. *Nescis, mi fili, quanta cum animi voluptate illam Epistola tua particulam legendo ruminaverim, ubi non modo tanti viri (Interpretis Polonici, natione Armenii) faventiam ultro tibi oblatam gloriaris ac prædicar: verum etiam incomparabilis Viri Simonis Simonidis benevolentia fores iam pridem patefactas aditum tibi porro ad doctissimi illius ac disertissimi Interpretis amicitiam concinasse. . . . Nunc Cessatur esse cogor, ac commodiori tempore hoc scribendi officium reservare, præsertim ad Simonem Simonidam, quem virum ego iam pridem ex Scriptis editis, Ælinopæana puta, atque Odis Pindaricis, cum Joëlis Paraphrasi illa Poetica multo quæsiuissima, procul distans licet, & neneratus sum, & admiratus* (2)

Outre les Poèmes dont vous venez de voir le Titre, Simonides composa. *Hercules Prociæque Pentecilea: Flagellum livoris: Ode in victoriam, nuptias, atque Obitum Zamofcæi, inque victoriam Thomæ Zamofcæi Joannis filii &c.* (3)

Ex Auto-

(n) *Titre de Starovolscius in Centum Script: Polon. pag. 130 131.*

(1) *George Douza. de Itinere suo Constan. pag. 14. (2) G. Douza de Itinere suo Constan. pag. 129. (3) Voyez Simon Starovolscius, in Centum Script: Polon. pag. 131.*

V.

*Ex Autographo Viri Eruditiſſimi, milique amiſſiſſimi,
Joſephi Epiphaniai MINASOVICH Canonici Kiiovien. cui titulus:
Viri Illuſtres Inclytæ Nationis Armenæ in Polonia.*

SIMON SIMONIDES [*Szymon Szymonowicz*] Armenius
Leopolienſis, quidquid in contrarium dicere conetur
Bartholomæus Zimorowicz, Conſul Leopolienſis litteratus,
qui illum in eo libello (quem de *Viris Illuſtr. Leopol.* con-
ſcripſit) popularibus ſuis aſſerere ſtudet, quoque magis
opinionī ſuæ fidem adſtruat, cuiuſdam Magiſtri Simonis
Brzezinienſis, Viri apud ſuos Conſularis filium appellat: po-
tior tamen habenda fides, GEORGIO DOUSÆ, IANI illius
doctiſſimi Batavi filio, veluti Simonidis ſynchrono, quam
Zimorowicio annis prope centum ambobus poſteriori. Ille
itaque Bataviâ ſuâ proſectus, cum per Ruſſiam Conſtanti-
nopolim iter faceret, & Leopolim amicam tum Muſis civita-
tem, deditâ operâ diverteret, famâ imprimis tanti Viri
excitus, quantus tum erat SIMONIDES; cum eo non in
notitiā duntaxat, ſed & in amicitiam pervenit, quemad-
modum ipſe in ſuo *Itinerario Conſtantinopolitano* teſtatur,
ubi quoque exerte Armenium fuiſſe indicat, quod alioqui
neutiquam ſcripſiſſet, niſi id probe compertum & explora-
tum haberet, uſus familiaritate, ut & contubernio Claris-
ſimi Viri. Præterea nec illud omittendum, quod in rem
præſentem aliquatenus facere videtur, nempe quod in uno
operum eius exemplari, Amſtelomadenſibus ni fallor typis
exſcripto in 12. quodque cum reliquis euſdem Auſtoris ci-
meliis in Bibl. ZALUſc. Varſ. diligenter adſervatur, manu
cuiuſdam eâque non recenti adſcriptum eſſe deprehendi:
is fuit Armenius, ut taceam, inter gentis eius homines SIMO-
NOVICIAM aliquando Leopoli floruiſſe familiam, eamque
haud incelebrem. Ex hac itaque ortus SIMONIDES noſter,
Eques

Eques torquatus, qui & magno illi JOANNI ZAMOSCIO, Regni tum Cancellario, & copiarum supremo Duci, Litterarum sui temporis in Polonia facile Principi ac singulari Patrono, in tantum ingenium & prudentiam suam adprobavit, ut is summam de eo conceptam semel existimationem, nunquam deposuerit; quin & in deliciis habitum, suoque lateri assiduo hærentem, veluti Comitem individuum, secretioribus etiam consiliis adhibuerit; suoque THOMÆ paternæ virtutis & dignitatis hæredi, studiorum Eius in adolescentia moderatorem, morumque honorarium Custodem præesse voluerit. Ingenio æque ad eloquentiam valuit ac Poësim, eamque imprimis Lyricam, cuius præclara, variis editis operibus græce & latine, specimina reliquit; veluti: *Joëlem prophetam: Josephum castum: Herculeum Prodicium: Penthesileam: Livoris flagellum: Nuptias & Obitum Zamosci &c.* Scripsit & vernaculo idiomate elegantissima carmina, qualia sunt eius *Bucolica* (vulgo *Sielanki*) XX. eclogis absoluta; *Epitaphia* item diversa &c. Justi Lipsii testimonio, adeo in Poësi excelluit, ut eum Catullo similem diceret; vid. Geor. Königii Biblioth. vet. & nov. p. 257. Neque minus honorificum de eo iudicium posteritati reliquit Clarissimus inter Scriptores Sarmatiæ Polygraphus, *Simon Starovolsky*, qui in eo libello, quem *de Clar. Orat. Sarmat.* inscripsit, p. m. 91. "Si scriptorum (inquit) pondus examines, Græco illi Simonidi par, si eloquentiam consideres, tum in prosa, tum in carmine, multis gradibus superior. Nam quemadmodum "apud Græcos Homerum, omnis divitis inventionis fontem "originemque pronuntiat Macrobius, sic ego inter Sarmatiæ "Poëtās, nostrum SIMONIDEM existimaverim, qui tam perspicaci tamque luminoso animo fuit, ut ei parem ex modernis cuiusvis nationis Scriptoribus non videam. Jam "autem de eloquentia quid disputem? cum inter illum & "Cochanovium, quis superior dicendus sit, inextricabilem
"contro-

“controversiam inter eruditos videam, dum millibus argumentorum, modo hic, modo ille, superior ostenditur, modo tam pares, ut lectorem iudicii dubium relinquunt. Hæsternus de Simone Simonide Starovolscius, quem præterea & in *Hecatontade* sua collaudavit. Biographiam eius Latinam exhibet I. B. Lotichius, in *Bibl. Port. Parte IV.* p. 100. Polonicam, JOSEPHUS Comes ZALUSKIUS, Litteratorum & Kiioviensium Antistes doctissimus, itidem in *Bibl. Port. Polon. p.* Decessit porro SIMONIDES de statione vitæ, A. S. 1629. d. 5. Maii, horâ 9. ante meridiem, vixit annos 71. *Zamoscii* in Ecclesia Collegiali tumulatus, atque à nepote suo *Gaspere Solcio*, Phil. & Med. Doct. nec non Ordinario Academix Zamosc. Professore, hoc monumento, quod sequitur ad perpetuam sui nominis memoriam, honoratus:

SIMON SIMONIDES situs est hic, cui bene credas

Congessisse Charin omnia mella sua.

Versibus hic rigidas ducebat montibus omos,

Et dulcis suadæ fluxerat ore melos.

Non illum latuit, quod pagina sacra docebat,

Quæque canit Divæ pagina iustitiæ.

Noverat & culti nutantia sydera mundi,

Noverat, excellens quod docet Hippocrates.

Principibus placuitque Viris, sat cultus ab illis,

Illos consilio, mente bonæque iuvans.

JANE ZAMOYSKI! tuus fuit hic lectissimus olim

Cinæas, rerum & flos, dulcis amorque tuus.

Illius ingenio posuisti maxima rerum,

Ille THOMAMQUE tuum forgere dat studiis,

Illustres Animæ! vos hic locus unus habebat,

Et nunc una domus post pla fara tener.

Nil magnum spirare, ô n-l mortalia corda!

Gloria nil vestra est, nil quoque divitiæ.

Conf. laudatum STAROVOLSCIVM in *Monum. Sarmat. & ZIMOROVICIVM* de *Viris Illustr. Leop.* utrumque monumenti huius exscriptorem.



EPITHALAMIUM
SERENISSIMI SIGISMUNDI III.
POLONIARUM REGIS

ET ANNE CAROLI ARCHIDUCIS AUSTRIÆ F.

AUCTORE SIMONE SIMONIDA

LEOPOLI

Ex Officina Matthiæ Caruolini. Anno clb. Id. xc. ii.

JAM sua devexo successit Cyntia Soli,
Jam tenebras cælo gestit diffundere vesp̄.
Jam rutilant stellæ, iam stellas Hesperus inter.
Hesperus, & stellas quo non formosior inter.
Hesperus, & thalamis quo non iucundior ignis.
Quæ morâ vos iuvenes, quæ vos mora blanda puellæ
Detinet? ut Regi thalamum recludere vestro,
Ut bona cessetis vestigia rite præire?
Anne quod ille epulas, inter, mensasque nitentes
Splendida regifico celebrat convivia cultu?
Hospitiisque animum indulget, magnamque frequentat
Læticiam, festo studium defixus honori.
Anne quod indomita mentem pulsante iuventa,

A

Impiger

Impiger egregiæ latus adiunxisse choreæ,
 Emicat, arguto facilis pede plaudere terram?
 Et repetens totiesque redit, totiesque moratur.
 Non facit hoc plena cura, non totus in hoc est.
 O quot iam lentæ dixit convicia luci,
 Pæne palam, tacito vaga tædia corde remordens.
 O quod iam tardæ misit suspiria nostri.
 Aureolæ nostri, sed nostrum tangere non est.
 Prima voluptatum meditantes gaudia sensus:
 Primus amor, latitatque sinu, renuitque videri.
 Hoc potius curemus, eum quod velle putamus.
 Ite o formosi, iuvenum lectissima pubes.
 Ite o formosæ, pulcher chorus Heroinæ.
 Cernitis? ut placido revoluti cardine postes
 Sponte sua exiluere? ut limine ianua cessit?
 Et thalami locupletem intus patefecit honorem?
 Sed vos non aurum, non tantopere admirati
 Censuerim varia radiantes luce lapillos,
 Non suspensa super laqueata aurataque texta,
 Illusumue torum gemma, illusosue tapetas.
 Huc oculos, huc mi potius date mentis acumen:
 Qua pudor ingenue roseus se lumine fudit.
 Qua placidos spirat mansueta modestia odores.
 Qua volitat, non turbidulus, non cassus ocellis,
 Non faculis pugnax, non tinctus felle sagittas,
 Sed niveus, sed lene iocans, mitissimus infans,
 Castus amor, puris demulcens pectora flammis.
 Qui faciles nectit concordia candida dextras.
 Candida, quam nulli delibavere tumultus.
 Candida, quæ pulchris semper viget incrementis.
 Hoc vide, ut appositum præcessimus ante laborem.
 Gressibus ut nostris sponsus cita lumina flexit.
 Scilicet exemplum nostrum mox ipse sequetur.

Quin

Quin sequitur, iam cor salit olli, iam salit & pes.

Et iam progreditur pulchra stipante caterva,

Heroum dextras inter, pulcherrimus unus.

O iuvenes, iuvenum o vel maxima cura puellæ,

Officium nunc vos vestrum meminisse necesse est.

Vos iuvenes Sponso selectum dicite carmen.

Cingite vos sponsam Musæo flore puellæ.

Vos iuvenes primi, vos dicite deinde puellæ.

Tange felici limen pede Regie Sponse.

Regie Sponse, fatuni germen Ingelonide Nympha.

Vnica nostrorum recidivo a sanguine Regum

Progenies, in quem domus inclinata recumbit.

Quem populosa suis dignata Polonia sceptris.

Libera cui libuit conferre Polonia sceptrâ.

Libera sed quamvis, nunquam tamen extera captans

Ante sua, aut oblita alium pietatis honorem.

Quo natura aurigatur, quo debitus ordo.

Tange felici limen pede Regie sponse.

Non nostrum est fisto te nomine compellare.

Candida sed puro depromere pectore verba.

Nec tu blandiri tibi, nec tu asuesce vocari

Laudibus impropriis, patula male credulus aure.

Blanditia nunquam mentem perperere beatam.

Blanditia nunquam famam struxere perennem.

Blanditia Regum semper fecere ruinas.

Tange felici limen pede Regie Sponse.

Nunc primum tranquilla tuos constantia vultus,

Nunc faciem vigor insolitus signasse videtur.

Nunc cordi robur, nunc menti seria cura

Accedit, solidique crescunt pectore sensus.

At spes ambiguae procul, at nutantia vota

Pulsa volant, cessitque animus sine legè vacillans.

Nempe istis comitata venit pulcherrima tæda

Præsidii, fixaque animum statione coercet.¹

Tange felici limen pede Regie Sponse.
 Qualis, vere novo, tepidis suadentibus auris,
 Ales, ab externo, longinqua per æquora vesta,
 Orbe redux, nostris reddit se se advena terris,
 Mansuram positura istic sedemque laremque.
 Multa errat temere ante tamen, multumque vagatur,
 Nunc hos, nunc illos saltus, incerta manendi,
 Pervolitans, nunc hac super arbore, nunc super illa,
 Præpetibusque omnem sylvam decircinat, alis.
 Optatos donec tandem nancisci Hymenæos,
 Et sociam cupido potuit iunxisse cubili.
 Hinc mora, tum figitque pedem, fixoque moratur.
 Deproperatque locum nido, stabilitque penatem.
 Atque viam ambiguis erroribus amputat omnem.
 Non illam dumeta dein videre remota,
 Non procul aerio variantem limite gyros.²
 Cura domus stricto pressum tenet anxia vincolo,
 Et sibi adesse iubet, possessaque testa tueri.
 Haud aliter, si quem iuvenum vernantibus annis,
 Intulit in bivium vitæ ferventior ætas.
 Quamlibet expenso vivendi tramite cursum
 Dirigat, & Divos videat sine fraude vocantes.
 Non tamen ancipitem poris est consistere mentem.
 Quin animum, nunc huc celerem nunc dividat illuc.
 In partesque agitet varias, perque omnia verset
 Consilii, incertis raptans se ambagibus ultro.
 Immodicus voti, immodicus studii, speique.
 Dulcia coniugii sed postquam vincula sensit,
 Fædera que admisit sola cedentia morte.
 Protinus ille vixos trepido de pectore motus
 Elicit, inque statu mentem sibi collocat uno.
 Tuuc habitem cura alma domus, tunc cura suorum .

Vera

Vera sc̃bit, tunc tutari se se & sua quærit.
Fallor? an hic Regum ludit quoque mentibus error?
Ludit enimvero, non purpura quippe nec aurum,
Naturæ validas potis est rescindere leges.
Aut hominem exuere, aut mortalia tollere iura.

Tange felici limen pede Regie Sponse.
Nunc age, nunc toto nobis te impende favore.
Nunc nos esse tuos, nunc nostrum te esse putato.
Nunc cõplecti omnes, nunc incipe velle tueri.
Hic tibi blanda domus, hic sint tibi patria Regna.
Hic placida coniunge tibi dulcedine cunctos.
Omnibus hic facilem dispensa largus amore.
Quem neque suspicio, rerum temeraria iudex,
Subdola nec testis violet mala lingua susurris.
Hic cupias dici lenis Pater, hic placidus Rex.
Hic te cognato iungat clementia cælo.

Tange felici limen pede Regie Sponse.
Cernis? ut in te hilares oculos, ut lucida cuncti
Ora gerant? vero ut fateantur gaudia vultu?
Non fingunt, fictis vanescit gratia rebus.
Ut linguis faveantque, utque omina pronuba iactant?
Omina voce palam, clam sed maiora precantur.
Te fore, qui priscum referas pietatis honorem.
Te fore, qui læsas doceas mansuescere mentes,
Te fore, dissidiis properes qui ponere finem,
Qui certare odiis, qui civica vulnera sistas,
Qui luxum tollas, qui non pro deside vita,
Non pro futilibus factis, ludove, iocove,
Sed rigida pro virtute, & pro fortibus ausis,
Præmia deberi monstres, æquosque rependas.
Improba quo capiat domitore licentia frænum,
Iustitiæ effusus qui tractes cautus habenas,
Neve sinas laxari auro intendive furore.

Qui,

Qui, reddasque bonis pacem, pravosque retundas,
Aureaque instituas revocato sæcla pudore.

Tange felici limen pede Regie Sponse.
Fas tibi, fas pleno decerpere libera fructu
Dona voluptatum, & mentem diffundere honestam.
Fas, vetitis quoniam potuisti abstinere cautus.
Namque nihil de te, nec finxit garrula fama.
Fama vagos Regum studiosa exquirere mores.
Fama nihil tacitum linquens, nihil abdere sueta.
Qui vetito abstinuit, concessio iure fruatur.

Tange felici limen pede Regie Sponse.
Hinc tibi felicis nutricula candida vitæ,
Conscia mens ævi puris virtutibus acti,
Pro pietate tua, pro intacta labe iuventa,
Spondeat omnigenos fortunæ perpetis usus,
Pura placent superis, puris Deus annuit ipse.
Hinc facile magno dignam Patre concipe curam,
Qualem vel senior quondam ævo simplice Piasus.
Cuius posteritas, multos dominata per annos,
Præfuit his longum regnis superante propage.
Vel qualem armipotens Iagelo, tua maxima origo,
Quem tu atavos inter memoras, procul ultimus heres.
Vt tua posteritas istis deducta Hymenæis,
Æternum has regnet terras, vel non nisi sero
Deficiat, quando mortalibus æternum nil.
Nec soboles hominum duntaxat & inclyta sæcla
Deficiunt, quin regna palam moriuntur & urbes,
Et solido intereunt exstructæ adamante columnæ.
Verum Diis pietas curæ est, auctoribus illis
Nil non sperandum, nil non animo amplectendum.
Queis tua si certo mens se devinxit amore,
Cætera iam prono tibi devehet alveus amni,
Et cælum factis, & famam æquabis Olympo.

Tange

Tange felici limen pede Regie Sponse.

Sed dum te affamur, trahimus dum tempora verbis,
 Ecce tibi Regina, tuæ pars altera vitæ,
 Quam iurata fides sancto tibi sædere vinxit,
 Ambrosium pudibunda pedem in penetralia ponit.
 Illam mille manus matrum, mille ordine longo
 Fæminei circum cætus cinguntque, graduque
 Huc illuc intermisto comitantur euntem,
 Et lateri agglomerant, & confertim agmine ducunt
 Qualis ubi dices Arabum rarissima lucos
 Deserit, atque alium Phœnix demigrat in orbem,
 Innumeris avium comitata. it lucida turba,
 Aligeræ circum volucres, densantque catervas.
 Illa secans medium, placidam vix commoveret alam,
 Auricomosque procul pandit nitidissima cultus.
 Sole percusso radiat cervixque caputque.
 Sed iuvenum non est sponsam percellere laude.
 Laus iuvenum, sponsæ insuavis, nec amica marito.
 Vos ad mandatas partes transite puellæ.
 Nec satis est roseo lepide arrisisse labello,
 Amplius addendum est, quod flagitat æmula Musa.
 Musa decus iuvenum. sed næ nos prorsus inepti,
 Qui, sua lusciniæ ne desit suada timemus.
 Cedamus potius, non inchoat impete anhelio,
 Quem manet expensis victoria viribus audax.

Tange felici limen pede Regie Sponsa.

Regia Sponsa, novum nostris decus addita terris,
 Austria, quam pulchro genuit lætissima partu.
 Austria magna parens Regum, magna Induperantum.
 Vt sua pœne illi moderanda Polonia sceptrâ
 Traderet, ast aliter Divum tulit æqua potestas.
 Quæ sola auricomos cingit diademate Reges.
 Nec sibi quisquam hominum temere hoc adscripserit unquam.

Tange

Tange felici limen pede Regia Sponsa.
 Eheu, quantus equis sudor, quantusque virorum
 Ardor sit, rapidis stringentum cœdibus enses,
 Mutua dum gemini tendunt in vulnere Reges,
 Auspiciumque manu captant, quem dextera victrix
 Sublimem ostendat folio potioribus armis.
 Quales quum adverso commissi cardine venti,
 Horrifer hinc Boreas, illinc violentior Auster,
 Concurrere mari medio, tenduntque procellis
 Exsuperare, animisque sibi adversantibus obstant.
 Multa inter se se iactantes flabra furorum.
 Victorem tandem fluctusque undæque sequuntur.
 Non tamen interea, se protinus amovet omnis
 Tempestas, tutive natat clementia ponti:
 Quin super usque etiam trepido se turbine miscet
 Aura tremens, latratque sonor cava littora circum,
 Reliquias venti exercens perstante fragore.
 Donec Pollucis, vel Castoris aurea stella
 Protulit os sacrum cœlo, nimbosque fugavit,
 Et placidam instituit firmata pace quietem.
 Tum fluctus posuere, vadisque relabitur unda,
 Et tuti ad cursum distendunt linteæ nautæ.

Tange felici limen pede Regia Sponsa.
 Aurea tu nobis, mundi de parte serena
 Stella nites, tu pacato cum lumine sidus.
 Omnia quo exoriente, mali fera semina motus,
 Et misera ambitio, socia cum lite facessant.
 Vulnere quæ in solidum adducas, quibus alta cicatrix
 Usque notam ambiguo liquit sub fomite honoris.
 Scilicet æternum favire ignobilis ira,
 Atque humiles animi soliti nescire quietem.
 Ast ubi ubi conspicuas discordia strenua mentes
 Impulit, & iustis rapuit fervoribus arma.

Quam-

Quamprimum sublime regens, vis alta Tonantis
 Fatorum explicuit manifesto arcana favore,
 Quem regnare velit, pulchrum cui mandat honorem.
 Absistunt moniti, Divumque sequuntur habenas,
 Et taciti solitæ retractant munia pacis
 Quique modo alternum armati petiere cruorem,
 Hos videtas demum cognato sanguine iungi.
 Tantum discedunt a vulgo Regia corda.

Tange felici limen pede Regia Sponsa.

O utinam, quod vota palam communia poscunt,
 Quod sibi connubio ex tanto spe quisque precamur,
 O utinam dulci connectas pectora nodo.
 Dotalesque animos, magnorum & fœdera Regum,
 Fortia nobiscum revoces sub vincula amoris.
 Barbarus ut tandem, populorum publicus hostis,
 Sentiat hoc, rabiemque metu deponat aperto
 Imponatque modum prædæ, imponatque rapinæ,
 Turpiter & miseram dediscat vendere pacem.

Tange felici limen pede Regia Sponsa.

Heu quibus ille ferox, minimis ab origine prima
 Prodiit auxiliis, heu quam prope tempore puncto
 Imposuit se orbi, rerumque absorpsit habenas.
 Sed qui non concors & perstans impete robur
 Accumulare potest? quid non discordia contra
 Quamlibet immensis deperdere viribus aucta?
 Quam nos heu odiis nimium exercemus acerbis.
 Detegimusque hosti latus, & nos prodimus ipsi.
 Ille vigens crescit, nos attenuamur inertes.
 Et nisi rem melior reparat concordia quondam.
 Ni communem hostem aggredimur communibus armis.
 Virtutemque animis accersimus, oria lenta
 Excutimus, curisque acres duramur acutis.
 Non longum in mediæ tempus, quin maxima tandem,

B

Patronis

Patronis nobis, oppugnatoribus illis,
Tota afflicta solo mærebit gloria Christi.

Tange felici limen pede Regia Sponsa.
O tenero producta sinu, & felicibus arvis,
Queis olim omnigenum pax sufficit almanitorem,
Blanditurque vices lætas, & gaudia dia.
Bellorum procul aspellens immitia sæcla.
O matris lepor, Austriadum o perblanda voluptas.
Incipe iam calathos, iam molles incipe curas
Linquere, & horrori mentem consuesce severo.
Non tu regnorum, aut populi Regina quieti.
Non tibi secessus vitæ spondemus amcenos.
Aude animo haurire pericla, & te quoque dignam
Finge viro, cui sceptræ manum Mavortia tangunt,
Quem sibi præposuit duris gens aspera bellis.

Tange felici limen pede Regia Sponsa.
O quoties placidi media inter munera somni,
Dum tranquilla quies securos distinet artus,
Horrida fama aspro abruptet rumore soporem.
Et tibi non solita quatiet formidine pectus.
Hinc aderit Moschum infida qui pace fremementem,
Nuntiet, & testis meditantem anfractibus arma.
Qui tacitus frænum modo mordet & æstuat ira.
Vsque memor, Stephano quantum domitoræ superbam
Demisit frontem invitus, cessitque lupato.
Parte alia Turcæ (quis enim non mentis egenus,
Spondeat a Turcis quicquam moderabile & æquum)
Enlmina dirarum obijcient male sana minarum.
Et caussis caussis nescient, semperque reposcent,
Qua via facta semel facili pede duxit hiantes,
Frædum aliquid, pretioque pacisci fædera amabunt.
Nec prius absint, quam post augmenta pudenda.
Quos frustra attoniti placabimus, acrius ibunt

Auro

Auro durati, & successu divite aggreſtes.
 Arma viri, arma, imbelles armis non imperat aurum.
 Irritat magis, & facit in contemptibus eſſe.
 Quid turpes Afæ Chanos, Scyticamque procellam
 Commemorare opus, & ſtrages numerare quotennes.
 Heu impune palam prædonum immania furta.
 Audis? ut ſubitis reſonat clamoribus æther,
 Podoliam flammis ardere, abigique rapinas.
 Heu juvenum florem, & lectiſſima corpora matrum,
 Illuſtresque nurus, forma & ſuperante puellas.
 Ruſſia queis viduata æterno vulnere languet,
 Spem miſeram, atque omnem prope deſperata ſalutem.
 Nusquam præſidio apparente, aut vindice dextra,
 Nulli deſenſata, ipſi miſeranda vel hoſti,
 Ceu vacuis ovium campis erronea turba,
 Cui neque paſtor adeſt cuſtos, nec amica canum vis,
 Stat ſaturans rabiem, & ieiunia ſæva luporum,
 Muta parata neci, lanienæ expoſta cruenta
 Tange felici limen pede Regia Sponſa.
 Cladibus in tantis, tantarum in turbine rerum,
 Ne muliebrem animum, ne geſſeris inclyta virgo,
 Ne male tuta tuo, ne ſuaſeris otia Regi,
 Ne latus armigerum ferri ſpoliaris honore.
 Quin age, te cupiente, & amante illuſtria ſacta,
 Audax infeſtis ſe ſe offerat hoſtibus ultro,
 Et decus æternum capiat non deſide dextra.
 Illum implacati fueſcant horrere Tyranni,
 Illius ad nomen trepidet procul ultima Thrace,
 Ille tibi magnis oculos ſatiare triumphis,
 Ille tibi vinctos properet deducere Reges.
 Servitioque tuo adſcribat, natasque nurusque
 Captorum Regum, ut dominam te noſcere diſcant,
 Ut penſa inſtituant ſub te glomerare magiſtra,

Utque tuam verrant humiles non segniter ædem.
 Quamvis ille tibi nunc sidere purior aureo,
 Secessu in thalami splendet nitidissimus unus.
 Tu monitis nostris tamen auscultare memento.
 Et melior forma, & totos florentior artus,
 Tum tibi fulmineis veniet spectandus in armis,
 Sublimi provectus equo, mille undique circum,
 Hinc acies atque hinc acies complexus ovantes,
 Pulvere Barbarico insignis, mistoque cruore.
 Nec tu alia ambrosio decerpseris oscula gustu
 Dulcius, aut decerpta avido repetiveris ore,
 Quem quæ sub galea invenies libata rigenti.
 Nec mage sub facilem amplexum cupientior ibis,
 Armatis quam quem porget tibi ferreus ulnis.
 Dulce viro patris pulcherrima gloria rebus.
 Dulcior ipsi etiam generoso in coniuge sponsæ.
 Hæc olim præsumpta tuo stet pectore cura.
 Nunc quod te monet hora, & flexanimes Hymenæi,
 Hoc age, teque tuo propriam blandissima trade.
 Tange felici limen pede Reg a Sponsa.
 Virginibus iam te affari non amplius æquum.
 Iam thalamus te habet o pulcherrima, iam numero tu
 Eximeris nostro, nec te lux castina nobis
 Reddet, iam matronarum te cœtibus addis.
 Blandum Sponse tibi, blandum tibi Sponsa leporem.
 Centum Sponse tibi, centum tibi Sponsa precamur
 Concordes annos, ad limina longa senectæ.
 Et sobolem pulchram, sobolem quæ his imperet oris,
 Ad metas rerum, qua terminus ultimus ævi.

Jesu Christo Laus & Gratia.

SIMONIS

SIMONIS SIMONIDÆ
CASTUS JOSEPH

D. STANISLAO
SOCOLOVIO

THEOLOGO REGIO: VENERABILI MIRACULO

INGENII ET LITTERARUM: VENERABILIORI VIRTUTE ET
MORIBUS: PATRI SUO IN CHRISTO: SIMON
SIMONIDES LEOPOLIENSIS LIB: MER: DE.

D I C A V I T.

PERSONÆ.

MALUS DÆMON.

JOSEPH.

FAMULI.

FAETIFER.

JEMPSAR.

NUTRIX.

NUNTIUS.

CHORUS ex puellis *Ægyptiis.*

SEMICHORUS.



M A L U S D Æ M O N

VEnio, inferſum domos, & umbrarum ſpecum
Linquens; ubi, telluris in penetralibus,

Superis ſeorſum, habemus infimi dii;
Vocare ſi par infimos; qui maximam
Rerumque, hōndrumque, occupamus gloriam;
Sæclaque hominum univerſa, & hic viventia
Noſtro uſu, & olim functa capimus mancupi.

Eſto, creatos eſſe nos ab altero:
Eſto, illo ab ipſo, conditam orbis fabricam,
Cæloque nos pulſos ab ipſo eodem; & his
Datos locis, ubi horror, & ſquallor vident:
Eſto omnia hæc, creator, & rerum parens,

Superbiat ſcilicet, alarumque non inis
Umbram; penes nos interim, ſolida Imperi
Maneat potestas: templa nobis, victimæ
Nobis, ſacri nobis dies, trophæaque,

Donariaque ſtruantur: ad pericula
Nos invocemur: nos bonarum præſides
Rerum feramur: denique, ipſi numina
Celebremur, & noſcamur; ille incognitus
Cælo exiſcat ſæclum. parum intereſt, ubi
Agas loci, at agas qualis, id vero intereſt.
Solenne præterea hoc genus noſtrum tener,
(Divinitatis quæ fides certiffima eſt)

Honore maſti, ut gaudeamus; male habiti
Impune non ſinamus omnimodis modis;
Cuius animi, exemplum vel hodie, iſthic palam
In iuvene nequam dabimus; & teſtabimur,
Quid conciti ira, quid benigni poſſumus.

Non ſim,

Non sim, qui haberi volo; nisi effectum illicet
 Do, quod loquor. men! quem Senatus, quem aula, quem
 Rex, quem populus, & purpurati omnes pavent!
 Quem tota gens Ægyptia, aut, quem tota gens
 Mortalium, quæcunque, & ubicunque, aspicit
 Solis iubar; sacrificiis, altaribus,
 Honoribus, mensisque certatim colunt!
 Men' eimodi, inquam, numen! unicus puer,
 Hebræa pessima soboles, fax servuli,
 Contemplerit! inultum id ei abierit pervico!
 Dabitur opera, ne scilicet abeat; & quidem
 Pridem, sciens peperceram; quum commodum
 Necare, fratrum inter manus possem; ratus,
 Doctum periculo, mitiorem postea
 Nobis futurum. sed video, non in loco
 Me misericordia usum; acerbiorum enim
 Invenio; quanquam, quod caput odii huius est;
 Cum stirpe tota Hebraica, vetus hoc mihi
 Viget duellum; ex quo potiti gentium
 Sumus, hominumque examina, in prædam meam
 Cessere; tum Regem supremum ipsum poli,
 Ita comminatum serio commemimus:
 Brevi, brevi olim tempus adfore; sæminæ
 Cum semen, Hebræus juvenis, hæc interim
 Possessa nostra regna, vi expoliasset;
 Pedibusque sæviret super caput meum.
 Id ne habeat, arcta cautio est; & sedulo
 Cavi hætenus: ideoque quamcunque indolis
 Alicuius, aspexi propagem masculam;
 Insector ultro: aut ego neco, aut multo male;
 In patribus, in avis, in atavis, gnaviter
 Hoc perpetratum: cum, quasi ex industria,
 Exortus hic puer est; statim a puero, Deo

Illi altero, addictissimus; contra, mei
 Contemptor acer; non tuli impune; & prope
 Patrata cædes, dexteris fratrum fuit:
 Sed miseritum est pueritiæ; potiusque in hanc
 Oram, abdicandum servituti censi;
 Si forte, cum loco, atque fortuna, insolens
 Exueret ingenium: alit nihil profecimus:
 Ferocius agendum est; nocensque machina,
 Torquenda quamprimum; neque ea minimæ notæ;
 Sed quam oppido fortissimam perspeximus:
 Mulier, mulier, inquam, iuventæ maxima
 Siren: repêtrix prima, mortis, & mali,
 (Neque enim alio reti, aucupatum imus animas
 Plures; quam amore, & fœmina) hæc, hæc, inquam eat
 Siquidem gradus iam factus est pulcher faris.
 Cui iste servit servitutem, est Faxifer,
 Summo loco vir, summa apud Regem fide:
 Iemphar illi uxor, supra humanum modum
 Pulcherrima; eius ex animo ego sustuli
 Mariti amorem, & servuli huius intuli:
 Quem si gerentem fecerit mori suo;
 Confecta res est: nolter est: victoria est.
 Sin obstinatus manserit animo fero;
 Tamen, facinus audacis, atque strenuæ
 Dabit mulieris: heu Iemphar, heu mea
 Iemphar; in quanta Charybdi, nunc tuum
 Pectus trucidō! sed quid ad me? dum modo
 Viciscar hostem: tu, vel alia, vel alia
 Pereas, parum moror: unico isti, fœminas
 Omnes, velim impensas; potiri modo queam:
 Sed ipse procedit foras; ego me aufero.

JOSEPH

JOSEPH.

Vosne etiam, Herum, ad hanc celebritatem
 Sacrorum, omnes comitaturi
 Testo exitis? nullus ne hic penes
 Decumbentem, præsto aderit Heram?
 Obsequio si quid, vel facto,
 Opus adveniat; qualia multa
 Circa ægrotos, plerumque usus
 Postulat; ut non satis una manus
 Officio sit.

FAMULI.

Vera quidem tu censes: atque Herus
 Digrediens, hoc itidem nobis
 Præperat; ut Dominæ præsto
 Essemus: verum ipsa, alio nos
 Præcepto, ad sacra amovet; aïens
 Primos medicos, præcipuosque
 Vitæ artifices, Divos esse:
 His quandoquidem solennia sunt
 Festa per urbem;
 Iremus omnes supplices, atque illius
 Iacentis, impleremus absentem vicem:
 Ita spem esse, posse sanitatem consequi:
 Te, cæteris cum sæminis, satis sibi
 Dum nos redimus, usui domi fore.
 Ergo imus, & voto obsecundamus pio.

IO. Siquidem Dii isti sunt; vel hæc pietas pia est.

FA. Tibi forsitan impia, qui supra Dominos sapis.

IO. Nempe, Dominos supra sapio, dum servio.

FA. Atqui Deos, quos hi colunt, tu non colis.

IO. Servire Dominis, & colere Deum; aliud est.

FA. Cui servit Herus; huic serviendum est quoque tibi.

C

IO.

- IO.* Herile corpus est, quod ~~enit~~; animus Dei.
FA. Annon Heriles quoque Dii, quorum animus est?
IO. Deos Heriles nescio; meum scio:
FA. Ergo, quod aio, nempe plus sapis, quam Heri.
IO. Cum Heris ego sapientia, haud contenderim.
FA. Verbo haud facis; verum solens facto facis.
IO. Bona verba quæso: *FA.* Num loqui videor mala?
IO. Modestius mecum agite; *FA.* Nil magis volo.
IO. Neque memini meritis aliter animo meo.
FA. Fatemur: atque integritatem candidæ
 Mentis tuæ, inque nos amorem, agnoscimus:
 Et quicquid, ab hominibus amicis, mutua
 Poscit fides; debemus affatim tibi:
 Tu namque cum primum immigrasti in hanc domum;
 Fortuna quasi tecum immigravit huc bona:
 Mitto omnigenam abundantiam rerum omnium:
 Mitto, annuam ubertatem agrorum, & messibus
 Rupta horrea; innumeros greges mitto pecorum:
 Mitto, auri, & æris, pæne, cornu copiar;
 Duntaxat in rem quod facis nostram loquor.
 Discordiis antehac scatentem istam domum;
 Perpetuaque odia, inter se alentem familiam;
 Tu, amore certare docuisti haud iurgiis:
 Aurem, tu Herilem, obsessam adulatoribus,
 Tectis susurris liberaisti; & publicum
 Audire veritatis infuesti sonum;
 Non blandiendo, verum agendo gnaviter.
 Potiri Herilem gratiam, monstrasti iter;
 Herumque, non tam dicta cum dulcedine,
 Quam facta cum virtute, munerarier
 Merito tuo instituisti; ut inde, nulla iam
 Domus sit, ubi familia, vel frequentior,
 Vel more cultiore, vel in Heros fide

Maiore

Maiore, vel quæ niteat elegantius;
 Cernatur; unumquemque Hero, ex æquo & bono
 Ornante: tuque cum inter omnes principem
 Facile locum teneas; Herumque habeas prope
 Tuum; ita tamen mentem modestam deprimis;
 Quasi ultimus, nullique sis rei: neque
 Te unquam malo quisquam usus; omnes commodè
 Vnde, & supra invidiam es; & omnibus viges
 Charissimus, iuxta atque honoratissimus.
 Idcirco, & illa dicta mea, nolim putes
 Animo malevolo dicta; sed quoniam te amo,
 Eamque fortunam perennem tibi aveo;
 Deos colendos censeo; a quibus bona
 Bona dantur; & servantur a quibus bona.
 Tu, suasionem forte si haud sequeris meam;
 Saltem, profectam animo malo, non existima.

- IO. Num quid boni vobis sit ex me, nescio:
 At si fieri aliquid, benigne agnoscitis;
 Id vero ego, a solo Deo meo, dari
 Agnosco; vosque idem velim sentire; & hunc
 Solum colere; quamquam hæc negotii haud ita
 Exilis est persuasio; quin non prius
 Deum doceri posse duco; quam ipsemet
 Se se sciendum insinuet ægro pectori.
 Nunç ite: & illos instituto patrio,
 Quos Rex colit, colite; facem donec aliam
 Vobis, superior ipse Deus illuminet.

FA. Imus; sed animum mihi tuus sermo pupugit.

IO. Illi abierunt;

Mihi nescio, qua frigida formidine
 Cor obrigit: aures sonescunt: horruit
 Capillus: arcta mens, velut magni mali
 Præfaga torpescit: quid est! aut quid me erit!

O cælites, o Rex supreme cælitum :
 Terra quasi hauriri, angulisque ab omnibus
 Videre videor appeti: pæne redeo
 In vetera: talem pæne mentem illo die
 Habuisse repero; a fratribus quum venditus
 Ex libero homine, servus hæc in loca abii:
 Sol ipse, tristius mihi quodammodo
 Lucere cernitur quid est! aut quid me erit!
 Noctem quoque, & somnum, quibus cum tædiis,
 Quibus cum acerbitatibus, & immitibus
 Insomniis, exegi! amari me a Deo
 Nimis putem, nisi pereo: quin somnium,
 Quale antea nunquam, horridum, immane, asperum
 Vidi: appetentem circiter novum diem;
 Videbar in pulcherrimam quandam alitem
 Mutarier, candore certantem nivi;
 Aurasque penna permeabam splendida;
 Cum derepente, in me cucullus imperum, a
 Tergo facit: formamque persequens meam,
 Eo usque processit sequendo; donicum
 Sub terream quandam specum me impingeret;
 Pedore, ubi & squallore quassabar gemens.
 Neque sopor, illud erat; sed usque expergitus;
 Totis volutim contremiscebam artubus;
 Gelidusque sudor, membra pervolgaverat,
 Guttis renidens, atque lassitudine.
 Tum corripior anceps cubili; & supplices
 Cum voce palmas cælitum extendo patri;
 Meliora poscens: exque ea hora perpetim
 Torpeo animis; & præsens quasi periculum horreo.
 Quid est! quid erit! eia, eia anime, quid proijcis
 Spem! quid fatiscis! comprime anxitudinem:
 Vivit Dominus, ille Dominus vivit; sine

Cuius

Cuius voluntate, pilus haud defluxerit
 Capiti tuo. tun' immerenti tibi mala
 Dari! bonave bene promerenti dixeris!
 Plusve autumes laboris impostum; solens
 Quam ferre possis! do manus, do equidem manus
 Domine: tuum imponere; subire esto, meum:
 Vel occideris; in te tamen fides mea:
 Tu servituti mancipasti: tu ex sinu
 Patris, pusillum me abstulisti; sic tibi
 Laus, atque honor: tantum iuventæ sis memor
 Ætatis impotentis, atque improvidæ:
 Cumque mala das; tolerantiam, & constantiam
 Simul da: ero, aut non ero; moriar aut sospiter:
 Tibi moriar, tibi sospiter; sim, absum, tuus.

C H O R U S.

STROP. I.

Petrâ celebris est hic
 Quædam, vitrea dis aqua;
 Fontemque expositum urnis, faxy
 Iaculans supremo.
 Apud hanc, amica quæ-
 -dam est mea; flumineis
 Pepla liquoribus
 Tinguens; superque ardua dorfa rupis
 In sole aprico expoliens; ea atrum
 Nuntium mihi insufurravit.

ANTISTROP. I.

Sontica sempsar ictam
 Peste, ægra domi occulere
 Membra; & tæniolis caput obnu-

-Bere

-Bere flavum; eamque
 Diem abisse tertiam
 Muneribus Cereris.
 Ambrosium os suum
 Ex quo abstinet; cor tacito dolore
 Vltro exedens; pœneque terminum Orci
 Saucia, ante tempus appellens.

STROP. II.

Anne tu Domina ex Pane!
 Anne es concita ex Hecate!
 An turba ex Coribantum!
 An matre montana ex multivaga!
 An te impulit feris pollens
 Dictinna! libi ob iners
 Opus, & habita sacra profane, ira-
 -Ta! infanit namque etiam per
 Terram illa; per pelagus-
 -Q. urget vaga vada ventis.

ANTIST. II.

Anne Fatiferum, quisquam
 Alter vir, tuum Dominum,
 Probro addicere tentat!
 Furtum illius molitus talamis!
 An de tuo tu inaudisti
 Non dulce tale aliquid!
 Quod te vitæ saturer mox,
 Vincamque lecto animam
 Nodis cruciet amaris.

EPOD.

E P O D.

Solet quoque ægræ, propagini
 Fœminæ, creperum malum
 Puerperii, & inertii-
 -Ae, excors nausea adesse; meum hæc eadem
 Transiit alias uterum incillans.
 Obstetricem ast cœligenam,
 Divam arcitenentem,
 Artemin, adii:
 Præsto semper adiutrix cum
 Divum adfuit favore.

A N A P E S T I.

Veram eccum, pro foribus nutritrix;
 Hanc ipsam, extra talamum duâat,
 Horrens, atra nube supercili:
 Hoc quicquid sit, discere avet mens.
 Heu me, quam væ pallida Dominæ
 Facies; quam illum primum florem
 Formæ penitus amisisti!

N U T R I X.

Miseranda hominum vita, & morbi
 Ter miserandi:
 Quid iam faciam? aut quid non faciam?
 En tibi clara ea lux. en hic æther,
 En apricum, en Sol, en patulæ auræ;
 Quorum cupiens, unum id in ore
 Nuper habebas; surgere, linquere,
 Infelix stratum; procedere,
 Vesci cœlo; en, quam subito istud

Fastidis!

Fastidis! stratumque iterum apperis!
 Respuis omnia; nil tibi volupe est!
 Quod adest damnas: quod abest poscis;
 Mox quoque id ipsum, horres & refugis:
 Quid iam faciam tibi! vel quid non
 Faciam!

Ægrotem potius, quam ægrotos
 Curem. simplicior enim hæc labes;
 Doleas si ægrotes: si ægro adsis;
 Et menti dolor, & manibus labor;
 Omnis vita hominum ingratiſſima;
 Nec requies hic ulla laborum.
 Certe aliam vitam, hac potiorem.
 Tenebræ offuſis nubibus arcent;
 Nos tamen effluſim hanc deperimus;
 Quæ sub ſole hic obvia claret;
 Vitæ propter inexperientiam
 Alterius, rerumque ſupra nos;
 Fictisque ultro ferimur nugis.

JEMP SAR.

Suſcipite humeris; ſuſcipite ægram,
 Tollite feſſam; ſolvor nervis
 Omnibus; omnia lapſant membra:
 Fulcite caput: fulcite ægra
 Colla: rotatur mundus: currit
 Terra; cado, cado, pereo: date mi
 Date veſtram manum;
 Suſcipite meam, ſuſcipite manum;
 Ventum ficite, demite tæniam
 Capiti; gravis eſt, gravis eſt, ſolvite
 Crinem: ach me, ach me.

NU. Obfir-

NU. Obfirma animum; neque te toto
Corpore proiice filia:

Qui placidum se se, & generosum
Morbo impertit; minus ægrotat:
Ista nati lege homines sumus;
Multa in vita perpeti oportet.

JE. Heu quam parvi culmine tecti
Rure in vacuo, vivere servam
Dulce foret: quam fonte ex puro,
Puris lymphis, sedare sitim:
Somnumque vdo gramine inire.

NU. Filia, filia, quid deliras!
Quid te oblita es! solam te isthæc
Reris! ne mihi, ne quæso hac in
Turba, exsensos sermones sere;
Qui te mentis captam infament.

JE. Age fufum mi, date qui filum
Ducam; libet ad lumina sera
Flammæ hibernæ, pervigilare;
Non soli vivunt opulenti:
Ducite nuptum me: urite faculas:
Induite oculis, crocinum flammeum;
Servo cupio, serva locari.

NU. Apage obsecro, dicta indicta hæc:
Me miseram, num vere desipis!
Nam quid tibi cum fufis Dominæ!
Aut quid Heræ cum servarum operis!
Quid cum faculis, pridem nuptæ!
Me miseram, num vere desipis!
Lymphæ pueros latices poscis!
Non tibi vivo saliens pumice,
Fons, per mediam murmurat aream;
Quo cupida sitim stingere possis.

D

JE.

J E. Signum pecori, numerum frugibus
 Libet imponere; libet occludere
 Resinis dolia; condere, promere,
 Libet omne penu; famula o Domine
 Sim tua; sim tua serva o famule.

N U. En quale iterum dixi dictum!
 Modo te aiebas, sera ad lumina
 Fufum ducere; iam media inter
 Armenta erras, numerasque pecus;
 Artem hæc poscunt ariolatricem:
 Certe aliquis te, filia, Divum
 Vexat, sanumque amputat animum.

J E. Infelix ego, quid tandem egi!
 Quo deveni! quo rationis
 Itere ex recto, devia flexi?
 Desipui, cecidi, ista flagello
 Divum: ach me, ach me.
 Obnube mihi; obnube caput, mea
 Mater; oculum lacryma perpluit;
 Facies conturbata rubore est.
 Ach me, ach me.
 Si ex vitiis resipiscas; dolor est:
 Si cum vitiis vesanire
 Porro pergas; porro habeas malum;
 Præstiterit, nil gnarum, nilque
 Oppetiisse scientem.

N U. Obnubo; sic utinam mors me
 Subito obnubat:
 Nam quo vitæ prolixæ usus?
 Nisi ut adversis pluribus instruat;
 Multa tamen me docuit senium;
 Quorum volupe est vel meminisse:
 Et tu filia crede expertæ:

Nunquam

Nunquam vitium contrahere optimum
 Equidem duco; at vix humanum;
 Soti etenim Dii sunt sine noxa;
 Homines, labimur, & consurgimus;
 Quanquam surgere, sit cum magno
 Morfu animi, magnoque pudore:
 Surgendum tamen est, potius quam in
 Sorde iacendum; hæc altera tabula est,
 Post naufragium: non resipiscere,
 Sed grassari, per scelera in celus;
 Plusquam infanum iudico, & amens:
 Porro quid virtus, quid vitium
 Ignorantem, velle perire;
 Brutæ est pecudis.

JE. Promptius ista est verbo dicere
 O mater, quam facto ostendere.
 Durum; quod dolet, ut non dolet
NU. Fateor nanque tuo ipsa dolore
 Doleo: ætatemque meam contero:
 Si modus ullis est servandus
 In rebus; amicitias censeo
 Quam mediocres misceri; neque
 Intimam ad animæ haurire medullam.
 Ut quod volupe est; sit tractabile;
 Sive intendere, sive remittere
 Libeat; verum hoc indignissimum;
 Binum, unam animam ferre dolorem:
 Atque ego nunc, ad mea privata
 Damna, tuo etiam afflictor damno.
 Quin, vitæ quæque, nimium studium,
 Officere magis, quam proficere,
 Habitumque bonum corporis aiunt,
 Frangere potius, quam stabilire.

D2

Nimium

Nimum omne, minus laudo; siquidem
Ne quid nimis; ut docti suadent.

CH. Mulier senex, Dominae meae, fidiſſima
Nutrix; video quidem palam infortunium;
Verum eſt in obſcuro: quid hoc mali fiet;
Scitari igitur ex te, atque diſcere volumus.

NU. Scitans, neque ipſa ſcio; fateri enim abnuſit.

CH. Neque eloquitur exordium ægritudinis!

NU. Ad idem rediſ; ſileſcit uſque hæc omnia.

CH. Quam concidit: quam tabuit: quam marcuit.

NU. Non potuit aliter; tres dies cibo abſtinens.

CH. Morbine vitio? an ita ſciens ut ſe enecet?

NU. Plane enecet; deliquium ad animi uſque abſtinens.

CH. Mira memoras; quid Heruſ! vel ea non percipit!

NU. Occultat ipſa; neque ſui indicium facit;

CH. Quid! intuens vultum, videre non poteſt!

NU. Quid ni videat! aſt illa ſimulat malum aliud.

CH. Quin tu ipſa tormentum aliquod adhibeſ! & mali
Fontem eliciſ! vel prece; vel inſtigans minis.

NU. Ad cunſta deſcendi; nihil potui tamen;
Verum neque hanc vicem, remittam hilum ab animo;
Vel tu ipſa, præſens ut ſuas teſtis mihi;
Qualem ego me Heriſ indulgeo male habentibus.
Age, o caput charum, prius quæ diſta ſunt,
Vtrinque ſunto indiſta; tuque lætior
Frontem explica; dimitte vero obſtipum iter;
Atque adeo, ego ipſa ſicubi fui durior,
Dimitto; ad aliaque meliora diſta eo:
Age, ſi tibi, quod dicere pudeat, dolet;
Hæ ſæminæ, callent mederi ſæminis;
Modo creduas illiſ; boni aliquid conſulent.
Sin' ad viroſ quoque morbuſ eſt volgabilis;
Eloquere, medicis ut negotium detur;

Age;

Age; quid fiescis? esse mutam non opust;
 Sed, vel redargue, male si videor loqui;
 Vel si bene; bonis da locum sermonibus.
 Dice aliquid: ostende os: speci huc: heu misera ego.
 O feminae, frustraneus labor meus;
 Ibidem a prioribus absumus; neque enim antîdhac
 Verbis movebatur; modo etiam respuit:
 Hoc quoque tibi scias; vel mari asperiozem; ego
 Te iam putaro; si mori cruda obstines;
 Teque Dominumque tuum, tuosque liberos
 Prodens; quibus plagosa mox aliqua imperet
 Noverca; miserosque miseris traſter modis;
 Vel fervoli ipsi pessime usque insultitent;
 Vel iste, qui ante te potitur nunc domo
 Jossippus. IE. Ach me. NU: pungit hic te scilicet.

- IE. Perii; occidis me mater, undique occidis;
 De iuvene eo, sit obsecro silentium.
 NV. Vide, ut sapiſ! sapiens tamen, dedita opera,
 Servare te tibi, tuisque negligis.
 IE. Amo liberos; sed iactor alio turbine.
 NV. Verumtamen puras manus fers crimine.
 IE. Manus quidem puræ; ast animus ærumnam haber.
 NV. Num inimicus aliquis, conscit in te aliquod malum!
 IE. Amicus exest; non volentem, non volens.
 NV. Num Fæstifer Dominus facinus in te facit!
 IE. Utinam ne ego illum inveniar afficiens male.
 NV. Quæ tandem ea est acerbitas; quæ urget mori!
 IE. Sine me mihi nocere; tibi enim noceo nihil.
 NV. Non vero sino; tuum malum, meum malum.
 IE. Apage, abstine manum; hæc quidem est iniuria.
 NV. Vel genua tua tenuero, neque demisero.
 IE. Mala, o misera, tibi, si resciveris, mala.
 NV. Quod mihi malum maius! tui quam amissio;

IE. Occi-

- IE. Occidis; honori mors mihi; probro salus.
 NV. Cur me hæc honesta postulantem non doces?
 IE. Siquidem ex honestis machinamur turpia.
 NV. Futura forte honesta si narraveris.
 IE. Discede per Deos, manumque omitte mi.
 NV. Non fecerim; quum tu, quod oro, non facis.
 IE. Jam facio; pervincis sacra hac manu tua.
 NV. Age, ocyus fandi capesse exordium.
 IE. Quid ego misera dicam! sine, ach mater, sine.
 NV. Jam pollicita; fidem cave & felleris.
 IE. Fallere fidem præstat; quam iniqua proloqui.
 NV. Non in bonis, sed in malis, consulto opult.
 IE. At non potis consilio agi labes mea.
 NV. Nil tam mali est; quod consulens, non explices.
 IE. Rem perditam, nulla explices, vi consilii.
 NV. Servantur urbes perditæ vi consilii.
 IE. Ergo tuo tandem periculo loquar.
 NV. Loquere, vel in periculum vitæ meæ.
 IE. Quisquis sceleris ansam dat; an scelus facit?
 NV. Pars una sceleris, huius, huius altera.
 IE. Quid? qui insciens; occasionem dat mali?
 NV. Nullo tenetur crimine ignorantia.
 IE. Ach me, Domine, quam pæne bis te vulnero.
 NV. Num de marito quid sinistri suboluit!
 IE. Etiamne tu viros putas delinquere?
 NV. Etiam vitia cadere puto in sanctissimos.
 IE. Nil miri itaque muliebri si ingenium cadat.
 NV. Tenerior animus, noxiæ proclivior.
 IE. Veniam ergo, mea quoque noxa iure invenerit.
 NV. Non omnibus noxis venia eadem datur.
 IE. Quid quæso? quale hoc est, amare quod vocant?
 NV. Suavissimum, & amarissimum, filia, malum.
 IE. Nos alteram tantum huius utimur vicem.

NV. Echo:

- NV. Eho : tibine præter virum cognitus amor!
 IE. Nollem agnitum; sed rapimur æstu ingratiis.
 NV. Quis is! vel unde! crimini qui te appetit!
 IE. Cuiatem eum tu dixeris iuvenem exterum?
 NV. Nosttrumne Iolippum! IE. loquentem te audio;
 Non ipsa narro. NV. Proch Dii Deæque, quid
 Ego audio! nosterne Iolip! illene
 Iolippus! illud unicum delictum Heri!
 Ille oculus alter! lux, fides, columen domus!
 Functam me oportuit prius; quam hæc audio:
 Vno hoc die plus vivo; quam vivendum erat:
 Abite iam mihi deinceps, moribus
 Quotquot subærat, dolosum intrinsecus
 Cælatis animum; corde sublesto, & cato;
 Qui fronte venditare sanctimonias
 Didicistis; intus agitis ærugo mera.
 CH. Et me non mediocri impetivit
 Admiratio; talibus repertum
 In malis, iuvenem hunc; præire cunctos
 Qui visus mihi moribus modestis:
 Ignosco sedenim; acer Imperator
 Est amor; senibus quoque egelatis
 Cit incendia; nec viros remittit;
 Quanto perniciosior iuventæ est;
 Cui cor fervet, & ipsa adurit ætas.
 Non amem; vel amem pudico amore.
 IE. Ægyptiæ puellæ, amicum mihi genus;
 Persæpe noctis circiter meridiem,
 Quam testus aer astricis silentiis,
 Sono ore corda vincit, & sensus domat;
 Ego quietis cassâ, mente pervigil,
 Animum meum speculatum in orbem misi; uti
 Me certiore redderet; quibus modis

Damnosa

Neque faciens male, teste sub multo siem.
 Scio, facinus grande esse, sibi molirier
 Manum: scio, facinoris indignissimam
 Causam; mulier adhæc, patrans tantum nefas;
 Opprobrium, odiumque omnium video fore:
 Sed pessimis pereat modis; sanctum tori
 Consortium, quæcunque princeps institit
 Scelerare, & ad viros fidem extulit externos.
 Nobilibus ex domibus, datum est foedissimum
 Huius mali exemplum; inque vulgus proditum.
 Præstantioribus enim ubi turpia placent;
 Videntur illico infimis pulcherrima.
 Porro, odi & illas; quæ pudicæ, grandibus
 Verbis tenus, sub corde cælant pessimas
 Audacias: istæ, o Domina Pontica Cypri,
 Qua fronte, tandem conjugum vultus sacros
 Contra obtuentur! quomodo vel complices
 Sceleris tenebras non pavent! atque angulos
 Ipsos domorum! forte ne vocem dunt:
 Hæc namque me, o charæ, neci nunc mancipant;
 Ne unquam virum meum inveniar urens nota
 Infamiæ; neu filiis conflem nefas;
 Quos strenuos quando sine scelere extuli;
 Iuge hoc decus habeant; diuque floreat
 Splendore mentis; gloriosi vel meam
 Vicem; nec ob matrem male in vita audiant.
 Licet quis animi maxima pollicentia
 Sit præditus; serviliter illico tamen
 Sapiat necesse est; si paternorum scius
 Sit criminum: hoc ferunt, vel carius
 Vita esse, cui iusta, atque honesta mens adest:
 Quod si accidat quandoque vulgari improbos;
 Tum tempus, ac si virgo, speculi in æquore

E

Macu-

Maculas notat; vulgoque proponit palam:
 Quos inter utinam ne inveniar ipsamet ego.
 Hoc ultimum non vos tamen cælaverim;
 Omnem meam culpam esse; iuvenem hunc criminis
 Nihil dedisse; præter eximia quod est
 Forma; meam quin sedulo cupidinem
 Pravam refugere; quod ne sitis nesciæ.

CH. Euge pudor, euge; quam ubique splendidus viges.
 Tuisque laudem comparas cultoribus.

NV. Hera, mihi prima fronte calamitas tua,
 Pavore cor expectorarat: ast modo
 Quam vana fuerim sentio; ita mortalium
 Secunda cogitata plus sensus habent.
 Nihil supra humanum modum; nihil supra
 Perpeffa naturam es: potens in te. Dea,
 Irruit. amas: quid tum! quid hinc miraculi!
 Volgarium hoc est plurimis mortalibus:
 Ideone vita deferenda! ideone mors
 Obeunda! mitte lubricam mentem tuam:
 Nimum sapi. nimum sapere, nimum malum est.
 Morbis mederi clade; dura amentia est.
 Si iam patrasses morte condignum nefas;
 Tamen ideo non iure mortem exposceres:
 Nunc vana cogitatio duntaxat in
 Te ebulliit: quam si potenter viceris;
 Neque te ferendam affectibus permiseris;
 Bis tantidem iugi potieris gaudio.
 Iucundius periculum est evadere;
 Quam nescientem omnis manere periculi;
 Cuius tibi optima iacta sunt fundamina.
 Medium medelæ prope habet; ægritudinis
 Quisquis genus nosse potuit; quod Filia
 Promptum tibi est; cætera dies curaverit.

Laudo,

Laudo, ob oculos habere te sobolem tuam :
 Laudo, malam esse nolle vel eorum vicem :
 Præire virtutem, parentes filijs
 Par est. suos sui enim æmulantur commode :
 Quanquam neque eum ego filium probaverim ;
 Qui vitia, potius æmulus fuit patrum ;
 Quam facta cum virtute mortales sumus
 Omnes : vicissatim bonum in vita, & malum est :
 Illud colere, querere, sequi ; hoc, nec audiens
 Audire, nec videns videre, filius
 Debet ; pius quisquis, timensque Deum esse vult.
 Quin sæpe, patrum errata, magnum filijs
 Dedere stimulum, ad strenue, atque fortiter
 Agendum ; ubi animus labis impatiens, supra
 Iniuriam esse, & ora vulgi claudere ;
 Noxasque maiorum, suis virtutibus
 Obducere satagit, quod e contrario,
 Frequentius fit ; optimis ex patribus,
 Ut pessimi sint filij, & noxæ mæx ;
 Virtute qui partam parentum gloriam,
 Titulo tenus duntaxat in se transferunt ;
 Ii si, nihil minus cluunt, quam nobiles.
 Quo, neque tuis te liberis impendio
 Nimio esse sollicitam, neque mori velle fas.
 Si liberali præditi ingenio vigent ;
 Vel usque te cessante, perstabunt boni.
 Aut, cura si hæc tangit nimis ; quod tu obsecro,
 Viroque, filijsque, tibi, enormius
 Opprobrium reliqueris ! quam si necem
 Tibi, ipsa consciscas ! boni consilij opus
 Hoc scilicet putabitur ! vel impotem
 Mentis ; vel actam criminum furoribus ;
 Vel a marito atrociter habitam, ferent.

u. 2.

E 2

Erige

- Erige animum; & minus malum, elige in malis.
- CH. Præbere remet consulentibus bene
 Domini decet; præclara distio tua
 Quidem est; sed huius oppido salubrior,
 Magisque præsentanea, ad vulnus tuum.
 Sed non ferendi tempus hic sententiam
 Vtra gnarius dixit; sed instandum optimis.
- IE. Vtinam reapse mala pati, ita facile foret;
 Ac suasionem dicitur; caret auribus
 Dolor; altiusque sauciata vulnus est
 Mentis; mederi lingua quam verbis queat.
- NV. Pergis muliebriter loqui Filia! neque
 Te respicis! qua nata sorte: qua domo:
 Qua opulentia: quibus parentibus: quibus
 Donis Deum: quibus propinquis: quo viro:
 Sed mitto ea; vel humanitus tecum loquar.
 Tun' posse, quenquam matre mortali satum,
 Reris, malorum ducere exsortes dies!
 Solis beatissimæ esse Divis contigit:
 Nobis hominibus, una particula boni,
 Malis duobus temperata ceditur.
 Sapiens, quod ægre est, sedulo domi premit;
 Quod commodo est, in publicum profert palam;
 Hæc alea, aliter cadere nequaquam potest.
 Fortuna quanto tua putanda facilior,
 Cui plura bona, collata sunt divinitus,
 Quam mala; animum tantum pares; qui uti sciat.
 Plerumque satias, insolentiam parit;
 Porro, insolentia exitus semper ferox;
 Illud vide, filia, tibi ne quoque fuat:
 Ut conferendis in bonis, faciles Dii
 Sunt; ita graves plectenda in insolentia.
 Obfirma, & obdura: nimia lascivia est;

A quo

A quo bona habeas, nolle mala pati indidem;
 Divumque fortem corde concupiscere.
 Amans, amorem frange cum prudentia:
 Morbo ista; morbum vince cum patientia.
 Vel verba quoque sunt dia; sunt magicæ notæ;
 Sunt fortia indigationum carmina;
 Quibus, vel ipsam flammeam vim sopias:
 Serum est, quod homo vir callidi quid adstruat;
 Nos sceminæ nisi cœpimus negotium.

IE. Parce obsecro laudare fortunam meam;
 Ex qua, nihil, præter onus, & certissimam
 Pestem, redundat ad me: habere plurima:
 Coli ab omnibus: abundare luxu, & otio:
 Nihil manu propria, vel attingere quidem:
 Nil seriæ curæ instituere: nil dare
 Vilo labori; ævum sed omne impendere
 Conviviis, ornatibus, spectaculis;
 (Vt morem habemus sceminæ magnatum)
 Quæ tam severa mens sit! inter lubricas
 Has vanitates; quæ mali aliquid non trahat!
 Nolim ex meo ingenio æstimare cæteras;
 Tamen profabor: quæ maritis nuptum eunt;
 Magis se ab illis duriter, quam blanditer
 Tractari ament; damnosiores reddimur
 Enim licentia: & nisi animus indies,
 Gnavum aliquid habeat, quod voluter; non mora est,
 Quin tanquam in agro pingvis arvi, frugibus
 Non confitis, herbæ malignæ inhorreant.

CH. Hera, nullum adhuc dictum audii ex te, perperum:
 Hoc libere effarim tamen; nullam esse, tam
 Orationem conditam optimis modis;
 Quæ sola per se, quod salubre est, conferat;
 Sine facientis ope: ergo quod faris, face.

IE. Pulchre

- IE. Pulchre mones: hoc scilicet cultissimas
 Evertit urbes: hoc domus pessum cedit;
 Impensa dicti cura, facti incuria.
- NV. Tamen dolorem dicta sueta demere:
 Neque mihi nunc quisquam labor praesentior;
 Sermonem seu res, seu queat factum effici;
 Quam te levare, pristinamque reddere
 Mentem tibi; modo ipsa remet praebeas:
 Sive hunc amorem ponere, quod optem magis;
 Sive indipisci deligas; utrumque do:
 Servare sed ego sospitem, & superstitem
 Magni aestimo; neque hoc mihi invidiosum est.
- IE. Hæc, quid locuta mater es! cave obsecro
 Mi tale verbum dixis, ignem quod habeat.
- NV. Non hercle vero dico; neque factum velim:
 Sed potius ausim cuncta; quam te perduim.
- IE. Ne quæso mihi fac mentionem turpium.
- NV. Hoc turpe, honesto longe fructuosius est.
 Res ipsa melior, quæ potis salvam dare;
 Quam fama; cuius appetens, male oppetas.
- IE. Ne per Deos, (bene enim mones, sed turpia)
 Ne mihi itera hæc; sat obstinatum animum gero
 Adversum amorem; ne, dum honeste, turpia
 Circumloqueris, eo incites, unde fugio.
- NV. Siquidem ita polles mente, certumque est pati;
 Evince, perfer, laudo criminis fugam:
 Sin minus; obedi mihi; secunda erit hæc salus.
 Sunt philtra delensifica quoque amoris mihi;
 Quorum modo in mentem quam oportune venit;
 Ea, eis pudoris, eis animæ periculum,
 Morbum levassint; tu ipsa modo non obtuas.
- IE. Quæ philtra amabo? ungine, vel debent bibi?
- NV. Quid quæris hæc! uti velis, non discere.

IE. Subtre-

- IE. Subtrepido, ne istud callidum nimis fuit.
 NV. Nimis pavens, pereas nimis; quid te abiicis!
 IE. Tacitum tamen sit hoc; nec in vulgus eat.
 NV. Mecum labor erit iste: vosque o unicae
 Amicae, idem adiuuate; quandoquidem bona
 Fortuna quædam, huic tempori vos hic dedit.
 Amicus in periculo instar omnium est:
 Amoris, in periculo, periculum est:
 Ego interim abeo; ut quæ scio factu optima,
 Properem domo: vos hic mihi servate eam,
 Donec redeo: solam esse non permittite;
 Nam solitudine nihil huic nocentiust.

STROPH. I.

- CH. Amor, dolose amor; ingerens
 Ardorem oculis; & inde, ad imum
 Cor, flexanimi penetrans cura;
 Ne mi advenias sinister unquam:
 Neu turbator adsis.
 Non malignior est
 Vis ignium: non ullius
 Astri, tuo præ veneno:
 Nocente quod manu
 Sævus faculasti.

ANTISTROP. I.

Fera inter arma, periculum
 Sustinere, tutius potis sim;
 Quando rapidam ungulam equorum, Mars
 Strigat; tunicam superne abenam
 Indutus; rhedaque ex
 Ære conspicua,

Huc

Huc vulnera, atque huc feminans;
 Quam stare contra sagittam
 Amoris; illitam
 Dulcedine amara.

STROPH. II.

Ætatem teneram,
 Hæc nefaria serpens,
 Meam olim momordit;
 Quibus malis tum
 Prostrata non iacui misera!
 Horreo hodie quoque illam
 Cladem: penitusque exse-
 -Cro; animus, pudor, os, frons,
 Virtus, fama, honor, pietas, Deus, cor,
 Exulaverat a me.

ANTISTRO. II.

Anni, anni indomiti,
 Flos iuventæ animosæ;
 Nihilne aggredi unquam
 Salubre scitis!
 Semperne, quod breviter volupe est;
 Perpetuo in omne sæclum
 Mercabimini luctu!
 Amor, exiguum post
 Guttam mellis, improba apes, relicto
 Avolat tumido istu.

- IE. Silefcite obsecro, fitefcite: namque iis
 Distis, recrudescit cicatrix vulneris.
 CH. Nos hæc medendo vulneri putavimus.
 IE. Frustra putastis; namque vulneror magis.

CH. Sanari

- CH. Sanari ego, contrariis contraria
Putavi: amorem; amoris odio, & nausea.
- IE. Amoris ingenium, parum perspectum habes:
Amori, amoris mentio ipsa, noxia est:
Bona, vel mala sit illa; tamen extemplo nocet:
Salus amoris; sola fuga, & oblivio.
Quin, quicquid adversi uspiam in vita accidit;
Id tempore, atque oblivione existimo
Solere sanari: illa demendis malis
Constructa dicta; consilia, solatia,
Orationes, suasiones splendidæ;
Nugæ meræ sunt: quin dolorem confricant
Potius, & usque exasperant, quam leniunt.
Porro, methodum tempus hanc medendi habet:
Præsentia mala, instantibus; vetera, novis
Excludit: interdum gravia, minoribus;
Gravioribus, minora sæpe pensitans:
Magno velut mari; minorem, grandior
Fluctus quatit; nec pausa tranquillo datur:
Qui stare contra, cautis in morem, quirit;
Dorsoque, fluctus oblatrantes, dispulit;
Hunc strenuum, hunc fortem puta. pars plurima
Hominum: ubi quid præter voluntatem accidit;
Quasi pueri parvi, caducum sicuti
Offendimus pedem; lapidem ubi offendimus,
Pugno insequimur; a quo illico fugiendum erat:
Mala namque quo magis teruntur, magis olent.
- CH. Prudentiam tantam tuam, Domina, utinam
Meis quoque usurpare in adversis sciam:
Bene habet vetus dictum; ad bonum, vix transitum
Dari, nisi ex malo; albaque colorem ex nigris
Assumere; atque adeo cadere summot viros
Plerumque prodest; ut facem minoribus

F

Prælu-

- Præluceant surgendi: eandem quum cadant
 Lapsi ruinam; ut vel tuo exemplo, mihi
 Promptum sit, esse cautiorem in posterum.
- IE. Heu, heu, in hanc fortunam ego servata sum!
 Fierent ut in me, exempla pessimæ notæ.
- CH. Non pessimum hoc; gradus unde datur ad optimum.
- IE. Hoc optimum, libenter a me segregem.
- CH. Morbone strata, sanitatem segreges!
- IE. Ego sanitatem laudo; sed quæ est perpetim.
- CH. Nil perpetim in vita datur mortalibus.
- IE. Morbos tamen, nunquam in bonis numeraverim.
- CH. Morbis carere, vel mederi, æque bonum est.
- IE. Minus bonum est; origo cuius ex malo.
- CH. Maioris artis est, facere bonum ex malo;
 Quam nulla damna labe cassum incurrere.
- IE. Hac arte gratis cuilibet concesserim.
- CH. Gratis, vel ingratum, ferenda fors tamen
 Cuique sua: quæ, si bona sit, amplexanda; sin'
 Mala, arte corrigenda: tum, quam maxime
 Id cogitandum; neminem soli sibi
 Natum esse; sed, vel ipsum in alios iugiter
 Spectare; vel spectari ab aliis mutuum.
 Vitamque nonnisi æmulando vivier.
 Ergo, magistra quando virtute gradimur;
 Non minus in alios benefici, quam in nos sumus;
 Exemplar ad nostrum, seipsos qui exigunt.
 Sin' cæspitare quandoque in vitium obtigit;
 Nulla mora; rapiendus illico gradus
 Ex labe; formandusque rectam ad regulam;
 Ne cæteros nostram vicem labi accadat.
- IE. Esto; siquidem ita reris; exemplum ut aliis
 Dem; dabitur exemplum, palamque docebitur;
 Quantum malum in vita sumus, nos feminæ.
- CH. Bonum

- CH. Bonum doce potius; malæ sat dicimur.
 IE. Et iure sane dicimur meritissimo.
 CH. Hau, Domina, quæso hæc verba compendi face.
 IE. Compendi ego! quæ me scio nequissimam.
 CH. Honestius de te æstima; de aliis quoque
 IE. Non habeo me laudare: quod res est loquor.
 CH. Æquale vitium est, prædicare summa de
 Se; & ad ima se dicto suo demittere.
 IE. Ligo, ligo mihi; feminæ malæ, malæ.
 CH. Malas quidem haud nego: sed in quibus boni
 Pars maior; in simplo malæ; in duplo bonæ.
 IE. Hau, parce quæso talibus falsiloquiis:
 Nos ad duplum, in simplo malæ! imo in centuplo
 Si conferantur commodis, incommoda.
 Nos iurgiosæ, tædiosæ, male habitæ,
 Malæ domitæ: incicura, inexpedita gens,
 Molestæ, suspiciosa, fallax, pervicax,
 Fluxæ fidei, lubrici animi, oris levis:
 Contentiosæ, sumptuosæ, prodigæ:
 Sæpe impudicæ, sæpe vendulæ tori;
 Ut cætera fileam: istud unicum bonum
 Agnosco nostrum; liberorum quod sumus
 Matres; domusque posteris producimus.
 CH. Quanquam, quod ante dixi, inesse in omnibus
 Non do; tamen vel insit: istud unicum,
 Quod deinde nostrum agnoscis; omnes noxias
 Illas, lepore proprio præponderat;
 In vita enim nil liberis iucundius.
 IE. Hæc illecebra nempe fallax liberum;
 Necessitatem perferendi maximi
 Incommodi, imposuit viris; nosque improbam
 Mercem, parandam fualit, in certum malum:
 Ast feminari si hominum oportuit genus;

Cis feminarum usum, fuisset id utinam :
 Præstiterat, immortalium templis Deum,
 Tantum, aut chalybis, aut æris, auri aut divitis,
 Inferre; quantum quisque deprimeret puer:
 Atque ita propagem liberum emptam tollere,
 Domosque colere liberas, sine feminis;
 Quum pestis huius, in domum introductio,
 Vel inchoatur magno opum dispendio.
 Quin ipse, (quod nos haud bonas liquido arguit)
 Qui protulit, qui aluit pater; procul suis
 Ex ædibus domum in alienam segregat
 Additque dotem; ableget abs se ut modo malum:
 Ast qui potius est sibi immitem feram,
 Latatur usque, quando statuz pessimæ,
 Pulcherrimum ornatum apparat; peplaque; genus
 Omne coemit; lapidans peculium domus.
 Nec iam facultas segregandi; affinium
 Clarorum enim ergo, fert vel ingratum torum :
 Aut si, propinqui futiles; uxor proba;
 Tum pensat infortunium bono opprimens:
 Carere utroque aptissimum. aut ducenda si
 Erit uxor; insulsa & stolidi, ducenda erit:
 Solertem ego odi feminam: neque approbo,
 Quæ sapiat, ultra muliebre sapientiam.
 Vasticiem enim facilius ingenerat Venus
 Sapientibus: stolidis, stoliditas ipsa, pro
 Sapientia, & custodia est; cuius rei
 Illustre sim exemplum ego; dari exempla siquidem
 Tanti interest; faxo, meo magno malo:
 Frugi futuram quamque vel millefimam.

CH. Paveſco, quo evadas Domina, quoque accidas:
 Cui displicent enim omnia; nihil is boni
 Incoſitare poteſt; neque ſibi, neque aliis.

IE. Tu ſi hoc loci eſſes, ubi ego ſum; aliter diceres.

CH. Illa

- CH. Illa tua dicta priora potius dicerem:
Nam longe, iis potiora, quæ dixi modo.
- IE. Erras; severa, & sancta dicta, si putas
Vitæ severæ, itidem esse pignus, & notam;
Plerumque castissima loquuti; vivimus
Turpissima; & fucum facimus hominum auribus.
- CH. Non laudo fucum; sed vel improbiſſimis;
Concedo sermonem probum; ne duplicem
Ad facta, dictorum aggerent vecordiam:
Tum sepe, ut ægris, sanitatis mentio,
Ad sanitatem consequendam, anſam dedit;
Ita dicta cum virtute, vitiſſimis,
Virtutis ineundæ dedere exordium.
- IE. Vitiis ego antistare iudico omnibus
Hypocriſim, & simulationem; quo mihi
Sincera verba; vita si infincera ſit!
Potius probō; malum, ut malus vivit; malum
Videri, & execrari ab omnibus; ita enim
Mali, malos faciunt bonos; dum ipsis palam
Male est; quam in occulto altere mentem ſubdolan
Nec mihi aliter ſit: poſteaquam me Deus
Quidam malevolus, vel meum implacabile
Fatum, vel obſtinata vis Fortunæ, eo
Adegit; ut videns, ſciens, ineam ſcelus:
Ita videar, ita differar, vulgo palam;
Qualis palam vivo: nec eſt, cur obtegam, aut
Fugiam malum; ex quo aliis futura cautio eſt.
- CH. Domina, poteſtas non poteſt tantum mea,
Vt arceam, vel comprimam facinus tuum;
Hoc te tamen per dexteram tuam rogo;
Præſente me, ne quippiam ferocius
In te audeas; unde imputari mihi quoque
Poſſit, tui periculi, periculum.

Sed

Sed sustine tantisper; usque tibi tua
Nutrix redeat; hanc testem habe, quicquid te erit.

- IE. Quo tandem abivit illa? quo me deserit!
Ach mater, ach, cessare nunc non expedit.
- CH. Quæsitum abivit philtra; tam oblita subito es!
- IE. Nugas meras: quæ philtra! decumanis ego
Hic interim iactor, flagellor fluctibus.
- CH. At iam redibit: perbrevev tolera moram.
- IE. Amor moram non tolerat; ach me, ach occidi.
- CH. At iam redibit; audio sonitum pedum.
- IE. Maiorem ego sonitum, misera, animi audio.
- NV. Quid est! quid hic factum est! quid incensa Domi.
Quid hic inornatus sibi poscit status! (na es!
- IE. O mater, o mea mater, ut me deseris!
- NV. Ego desero! quæ isthic cucurri prope volans.
- IE. Nihil mihi tua cursio, & recursio.
- NV. Philtra attuli; quibus tibi fiat bene.
- IE. Neque philtra, neque dicta, neque iam ullam denique
Curationem curo: quod semel animo.
Statui, & recepi; id omnibus rationibus
Audere certum est: vosque maiorem in modum
Quæso, & rogo; vel adiuvæ sitis mihi;
Vel ne repugnetis meæ sententiæ;
Decretum enim est, audire neminem: neque
Illa mihi dicta, quæ prius disseruimus,
Revocate; nam illa dicta sunt labris tenus.
Animus fuit alibi: scio me feminam,
Scio Dominam esse; quod volo vobis quoque
Deliberatum sit; meaque verba placide
Admittere. Ego cum primum in hunc juvenem oculos
Conieci, & hausi amoris ignem; rem rata
Sum facilem, & in manu mea sitam aggredi;
Qua, ubi libitum animo foret, possem frui;
Isfumque

Ipsumque iuvenem, sicubi id rescisceret,
 In parte non parva beatitudinis
 Ducturum; amari ab Hera, & rogari: tempore
 Itaque aucupato; adorta solum; detuli
 Cupidinis meæ voluntatem; palam-
 Quæ fassa postulavi: At ille, ferreus,
 An fatuus incertum, an ratus fidem suam
 A me experiri, vel peti in periculum;
 Repulit volentem: quin severioribus
 Hortatus ad modestiam est sermonibus.
 Qua me fuisse mente tum putabitis!
 Aut quid animo voluisse; non tamen adeo
 Fui maligna, quin secundo, & tertio,
 Steelestum adirem; passa identidem grave
 Repudium: egone me ita misere frustrarier!
 Egone me deludier gratis sinam!
 Meon' periculo, ille sanctimonias
 Impune venunder suas! iocumque me
 Sibi habeat impurissimus! quasi innocens,
 Quasique mulieris insciens sit; qui alicubi
 Diobolarias apud lupas, suam
 Obscenitatem prostituit: ach me: illene
 Mihi hoc negarit! ubi melius, & tutius
 Potuit locare: servulon' ego improbo
 Preces meas obtruserim! cuius preces,
 Nec vir, nec hominum quispiam unquam inaudit.
 Verum esto: petii; sed Domina; sed petii Hera;
 Neque potui forsan adeo demittere
 Animum; atque servilis animus deposceret.
 Rarum est; amore a femina virum appeti;
 Neque prostitutas inter, hoc inveneris;
 Quanto profectum a Domina, inertem in servolum
 Infuetum, inauditumque habebitur magis!
 Voluisset

Voluisset ille forsan, & concederet:
 Sed forte ego imperioſe id ambivi; & animum
 Rerum incapacem maximarum aſterui:
 Submiſſio, atque blanditia, coagulum eſt
 Amoris; æqualesque gaudent aptius.
 Itaque, priuſquam quicquam acerbius in eum
 Conſulo; aliam viam movere, omneque genus
 Deſiſſionis, & precum, ſtatuſi ingredi
 Atque huius ergo, occaſionem publicæ
 Solennitatis aucupavi; ſola cum
 Solo, ut domi reſiſta, commodius meum,
 Propoſitum inirem: eaque cauſa, falſam eam
 Finxi ægritudinem; niſi, quod amor omnium
 Morborum, & ægritudinum longe inſtar eſt:
 Totamque familiam, abdicavi ex ædibus;
 Vt & ille tutius mihi fidere; & ego
 Animo meo, tranquillius poſſem obſequi.
 Nunc in tua opera præcipua ſpes; nunc tuam
 Fidem, patere: nunc benevolentis animi
 Specimen dari: nunc ſtudia, nunc officia, nunc
 Conſilia vetera promi oportet. ſi mea
 Non temere diſta mater olim eſ; ſi tuo
 Nutrita lacte, ſi tuiſ a parvula
 Vere manibus eduſta, in hanc crevi indolem;
 Si denique eſſe, & vivere, & ſalvā domum hanc
 Incolere me viſ; neque ſuaſionibus
 Jam ullis mihi obſtrepe; neque ab incæpto avoca
 Fixum, receptum, conſtitutum eſt; iam nihil
 Admittere adverſarium, placito meo.
 Quod iſta per genua tua: per dexteram:
 Per hoſ mihi chariſſimos canoſ tuos:
 Per, quicquid ex me dulce fuit unquam tibi;
 Oro,

Oro, obsecro, obtestor; iuva quantum potes. (ripis
 Miseresce denique. NV. Quo is! quo abis! quo te ab-
 Domina! heu senectam, heu pessimam ætatem meam:
 In hocne ego servata vixi opprobrium!
 Quid faciam amice! audebit illa perperum
 Aliquid, nisi obstito; nec obstitere satis
 Queo. In iuventa qui malum putant mori;
 Male computant: quo plura vivas sæcla enim;
 Plura videas, plura facias, mala, optimum
 Aut non oriri; aut illico exortum mori.

STROPH. I.

CH. Superum quis nunc potens!
 Humanam eripiat mihi
 Formam; generique avium,
 Compositis ad brachia pennis
 Adscribat; ut vel columba,
 Vel hirundo querula sim.
 Illicet, pernicibus excita alis,
 Hominum fugiam cœtum;
 Secessusque remotos
 Silvarum; incolæ præpes,
 Cum lupis, aut cum lænis
 Concelebrem. Quid enim

ANTISTRO. I.

Hominum consortio,
 Structum est perniciosus!
 Natus licet indole sis
 Magnanima; sanctique tenace
 Cœpti; nec usquam caducum
 Animum sponte violes;

G

Plurima

Plurima invito tamen, hinc & inde
 Scelerum genera illudunt;
 Turba emissa forensi.
 Quin, speres minus unde;
 Assilit damnum inde; & ignis,
 Suppositus cineri

ERO. I.

Fraudulento, improvidos suc-
 -Cendit: hoc, supina corda,
 Non doceas facile,
 Qui posse vivi non putant;
 Nisi ad superbi, purpureum latus
 Herois; aulæ in misero strepitu;
 Mensæ mancipia, & cibi:
 Quos inter, ut paludum
 Circa fluenta putrida,
 Acre genus vespærum; examina

STROP. II.

Scelerum, nimbos rotant;
 Morfuque obvia corpora
 Quæque involitant strepero.
 Nam Iuvenem fata hunc voluissent
 Seorsim, casâ in paupere, igno-
 -Bile sæclum trahere; vis
 Tanta noxæ, nunquam in eum ingruisset.
 Utinam effugiat magnam
 Libem: possibile at non
 Est; pestis, Domini, quum
 Dant fenestram; quin per illam
 Transsiliant famuli.

ANTISTRO

ANTISTRO. II.

Potuit qui abſistere
 Lapſu; non hominem hunc ego
 Dicam; ſed ſuperum ex genere:
 Legibus his, nam conciliata
 Quum vita ſit; degere alter,
 Opera abſque alterius, ut
 Non queat: ſed, pars Domini, atque dices
 Geniti; tenui cenſu
 Servi, pars habeamur:
 Plebs a dite fovetur;
 Dives a vulgo tuetur;
 Fitque ita ſubſidii.

EPO II.

Matuum vinclum; gregatim
 Vivere omnibus coactis.
 Magnum operæ precium,
 Pervincit is; qui Syrtibus
 In hiſce, fido remige conſili
 Tranare, triſte; ſclerum ſcopulos,
 Pertendit; liquidumque iter
 Virtutis, integra inſtat
 Rate; enatandum caute enim eſt;
 Saxa, ubi. lymphæ cœlant, perſida.

NV. Menſas Deorum, quæ feruntur ſplendidæ,
 Non mutem ego hodie; præ hoc, quod aſpexi modo:
 O omnium, unquam, quæ quidem oculis viderim,
 Spectaculum, ſanctiſſimum, & graviffimum.
 Non me ſeneſcæ, ætatis, ut ut eſt improbæ,
 Ac permoleſtæ pœnitet: neque tandiu
 Traxiſſe vitam tædet; unum ob hunc diem:

Vel moriar; haud mœrens domos visam inferum.
Tantum, tam inauditum pudorem, tam ratam
Mentem, tam inevictam fidem, vidisse me!
Virtus, honorum o Domina virtus omnium;
Quanta est potestas, quanta maiestas tua!
Tu cui ades; per ignium, per ensium
Aciem obviam, securus iter invenerit.

CH. Obsecro, quid factum est. animi enim pendeo.

NV. Facinus, puellæ Ægyptiæ, facinus supra
Hominum fidem vidi, supraque memoriam.

CH. Num periit ille Juvenis! aut Dominae male est!

NV. Salva Domina est, & Juvenis ipse salvus est.

CH. Respiro; utrique enim nimis timui male.

NV. Tantamne virtutem cadere mortalium
In quempiam! iuventa, perversa mea
Iuventa; quam te pessimam transegi ego.

CH. Obsecro fave; quicquid hoc factum intus est.

NV. Fabor; sed impudentiamne in Hera, magis
Demirer! anne in Juvene sanctimoniam!
Stupesco tota: nec scio, unde exordium
Sermonis insequar. Nam ubi primum attigit
Thalamum, ubi sese collocavit in toro;
Verbis venustis, blanditer me primitus
Appellat; atque postulat; parcere animo
Ægro illius; lacrymasque fundit quam ampliter:
Peccare se invitam; neque satis scire, quid
Se fiat: hocque velle maxime; ut malo
Abstinet; idque serio gaudere; quod
Tam pertinacem ingressa amoris ludum: ita
Ludimagistrum nata plane ferreum;
Obnoxiamque illi esse; verum relinquere
Subito furorem non valere; omnemque spem
Salutis, eius ponere in prudentia:

Persuadet

Persuadet insuper, intro ut ipsum accerferem.
 Quem ego pavorem, quem pudorem, dum voco,
 Illius observavi in ore! quam ad meam
 Vocem profatam palluit, perque horruit!
 Venit tamen, subnubilo qualis die
 Nimbo impeditus, purpurascens Lucifer.
 Ut adstiter, ut accessionis mititer
 Perquisivit causam; illa, qualis prima nix,
 Vibrante solis igne tacta, languida
 Illius aspectu liquuit, inque gemuit;
 Pemitis gravem urgens spiritum ex præcordiis
 Effata tandem. Ago, habeoque tibi gratiam
 Iosippe; languenti mihi quod adlies:
 Utinam referre essem potens, tuque sineres:
 Obsequium amicos experitur: sed quoad
 Vita mihi; cogita tibi me obnoxiam:
 Nunc, quid te opus facto velim, sic accipe:
 Verum huc adesdum propius; ut in aurem loquar.
 Hic ille, ceu petita ad aram victima,
 Constat, immoratus; accessit tamen.
 Ast illa velut accipiter, ales lethifer,
 Alto columbam consequutus æther,
 Dextraprehendit; sicque dicto effervuit:
 Jam te teneo, proterve, iam te hostem meum,
 Potita capio; vel ambio potius capi;
 Velis modo ipse: quid tibi, me supplicem
 Toties refugis! ægram quid usque animam enecas!
 Crudelis: ulla si tibi observantiæ
 Mihi debita, scintilla foret: ipsissima
 Superbia totus nisi intumesceres;
 Primis precibus, olim haud repugnasses meis:
 Idque vel Herili dignitati cederes;
 Vel amoris efflata dares vehementiæ:

Qua

Qua urgente; Heram me oblita, ad hæc vilissima
 Abiecta verba, devoluta sum tibi.
 Ergo sapi: illatanique contumeliam,
 Præfente studio redime: sive enim mihi
 Diffusus; aut iterum rogari impensius
 Volens, cupitum distulisti tandiu;
 Jam facio id ipsum, quam antea accuratius:
 Constansque, eodem sto voluntatis gradu;
 Ut nulla subsit suspicio animi mei;
 Eamque nuperam ægritudinem, tibi
 Finxi, tibi decubui: ut ut meritis, tua
 Vtere, vel uti sine: neque dubita sciens:
 Malisque amicam, & benevolam lucrarier;
 Quam odii: perennibus, nisi illico caves,
 Sequacem, & ultricem: neque enim eam animi mei,
 Oblationem, impune committam fore.
 Vel ipse vir, Dominus meus, cui pervice
 Tu, empticius es, faxo, meam hanc iniuriam,
 Tuo capite vindicet; Heramque me tibi
 Ostendat: hoc dicto, interim effusissime
 Collacrumavit: & quasi toro adflectier
 Juvenem fategit. At ille, ceu sævo mari
 Saxum, sonoris oblatratum fluctibus,
 Rigidus reflexit; vultu, & habitu, masculam
 Quandam, undecunque præditus minaciam;
 Oculumque pernicem, modo ad me, modo ad eam,
 Idemdem circumtulit: tum pauca, pro
 Re fatus; officii, fideique monuit;
 Magnamque legem, iusque iurandum tori,
 Testatus, hortatusque sane sanctiter,
 Petiit; pudorem, integritatemque legeret
 Præferre, momentaneæ libidini;
 Huic namque præsto adesse pœnitentiam;
Dolore

Dolore quæ factum quidem percelleret;
 Infecta vero facta nunquam redderet:
 Adesse quoque pavorem, & æternum metum,
 Qui, dedecus suum, latere, maximi
 Putet; idque sollicitudine perenni aucupet.
 Ast coniugalis dona consuetudinis,
 Gaudere secura voluptate, & mera;
 Fiduciamque conscientia, tam apud
 Deum, quam apud homines habere: se satis
 Meminisse, mancipium esse; Heri peculio
 Emptum; itaque malle, iure Herili subditum
 Haberi ab ipsa; quam facinoris ullius
 Socium: paratum potius extrema omnia
 Subire; quam se scelere tanto adstringere:
 Defineret optare, quod apisci sit nefas:
 Autorque potius esset, ad sobrium aliquid
 Servo imperandum; hanc fœditatem, vel nece
 Et morte semper se redempturum. Hæc, & his
 Similia proloquutus, arcebat manum.
 At illa, ceu furens lea, in levem hinnulum,
 Elata saltu, dentibusque exercita,
 Vefaniebat; sanguineam aciem rotans;
 Totisque cervicem insiluit amplexibus;
 Meus, velis nolis, meus es, usque infremens:
 Vimque afferebat plane inornatissime.
 At ille, ceu serpentium feralibus
 Spiritus ligatus; impetu omni, evolvier
 Ardebat; acriter, simulque miseriter
 Luctatus; & collum eripere nodo appetens:
 Beneficio donec fluentis pallii
 Elapsus; ipse eliminavit se ex fore;
 Vestem, tenentis liquit in complexibus:
 Ego subsequuta; ad vos cucurri huc illico:

Sed

Sed timeo male, ne in se serum aliquid audeat.

- CH. Mane, mane; eccum prodeuntem ipsam introor:
 Quam torva, quam severa, quam facie ferox
 Incedit! orba ceu sobole Tigris furens:
 Gestatque præ se pallium extentum manu.
- IE. Ie, ie; quis unquam, tot malis, miserum meum
 Nomen, putasset concinnum colludere!
 Ie, ie: ter & quater, libet nunc proloqui;
 Nam tantus obstat me malorum exercitus.
 Quæ matre nata, auctoritate apud virum
 Summa, potentia in familiam maxima;
 Atque ipsa nupta non minorem in habentiam;
 Virumque nacta, principem ex primoribus;
 Heu, spreta, despicata, servo pessimo,
 Ludibrium, iocusque, in hunc vivo modum:
 Vanissimam, ac nequissimam me dixeroy
 Hæreo animi; quæ supplicare ultronee,
 Quæ subiicere se se scelestissimo homini
 Sustinui, & obtuli; quod oblatum omnibus
 Miraculo sit; quodque nemo non velit,
 Quam nunc triumphat! quam cachinat! quam crepat!
 Faber malorum, colume impudentia,
 Corruptor, explorator, exesor meus;
 Maleficus ingratusissimus! nam quid aliud
 Hoc esse dicam! quam merum maleficium,
 Operamque Dæmonum; quibus iam venit
 Totus superstitiosus, & Dæmonicus,
 Cultor aliorum absconditorum numinum.
 Neque facies, neque species enim illius
 Tanti est; meo Domino anteferri ut digna sit!
 Neque indoles constructa amoris: quicquid est,
 Veneficum ludibrium est; quo me excitam,
 Ideo impetivit; ut vel illusam palam

Vulgo

Vulgo propinaret; suamque perfidam
 Dedecore quæsitam meo, constantiam
 lactaret: aut Orci coactam ad incitas,
 Vita, domoque exueret; ipse, quod facit,
 Regnaret, & rebus potiretur meis.
 Non sic abibit, non. quid ergo! an par pari
 Referam! arteque hanc artem exeam, atque vindicem!
 Veneficosque adeam; ut quibus me nunc modis
 Ille furiatam habet; habeatur invicem
 A me: ardeatque invisus, & spretus mihi!
 Sed facerem honorem illi, mihi fastidium;
 Amari enim, vel amare, eandem eunt viam.
 Non sic abibit, non: capite iniquo ipse,
 Profitebor illi, me esse Heram; vitæ, & necis
 Juxta potentem; amico, amicum; hostem, hosti: ita
 Eat; aude anime, facinus viri non plebei
 Vxore dignum: vestis, heu facerrumi,
 Atque omnium mihi virum invisissimum
 Vestis, hominis: ten' ego tenere! ten' sinu
 Meo fovere! ten' manu contingere
 Sustineo! verum sustinebo, donicum
 Vlciscar: ach me; ach me; ardeo iracundia:
 Incipe anime; & memento me esse feminam.
 NV. Nec adiuvandi, nec refrænandi tui
 Vllum invenio modum, Domina: tantis malis
 Vexaris; ut stupere vix satis fiet.
 IE. Comperce dictis obsecro mater mea;
 Ne me pariter in te esse cogas impiam:
 Nempe tibi plus cordi est sacrilegus ille; quam
 Vel fama, vel salus, vel afflictio mea:
 Vt pæne conditum esse vobis suspicer.
 NV. Hau filia, hoc meruere tot studia mea!
 Quæ huc usque senti liquido, ab ipsa infantia.

H

IE. Multa

- IE. Multa beneficia; unum malefium opprimit:
Ne ergo mihi ansam ingrati tudinis duis.
- NV. Non do: neque prius quicquam habeo rebus tuis:
Quantumque potero, sedulo iuvavero.
Hoc te tamen obedire postulo mihi;
Cedamus intro; feminas non est decens
Foris manere: tum cavendum; ne inscias
Offendat adveniens Herus; meque increpet.
- IE. Adveniat utinam: offendat utinam: nil magis
Aveo; quam in hoc misero, me ut aspiciat statu.
- CH. Non feceris Domina; sed ausculta tuis
Potius amicis; qui tibi censent bene.
Age, potius propera ingredi talami forem;
Nam vox, quasi adventantum in aurem mi advolat.
- IE. Nihil agitis puellæ; amastis forsitan
Nunquam, meumque malum parum perpenditis.
- CH. Obsecro, Domina, obsecro; Herus iam ad limen est.
- IE. Ach me, ach, inertem: o lacrymæ, o fletus, meum
Olim inquilini sempiterni luminum:
O anime, iam satis malis exercite:
Nunc cernitur certamen: arma nunc sonant:
Accingere, insta, strenuum ostende hostibus:
Heu perditam, afflictam, omnium miserrimam
Me feminarum, quotquot in terris agunt.
Ach me, ach me.

F A E T I F E R.

- Quid est! quid hic turbæ est! quid ægrimonix!
Quid ante limen statio! quid turbatio! (quid est!
Vxor, fatin' salvæ: IE. o Domine. FÆ. Quid habes!
IE. O Domine. FÆ. fare quicquid est! IE. Perii, occidi.
FÆ. Num causa morbi invaluit insolita adeo!
IE. Soli-

- IE. Solitum nihil perpetimur: insveta omnia.
 FÆ. Meliora Dii: IE. Pereo, Domine, pereo, nisi
 Iuvas: FÆ. Juvem libens; modum doceas modo.
 IE. Nunc, quid me ames; nunc, coniugem si me tuam
 Vere putas, da publicum indicium hostibus
 Meis. FÆ. Quid est! quis te appetiit iniuria!
 IE. Per dexteram, Domine, tuam; per mutuum
 Sumptam, & datam fidem; per omnia fœdera
 Confortii nostri. FÆ. Quid est! fare ocyus.
 IE. Ulciscere inimicos: tua sum, ut ut sum: meus
 Pudor, tuus pudor. FÆ. Quis impudicam habet!
 IE. Non habitio hæc tibi; mera at violatio.
 FÆ. Violatio! quid agis! quid! hém violatio!
 IE. Voluit adulter; sed fides mea noluit.
 FÆ. Quis is! quis ausus! clarius fare, loquere.
 IE. Quem neque benevolentia tua; neque fides mea;
 Neque fas, nefas, quicquam movent; qui pessimus
 Viget omnium; nescitur interim ab omnibus.
 FÆ. Vxor Deos obtestor, ede quisquis est.
 IE. Quem tu nisi omnibus modis ulcisceris;
 Hucusque tecum mansio fiet mea.
 FÆ. Frendeo animi; comperte quæso ambagibus.
 IE. Bonitatis, indulgentiæque tuæ, cape
 Fructum: hoc tibi sit prætulisse cæteris
 Vnum; hoc tuum servis amorem ostendere:
 Quod ego pudoris clade tandem sentiam.
 FÆ. Non minus id interest mea, quam unquam tua:
 Effare per Deos; ferox nunquam tu ita
 Futura es acensando, quam ulciscendo ego.
 IE. Hæc vestis expediat; quam adulter territus
 Clamore nostro, liquit elabens fuga.
 FÆ. O Dii, Deæque; quod facinus ego video!
 Hæc vestis est quidem Iosephi; quem unicum
 H2 Ego,

Ego, fide, & virtute, præstare omnibus
 Existimavi: vix adhuc inducere
 Animum queo; ut credam. obsecro, coniux mea,
 Jocon' loqueris, an serio! IE. Nunc tu tuum
 Morem, scio, tenebis; ut cuivis fidem
 Potius adhibeas, quam mihi: heu me pessimam:
 Heu me scelestam; quæ ausa non sum; quæ tibi
 Tantum fidelis esse satago; te interim
 Meum pudorem postputante, & obvium
 Sinente, cuivis servolo abiectissimo.

FÆ. Quid itaque me vis facere! num umbras insequi!
 Aiens, nec aiens: indicans, nec indicans:
 Eloquere quisquis est; enim præ isto tuo
 Pudore; tantum abest, Josephum ut postputem;
 Ut ipse quoque Rex me habeat hostem; tale si
 Quicquam ausit in te: ergo expedi, quo evasit? aut
 Quo erupit? aut ubi sit? IE. Quid ego misera id
 Felicitatis parte quæ habeam in maxima; (sciam!
 Quod fugerit; quod territus me liquerit;
 Quem neque valetudo, neque ægritudo, nec
 Langvor meus permovit. FÆ. Ite omnes mei;
 Ite illicet, per quicquid urbis, quicquid est
 Regionis, exquirite; penetrate, omnibus
 Triviis, quadriviis, circulate; ubi ubi ille sit,
 Arripite sublimem pedibus; adducite;
 Quandoquidem ita ipso facinore meritis suo est.
 O misera fortuna: o misera magnatum
 Felicitas: quis te expetendam censeat!
 Quisve invidendam! nisi fatuus, & insciens;
 Colore quæ externo, beatitudinem
 Mentiris; intrus sorde putrescis mera:
 Hæc namque pectora, quæ videntur splendidum
 Quiddam nitere; auro, atque purpura super
 Intecta;

Intesta; forte si reclusa quispiam
 Aperiat, aut oculis penetret Lynceis;
 Cruciatuum, laniatum, tumultuum
 Inveniat officinam; & incudem affatim
 Plagis dolatam: quippe pluribus domi
 Vt imperemus; serviendum ultro est foris;
 Dominique maiores ferendi ingratiis.
 Porro, ipsa ea imperatio, non fit sine
 Summo labore, molestiaque. sive enim
 Humanitate utare, & indulgentia;
 Licentiæ viam instruas: sive potius
 Severitate; odio, atque contumaciæ.
 Omnino hominibus præesse difficillimum est.
 Neque pecudum ulla gens, ita intractabilis
 Habetur; atque homo. quæ enim unquam armenta,
 Boum, vel aliarum id genus gregum, suis (vel
 Pastoribus, inimica visa, auditave
 Sunt! ut vel insidias inisse; vel necem
 Patrasse; vel novasse dirum quippiam
 Sategerint! imo, & quo eas direxerit
 Opilio, eunt: & quæ vireta pascere
 Ostenderit, pascuntur; & quibus locis
 Arcuerit, abstint; fruique commodis,
 Et usibus suis, placide, & ultro sinunt:
 Quorum omnium, contrariam sententiam,
 In homine videas; ut vel hic Juvenis meus,
 Quem ego mihi charissimum delegeram;
 Quem rebus omnibus meis præfeceram;
 Quem apprime amaveram; quibus modis, meam
 Fidem fefellit! hæreo maxime animi,
 Summo ex amore, summum ad odium, qui queam
 Descendere: audendum est tamen. communio
 In rebus aliis esse; in uxore haud potest.

IOS.

- IOS. Adsum Domine. FÆ. ubi fuit! ubi latuit! ubi tam
Subito repertus est! FAM. In area ædium.
- FÆ. O perfide; aut, quibus imprecationibus
Tandem utar in te; quem neque fides ulla; nec
Indulta plus nimio benevolentia mea;
Nec ius, nec ullum fas; nec emptitia infima
Conditio memorem habuit; scelere, quantum pote
Sacerrumo, quin vulnerares me, & meam: (est,
Heu me, quod irasci tibi sat nescio.
Quid mutus es! quid conticescis! quin mihi
Scelestes respondes! IO. Quid ego respondeam!
- FÆ. Respondeas etiam, o Iosephe, o omnium
Quondam mihi charissime; at nunc omnium
Fœdissime, invisissimeque: quid pallium!
Quid vestis hæc! cuius est! IO. mea Dñe. FÆ. video
Tuam esse: & ardeo dolore: nec scio
Quid te insequar: sed quid moror! vos illicet
Abripite eum hinc, vultu ex meo; atque in carcerem
Quantum pote est teterrimum, compingite;
Donec, quid illo sit, statuo per otium.
O Iupiter; animantium omnium notas
Certas habemus; quibus inertes possumus
Dinoscere a gaavis; probum hominem, ab improbo,
Nullus character, nulla discernit nota.
Verum, o Jemphar mea, nimis diu aërem
Crudum hunc bibisti; illhic foris te ventilans;
Cedamus intro: omitte vero animum asperum:
Expurge mentem: faxo, contumeliæ
Tantæ tuæ, digna ultione gaudeas:
Memento te ægram; sanitas minimo solet
Neglecta perdi; vix parari maximo.
- IE. Concedo: sed dilationes hæ, mihi
Parum probantur; nam de adultero, solens
Transactio

Transactio est; ut capite patratum luat.
 Nimis metuo volgarium diſtum vetus:
 Differtur; aufertur: Sed experiar tuam
 Meo in pudore vindicando instantiam.

STROPHICA.

CH. Quum mente me ab terris fero;
 Et templa cœli, lumine contuor;
 Vicibusque cuncta fixis
 Ire, & redire cerno:
 Noſtem, cedere luci;
 Lucem, noſte recondi;
 Caniciem, ningvidæ
 Hiemis, vere reſolvi;
 Et ſertis florentibus
 Redimiri; frugibus
 Maſtam æſtatem, deinde venire;
 Tandem autumnum, pomis, uvis-
 Que datis, hiemem revocare;
 Eumque iugem circulum,
 Meare, & remeare;
 Curam Deos habere rerum,
 Atque eſſe providentiam
 Agnoſco; plena tranquillæ ſpei.

ANTISTROPHICA.

Mox deinde, ubi humanas vices,
 Ludumque fortunæ ancipitem, & gradu
 Dubio, revulſa fata
 Specto; palamque cerno;
 Impune ire nocentes;
 Virtutem male plecti;

Omni-

Omnigenis pessimos
 Opibus, prædiisq;
 Pollere; insultareque
 Melioribus, neque
 Defensores ullum, esse bonorum;
 Magnum torporem mens sentit
 Mea; sub dubium prope, fixam
 Divum vocans potentiam:
 Sed absit; potius nos
 Stultos puto, Deos quam iniquos:
 Occulta multa sunt Dei
 Decreta; nulla non iustissima.

J A M B I.

Verum, o puellæ, non sine scelere; nos quoque
 Sumus; innocentem, nil merentem, innoxium,
 Palam impudenti percitum calumnia;
 Nostro, quod adjuvare testimonio,
 Neglexerimus. idem est enim, perdere aliquem;
 Et sinere perdi; nec vetare, dum queas

S E M I C H O R U S.

- Siquidem queas: sin vero nequeas; quid aliud
 Agas! paratum quam tibi infortunium
 Sponte advoces; vana est enim ops, sine viribus.
- SE. Quid! veritati, nonne abunde virium est;
 Adversus impotentiam mendacii!
- SE. Si veritatem, plebs homo deffendat; &
 Deffendat Optimas homo mendacium;
 Mendacio referre primas, est facul:
 Siquidem interest multum; ore quo, quid prodeat
- SE. Actum illicet de veritate sit; ista si
 Ratio habeat: nam pluribus, mendacium est
 Cordi,

- Cordi, idque Summis; veritas paucis placet.
- SE. Ita vivitur: quin sæpe aliquis, infantia
Lingvæ impeditus; iusta quamvis dixerit;
Superatus iniusti viri eloquentia;
Causa cadit; iusque minus obtinet suum.
- SE. Ego innocentiam, eloquentiam rata;
Tu potius eloquentiam, innocentem habes.
- SE. Utinam, innocentia nihil potentius
Foret: utinam nil veritate, inter homines
Antiquius haberetur. ast contrarium
Sentimus; ubique fraude, falsitateque
Potente rerum: maximum, & pulcherrimum
Quidem facinus, is instituat; interritus
Qui veritatem, & innocentiam asserat,
Vel usque vitæ ad ultimum periculum:
Verum, qui id agat; idem valens, pollensque sit:
Ne temere conando; neque illi, cui cupit
Prodesse, quicquam profic; & frustra suam
Impediat operam; vel malum accersat etiam.
Namque hanc vicem, me, teque feminam ultimæ
Sortis, potentem contra Heram aliquid ingredi;
Qui quæso, possibile sit, ut pervincere
Quiremus! adde, apud maritum, coniugem in
Crimen vocare; ubi ad mala, amor incredulus;
Ad bona, etiam sibi ipse sponte mentiens;
Qui maximo esse posset absque periculo!
Tum vero, Juvenem ipsum nihil poscentem opis
Nostræ; neque advocantem in auxilium; neque
Verbum profantem; sed mero silentio
Quasi crimini consentientem, & se reum
Dantem; quid aliud cogitasse existimem!
Quam, rem sibi esse, servo apud Herum, contra He-
Vbi, una falsa lacryma eius apud virum, (ram!

Plus centuplo inveniat fidei; quam sua
 Sexcenta iuramenta: Quin spero, ipsam Heram,
 Quamquam impiata scelere nunc vrsaniat;
 Carnifice mox urente conscientia;
 Patientiam, innocentiamque eius, modis
 Melioribus habituram; & ultro pristinae
 Tranquillitati reddituram: non leve
 Momentum enim est patientiae; quam, vel Deo
 Ipsi, ferunt gratissimam esse: multaque
 Illum, in bonos passim viros damna iacere;
 Ut, quid ferendo polleant; spectet sciens:
 Deinde spectatos coronat: quod de eo
 Quoque iuvene, mihi quam facile persuadeo:
 Omnino enim curae Deo innocentiam
 Esse scio: credoque ideo eum ex tam splendida
 Fortuna; ad hunc tetrum reiectum carcerem:
 Ut inde maior, atque conspicatur,
 Illustrius promatur, ad maius decus.

SE. St. mitius fare; ellum enim famuli betunt;
 Qui hunc, quem dolemus miserunt in carcerem.

SE. Non sustinebo, quin rogem; qua denique
 Mente fuerit; quidve elocutus carcerem
 Introierit. proborum enim virum, mala
 Fortuna; habet, quod discere ex ea velis.
 Heus o amici, iamne carceri est datus
 Iosephus? in quo tale compertum est scelus.

NUNTIVS.

Factum mulier, haud sine dolore maximo
 Nostro: neque enim ego illum nocentem dixerim;
 Qui ita placide, & animo sereno ad poenam eat.

CH. Obsecro, quem se gessit? aut quid fatus est?
 Siqui-

NVN. Siquidem innocentem eum, ipsa quoque liquido scio.
 Magnum est referre mulier; ast labor tamen:
 Quum primum, ita ut nosti, imperata accepimus
 Incarcerandi eius; stupor pæne illico
 Me ambiguus occuparat; insolentiam
 Facti exputans, repente tanta ex gratia,
 Ingratiam ad tantam reiectum ingratiis.
 Itaque, neque manus iniicere, neque acerbius
 Ductare, pristinae meae observantiae
 In eum memor, potui; ipse sponte quin sua
 Ibat, silens silentibus nobis quoque;
 Neque verbum ab illo poscere ausus quispiam;
 Ad carceris donec forem perventum; ibi
 Ego, condolere me eius infortunio
 Praefatus; invitumque, genus hoc munii
 Obire; verum Heri imperata, haud exequi
 Haud posse; prensavi, malo ne verteret.
 At ille, perquam amanter, ad risum quasi
 Attemperato ore, inquit; ut se sub manu,
 Arbitrioque Heri esse, neque quicquam mali, ab
 Illo, gravatim ferre; ita imperia illius
 Nos exequentes; tantum abest, ut vertere
 Vicio; ut probare etiam obsecundantes Hero:
 Servorum enim esse; iussa Herilia exequi:
 Se istam suam ærumnam Deo committere;
 Qui semper innocentiae assertor fuit;
 Tempusque veritatis haud vanum indicem
 Sperare; quin malle alterius, innoxium
 Scelere perire; quam nocentes perdere:
 Ne pereat, in se haud esse; verum in se esse, ne
 Nocens pereat. hæc, atque plura talia
 Locutus; ultro carceri sese intulit:
 Nobis genas prope lacrymae perlabier

Cœpere: neque iam ille quoque sine lacrymis:
 Tum in genua sese humi dat; & sursum manus.
 Oculosque tendens; tacitus ad Deum suum
 Orabat: orantem, nova quadam undique
 Luce radiari vidimus; & umbram horridam
 Carceris; oborto lumine aboleri: pavor,
 Terrorque nos stravit; caputque ego meum
 Ausim pacisci; innoxium, infontemque eum
 In vincla coniectum; & ideo mœreo animi,
 Hæcque ocyus, Hero nuntiaturus bêro.
 CH. Obsecro, cuncta fare; nec quicquam occulte.

SEPTENARIUS I.

Calumnia, o calumnia;
 Criminatrix innocentæ,
 Inimica veritatis;
 Linguae prodiga iniquæ;
 Auratis laquearibus
 Plerumque ventilans facem;
 Stultorumque asininis,

SEPTEN. II.

Herorum abutens auribus;
 Imperitia, atque suspici-
 -O; quibus cient inertes
 Testa voce susurros;
 Fomentum implacidum tui:
 Nec impii, periuria
 Testes, perfida defunt.

SEPTEN.

SEPTEN. III.

Verum premit comes quoque
 Pone, vindex pœnitentia;
 Liquidæque veritatis,
 Tempus, serior index:
 Nec turba aspera, pœnæ,
 Cessant; sequaces criminum
 Terga urgente flagello.

SEPTEN. IV.

Quantis malis, Heros meos
 Implicasti, & innocentem eum
 Juvenem! timore frangor,
 Ne fors exitium illi
 Supremum, accelères prius;
 Innoxium quam se omnibus
 Ostendat: mori anem ipsa

SEPTEN. V.

Vicem illius; nec deferam
 Ultimum si iam periculum
 Veniet; palamque testis
 Prorumpam os in Herile,
 Cum iusto melius mori est
 Miserrime; quam vivere
 Cum iniusto volupe ævum.

Jesu Christo laus & gratia.



C R A C O V I Æ

In Officina Lazari: Anno D. M. D. LXXXVII.

NÆNIA

NÆNIA FUNEBRIS

A D

STANISLAUM SOCOLOVIUM

THEOLOGUM REGIUM

De morte JACOBI GORSCH, Theologi & Jureconsulti.

SIMONIS SIMONIDAE LEOPOLIEN.

STROPH. I.

Vellem (nisi nefas foret,
Lingua mea profana,
Verbum concipere entheum)
Concessam mihi, mortis
Illam, sepulcrorumque vim
Victricem; qua olim cœle-
[stum] dia virorum
Pectora pollebant,

Quaque ipse Dux Sacer, Pro-
[les] Dei

Excelluit; quando veteris
[memor]

Hospitii, Bethanes
Regem amicum, ad ætheris
Rursus oras revocavit;

ANTISTRO: I.

Quem terra, quartum iam
Pridem tenebat, escam (diem
Tabi, & pabula vermium:
Recta ad te SOCOLOVII,

O fidus unicum meum,
Irem; & partito tecum mœ-
(rore, quem ha bes nunc
Ex GORSCH, manu te ducē-
Funere defuncti, (rem
Ad pulverem, qui cassa viri
Ossa tegit; precibus- (illius
-Que ambo, ibi atque lucti-
(bus

lunctis, fervidam Olympo
EROD. I.

Vim moliremur; (sertus,
Cælitum si forte Pater mi-
llam grandem animam, il-
(lud igneum oris

Fulmen redderet & tibi
Remitteret laborum
Socium, participemque
Dulcem, cor lacerantum;
Curarum; Oceano quæ velut
Magno, pehorrescentibus (in
Aquila.

Aquilonibus, irritati
Fluctus, animos pulsant,
Nec faciunt pausam afflicto.

STROPH. II.

Sic scilicet mortalium
Divinitus parata
Sorte; ut cuique molestias
Sit sentire necesse;
Plusne his, vel illis, parte vel
Cunctis ex æqua, haut cui-
quam percurrere prom-

Id merito forsitan (ptum:
Pronuntiarim: longe maxi-
(mam

Molem, maligni ponderis,
Talibus his animis; inditam
Qualis aut tu es, aut tui
Quisquis se similem vult.

ANTIST: II.

Qui ex edita turri velut,
Mortalium has inertes
Vitas, & studia aspera,
Acri introsipientes
Visu, ne expertes quoque
Ipsi damnorum, Hebræi vo-
(cem Sapiēntis

Concipere audetis:
O vanitas, vanissima omnium
O vanitas rerum: Interea
Mens, lea ceu rabida, (igneā
Carcerem, clatrosque pror-
-Sum indignata, perenni

EPOD. II.

Nisi, illas sedes, (sectam,
Equibus sese meminit pro-
Spirat; volucrique sæpe

(penna
Contemplandi, avidam secat
Viam, ad domos Deum, atque
Liquidam vescitur illic
Divini dapem amoris:
Non id rite quidem, nec pe-
(nitus

Diu; retro namque illico
Revocat vetus hospes, stricto
Ægram retrahens vinclo,
Jusque suum sædusque re-
(poscens:

STROPH: III.

Stat quippe limes, meraque,
Quam transilire non fas:

Atque arte vetitum, obicem
(hunc

Ne quisquam ante refringat;
Quam summis ipse carceris
Præses, laxatis iubeat prodi-
(re catenis.

Ergo, animi quamvis
Non læta, claustrum visit
(hoc tamen,
Hæretque cura, saucia duplici;
Nempe sibi fructu,
Sedis aureæ, volup-
-Tatisque irrequietæ.

ANTIS. III.

AN. TTS. III.

Vernaculorum & hic dein
Sensu malorum amaro.
Tum fastidia talia
Inter; non aliter, ceu
Quam febris ardens quem

coquit,
Huc, illuc, corpus per lecti-
sternia mutat,

Morbibabitum querens, (nus,
Frustra: perita enim nisi ma-
Cum poculorum apta arte
salubrium,

Subveniat medici,
Nil remittit ignium
Pestis, sed solum urit:

EP. OD. III.

Sic mens, ingrato (rum:
Terrearum ægrota calore re-
Non latis vicibus, modo
hanc, modo illam,

Sectatur requiem inquires:
Labore inani; Enim adfit
Nisi amici (unica, cordis
Ægri, quæ est medicina)
lucundum officium, & con-
filium,

Curisque mutuum, fides
Paribus, sine noxa fervens;
Frustra latus huc illuc
Traiicias, quærasve levare.

STRO: IIII.

O charitas, o charitas,

Quæ coniugare forti
Nodo, fida virum soles
Corda, & fundere amorem
Dulcem in voluntates pares!
Quas non contingat livens
(atræ invidæ fel,

Nec penetrent rixæ,
Iras vementes; alma sanctitas
Sed morum, & ultro se reti-
(nens timor

Libero in obsequio
Fulciat; Dei haud sine
Cuncta ornante timore.

ANTIS. IIII.

Nullis ego te conferam
Sub Sole rebus: olim
Esset quanta potential
In te; sat docuisti:
Duo illa quando sidera,
Has infelices lustrabant lu-
(mine terras.

Cæsariæ PRAESUL
Et NAZIANZI: par sodalium
Pulcherrimum: seu ponere
(non bonos,

In loca sola procul,
Lubricæ iuventiæ,
Mores, accelerarent;

EP. OD. IIII.

Seu puri, & iam iam
Inclutis cœli similes alumnis,
Vitæ, atque eloquii, iubar
salubre,
Mari

Mari in tumultuoso hoc,
Hominum ostendere sæclis,
Instarent; geminum ambo
Ipsi præsidium, & mutua fax
Sibi quæ, aliisque: Siye enim
Vitiosam, animo non puro,
Labem, exuere aggressus,
Te revoces frugem ad meli-
orem;

STRO. V.

Magnum interest, sis solus; an
Nactus virum fidelem,
Qui tecum quasi brachio
Iuncto, ex sorde resurgat.
(Nam sæpe penitentia,
Multos, ipsa, ad terram pro-
stratos, mage pressit)
Seu vacuus labis,
Prauumque morem terga post
habens,
Patrandæ victor mente agi-
tes bona;
Sæpius ipse sibi
Ardor anxius, moras
Conflavit dubitando.

ANTIS. V.

Incertus, an rectam viam
Insisteret, bonorum
In cæco agmine: quo loci,
Cordati viri amicum
Verbum, haut minoris gra-
tiæ est;

K

Quam olim, vicinos nixus
instare propinqui
Dum admonet hora anceps
Puerperi, obstetricis; admo-
dum
Magno æstimatur, dextera
strenua.

Hoc quasi nos superis
Admonentibus palam
Vnum, nullum hominem esse,
EROD. V.

Illis ambobus
Defuit quod nusquam, in
idem coactis.
Nam quercus geminæ velut
parenti in
Prato, quæ sociare amant
Virens decus; soloque
Sibi radicibus hærent
Junctis; sollicitæ nil
Ventorum minitantum, aut
creperæ

Discordiæ mori poli:
Ita robora binæ hærebant
Illi, strepitus omnes
Contra, animis & viribus
æqui.

STRO. VI.

Næque id tamen diu; ut nihil
Mortalibus perenne est:
Spectatum siquidem volens,
Vis magna altitonantis
Te Gregori; esses qui intua
Seiunctus

Seiunctus virtute; ecce illum
 te alterum, ademit
 Ante tibi; vitæ
 Quam tu appulisses ultimam
 orbitam.
 Quid Die Divum? quid tibi
 pectoris
 Quidve fuisse rear
 Tum anxitudinis? quibus
 Vndabas lacrymarum

ANTIS. VI.

Decursibus? quum cerneres,
 Tristi abditum, pheretro,
 Illum, dimidium tui;
 Testantur manifesto
 Dicta aurea; istu maximo
 Mæroris, quæ tu percussus,
 ceu silice alto
 Eiaculans se se
 Fons largus, effudisti; &

uberem.

Professus ad nos usque do-
 lentiam es.

Immemor ante mei
 Sim ipse; cor tuum pium
 Quam nolim meminisse.

EPOD. VI.

Ni fors, de vobis
 Parciter duco mihi prolo-
 quendum:
 Purum a sordido enim ne-
 fas apisci est.
 Qualem sentio me miser:

Fleoque abominorque:
 Pietatis tamen hoc sit
 Vestræ; si pietatem (ribus
 Huic non absimilem, tempo-
 Pango meis; vestra bona
 Venia; Socolovius quando
 Qui Religionis nunc
 Magnus apex, & magna co-
 lumna

STROPH. VII.

Stat, GORSCUM amisit suum.
 Magnam alteram columnam.
 Qui rupes geminæ velut
 Stabant horrida contra
 Tumultuantum turbina;
 Infana sanctam arcem pulsan-
 tum obsidione,
 Fanaque, sacrosque
 Cultus, ruentum pessum: &
 eloquar

Fidentius: clarum abdere ve-
 Judicium prohibet: (ritas
 Innocentia neque
 Vitæ, alto neque cordis.

ANTISTRO: VII.

Vigore, & ardore in Deum,
 Fervore nec sciendi
 Multa, aut divite copia
 Fandi, ulli inferiores.
 Sed hæc erant: At tu interim
 Æqualem luctus sortem na-
 tus Socolovi es,
 Ad superos raptos

Ex GOR-

Ex GORSICIO, alter NAZIAN-
ZENVS,
Hic verba, tristem forte le-
vantia
Morbum, animi impliciti,
Ore libero meo,
Manatum putabis?

EPOD. VII.

Frūstra: quippe haut sum
Tam impudens; scire haeste-
nus ut diserte
Nolim; lucifugam neque ali-
tem, alas
Sustentare aquilæ impigræ
Solere: nec meam imām
Operam, artemq; Camænæ ex-
-ilem, posse tuæ illi
Menti magnanimæ, atque al-
Solatio succurrere: (tivolæ,
Satis est mihi, si vos laude &
Fidi studio affectus (dam
Prosequor; & vestigia quon-

STROPH. VIII.

(Nisi hoc quoque arrogans
nimis
Votum sit) apprehendo.
Et quamvis alia impotens
Sum forte, atque animi arcti;
Nunquam tamen, magis
meam

Mentem, laudum externarum
admiratio ducet,
Quam indigenarum; istam
Vanam, & nefandam pestem
enim scio,
Turbasse vitam; & plurima
iamdiu
Splendida regna, solo
Resque publicas sacras
Vertisse; in sua cives

ANTIS. VII.

Dum sunt iniqui, atque ex-
Sectantur insolenter. (tera
Ergo GORSICIUS, aurea
Inter sidera pridem (rum,
Fulget, piorum augens cho-
Nostræ non temnendæ altri-
cis Sarmatiæ flos
Conspicius; qualem
Olim alterum illic, Maxi-
mum HOSIUM
Habemus; isthic tertius us-
quedum

Tu reliquus SOCOLO-
-VI, super manes: diu
Sospes sis utinam: nec

EPOD. VIII.

Nos prorsus Divum
Ira supremo spoliaret decore;

Tristem nam video urbium	Imber sulphureus, perplueret
ruinam;	Scelestâ restâ. Sed mala
Vir quondam e quibus in-	Procul effuge, Mûsa infelix,
lubetur egredi; quô (reger	Diro omine venari:
Gravius, liberiusque	Fausta magè & sincera pre-
Cælo scilicet actus	cemur.

SIMON SIMONIDES LEOPOLITEN.

IN STANISLAI SOCOLOVII
PARTITIONES
ECCLESIASTICAS

Postquam molesti pertinax morbi labor
Sermonum honorem, & oris abstulit decus,
Divum disertò interpreti Socolovio,
Nec iam vigorem posset usque pristinum
Tenere fandi; ad astra quò Regum inclytas
Mentes vocabat: ne illa maiestas sacra
Linguae efficacis prorsus exolesceret;
Qualis vigebat tum, hanc sua ipsemet manu,
Hoc in libello imaginem expressit sui;
Vt alij haberent, unpe sese fingerent.
Tamen, perite lector, haud putaveris,
Hac in pagella perbrevis, una atque altera,
Quantus fuerit, omnem editum Socolovium:
Duntaxat hæc imago, vel adumbratio,
Est potius exigua, pari exemplo solet
Parva in tabella, pictor expressam dare
Late patentis orbis, aptam imaginem.

THOMÆ

THOMÆ ZAMOSCIO

O D E.

STROPH. I.

THoma, tu quidem nunc
 Vesceris ævi lenibus auris,
 Matris unicus lepor,
 Mentem novellam lusibus
 Laetans, neque dum sciens
 Mœrores curamque severam,
 Ætatis ignorantis lætus satis.
 Tuus interea sator, in-
 -Victum sponte referre periclis
 Pectus audet, sanguineam procellam
 Belli arcens patria a sua.

ANTISTRO. I.

Aurea unde terras
 Pax tegat, illi gloria surgat
 Ad plagam volans poli.
 Consuesce iam nunc acribus
 Aurem domitare di-
 Cris, & te tanto genitore
 Dignum incipe gerere. non Deorum tu audias
 Soboles melius, patre præ hoc,
 Nec virtutem excelsius olim
 Culmen ascendas, neque lætorem
 Fortunæ invenias finum.

EPOD.

EPOD. I.

Quamvis avorum non tibi origines,
Cum ipso nomine conditæ Polono
Desint, vetustatis propage ab ultima.
Sed genitor tuus
Luce tanta fulgurat ante cunctos,
Præstinxe lumina omnium ut
Credatur, nomenque tulisse
Zamoscium ad cæli domos;
Mortalium sortem exuperans, propior
Diis, superum ingenia æmulus.
Age, fili, non tu speculum te ad
Splendidius potes exigere,
Quam facta attentus servans recolensque parentis.
Ast pulcherrima rerum,

STROPH. II.

Fama quæ modo astris
Æquat, opaca nocte reguntur
Mox, iacentque proruta,
Ni oblivionis invidæ
Nubem, memor auferat
Musa. huius si me quoque suasit
Arcum vocalem Parca verax tangere,
Alacer tibi ego ambrosiam hanc
Defundam non paupere dextra.
Plenior tu olim ævi, animisque maior,
Splendores releges tuos.

ANTISTRO II.

Limpidum per orbem
Cæli, oculum si mittere tentem,
Sole pulchrius nihil
Venabor, in sudo die.

Regum

Regum neque glorias
 Inter, quicquam laude Bathorra-
 -A, maius emicat meam circa chelym.
 Columen fuit ille & apex
 Summus rerum, quo auspice, virtus
 Arduum cælo caput efferebat,
 Florebant cata pectora,

E P O D. II.

Ibant feroces vulneribus viri,
 Placebantque sibi hostium cruore.
 Tuus sed omnes inter exstabat pater,
 Dans radios procul.
 Qualis ornus eminet inter ima
 Dumeta. eum sibi unicum
 Rex florem decerpserat, ex quo
 Suos honores neckeret.
 Nec falsus illo præsidio viguit.
 Seu fera munera militi-
 -Æ, seu pax iucunda vocabat,
 Ille acies quatere armifono
 Horrore, ille animos legum frænare lupatis,
 Blandus, ferreus idem.

STROPH. III.

Nomen ad tam amicum
 Regis, humum prona venerare
 Fronte. origo maxima
 Vestri ex eo fluxit boni,
 Vestra is decora omnia
 In lucem produxit apertam.
 Ignotus auri lateat in cassum nitor;
 Magnus artificis nisi so-
 Lers, ereptum carcere cæco,

Divitum

Divitum mensis, superumque templis,
Grato munere dedicet.

ANTIST. III.

Viveres saluta-
-Re iubar, o divine Bathoreu,
Non Polonia hostium
Ludus foret, non Dacia
Quondam tua sat potens,
Nunc fortunæ eheu pila, supre-
-Mis fluctuaret pressa tempestatibus
Spoliata suo veluti
Navis rectore, æquoris omnes
Fert minas, nudum latus, his, modo illis
Ægre saucia cautibus.

EPOD. III.

Spiris modo illam immanibus occupat
Draco ingens, avidæ sacrum cruorem
Pastus tuum, & funesta ricta late hians.
Nec satis, impete
Se dedit nostrâ ad ferus usque regna,
Gentesque vicinas ruit.
Haud impune, haud linquet inultam
Pestem hanc manus Zamoscia.
Hic hic mihi te, o Die puer, memorem
Da, quibus ad mala tanta vi-
-is ventum, ut lapsum similem post
Cautior effugas, neque tu-
-am ætatem temere affligas tanti ad scopuli ictum.
Mœrens vulneris oram

STROPH. IV.

Istius retracto,
Nam macula hæc infestat amicos.
Quando desinebat in

Terris

Terris diurnare ille Rex,
 Dacis iuvenem suis
 Rectorem linquebat, ut ævum
 Positus tamen sub optimis tutoribus
 Ageret, melior quoad æ-
 -tas maturis surgeret annis.
 Quandiuque istis stetit institutis,
 Pulchre Dacica res stetit.

ANTISTRO. IV.

Sed reiecta postquam
 Imperia, excussumque senile
 Est iugum, & licentia
 Permissa percussoribus
 Ferri, subito in bonos
 Custodes desæviit ensis.
 Hæc porta (pro nefas) data est tetrīs malis.
 Velut aggeribus maria
 Ruptis, terras impete pleno
 Occupant, lætosque boum labores,
 Vastis gurgitibus ferunt.

EPOD. IV.

O quis quis istis consiliis modum
 Præcinis, nimis ah nimis cruentum,
 Non sentis, in tuum recasura hæc caput.
 Iustitiæ vigil
 Cuncta figit longe oculus, suisque
 Apprendit ansis noxios.
 Dum sanctis deflectere quæris,
 Fluxam iuventam moribus,
 Exoticis dumque atteris opprobriis,
 Forte tibi ut pateat via
 Lauguentis vitam per inertem,
 Tutor, ad saturandum animum

L

Seu

Seu dulcedine prædæ, sceptri sive rapina
Idem vulnificus te

STROPH. V.

Ensis abstulit. te-
-Cum cecidit lectissimus una
Flos virum, patres boni,
Fulmenta Daciæ ultima,
Hauli exitio aspero.
Nam quis tum non credidit omnes
Nervos ruentis amputatos Daciæ?
Iterumque iterumque tuam
Apello blanda venia aurem,
O mei regis genus, o Bathoreu.
Vt cunque impia funera

ANTISTRO. V.

Excitata sunt abs
Te, tamen immunem fuerat par
Cædis atque sanguinis
Servare fraterni manum.
Hoc fonte tibi malo-
-Rum venere examina dira,
Facemque Tisiphone adfuit quassans nigram,
Tua quæ furiis premeret
Fata infestis, staret loco nec,
Aut pati tutam sineret quietem.]
Nam quisquis relegat tuæ

EPOD. V.

Vitæ tot euripos, tot inania
Momenta, exilii que cursum iniqui,
Rerumque cæptarum refluxus irritos,
Dispiciat liqui-
-Do, flagelli ultoris eam esse labem.
Tu Marte quamvis ferreo

Par

Par primis victoribus ires,
 Regumque te alta affinitas
 Bearet, istis præfidiis tamen ad
 Exitia usus es ultima,
 Pæne ad vana insomnia felix.
 Nunc tibi vix miseræ superest
 Libera sola fugæ latebra, obscurique recessus.
 Dii recto pede fortu-

STROPH. VI.

-Nam tuam reponant,
 Et placidi tandem aspiciant te.
 Nec tibi, o sacrum caput,
 O debite altioribus
 Oris iuvenis, suo
 Quem Roma insignem colit ostro,
 Tractare clavum Daciz ingratis datum.
 Lachrymis oneror memorans,
 Quam te indigna morte peremptum
 Prædo periurus rapide involavit.
 Quod monstrum prius execrer?

ANTIST. VI.

An dolos, quibus te
 Perculit impurius veterator,
 Prodiditque victimam
 Innoxiam immitti lupo?
 An punica iussa pel-
 -Lacis, nexu regna vorantis
 Vicinæ? an tuis peristi animis volens!
 Potiora minoribus au-
 -Sus mutare, & quæ nihil ad te
 Attinent, aris melior sacerdos,
 Quam regum solis capax.

EPID. VI.

Portum senectæ si mihi tangere
 Illæsa rate, naufragam inventam
 Turbo protervus vexat infano mari,
 Nec sapere advenit,
 Post nisi exhaustis varia procella.
 Ille optimos cursus tulit,
 Ætatis per lubrica, qui se
 Duci manu admisit senum,
 Modumque fidis consiliis tenuit.
 Die puer, tibi nam labor
 Hic sumptus, te mens mea querit.
 Te licet & genus, & genitor,
 Et gazæ, & decorent rerum incrementa suprema,
 Nec æfelicior olim

СТРОФ. VII.

Te sit unico alter,
 Poscere nil præstantius a Diis
 Hanc tamen potes vicem,
 Mortalium ut germen sumus,
 Cunctis subeunda lex.
 Fati, fero ut patre carendum
 Contingat hoc tibi, nec viros inter nisi
 Positum, senii ipse satur
 Linquat, tuto & colloceat ævo.
 Jam tibi lætis spoliis onustus,
 Virtus perfida nomina,

ANTISTRO: VII.

Advenit, tibi ista
 Præmia, mansuros tibi honores
 Congerens. viden' virum
 Quantus præit famæ sonor?
 Visas acies fugax,

Ille

Ille olim atrox, non tulit hostis.
 Alienaque affectans, suis ægre excidit.
 Avidam cohibere sitim,
 Et mensuram noscere habendi,
 Magno opus dignum Hercule. sæpe dum umbras
 Maiores inhiat procax

EPOD. VII.

Fames, dolosis ingemuit cibus,
 Et mala crepuit patens inani.
 Sed testa, coniugemque caram, prorsus ut
 Nullo adit ambitu?
 Vt Deum supplex veneratur aras!
 Accepta dona illis ferens,
 Incertum mansuetior, an for-
 -tior. secudent perpetim,
 Quicunque Divi te sibi conciliant;
 O iubar, o columnen meum,
 O lux sola, invicte Zamosci.
 Te te ego sæpe bona cumulans
 Affabor laude, & natis Helicone corollis
 Cingam tempora amica.

O D E

ZAMOSCI in *Typographia Academia, Martinus Lenscius*
excudebat. Anno Domini M DC XII.

T H O M Æ Z A M O S C I O

CAPITANEO KNISINENSI

O D E.

S T R O P H. I.

MUſa, veritatis arvum
 Recto ſulco findere par eſt;
 Præcipue iuvenilem apud aurem,
 Quam blandiens ſufſurrus e mentis ſtatu
 Perniciem trahit in pudendam,
 Amore ſauciam fui,
 Fallacibus præconiis inſecatam.
 Tu committere noli;
 Mendaciorum ut nos temere arguat
 Villa ætas. ſpeculo quæ velut in nitido
 Olim reddit conſpicias facies
 Diſtorum inepte, aut naviter.

A N T I S T R O. I.

Solis at iubar, per amplum
 Æquor cœli, lampade aperta
 Flammivomum radium iaculantis;
 Rectis oculus obtutibus non ſuſpicit,
 Ignibus ex nimis tenebras
 Et cæcitatem quin trahat.

Imagi-

Imaginum quod levitas, vel undarum
 Splendor, temperat apte,
 Benigniore viſibus exhibens
 Vim flammæ, & reprimens oppoſitis veluti
 Lentis umbris, aſpicere ut liceat
 Solis facem pulcherrimam.

EPOD. I.

Tu quoque, o vitæ iubar, o ſupremum
 Sydus, inclyta veritas,
 Blandius inſinuas capacem
 Aurem tui, velo ſuper
 Condita, dulcem agitans intus amaritiem.
 Qui tuos vultus ferat irretorto
 Lumine, hunc labor ſuperare longe
 Promas fulminis alites.
 Vitabo ego procacem,
 Odii creatricem, inſolentiam linguæ,
 Quum me cupido flexanima inpulit
 Affari unicum alumnum,
 Tentantem primam pennam proferre volatu
 Inſolito, & nidi erumpere carceribus

STROPH. II.

Geffientem aperta vitæ
 In ſpacia, ingentesque reſceſſus.
 Magnanimi ſoboles genitoris,
 Qui portam Olympi contigit virtutibus
 Intrepidis, patriæ parentis
 Nomen potitus arduum,
 Te Thoma, te fili optime, optimo voto
 Fidus proſequor augur;
 Veſtigium ſi ponere in orbitam
 Contendas patriam, culminaque illius ap-
 prendas laudum; non labor Herculeas
 Ultra columnas tendere

ANTIS.

ANTIS. II.

Sit tibi. suprema meta
 Hæc utinam conatibus olim
 Rite tuis se præbeat æquam.
 Nec vana spes nos fascinat, pulchris super
 Principiis quibus indolem sci-
 -te perpolivisti tuam.
 Fundamine hoc iacto, nihil caducum, ni-
 -hil structurum humili orsu,
 Quin editurum splendida nominis
 Sacrarum & virtutum decora omnigena.
 Quum nec parte ista tibi provida mens
 Cari parentis defuit.

EPOD. II.

Qui licet fatis raperetur, & te
 Orbitatis in aspero
 Linqueret, ancipitique lapsu:
 Ætatulam tamen tuam,
 Et studiis, & rectoribus applicuit.
 Sedula cura tibi comparatis,
 Qui manum fidam ad genus omne splendo-
 -rum nossent tibi porgere
 Nec tu sequax bonis tu-
 -is defuisti; quin labore perstante,
 Ad templa doctrinæ ardua vectus es;
 Culturamque iuventæ
 Musarum in gremio posuisti; strenuus idem
 Fingere te duri Martis ad arbitrium.

STROPH. III.

Quod fatu venit benigno
 Naturæ, aut divinitus haustum est,
 Hoc regnat, longæque relinquit
 Artes minores anxia solertia.

Sed

Sed neque vitigenus latex, nec
 Fœcunda frugibus sola,
 Sine adiuvente germinant ope externa.
 Sic coniurat amice
 Manusque nostræ debita navitas,
 Nativoque ortu copia luxurians,
 Connexa ut vincolo vigeant gemino
 Humana cum cœlestibus.

ANTISTRO: III.

Herculis nec alta virtus,
 Ex Jove quamvis creta parente
 Ætherea se ab origine iactat,
 Citra magistri se extulit peritiam:
 Quin ferulæ puer ille pressam
 Subduxit usque dexteram:
 Linumque doctorem modestus expavit
 Formantem arte severa
 Os, atque sensus pectoris igneos.
 Et modo frangentem fræno animum rigido,
 Lora interdum liberiora habili
 Dantem lupato: quæ ferox

EPOD. III.

Suesceret iussis domitari amicis,
 Seque blandior orbitam
 Mittere cogeret in patentem.
 Simul nec Eumolpi manus,
 Nec moduli citharæ, nec lyra grandisona
 Defuit, motus solita impotentes
 Sistere, & mentem reparare amœnam.
 Cessavit neque roboris
 Cura interim, nec acre
 Mavortis imperterriti rudimentum.
 Fallente longe certus arundine,

M

Quod-

Quodque excelleret arcu
 Latifero, Eurito didicit monstrante; quod artus
 Intrepidus luctæ, cæstibus & latera

STROPH. IIII.

Expedita non negaret,
 Torvo ex Harpalice impiger hausit;
 Indomitos agitare iugales
 Amphitruonis patrius docuit amor.
 Nec puduit residem senectam
 Nati iuventæ impendere;
 Dudumque lento sordidos situ currus
 Prompto extergere ludo.
 Quis nescit armis Castora maximum?
 Sive hostem ferro sternere, sive dolo,
 Seu struſtas exponere campo acies,
 Seu tuta castra condere,

ANTIS. IIII.

Aut vaſtram fugam aucupari
 Militæ anceps posceret usus.
 Idem eques, idem comminus hasta
 Ire bonus radiante vultu,
 Ensemque fulminare mistis stragibus;
 Istusque scuto fallere.
 Tunc fors iniqua patrio solo extorrem,
 Opportuna sed annis
 Alcide, ab Argo vexerat inclyta;
 Ut præsto eſſet, qui talia munia con-
 ferret divinum in iuvenem, & teneram
 Duraret asper indolem.

EPOD. IIII.

Qualis herboſo riguæ reſectus
 Ripæ margine flos niter,
 Quem radio recreat benigno

Sol

Sol almus, & rore educat,
 Aurisque aspirant egelidis Zephyri,
 Cura nec deest sollicitæ puellæ
 In dies cultricem operam afferentis.
 Sic per congrua splendidæ
 Ætatis incitamen-
 -ta invictus olim Heros migrabat ad frugem.
 Matura sed quum flore genam novo
 Pubertas redimibat,
 Ardua nec poterat patrio lare mens cohiberi,
 Versabatque animum præcipiti stimulo

STROPH: V.

Gloriæ recens cupido;
 Tunc sonipes veluti satis alta
 Ad præsepia passus herile
 Imperium, strigilimque acutam;
 Duellicæ si se tubæ raucus sonor
 Late extulit, iam nec pede
 Constare tranquillo, nec aure non mota
 Nec vinclis retineri
 Quit amplius; quin pulsat identidem
 Auras hinnitu clarifono, & properos
 Spernit custodes, lacera implacidus
 Repagula extra provolans.

ANTIS. V.

Sic domo gradum efferebat
 Alcidiæ ardor, mox tenero ungui
 Obvia monstra avidus domitare,
 Latum animo immodico capeffens
 Orbem. pavoris tum senex Linus, simul-
 -que plenus excellæ spei,
 Suspensa volvens gaudia anxio corde,
 Sic affatus alumnum

Sermone fertur candidus aureo.
Fili, dum patrio limine te acceleras
Efferre, & vitæ æquor in ambiguum
Insueta tendis lintea;

EPOD. V.

Accipe hæc nostri monumenta amoris.
Limen hoc, pede quod teris,
Quodque relinquere gestis, omnem
Ad vitam habet primarium
Momentum; qualem te facie aspicien-
-dum dabis prima, reliquos in annos,
Tale te ævi iudicium sequetur.
Pulchrum splendida frons opus
Insignit, atque honorem
Diffundit in totius adyta structuræ.
Proinde partes verte oculum vigil
In cunctis, tibi que infles
Attentus censor, ne quid leve, ne quid ineptum,
Ne quid committas ludibrio expositum.

STROPH. VI.

Quum latus tuum tegebat
Nostra cohors, nunquam monitoris
Fidi cauta voce carebas.
Nunc mare velivolum petit tu-
-a navis, excipienda tempestatibus,
Et turbinum vasto agmine,
Trahetque te discors modo huc, modo aura illuc,
Fallentque ipsa gubernæ.
Nec saxa decerunt perfida, nec latens
Sub cæco scopulus marmore, littoraque
Fraudem intendent obvia; sæpe etiam
Tranquillitas blanda obruet.

ANTISTRO:

ANTISTRO. VI.

At tibi cavenda nulla
 Tantopere est rapidissima Syrtis,
 Nullæ navifrago ore Charybdes,
 Quantum animi malefana labes,
 Procax voluptas. hæc veneno te suo
 Si læserit; non amplius
 Vllam salutis spem potes tibi optare:
 Quia inglorius ævum
 Turpi supinus desidia inquines,
 Vivasque obscœnum mancipium, neque te
 Vel nomen, vel percelebres tituli
 Exemerint opprobrio,

EPOD. VI.

Ne pudor prostes, populique fanna,
 Huic propinquior altera
 Nec levior studiis nocendi
 Vitanda erit pestis tibi,
 Blandus adulator, nomine amicitie
 Splendidum fallens, scelorum magister
 Vnicus, fraudum calidus repertor.
 Quem sanctissima veritas
 Solum disertim abhorret,
 Virtusque torvo spernit execrans vultu,
 Et fida amicum turba fugit procul.
 Ad dispendia rerum,
 Labentesque domus, fortunarumque ruinae,
 Sumptusque immodici, pravaque luxuries,

STROPH. VII.

Poneque imminens egestas,
 Non dubio passu comitantur.
 Nec te decipiat nimium tu-
 -i precium; licet examussim

Industrie

Industriæ felicibus præstes bonis,
 Nostraque cura creveris
 Tam pulchre, ut anteite te haud queat quivis;
 Seu fandî expetat usum,
 Seu expeditam res sapientiam.
 Nec simulacra isthæc militiæ genita
 Inter lusus, & studia artificum,
 In angulo atque umbra domus,

ANTISTRO VII.

Spiritus tibi superbos
 Suppeditent; ut protinus audax
 Mittas te in temeraria damna.
 Multa prius capias oportet
 Ipsa ex arena, multâ discas admovens
 Manum, & scientes consulas,
 Credasque demum te peritiæ expertæ;
 Festinansque retentes
 Pedem morantem; nec simul omnia
 Coneris; neque vota aspera præcipites;
 Nec rumorum frigida nomina se-
 -steris, salute præ rata.

EPOD. VII.

Qui sibi dux esse viæ irreprehen-
 Possit, hunc ego Diis parem
 Nec genere ex hominum putabo.
 Mortalium fors mutuo
 Alternæque vicis nititur auxilio.
 Ille ter felix, meliore qui se
 Parte tutatur, neque vana vulgi
 Ad consortia convolat.
 In putridum neque incli-
 -nat parietem, lapsu obruendus alieno.
 Ducem leonem damæ etiam timi-

-di acri

-di acri ardore sequuntur
 Futilis, at ductor vactorum corda leonum
 Frangit, & in sædum delicit exitium.

STROPH. VIII.

Tu viris ubique adhære
 Fortibus, exemplumque, modumque
 Ex illorum laude capeſſe,
 Et ſequere impete pertinaci
 Laboribus, periculisque ſtrenua
 Virtus emi deſiderat,
 Nec gloriæ impertit decus niſi exhausta
 Poſt certamina mille,
 Omnemque mollis reſpuit otii
 Langvorem, ſemper conſpicua egregio
 Sudore, inſtans ſemper ubique ſibi,
 Non larga ſomni, non cibi,

ANTISTRO. VIII.

Vulnerum neque abſtinens: quin
 Ipſam gaudens ſpernere mortem:
 Jam mihi læto in pectore geſtit
 Mens avida, & cytharæ loquaces
 Chordas retractat, laudibus ſeſe tuis
 Olim ſonoram comparans.
 Jam te tuor pulcherrimo cruore auctum,
 Monſtrorum domitorem,
 Pacem ferentem, atque aurea ſecula
 Orbi pacato; iam facies ſclerum
 Diræ abſiſtunt; iam mala diffugiunt,
 Diſcordiarum turbina.

EPOD. VIII.

O mihi tantum ſenii ſuperſint
 Non breviffima ſtamina;
 Vt ſatiare oculos tuorum.

Splen-

Splendore factorum queam.
 Tum me nec turbet funeris atra dies,
 Dulce nec solis iubar hoc moretur,
 Lætus ad metas veniam sepulchri,
 Famæque hi digiti tuæ,
 Voxque immori haud recusa-
 -bit. Hæc profatus Linus ore cygneo,
 Manante largo sollicita gena
 Fletu, non sine mistis
 Lætitiæ auguriis, cupidum emittebat alumnum,
 Amplexuque hærens, multa etiam atque etiam

СТРОФ. IX.

Submonebat, & senilem
 Anceps solabatur amorem.
 Nec mihi sit iucunde Zamosci
 Deterior senii receptus,
 Ut conquiescam olim in tuis virtutibus,
 Fatigue tangam terminos,
 Laudum tuarum, atque inclytæ satur famæ.
 Sentis? quanta vocat te
 Procella rerum? quo tonitru ruat
 Horrida tempestas? non tibi sese aperit
 Primæ frontis vestibulum facile;
 Sed ultimo discrimine

АНТИС. IX.

Patriæ involuta damna,
 Vim rigidam induere, atque salutem
 Duris suadent quærere in armis.
 Concipe iam iam animo virilem
 Fidentiam; ætatemque te supra exere.
 Periculum ingens negligit
 Evolvere annorum propagines longas.
 Hortatu obvia quæque

Non

Non differendo nomina convocat.
 Nec parcit iuvenum pectoribus teneris,
 Nec fortunæ purpureas refugit
 Sedes, superbam vel domum.

EPOD. IX.

Nunc ferox iam te sonipes paratu
 Sublimem accipit aureo
 Stare loco inscius, & lupatum
 Labro remordens. ast ego
 Cum cythara & votis te sequor, atque viam
 Flore Musæo tibi sterno, Soles
 Candidos illos cupidus videre,
 Qui te, tum mihi sospitem
 Reddent, adorea auctum
 Pulchra duelli, fortibus vigentem ausis.
 O Dii; Polonæ cura quibus rei
 Permissa, o prohibete
 Æternum opprobrium, tristesque arcete ruinas,
 Et pacem nostris reddite temporibus.

ÆLINOPÆAN

O D E.

STROPHE. I.

Diffidentia, quæ futilibus
 Auris suspicionum
 Elata, recti consilii obices
 Volvis tenebras, veritatisque aureum
 Solem, invida caligine,
 Mundo eripis: rerum interitus miseros,
 Et damna sero pœnitenda,
 Post propagans, sædo ab ortu:

N

Quantis

Quantis malis implicasti,
 Altricem patriam meam,
 Septemtrionum ocellum,
 Mavortis aream duellicam,

ANTISTRO. I.

Terram magnanimum Roxiadum?
 Quam, (pro fata fera, ach fe-
 -ra fata) sæva indagine, Barbarus
 Hostis, modo penetravit; ignium ferus
 Jactator, infessor procel-
 -lipes domorum, non pecorum aut hominum
 Discriminis servans, neque ulli-
 -us satur prædæ aut rapinæ.
 Hunc turbinem olim adfuturum,
 Gnari multa Samoscidæ,
 Præfenserat tatum tor,
 Longe ante. enim robur capax labo-

EPOD. I.

-rum, & mens consiliis fulta fidelibus,
 Cui suppetit; futuri
 Scientiam is cognatam habet.
 Quorum utrorumque usibus assiduus,
 Ævum subactum possidet Samoscus.
 Ergo luce velut palam
 Viderat in media
 In Russiam ventans malum.
 Regemque, sessimoniumque
 Regium, plena procerum in corona,

STROPH. II.

Pulsabat validis hortatibus:
 Magno nauta mari ceu,
 Clavus regendus cui onerat manum,
 Pellaciæ omnis Ponticæ sat conscius,

Nulli

Nulli sereno credulus,
Proporro turbas æquoris ingruere
Sentitque, nuntiatque, remi-
-gumque robustam increpat vim.
Fando recensebat ille,
Vtcunque, exuperans favor
Divum, rei Polonæ
Donaret eventus pulcherrimos;

ANTISTRO. II

Ne ridente animum diluerent
Fortuna, levis auræ
Securi; eo, quin sollicita mage
Cura excubarent, serus incerti vehat
Quid vesper. ac vel omnia
Portu natarent iam in placido; sibi quo-
-ties recordaretur oræ
Russiæ, non posse mentem
Consistere; illam sueti
Quando præsidii vide-
-at indigam, nec usum
Vllum relictum per Polonias

EPOD. II

Fixæ militiæ. si subita infremat
Procella, se se habere ex-
-ploratum, & ipsis editos
Patribus Diis, figere splendida non
Solitos trophæa, unius hastæ cuspide.
Magnas, magnam opulentiam,
Poscere suppetias;
Cassamque custodis forem,
Ad damna prædonem advocare.
Non Scytham tantæ pietatis esse,

STROPH. III.

Cui ignotus ager, cui nec ara-
 -tur, nec conferitur, sed
 Vetus rapina vivere mos tenet;
 Porta data, prædæ ut immemor velit
 Manere. quanquam esto, ut ferox
 Lupi fames, mite induat ingenium,
 Atque æquitatis limitem intra
 Se coerceat, nocendi
 Vltro abstinens: nidulato-
 -rem tamen Dneperi accolam
 Vagum Nisovium, nun-
 -quam huius daturum copiam boni; iri-

ANTISTRO. III.

-ritatam rabiem, atrox Scythia
 Ne mox exerat. is quo-
 -niam, loca in sola, ob melioris o-
 -dium recesset vitæ; & a laboribus
 Iustis, ad insolentiam
 Se contulisset belligerandi; agitan-
 -disque undique improbis rapinis
 Incubaret: non Dei, non
 Legum sciens, sæderumve;
 Tantumque assiduæ daret
 Iniuriæ, per omnem
 Viciniam: ut nisi fræno illicet
 Acri in legitimum ponitur ordinem

EPOD. III.

Latrocinique finem
 Tandem facit: iam non modo
 Impigræ ultrici Scythiæ, stimulum
 Hunc admoveri ad sæviendum congruum;
 Sed bello quoque Turcico
 Sat fore sollicitan-

-do.

-do. cuius impetum horridum,
Vel p̄rperam ire provocatum,
Vel pati, ut sponte irruat imparatis,

STROPH. IV.

Mendose rationantum hominum
Esse, & cledis apertæ.

Hæc tum tonabat verba, tenax minis
Instare monitorum orbitam veracium.

Ventis sed abstrepentibus,
Inter sonorem silvisfragum, haut facile
Humana vox aptatur auri.

Consulares nec tum apud vi-
-ros, audiebatur ille

Sermo, turbine suspici-
-onum, fidem opprimente,

Quasi is, suam furore in Martio

ANTIST. IV.

Qui spernens animam, pro patria
Hosti se toties ma-

-gnam victimam devoverit; arduus

Æque manu, & sapientiæ templa edita

Cum flore virtutum obtinens,

Privata lucra, incommoda publica per,

Fallace venaretur arte.

Spreta veritas, amat ful-

-men, accita ira, æmulari.

Fervens urit enim dolor,

Videre corruentes,

Qui stare contemnunt de industria.

EPOD. IV.

Nec se continuit; quin genus omne homi-
-num, & Divum, & omne quodcun-

-que est fas nefasque, testimo-

-ni ad

-ni ad sacramentum, increpitans raperet;
Genioque patriæ suam deponeret
Dextram, fidi animi obsidem.
Quandoquidem ambiguus
Sententiæ feratur atque
Indignior, quam tuto credi
Cui potest; belli interea labor, si

STROPH. V.

Qua prorumpat, & improvida tur-
-bet regna, exitiique
Det vulnus: illorum fore crimen, e-
-ventu magistro, faucii, sero utilem
Qui post crepant solertiam.
Nunc se monentis temporio officio
Fungi: sed excludi invida aure.
Tum quievit, cura edens cor.
O Musa, quæ mella mi li-
-bas ignobilis otii;
Immunis ut, carensque
Honorum, inertî me silentio

ANTISTRO: V.

Damnem; non mihi tu falsiloquam
Doctrinam memorasti.
Si quando vitæ tædia me me-
Vexare possent, & negotiis ave-
-rem intrudi: ut angustis poti-
-us in viarum anfractibus, indomito
Concurrerem pugnans leoni;
Quam suasor fortis orsi
Ad dissonum vulgus irem.
Hoc certamine, lubricum
Postquam pedem frequenter
Impingat, omnium arrectissimus

EPOD. V.

EPOD. V.

Vir; nec sustineat frangere murmura
Inconditum frementis
Turbæ. neque hos miror tamen;
Diffiti, amplo in corpore, latipaten-
tis regni, ad ærurnam remotam, incredulo
Si qui pectore dormitant.
Maxima nec Babylon,
Longinqua sensit protinus
Tecta vrbis; inflammari ab hoste.
Nam domi quod fit, fodicat propinquo

СТРОФ. VI.

Id demum stimulo; ad damna alie-
-na, ultro quisque supinos
Sensus gerit. vos, vos, paries quibus
Ardens, petebat proxima flamma latus;
Quorum imminebat vertici
Ruina præceps; vos stupeo mea gens,
Germen beatum Russiæ almæ.
Nam ferunt, authoribus vo-
-bis, rem impeditam; lupatum
Ne Nisovius accipe-
-ret. quem, manu esse promptum,
Vitæque non parcum, ferro pacis-

АНТИС. VI.

-ci; non quisquam alius, non ego pos-
sim cum fronte negare.
Sed, nulla virtus, fruge bona nitet,
Legem, omnium reginam, abhorret quæ pati.
Verabo, si prudentior
Se patria quisquam gerere instituat;
Nec arma bellatoris acri-
-ora perferenda, supra

Quam

Quam lex sinat. tædet in vul-
-gus sparsi opprobrii; attamen
Rumor frequens susurrat;
Plerisque vobis cum Nisovio;

EP. D. VI.

Commune esse bonum, participandaque
Belli arte, furta quæri.
Hoc obtitisse, sub iugum
Fervidæ ne colla licentiæ abi-
-rent. subdolanus lucris est nitor; blanditur in-
-escans exiguo, illice;
Retia mox aperit
Cuncta haurientum cladium.
Morbo impotenter obsecundan-
-tum, procax hæc mollicies habetur;

STROPH. VII.

Vt culpa tenuis sæpe cibi,
Ob solatia parva
Lassi palati; funeris accele-
-rent ultimam horam, perperam insanabiles.
Imago vestra, hæc ne foret
Vellem nimis. verum, horrida vastities,
Humoque fumans Russia omnis,
Clade sat monet recenti:
Nisovienſis rapina,
Quanto scenore consti-
-rit; quam Scythia, ærea, aure-
-is, lance inæquali, mutaverit.

ANTISTRO: VII.

Luſus ſingula ſari prohibet.
Heu, cui ille pepercit
Aut ſexui, aut ætati, hominumve, ani-
-mantumne? cui rei prophana, vel ſacræ?

Cui

Cui culto, & inculto loco?
 Quæ virgines, matrum e gremiis; quot aba-
 -stæ coniuges, obscænum ad usum,
 E virum complexibus? quæ
 Pubes, qui alumni Gradivi,
 Bellorum unica robora,
 Stravere cæde terram?
 Omnique congesta cum opulentia,

EPOD. VII.

Plebs, nullo ordine, nullo numero, pedi-
 -cis acribus recepta,
 Finesque pulsa trans suos,
 Ferreum in sæclum, exilii ad toleran-
 -tiam nefandi. Lachrimæ; haut meta hæc mali.
 Maior vos metus imperat
 Sistere mollem oculum.
 Podolico nondum ex agro, tem-
 -pestas migrarat illa: quum
 Ecce de integro, legionibus sub-

STROPH. IIX.

-nexus Threicijs, Danubii
 Tranans ripam, aderat fe-
 -rox Turca; eundem vindice persequens
 Nisovium dextra; Scythisque iungere
 Socia agmina ardens, sic iubet
 Conferta sævo sædere relligio.
 Nos interim ad vexilla Christi,
 Ambitu improbo, atque sæda
 Discordia, sanctum amorem
 Obliviscimur; & rui-
 -mus vulnera efferati
 In mutua, hostiæ ad ludibrium.

ANTISTRO. IIX.

Dii? quæ tum facies? quæ misera
 Concurfatio? quæ con-
 -clamata, planctu funditus ultimo,
 Rerum omnium fortuna? ripa qualis in
 Patente, Nili impervii,
 Dracone ab inimani, horrida flammivomum
 Stringente ricta dentium, pren-
 -sus viator; non fugæ, non
 Pugnæ potens; ultimo pal-
 -lore, huc ambiguum pedem,
 Atque huc rapit; sui impos;
 Gulaque iam se se ima haustum autumat.

E.P.O.D. IIX.

Summo sic tum etiam sanguine progener-
 -tos vidi ego duces, ple-
 -be cum vaga promiscuos,
 Fauce iam clausos velut hostis, anhe-
 -lantes, manumque languidam, modo huc, modo
 Illuc proiicere, & spei
 Reliquias trepidas
 Vix confovere; cum querella
 Caduca, & imbelli sono;
 Fessaque addictos prope colla, vinclo

STROPH. IX.

Jam iam Barbarico. haut nempe aliter
 Pax infracta solet, per-
 -missumque pectus desidiæ, meli-
 -orumque obaudiens, suos nutricios,
 Producere ad fati aspera.
 Torpentum inepte, o Magne Samosciada,
 Respublica haut eget virorum;
 Altiora viribus sed

Qui

Qui audere possint, patique.
 Ten' dicam domitum quoque
 Metu? aut parasse robur,
 Ex perdita spe? quando huc advolan-

ANTISTRO IX.

-rem, istas in regiones, rapido
 Cursu, vidimus uni-
 -cum. nulla mentis tum trepidæ tibi
 In fronte mæsta ruga. testis illa nox,
 Vulgusque densum. sed lea,
 Vis sæva venantum, sobolem quoties
 Illi relictam oppugnat, infan-
 -tum accita imploratu acuto,
 Vt se rapit, vulnerum ut cu-
 -ram contemnit, & obviam
 Densissimis volat te-
 -lorum ictibus, contra omnes, sola par.

EPOD. IX.

Sic te tum rapiebat furor igneus,
 Audere pertinacem
 Vnum. hinc ferox lingua; hinc mina-
 -ces cruenta luce oculi. modo pos-
 -cere arma, modo damnare fero credulas
 Mentes; aut pavidis metum
 Excutere; aut alios
 Armare præsentem; & absen-
 -tum strenuam invocare opem;
 Muniendis urbibus admonere

STROPH. X.

Intentos alios; linquere nil
 Intactum, nec inausum.
 Redux videri continuo omnium
 In membra pristinus vigor, geluque cor-

-da dissoluta surgere.
 Et iam pudoris, degeneres animos,
 Virtus respirans arguebat.
 Nemo non crepare ferrum;
 Nemo manum, nemo nomen,
 Non adscribere militi-
 -æ, ingentibusque grassa-
 -ri ausis, repulsam ad hostium impigram.

AN TIS. X.

Sic olim validis imbribus, aut
 Dira grandine, late
 Quassata campis, luxurians seges;
 Soloque profligata tetricum in modum;
 Solis subinde lucidam
 Si vim superne sentiat, & radio
 Calescat instaurata, mox ges-
 -tit renidere, atque honorem
 Priscum resurgit receptans;
 Cœlique exilit in spaci-
 -a, promicante culmo.
 Leone duce, vel cervos sumere

E P O D. X.

Fortem fas animum. quid iuvenum fac-
 -ret flos, refecta bello,
 Lætiissima ante corpora,
 Agmen acri prægrediente viro?
 Victorias cuius, recensere affatim
 Non uno inclyta nomine
 Gloria suppeditat;
 Victum uspiam, virtus vetat fa-
 -ri. hæret diei splendor il-
 lius, hærebitque oculo, diu de-

STROPH. XI.

-mirantum populorum, in memori;
 Quum te, iam sat adulta
 Belli moventem robora, propalam-
 -que euntem in hostem, militum nimbi horridi,
 Ferroque fulgentes cater-
 -væ, hac adfremebant atque hac; sonipesque rigi-
 -di conscius fessoris, ardu-
 -o pede increpare terram,
 Et fræna proferre contra,
 Fervebat volucrum gradum;
 Spargens lupis cruentam
 Spumam, & crebrum cervice fluctuans

ANTISTRO. II.

Sublimi; haud sine naris rapido igne,
 Palpebraque vibrata
 Identidem. præ rumor it antevo-
 -lans, ocior ventis, feros quassans metus;
 Sequuntur, implentum æthera,
 Grata remissæ læticia lachrimæ,
 Arasque circum fusa vota.
 Jam tum in arva nostra se se im-
 -ponebat hostis, gemente hu-
 -mo sub pondere; & oppida
 laxis vorabat igni-
 -bus, acer impetu effusissimo;

EPOD. XI.

Certaque, haut mora, spe præcipiens sibi
 Nostrum omnium ruinam.
 At nemo turpius cadit
 Magno ab incepto; quam animo tumidus
 Qui despiciace, hostem sibi proponit im-
 -bellem; vimque opibus suis.

Arrogat

Arrogat omnigenam.
Spectaculum mi mentis an-
-te lumina, obversatur huic par.
Ætheris latas quoties cavernas,

STROPH. XII.

Nimborum piceï conduplicant
Montes, factaque fulmi-
-nibus, creatrix horrifona imbrium,
Tonitriovoma it nubes; tenebrarum rotans
Agmen, facesque fulgurum
Miscens crebras, perterriticrepto fremitu;
Non illam ab alto nauta prospe-
-ctat mari, terroris experts;
Non pastor, aut cultor agri;
Turritis etiam urbibus.
Late pavent, fugaque
Se quisque condit in testas domos.

ANTIS. XII.

Si se se interea, ventipotens.
Cœli e parte serenæ
Effundat, & contraria flamina
Opponat, infestissimus Boreas; retor-
-quet illico cursum atra nox;
In rega raptim præcipites tenebræ
Sidunt, volant hac fragmina atque hac
Nubium; molesque nimbo-
-rum cuncta, inanes per auras
Vanescit lacero agmine.
Sic, postquam inaudiit nos-
-tros promoveri contra exercitus;

EPOD. XII.

Ille irarum opulens, ille ferox minis,
Retro gradum repressit;

Senlim-

Sensimque sedes subtrahens
 Se in suis, disparuit; immodicus,
 Et inchoandæ, & deferendæ æque spei.
 Aspris cantibus, o lyra,
 Pœne ratem creperam
 Affliximus, vita vadum
 Iactantiæ; neu gloriam se-
 -tare, falsis laudibus impeditam;

STROPH. XIII.

Ex vero cape. quis credat enim?
 Europæ, atque Asiæ, oppres-
 -sorem Tyrannum; qui domito super
 Se se orbe, late ostentat, horror omnium:
 Cui nervus infinitus, ad
 Patranda bella, olim superat; medita-
 -tum in nos furorem dum exerit, mo-
 -lemque maximam profundit
 Exerciti; nostram, ad arma,
 Haut iusto numero parem,
 Raptim manum coactam,
 Exhorruisse, & versum isse in fugam.

ANTISTRO: XIV.

Livor me aspicit obliquo oculo.
 Audacem tamen asse-
 -quar veritatem; qua via secta se-
 -mel, inclytum vocat pedem. si virium
 Contentio, hūctamve, con-
 -sistumve pugnæ, provocet ad specimen
 Robustitatis æmulandum:
 Qui periclo se se arenæ
 Committere ausit, vel ipsum
 Contra centimanum Gygem,

Certator

Certator unus e mul-
-tis, repperiri non ægre solet.

EROD. XIII.

Natura ingenerans corporibus liqui-
-dem, robur affatim affin-
-git; estque vir virum supra;
Et minor magnum facile aggreditur.
Ast mentis ad certamen, & vices eas,
Quæ clarant hominem mere,
Fisa sibi egregia.

Virtus, ubi processit; at-
-que opes repertas maximarum
Artium, luce edidit in patentia.

STROPH. XIV.

Campo credere se, rarus amat.
Torpens dum prohibet cor,
Rudisque vitæ conscia vilitas.
Nec fallere est animum, suas vires, seve-
-ram metientem ad regulam,
Sensu secreto pectoris admonitum.
Nec parte in hac, quisquam sibi sit
Vendicat; qui per diu su-
-datum laborem, ante multo,
Thesauros sapientiæ,
Musarum in officina,
Non reperit. sprete, sed in iuven-

ANTISTRO. XIV.

-ta illæ, post senii stultitias
Produnt, attenuantque.
Cordis minores, porro, alacrem indolem,
Sublime susceptam, secundis promouent.
Alis, & ad iubar suum,
Cælo resistæ consolidant acie:

Pars,

Pars, quicquid accretæ uspiam extat
 Labis, emundare, copi-
 -amque artium affundere omnem;
 Pectus, pars, adamantina
 Munire firmitate,
 Prægestientes. donec ad sacrum

EPOD. XIV.

Limen, cunctipotentis, labor arduus,
 Prudentiæ penetret.
 Hæc omnium, regina la-
 -te vigens rerum, premit imperio,
 Frænatque vitas ancipes mortalium.
 Insanum mare navita
 Hac duce sollicitat,
 Sævisque tempestatibus
 Illudit audax: hæc domorum
 Sustinentur culmina non caduca;

STROPH. XV.

Statque innoxia rite urbica res,
 Regnorumque salus vi-
 -get: huius adnixa auxiliis, bea-
 -ta pax, serena fundit ævi germina,
 Pangitque mansuram fidem:
 Hæc bella nutu temperat indomito:
 Hanc perfidi pavent Tyranni:
 Hostis, hanc in hoste, cumpri-
 -mis horret, altosque ponit
 Luxato impete spiritus;
 Vtcunque maior armis,
 Cæca sed ambage imperitiæ,

ANTISTRO: XV.

Informique anima, deterior.
 Dum flagrat medio axe

P

Sol,

Sol, vadat is purum inficias diem;
 Qui, te Zamolci, summitates omnium
 Tenere splendorum, erudi-
 -tæ mentis, effrons perneget; aut sapiens
 Pectus tuum, magno orbe terræ,
 Luce non clarere aperta,
 Contendat. hinc nempe certum est;
 Formidabilis ut vide-
 -are, & tuos pati vul-
 -tus, barbaro hosti, promptum non fue-

EPOD. XV.

-rit; quin se volucris, protinus ad loca
 Semota, ita referret;
 Vltroque, spectatæ ruz,
 Cederet virtuti, animis levior.
 Nil abnegatum pervicaci industriz est.
 Primos, is tamen occupat,
 Laudum apices; varia
 Qui post laborum munia,
 Manum fatigatam, in sinu Di-
 -vum locat, gratumque decus reponit,

STROPH. XVI.

Cuncta autoribus illis tribuens.
 Nec te istam, pietatem,
 Fas linquere: etsi supra hominem sapis,
 Cœlestium minor, colens proiectam humum.
 Cupido me dia abripit;
 Affusus aris, flexanimes cytharæ
 Modos, ut ad vota exigam. quid
 Est? quid apprecans mage optem?
 Pacemne, an arma? o supreme
 Regnorum, atque hominum sator;

Clemen-

Clementius boni quo
Nil sentiunt, idem acer criminum

ANTISTRO. XVI.

Vltor; supplicio si scelerum,
Hanc, imo ex phlegetonte,
In nos retorristi Furiam Sara-
-cenam, parasque perdere in nexum datos:
Ceu regna Graium, & Pannonas,
Nilumque sacro conspicuum ubere agri;
Placatus abfiste, & quietem
Redde, ut ut perire prome-
-ritis. datum sin' nimis pœ-
-narum est, & tua te, Pater
Opprobria, atque honorum
Strages tuorum tangit, belluam-

EPOD. XVI

-que hanc, stat tollere, nosque auspiciu dare
Felicibus iubes or-
-sis: non ego externer cruo-
-rem tuens fufum, nec amorem habeam
Imbellis ævi. sed rigens ferrum, & iuven-
-tus, crudelibus effera
Mî placeat studiis
Nec abnuam, cadaverum,
Referre pacem CHRISTIANAM
Pristinam, magnis cumulis redemptam.

Jesu Christo, laus, & Gratiæ.

) 116 (

I M A G I N E S DIAETAE ZAMOSCIANAE

Illustrissimo Principi
I O A N N I D U C I
IN OSTROG
CASTELLANO CRACQVIENSI.

ANDREAS SREDZINIUS S. D.

PRO ea familiaritate, quæ mihi quotidiana est cum Simone Simonida, sorte scidas eius una revolehamus; in quibus reperimus Elegiam quandam titulum Imaginum Diætæ Zamosciana præferentem: quam cum avidius relegerem, causamque & tituli & carminis ab eo perquirerem. Optimi dierum, inquit, est hoc ἀνείκητον; atque adeo ætatem iam habet: ante decennium enim scripta est. Cum Barbaram Tarnoviam nuptam novam Heroi nostro parentes domum deducerent, atque ille incredibili festivitate soceros exciperet, imaginibus istis diætæ in qua convivium apparabatur adornandam iusserat; ubi etiamnum celeberrimo spectaculo visuntur: eas tum carmine illustrare voluptas mihi fuit. Enimvero ita, inquam, sciebam, festivitatis illius hæc fuisse ornamenta. de carmine tuo nonnihil inaudieram; & laudari, causamque a nonnullis adferri, cur iam tum editum non fuisset, memineram: nempe ista, quæ ex occasione de consiliis belli Turcici, a Sixto V. Pontifice Maximo cum Stephano Rege Polonia agitatæ, adpersa sunt, ne invi-

invidiosa apud vulgus illis temporibus forent, quibus post defunctos illos Heroas, Societas belli Turcici, sapius a nostris tentata, non coaluit. Nunc, postquam dies iudicia hominum composuit, triconum ex numero, aut negligens nominis tui fueris, si scilicet huic lucem negaveris. Quum non renuisset, cupido me incessit Elegiam ipsam in publicum dare: idque duplici ex causa. primum, ut tam bello carmini vitam redderem: deinde, ut in memoriam apud præsens sæculum revocarem, quanti momenti res a summis principibus instituta tum fuerit: si forte exemplo aut incitamento esse possit iis, qui nunc ad clavum sedent. Porro apud te illustrissime Dux, deponendam putavi, non ingrato, quantum spero, munere; quum avorum tuorum Paterni atque Materni laudes contineat; quorum divinissimam stirpem ut familia vestra immortalibus sæculis propaget, pro bono publico, etiam atque etiam cupio. Zamoscii. Calen. Iulii. Anno M. DC. IV.



IMAGINES

DIÆTÆ ZAMOSCIANÆ

Festa Zamosciades celebrat convivia Princeps,
 Et renovat magnæ munera lætitiæ.
 Qualia par foceris generum renovare vocatis,
 Acceptæ lautum coniugis hospitio.
 Dicite Pierides, neque enim vos defore vestro
 Heroi blandis addecet officiis,
 Dicite, qua pompa, quo vos sistetis honore,
 Quo cultu vester gestiet ire lepor?
 Non ego vos credo, quæ pulchra modestia vestra est,
 Inter convivas velle sedere viros.
 Qua proceres, qua lectus eques, qua flos sedet omnis
 Regni, quo nullum Sol videt eximius.
 Non epulis duci vestrum est, non pocula plena
 Siccare, aut mensæ quærere luxurias.
 Non choreis, quanquam choreis Heliconæ soletis
 Lustrare, hic operam insumere censuerim.
 Talia Sarmatides melius ludicra puellæ
 Præstiterint, longo firmate Sarmatides.
 Scilicet appensam ex humeris cytaramque lyramque
 Sit potius vobis, aptaque plectra fidi.
 Ni, quod forte manu quoties tractastis eburnam
 Aut cytharam, aut curvæ grandia fila lyræ,
 Magna Zamosciadæ queis nomina iactarentur,
 Nomina cœlorum proxima culminibus.
 Semper se obtulerint Mavortia gesta canenda.
 Et quæ magna Heros præstitit arte togæ.

Vt leve

Ut leve sit munus molles resonare Hymenæos.
 Dum maiora vocant, pæne minora tacent.
 Non tamen immunes, non mutas esse Camænas,
 Nec stando studium perdere velle decet.
 Nec verò Heroum sunt maxima seria sola.
 In mediis splendent, seria multa, iocis.
 At vos vel paries iam fecerit iste disertas.
 Inclyta qui paries picta habet ora virum.
 Quæis exornari noster sua gaudia Princeps
 Quæsit, causa non sapiente sine.
 Huc oculos adhibete Deæ, huc deflectite carmen.
 Non procul a pictis carmen imaginibus.
 Sic ego, sic Divæ blanda sunt voce secutæ.
 Et digitum Clio verterat ad tabulas.
 Hæc quæcunque vides signata coloribus ora,
 Vultibus e vivis transtulit apta manus.
 Atque illi Divam numerum iam sedibus augent
 Æthereis, vitæ post pia fata suæ.
 Noster at his foceris gaudet lætissimus Heros.
 Affines virtus quos sibi vera dedit.
 Hic qui subducto vultu, qui fronte severa,
 Vivacique oculo, canicieque brevi,
 Imminet auratis foribus, laquearia subter,
 Conspicuus vestis simplicitate suæ,
 Hic ille est ingens Tarnovius, ille vel Indis
 Cognitus, armigeræ munere militiæ.
 Mox gelidos Marte indomito pulsare Triones,
 Seu solitus Moschum, seu solitusve Scytham.
 Atque Gethem, innumeris quamvis Gethes ibat in armis.
 Parva manus tamen hos fuderat innumeros.
 Testes albentes constrictis ossibus agri.
 Testis Obertini sanguine pingvis humus.

Artis

Artis opus fuit hoc, Ducis & solertia summa.
 Ars facile immensis viribus ora domat.
 Nec minus ille domi, si quando læta vocabant
 Munia, paxque rotis fulserat in niveis,
 Consiliisque opulens, rerumque gravissimus auctor,
 Et iuris cautus fræna tenere manu.
 Ad nostros idem facilis se flectere lusus.
 Illius hic primis crevimus auspiciis.
 Barbariemque eluctatz, cæcasque tenebras,
 Vidimus hic nostros molliter ire pedes.
 Hoc patruo magno neptis nunc pulchra superbit.
 Quæ modo pulchra bono nupta Zamosciadæ est.
 O Pater, o lux sola domus, o gloria prima.
 Te, nomenque tuum, fama perennis habet.
 Invida sed longam stirpem tibi fata negarunt.
 Nam servavit opes filia sola tuas.
 Non tamen inferiore loco fortuna recepit
 Se tua, nec titulis deteriore tuis.
 Ostroviis Ducibus, Ducibus queis Russia avitis
 Assurgit, cæptis usque ab originibus;
 Filia connubii postquam concessit honore,
 Transtulit ad generos remque domumque tuam.
 Quare haud immerito, vel cum iam lumine functus,
 Depicta tacitus cerneris in tabula,
 Cernitur Ostrovius iunctus tibi maximus Heros,
 Olim coniunctus militia studiis.
 Constantine senex, tetrico te noscere vultu,
 Et datur hac multo crine comante gena.
 Tu Moschum frænare ferox, tu vertere turmas,
 Doctus & hostili sternere cæde solum.
 Millia quot cessam profligas victor ad Orsam.
 Militis haud ullo vulnere pæne tui.

Quot

Quot vertisque acies, rapidoque in flumine merfas.

Quot captiva trahis colla: prehensa Ducum.

Scilicet ante tuum nullo superabile bello.

Magnanimum robur fenserat ante Scythes.

Non bellare Scythes, non campo credere aperto,

Sed raptu, & volucris fidere fuetus equo.

Tunc numero fretus, campestribus arduus arvis,

Olsanicza vago qua trepidat fluvio,

Explicuit Mayorti aciem, pugnamque petivit.

Sed cito quam explicuit, tam cito damna tulit.

Exuperat res gesta fidem, numerusque cadentum.

Cum tamen e nostris vix manus ulla cadit.

Fortunate senex, cui se Tarnovia iunxit

Et domus & virtus, & bona spes generis.

Nunc super usque novis surge auctor incrementis.

Tarnoviis iuncta gente Zamosciada.

Cuius vel summo virtus se exzquat Olympo,

Et splendor toto nominis orbe volat.

At sibi iam facies Stephani augustissima visum

Avocat, o magni Regis imago mei!

O quam dulce tuis saturari obtutibus, o quam

Os oculosque tuos cernere pervolupe est,

Et maiestatem revereri, & figere mentem,

Et diu ex vultu nescio quid capere.

Sed tua facta modis tenuare ingenia parvis

Dedecet, aut curtis laudibus atterere.

Olim alias pleno liceat te dicere versu,

Inque tuum nomen libera vela dare.

Nunc sat erit, quanto tu semper promptus amore

Heroem in nostrum, quamque benignus eras.

Maxima virtutem eximiam cognoscere laus est.

Nec minor, inventam surgere velle pati.

Virtuti innixi pollentum sæpe virorum
 Vsque polo Reges inseruerè caput.
 Ergo tuo emicuit splendore Zamoscius Heros.
 Nec minor ex illo dux tibi nempè data.
 Hunc opibus, hunc tu titulis, & honoribus ornas,
 Hunc dono magni denique coniugii.
 Affini ut se se tanto iactaret amico.
 Nam virtus focero vel Jove digna fatis.
 Sed cita mors & te nobis, & post tua carpsit.
 Heu nimium viduo dona Zamosciades.
 Ille tui careat licet, & te cælica regna
 Distineant, cura non caret ille tui.
 Quin memori cultu, & merito te iustus honore
 Prosequitur, quod eum magna iubet pietas.
 Et tua seu duris seu rebus numina lætis
 Rite adhibet, grato sedulus officio.
 Salve o virtutum exemplar, decus addite Divis,
 Gloria regnantum maxima, summus apex.
 Sis felix, tibi perpetua se mente dicavit,
 Æternum immota mente Zamosciades.
 Quis vero hic mitra insignis, pallaque rubentis,
 Purpureus capitis tegmine pone sui?
 Frontis honore asper, nostri non sanguinis esse,
 Nec bellatorum de genere arguerim,
 Pontificum potius, queis aurea Roma superbit.
 Roma orbis victrix, Roma polo imperitans.
 Ite humiles genibus, terræque adsternite frontem,
 Et pedibus sacris oscula prona date.
 Hic ille est Quinti celebrer cognomine Sixtus,
 Incorrupti ingens præditiis animus,
 Quo rigida invicto constantia gaudet alumno,
 Approbat & solidi roboris imperium.

Non

Non solitus curis tricarī quippe minutis,
 Nec levia excelso volvere consilio.
 Sed mente immensas orbis complexus habenas,
 Scilicet immensū Pastor ut orbis erat.
 Quo pax tuta foret, quo Christi gloria facta,
 Barbarus atque hostis desineret furere,
 Hoc studium pernox, hoc pervigil ille gerebat.
 Hanc unam ardenti corde coquebat opem.
 In te Turca fremens, in te tota igneus ira,
 Perpetuus in te viribus ire parans:
 Ergo queis primis constat res bellica nervis,
 Innumeras solers accumularat opes,
 Defraudans geniumque suum, parcusque fruendi.
 Sed conservandi divitior studiis.
 Nec levior magnos quæsitā effundere in usus,
 Et bene parta bono promere iudicio.
 Nam quo divitiæ? quo gazæ structus acervus?
 Vti congestis nī sciat ars melior.
 Hac homō cum primis divinæ particulam auræ
 Arte probat, iusto examīne munificus.
 Cautior hanc itidem postquam circumspicit ille.
 Nutanti mundo quā ferat auxilium.
 Ecce videt Stephanum, belli tum laude vigentem,
 Inconcussū animi, Diis pietate parem.
 Cuius vel totus sceptro bene cesserit orbis,
 Omnia qui immotus pondera sustineat.
 Tum Stephanus Moschum quatīebat Marte cruento.
 Livonum repetens debita regna sibi.
 Victor & Arctoo figebat in orbe trophæa,
 Ad Tanaim sævos propter Hyperboreas.
 Gavīsus reperisse virum, totoque profusus
 Erga illum studio, menteque tota animi.

Illius in gremiis posuit sua maxima vota.
 Qualis sese auri gemma locat gremio.
 Nec mora thesauros dices, tot structa talenta,
 Pollicitis offert irrevocabilibus.
 Et mandat Moschum porro expugnare ferocem.
 Barbaraque appresso colla domare iugo.
 Hinc Deus & melior si sic fortuna tulisset,
 Nostrum ut venisses Mosche sub imperium.
 Auſtior & populis, & plenis viribus ingens,
 Concuteret Turcas, concuteretque Scytham.
 Ipsosque arriperet belli ad commercia Persas,
 Communis quos Mars ad socia arma vocat.
 Et iam consiliis trepidabat Moschica tellus,
 Seque Asiæ nobis subdita regna dabat.
 Nec te iam tuleras Turca importune superbum,
 Nec fastu urgebas bella nefanda tuo.
 Cum tu o sola salus, columenque o maxime rerum,
 Unica spes Sixti, atque unica Christiadum,
 Subtrahis e mundo te, & lumina morte relinquis.
 Et perimis tecum tot bona cæpta simul.
 Ipse etiam Sixtus propera te morte secutus.
 Cum tibi non posset iam reperire parem.
 Innumeras quamvis mortalia sæcla propages,
 Magnorum & iacent nomina multa virum.
 Vnus homo tamen egregiam sæpe instituit rem.
 Et sæpe amotus destruit unus homo.
 Nunc tu Sixte pater, Stephano cum rege beato,
 Æterna æternum vesceris ambrosia.
 Lætus consiliis communibus, aurea mulcens
 Corda ollis, in quæ vel voluisse sat est.
 Nos mœsti & trepidi, & deieſti culmine tanto,
 Dum venti magnas spes male dilacerant,

Ad vestrâ

Ad vestra ardentes heu nomina fufpiramus.
 Anne ferant tales sæcla futura alios.
 An veniat quisquam vestigia vestra fecutus.
 Curet qui obscœnum tollere servitium.
 Quod sensim irrepit, tacitaque ambage propinquat,
 Imbelles habili compede collaqueans.
 Ceu leporem pavidò pacatum corde parumper ;
 Virgulti subter tegmine somnus iners
 Dum recreat, procul amota latrante canum vi,
 Securum infidæ pacis in infidiis ,
 Callidus inventum plantæ per signa trisulcæ
 Venator, postis retibus involuit.
 O magnæ, o divinæ animæ, o sanctissimâ corda ;
 O genus Heroum, o unicus orbis amor.
 Vos iuvat æterno, vos carmine compellare.
 Vos fama sedes tollere ad æthereas.
 Præcipue vos hic pietate Zamofcius aureâ
 Percolit, æternum & percoluisse volet.
 Et cum non liceat spirantes cernere coram,
 Absentum sese pascit ad effigies.
 Vsq̃ue animo recolens, quantis tum conscius ausis,
 Qua socius laudum parte futurus erat.
 Olim ceu sonipes animosa ad prælia natus,
 Asuetus sonitus acris amare tubæ,
 Arduus oppositas saltu turbare phalanges,
 Hostem dente audax & pede deiicere,
 Tum stabulo inclusus lente ad præsepia pigra,
 Captivo capiti dura capistra gerens,
 Si phaleras, si fræna ferox splendentia sensit,
 Audiit aut veteris murmura rauca tubæ.
 Rectam aurem figit, totosque assurgit in artus,
 Lentamque in stabili calce retundit humum,

Ilustri

Illustri cupidus magnum se ferre triumpho,
 Hostibus aut mediis vulnera sæva dare.
 Frustra nam cupidum retinacula ferrea stringunt,
 Et vinculum audaci non finit ire via.
 Sed quo provehimur pulchro sermonis amore?
 Talia non istis convesiunt numeris.
 Hæc alias olim cum suaserit aptior hora.
 Impleritque manum mascula rite chelis.
 Jam mensæ amotæ, iam regnant libera vina,
 Jam iuvenes quærunt surgere posse toris.
 Et quærunt contra consurgere, blanda puellæ
 Turba, arrecta quibus mens volat in choreis.
 Musica iamque mele sonuit clarissima signa,
 Sponte sua argutum pes micat in numerum.
 Cedamus spaciis, morem hunc convivia servant,
 Attentosque demus lussibus usque oculos.

HERCULES

HERCULES
PRODICEUS
A D
THOMAM ZAMOSCIUM
MAGNI IOANNIS F.

ZAMOSCI
Martinus Lenscius Academ. Typogr: excudebat.
M. D C. II.

PETRUS CIEKLINIUS

THOMÆ ZAMOSCIO

S. D.

EXcessisse te ab incunabulis, & bonarum disciplinarum doctoribus traditum esse, magna cum voluptate audivi. diem enim hunc, quo id ingressus es, non minus salutarem tibi existimo, quam natalem ipsum. is enim efficiet, ut vitam quam a natura accepisti, cum honestate transigas: sine qua, nec illa vitalis est, & hominem a pecude vix discernit. Gratulari tibi multis, fortuna tua in excelso posita, & patris tui summa de te cura, non permittit: mihi ut gratuler, atque adeo gaudeam, ob animum meum vobis devotissimum plane debeo. siquidem DEUS ea felicitate me compotivit, ut tuam divinam indolem, tanto patri succrescentem videam. Ex more clientum aliquid usurpavero, qui natales patronorum munusculis solebant exornare: itidem ut natalem hunc tuum litterarium, munere litterario celebrem habeam, Atque eius ergo adfero ad te, clientis familia vestrae, Simonis Simonidae, carmen tibi scriptum. cohortatiuncula est nonnihil. imo ista ipsa sunt, quae tibi nunc ex Xenophonte de Hercule traduntur latinis numeris inclusa: si forte Graeca lingua primordia molestiam tibi pariant, ut istis Musarum scitamentis detergas. Ea est modestia Simonides, aut potius ita est rerum suarum parvus promus, ut vix sperem, ista unquam ab illo tibi oblatum iri. in manus meas postquam devenire, nolui committere, ut tam bello carmine diutius careres. Addidi praeterea aliud alterius notae, quod duos ante annos ad te scriptum, scio nondum tibi exhibitum esse. * Aetate tua fortunam vide, quae prope in cunis praconem laudum invenit. Frustrari de te expectationem omnium mortalium non debes. Bene vale. Ex praedio vestro Zamchano Kal. Octob. Anno M DC iī.

* Ode praecedens pag. 77.

HERCULES

HERCULES

PRODICEUS

AD
THOMAM ZAMOSCIUM

MAGNI JOANNIS F.

Alcidem mihi Musa refer, non quantus in Hydram,
Non quantusque ierat sternere Geryonem.

Sed qualis modo decursis puerilibus annis,

Ætatis primo in limine constiterat.

Imberbes quando iuvenes, custode remoto,

Jam propriis gaudent se regere imperiis.

Inque viam vitæ cursu nituntur anhelò,

Atque sui præbent non dubium indicium.

Ardua virtutis num se in penetralia mittant.

Num fluxo in vitium se impete præcipitent.

Ergo ancepsque sui, trepidusque errore iuventæ,

Desertis solus federat usque locis.

Multa putans animo, multum ratione vagatus.

Virtutis ne alta poneret arce gradum.

An vaga multiplici qua se via tramite fundit,

Vaderet ignavas carpere delicias.

Inque voluptatum miseris se mergeret undis.

Qua rapidus vortex pectora lenta vorat.

Hæc alternanti, dubiaque in mente frementi,

Apparent geminæ, numina magna, Deæ.

Ire simul, visæque pari vestigia gressu

Proferre, & iam iam non nimis esse procul.

Altera nativo formæ præsignis honore,

Et vultu, & toto libera sponte animo.

R

Mundi-

Mundiciem membris referens, oculisque pudorem.
 In castigatis conspicienda bonis.
 Finxerat & placidos pacata modestia gestus.
 Fluxerat inque imum candida palla pedem.
 Ast aliam tenera nutriverat arte sagina,
 Lacteaque in toto corpore mollicies.
 Quæsitusque ori color, & pigmenta reperta.
 Nec facies constans, nec lepor ingenuus.
 Sed fallaxque nimis candor, fallaxque nitebat
 In cerufatis purpura fusa genis.
 Membrorumque modus surgens procerior æquo.
 Incessusque fluens, perspicuumque latus.
 Ast oculi nunc huc volucres nunc protinus illuc.
 Et vestis nudis facta Cupidinibus.
 Quæ mage lascivæ radiaret lumina formæ:
 Et transparentes nequitias faceret.
 Tum se sollicito lustrabat sedula visu.
 Ornatusque ibat cernere sæpe suos.
 Inque alios limis aciem vertebat ocellis.
 Ecquis in illam avidus lumina coniiceret.
 Non raro affixam pone aspectabat ad umbram.
 Se se perpendens illius ad modulos.
 Postquam prospectum iuvenis venere sub ipsum.
 Proximiorque loci constitit esse via.
 Non celerare gradum, non immutare tenorem
 Diva prior, studio nec trepidare avido.
 Evolat interea, & gradientem præterit illam
 Altera, sermonisque occupat officium.
 Atque ait. o iuvenum fortunatissime, frustra
 Frustra animum curis conficis ipse tuum.
 Frustra suspensam crucias formidine mentem.
 Non opus est vobis consilio ambiguo.

Nec

Nec tibi sollicitæ quærenda est orbita vitæ.
 Nec labor instandus, nec via dura nimis.
 Me tibi si sociam, tibi me si sumis amicam.
 Ipsa dabo cursus, ipsa regamque pedes.
 Ipsa ego deducam te inter lætissima tempe,
 Inter delicias luxuriemque loci.
 Quicquid iucundum, quicquid formosius usquam est.
 Non per gustatum nil tibi prætereat.
 Ast quicquid durum, quicquid rigidumque ferumque.
 Immunem te horum degere constituam.
 Principio tibi bellorum non ingruet horror.
 Non adimet somni munera rauca tuba.
 Non rerum nimio pressabit pondere moles.
 Nil tibi cum curis, nil tibi cum strepitu.
 Unica sola tibi tantum dulcissima cura.
 Vt lætus læto cuncta feras genio.
 Obsoni sive insignis se proferet usquam
 Gloria, prompta gulæ serviet illa tuæ.
 Pocula seu blandum crescent superantia nectar.
 His cupies mensas exhilarare tuas.
 Nec solum inventis utebere, lautior ipse
 Invenies, quæ te fumere non pigeat.
 Quæque oculos satiare solent, quæque ire per aures.
 Quisquis odor narem suavius insinuat.
 Gaudia quæque manum tangunt, quæque omnibus hærent
 Membris, pervolitat quisquis ubique lepor.
 Floriferis ut apes in saltibus omnia libant.
 Sic tu decerps omnia grata animo.
 Te sibi formosæ cupient prensare puellæ.
 Perfacilem te illis tu quoque nempe dabis.
 Te sibi tuta quies, gremio te somnus amico,
 Te pluma molli gestiet accipere.

R 2

Atque

Atque ea ne multo veniant tibi parva labore
 Devita, hoc unum strenuus advigilans.
 Nec tibi convellat mentem malus angor habendi.
 Nec quæras, unde hæc suppeditare queant.
 Non metus, haud ullo poteris tu tempore egere.
 Nec miseras sudans accumulabis opes.
 Non mare tentabis ratibus, non vomere terram
 Scindes, non fessus corpore, non animo.
 Sed quæ alii sine fine parant, sine fine recondunt.
 Hæc tua sunt, his tu iure fruarè bonis.
 Nil sacrum iubeo esse tibi, nihil esse profanum.
 Quoslibet apta manus convolet in loculos.
 Et quocunque penu spes fulserit alma lucelli.
 Hanc rape non tardus, cætera lentus age.
 Namque meos ista devinxi lege sodales.
 Quod libitum cuiquam est, ut liceatque simul.
 Liberaque omnigeni permissa licentia quæstus.
 Utile sit tantum, turpe nefasque nihil.
 Talia dicentem iamdudum obrutibus Heros
 Adversis, tacito & lumine pervolitat.
 Tandem pauca rogat. quo te Dea semine cretam
 Esse rear! famam nominis ede tui.
 Illa sub hæc, paullum verbis & mente morata.
 O iuvenis, non mi nominis unus honos.
 Ex animo me quisque suo fingitque vocatque.
 Sum bona, sum felix, sum mala, sum misera.
 Felicem dicunt socii, dicuntque beatam.
 Et præsens numen me mea turba colit.
 Infelicem alii dicunt, dicuntque malignam.
 His petor ex odio scilicet opprobriis.
 Quisquis amicus erit, gnavam laudatque probatque.
 Deminuit famam, quisquis acerbus erit.

His

His intervenit dictis tandem altera Diva.

Et tales leni protulit ore sonos.

Alcida generose, etenim iam nomen, & ingens

Fama tua, in nostris auribus increbuit.

Det veniam, quæcunque prior properavit adire.

Sermoni nostro det facilemque locum.

Et nobis studium esse tui curamque putato.

Et te convëntum me bona causa monet.

Ipsa ego te novi, quo sis genitore profectus.

Novi ego, queis ævum duxeris in studiis.

Ingenique tui patuit mihi libera vena.

Quamque geras mentem, quosque geras animos.

Hinc spes constantes, hinc mi fiducia de te.

Hinc de te noctes maceror atque dies.

Si te forte meis socium secessibus addas.

Seu dux ire viæ, seu velis ire comes.

Te fore, qui magnum factis ingentibus orbem,

Te fore, qui cælum, qui maria exuperes.

Nec tibi gestorum cumulo certaverit alter.

Seu tractes pacem, seu fera bella geras.

Ipsa ego te propter longe sublimior ibo.

Audeboque altris ferre caput propius.

Cæribus inque virum maior mea gloria surget.

Tum Divam me omnes, tum Dominamque ferent

Nec te blandiloquis ductabo garrula verbis.

Nec dabo suadendi mollia principia.

Quam vitam Deus, & simplex natura paravit,

Quam legem rebus, quam faciem imposuit.

Hanc referam, & dempta caligine singula promam.

Singula nuda tibi, singula vera tibi.

Omnia quæ toto visuntur commoda mundo.

Quicquid honestum usquam, quicquid ubique bonum.

Nil

Nil venit invicto mortalibus absque labore.
 Cuncta labore catti dantque locantque Dii.
 Sudandum, contendendum, cura alta voranda.
 His veniunt magnis dona operæ precii.
 Seu cupies superum tibi delenire favorem.
 Cura erit, ut superos cum pietate colas.
 Vivere seu caris quæres iucundus amicis.
 Candida ab officiis crescit amicitia.
 Sive voles, ut te populi venerentur & urbes.
 Urbibus & populis commodus esse velis.
 Seu posces, quem mox patria admiretur & Hellas.
 Claris in patriam promeritis vigeas.
 Frugibus ut tellus, pecore ut sint pascua læta.
 Curandum pecus est, estque colendus ager.
 Si tibi bellorum veniat non parva cupido.
 Cives ut serves, hostibus ut noceas.
 Durum Martis opus, multa impendenda magistris
 Militiæ cura est, multa ferenda animo.
 Magnæ artes ediscendæ, nec mitior usus.
 Vsu artes constant, usus ab arte venit.
 Corporis & vires valido firmantur ab usu.
 Præsto ut sint rigidæ mentis ad obsequium.
 Et simul algorem, simul & perferre calorem
 Sint dociles, labor & quicquid anhelus amat.
 Non tulit hortantem impatiens Diva improba plura.
 Atque interpellans fervida verba dedit.
 O puer, o teneræ florem modo nocte iuventæ.
 Sentis, quo sermo te iste protervus agat!
 Saxa inter prærupta, interque horrentia tesqua.
 Quo pes, quo nunquam semita pressa solo.
 Non ulla apparent positæ vestigia plantæ.
 Tota remota via est, aspera tota via est.

Talia

Talia vix vita constant solatia vitæ.

Carpenda illa brevis, neve terenda nimis.

Quid iuvat insano tantum indulgere labori?

Quod quæras brevius, quodque habeas melius.

Vivas dum vivis, refeces spem, diffluit ætas.

Sis lætus paucis, me duce lætus eris.

Me duce pacata incedes regione viarum.

Me duce fortunæ te in gremium referes.

Tum virtus, o te miseram, nimiumque supinam.

O falsis lufam semper imaginibus.

Tu ne boni quicquam, aut læti, quicquamve venisti,

Tun' habeas, possis dicere quod volupe?

Cum te omnis fugiat solertia, cum tibi pensi

Sit nihil, & minimum vix moveas digitum.

Ipse etiam se gaudet emi sudore voluptas.

Ipse etiam curis pascitur & studiis.

Quam tu nec voto, iustove cupidine captas.

Nec desiderio das spatium usque suo.

Quin fartumque facis, plenoque abdomine turges.

Et misera sensus ingluvie anticipas.

Mensa tibi ante famem, ante sitim carchesia plena.

Et saturata voras, & temulenta bibis.

Vtque cibi surdum possint revocare palatum.

Blandius & subeat gutturis esca moras.

Omnia vexantur late fora, turba cocorum

Pervigilat, solum hoc ducitur artis opus.

Nec reperire merum levior labor, acrius illud,

Mitius hoc, istud lene ciere sitim.

Scilicet hesternum ut fallant nova pocula Bacchum,

Dum crudus lento nauseat in stomacho.

Quæritur æstivas si quis glaciesque nivesque

Mons celat, si quo fonte rigescit aqua.

His

His tu prætepidos infringis nectaris ignes.
 Hic illex, ne sis sobria, sæpe monet.
 Utque suis somnus te suavius implicet alis.
 Quo non pulvillo, quoque rapere cubas?
 Lectulus extruitur mollissimus, illius oram
 Umbellæ, & circum nimbus opacat hians.
 Ipsa etiam fulmenta parant lenire quietem.
 Et se sub strati margine subiiciunt.
 His tu tormentis, requiem petis, hæc tibi somnum
 Et male tutantur, nec bene conciliant.
 Defessis meritum donat natura soporem.
 Ut recreet vires, utque labore lever.
 Non tibi causa huius tam seria, sed quia nulli
 Invigilas factò, nil agitasque rei.
 Ignavæ ut fallas languentia tædia vitæ,
 Sæpius in somnum te sepelire cupis.
 Quid Venerem laudem? Veneris tu præmia noris
 Invitam quam tu sollicitas temere.
 Et petis incassum torpentia gaudia frustra.
 Nam vi, nam præcox, nam petis ante diem.
 Nil hic profuerit Circæis artibus uti.
 Quæ moderata iuvant, immoderata nocent.
 Quærere nec formas, oculos nec pascere inertes.
 Hic quoque languentem proiice desidiæ.
 Tunc gubernatrix, tu sancta magistra iuventæ?
 Tu cui committi libera fræna queant!
 Indefessa tuos quæ noctibus uris alumnos.
 Vris, & in quævis prostituis scelera.
 Mox somno absumis porciorem lucis honorem.
 Et spolias vitam commodiore die.
 Te Pater omnipotens Diis immortalibus unam
 Addiderat, cælo tu quoque iura dabas.

Sed

Sed te idem Pater omnipotens eiecit Olympo.
 Dixitque indignam moribus æthereis.
 Nec cætus celebrare hominum tibi tuta potestas.
 Nec caput in populo verrere conspicuum.
 Te damnare senes, te spernere turba laborat.
 Te vir, te mulier, quæ sapit, impropere.
 Laus tua purgatam nunquam tibi transit aurem.
 Vera laude nihil dulcius aure sonat.
 Non opere in proprio satiaſti lumina amica.
 Nil oculis proprio pulchrius eſt opere.
 Mendacem novere omnes, iurata vel olim
 Affirmes, ſurdis dixeris auriculis.
 Sive opis indigeas, & te mala damna fatigent.
 Clamorisque voces ſletibus auxilium.
 Nemo impertiri, nemo te tollere curet.
 Deſtituant omnes, deſpiciantque palam.
 Imprudens ſi forte aliquis tua iuſſa ſequatur.
 Namque ſciens nemo ſe tibi dediderit.
 Qui te, quique tuos mores pernoverit ante.
 Nemo adeo præceps, nemo ſui hoſtis erit.
 Tu juvenum florem luſtris depaſta malignis,
 Efficis, ut fracti tabida membra trahant.
 Aut miſeri ante diem fato rapiantur acerbo.
 Aut ſenii metas protinus inveniant.
 Tum vanosque ſenes videas, deliraque corda,
 Fundere tum cano ſtultitias capite.
 Nam quid agant? quos convulſit felicior ætas.
 Nec labor inſtruxit, nec bona mens aluit.
 Ergo ſquallentes, feſſique, ignavius ævum
 Nec bene componunt, nec bene conficiunt.
 Ingeminat dolor, & labor, & ſædiſſima vita,
 Et pudor intentat turpius opprobrium.

S

Quæ

Quæ fecere horrent, & commeminisse verentur.
 Occurrunt vultu damna recepta truci.
 Nec sarcire malum licet, aut nova condere sæcla.
 Serumque incipere est, & male cœpta gravant.
 Quod gratum, quod lene fuit, florentibus annis
 Permissum, & vires futillis aura tulit.
 Ætatem in tardam servata asperrima rerum.
 Et gemit innumeris pressa senectæ malis.
 Me si forte roges, quo me duce, quo lare tuter.
 Queis properem factis tempora conterere.
 Principio me læta foveant consortia Divum.
 Mi cœli semper libera porta patet.
 Et terras habitare datum, quacunque bonorum
 Floret honos, venio semper in ora virum.
 Sive quis am sanctos superum molitur honores.
 Me sociam primis advocat auspiciis.
 Seu genus humanum factis illustribus ornat.
 Nil gestum retur me sine, quisquis agit.
 Non est, quod mecum quisquam contendat honore.
 Sive apud ille Deos, sive apud ille homines.
 Quo studio me cunque sibi quis poscit amicam.
 Adsum, nec renuo fida ministeria.
 Me nocturna faber vigilans ad lumina quærit.
 Et melius mecum currere sentit opus.
 Me custode domum, & sanctos servante penates,
 Florentes natos educat ipse pater.
 Ipsa ego præsideo famulis, operasque reposco.
 Ipsa reposco operas sedula, blanda tamen.
 Aurea pax terras perfudit divite cornu.
 Pacis ego solers carpere divitias.
 Mars venit, & pugnae late sonuere cruenta.
 Nulla manus bello me prior antecæat.

Prima

Prima adsum focia arma ferens, me prima periclis

Offero, certa simul vincere, certa mori.

Cana fides, niveique meo se corde receptant

Sensus, sola bonis lætor amicitiiis.

Neu me nulla putes solatia cedere ventri.

Accipe, quam mensæ dona beata meæ.

Non tentat quemquam nostrum inclementior esca.

Nec variare cibos mica negotioli est.

Plebeiis fruimur, fruimur dulcedine summa.

Latranti stomacho quidlibet est volupe.

Latrantem sequimur stomachum, quod mella, quod omnes

Lautitias vincit, vincit & artifices.

Suavius alma sitis puris se invitat in undis.

Quam vestra in toto nectare luxuries.

Ast suavior somni nobis sudorque laborque.

O qualem vobis otia nulla dabunt.

Deferat ille licet, sero veniatque vocatus.

Non nos sollicitos lectulus asper habet.

Vel veniat, solitaque artus aspergine tangat.

Interea occurrant quæ peragenda prius.

Non nobis abit invitis, querulosque relinquit.

Cedit sponte locum, tempore deinde redit.

Laude senum navi iuvenes se crescere gaudent.

Spektarique volunt, deminuique timent.

Ast sanctos, meritisque graves, annisque verendos

Iustus honor iuvenum tollit in astra senes.

O quanta illorum perfundunt gaudia mentes.

Dum memorant ævi fortia facta sui.

Nec minus interea macti presentibus oris,

Pertendunt senii vincere desidiâ.

Diis cari, pietate mera, & virtutibus almis,

Dilectique suis, rite patres patriæ.

Tandem fatalis quando se admoverit hora;
 Et veniet tenebris mors adoperta caput.
 Non illos tellure premunt oblivia iniqua
 Quin durant sæclis innumerabilibus.
 Illustresque vehit sublimi gloria curru.
 Et renovat famam sedula posteritas.
 His tibi, care puer, fas est sine fraude potiri.
 Care puer, magno de genitore sate.
 Hanc tibi fortunam, hæc rerum pulcherrima fata
 Spondeo, tu meritis fac potiare tuis.
 Dixerat, atque illam lustraverat aureus ignis.
 Et circum radiis est redimita comam.
 Tum vero Alcides totis ardere medullis
 Visus, & ingentes pectore flare animos.
 Quamprimum monitis se se ut præberet honestis.
 Virtutisque iret totus in arbitrium
 Qualis ubi sonipes generoso semine cretus,
 Ætatis robur sentit inesse sibi.
 Nondum fræna sciens, nondum sessore notatus;
 Ludere tantum audax margine gramineo.
 Si tuba terribilem sonitum procul ære canoro
 Sustulerit, fixis sistitur auriculis.
 Et pede pulsat humum, & vibratos contremittit artus.
 Et marte attonitus tangitur horrifono.
 Tum memorat. si Diva mei, si tanta cupido est,
 Et movet ætatis te pia cura meæ.
 Nulla mora est, te Diva sequor, tibi dedicor uni.
 Suscipe tu vitæ lubrica lora meæ.
 At Dea deterior vultu perstabat iniquo.
 Et nova quærebat conferere alloquia.
 Ter conata manu juvenem contingere, ter se
 Subduxit torvo pæne supercilio.

Tandem

Tandem spreta abiit, sylvasque intravit opacas.

Ille bonæ Divæ iunctus erat lateri.

Æternumque eius mansit mancepsque comesque.

Eius erat vivus, mortuus eius erat.

Donec sydereas fama penetravit ad arces.

Nunc ubi felicem vescitur ambrosiam.

Thoma meæ dulcis lepor, & tutela Camenæ.

Care puer, magni maxima cura patris.

Nunc mihi tu Alcides, nunc tu Jovis altera proles.

Tu quoque mi fies nobilis historia.

Jam tibi formosam molli lanugine malam

Cinget, non ætas tarda venire solet.

Jam te constituet divisa ambage viarum.

Sed tibi virtutis sola terenda via est.

Nil mortale tibi, nil fas spectare caducum.

Herculis exemplo iam modo pone gradum.

Ardua qua cælo condit se semita, quo non

Aspirant viles, frigida corda, animæ.

Te decet ante omnes pulchra florere iuventa.

Ante omnes quando te bona fata fovent.

Te decet & magnos patris sperare triumphos.

O patris exemplis ingrediare viam.

Ille est virtutum norma, & certissima amussis.

Ante omnes ille est Amphitryoniadas.

Eheu quam crudæ plane immemor ille senectæ,

Immemor & morbos, immemor atque famem.

Horrendumque gelu, sævos interque triones,

Immemor & mediæ tempora dira hyemis.

Dura expugnator circum castella sub armis

Nunc sedet, & vasto fulmine saxa ruit.

Defecere acresque viri, fervensque iuventus.

Ille animis rigidum constabit senium.

O Dii,

O Dii, qui magnos hominum curare labores,
 Et iustis oris ferre soletis opem.
 Hoc nobis servate caput, ne Sole remoto
 Hoc tandem in tristes cuncta abeant tenebras.
 Tu fili, fastisque refer, meritisque parentem.
 Non satis est claro sanguine te genitum.
 Æquandum genus est virtutibus, i pede fausto.
 Et tanto dignum te genitore proba.
 Sed tibi post bellis aderit maturior ætas.
 Tunc tu bella manu dexteriore petes.
 Nunc te Musarum poscunt commercia, nunc tu
 Redde aurem pulchris redde puer studiis.
 Hic etiam invenies vestigia magna parentis.
 Hic etiam exemplis illius ire potes.
 O quoties illum iuvenem miratus Apollo est,
 Et petiit comites inter habere suos.
 O quoties stupuere Deæ, stupuere Camænæ.
 Atque suam cessit Calliopa lyram.
 Ille etiam vidit sapientum templa serena.
 Tunc etiam peperit nomen in orbe sibi.
 Nunc quoque Musarum memorem se iactat alumnum.
 Mars illum quamvis sangvinolentus habet.
 Care puer, patris cupidus præcepta capeffe.
 Nil patris est tanti sanctius imperio.
 Nimirum ille nihil ducit te carius uno.
 Deceptum partem non volet ille suam.
 Maxima quæ censet, quæ præclarissima credit,
 Hæc iubet, his docilem te bone dede puer.
 Seu pacem, seu bella geres, te Musa sequetur.
 Musa beat cælo, cætera mortis erunt.

INSIGNIA ZAMOSCIANA.

Nelyta virtutes quæ toti INSIGNIA mundo
 Monstravere, & quæ tot laudavere Poetæ
 Insignes, & queis iam nata est fama perennis
 Haud poris est, nostris brevibus celebrare Camænis.

SIMON SIMONIDES BENDONSKI

THOMÆ DRESNERO J. C.

Instit: Juris Regni Pol. Scriptore.

NE DRESNERE tibi patriæ sanctissima iura,
 Sunt obstricta nimis; pressam qui primus in artem,
 Dispersas passim Leges, nulloque vagantes
 Ordine, digerere egregio exactoque labore
 Aggressus potuisti; & pura in luce locasti.
 Cumææ vatis folium componere, & arte
 Vincire, hoc fuerit; quin quanto insomnia Vatum,
 Legibus amsanctis cedunt, censuque feruntur
 Deteriore; a te tanto felicibus orsis
 Editus est longe melior labor. J bone, quo te
 Ingenii vis nava tui producere gestit.
 Capturus magnæ pulcherrima præmia famæ,
 Et patriæ simul eximium capturus honorem.

IN THERMAS

SKLANAS

SIMON SIMONIDES

SIXTO LEOPOLIENSI

MEDICO EXCELLENTISSIMO.

NÆ multum, Optime Sixte, nã facis plus,
 Thermarum tibi debeant fluentia,
 Quæ tellus gremio suo Polonã
 Fundit. Nam sine lege, nota nulli.
 Et sine artis ope hætenus meabant
 Insignita, benignitate sola
 Naturæ: usibus haud sat expedita
 Humanis, veluti rudis metalli,
 Terræ viscera dum tenetur intra
 Massâ iners, pretio levi æstimatur;
 Donec officio manus peritæ
 Educta e tenebris, & aucta luce
 Magno munere venditat se ubique,
 Et vitæ in varios vocatur usus.
 O Sixte optime, sic tuo labore,
 Thermarum e tenebris fluentia prompta,
 Atque edocta mederi ad artis usum,
 Illustrem sibi vendicant honorem
 Humanumque genus iuvare gaudent.

JOEL



JOEL
PROPHETA
SIMONIS SIMONIDÆ

A D

CLEMENTEM VIII.
PONTIFICEM MAXIMUM.

CRACOVIAE in Architypogr: Regia & Ecclesiastica LAZARI
Anno Domini 1593.

Princeps supreme, Pastor Orbis, & Pater,
Felicitas cum te admovebat publica,
Mundi gubernis, iura dans summa in manum,
Cælum recludi quæis solet, quæis obstrui.
Tum mî, remoto hac frigida quamvis plaga,
Septémtrionum cardines ad ultimos,
Non usitatis gaudiis tamen datum est
Potiri abunde, & splendoris spes volvere.
Illud regustantem tuum cor inclytum,
Mentisque candores, procul fide ancipe,
Pectusque curis arduum sublimibus.
Quod mî videre tum beato contigit,
Quando, cruenta facta post discordiæ;

T

Quæ

Quæ Regna nostra, cum propinquis Regibus,
 Amore sceptri, plus satis commiserat,
 Ab urbe vestra, missus huc, salutifer
 Pacis sequester, sanciebas fœdera,
 Tutaque nos quiete compositos dabas;
 Vt cunque tandem lussit anceps exitus,
 Quo fas nefasque res trahit mortalium,
 Tunc, te mihi affari, & frui conspectibus,
 Manumque concessum est tuam contingere,
 Haurireque oris mei tuum, affitus sacros.
 Quam mi venustam ducō gloriam unicam.
 At nunc, locare quando te virtus tua
 Diis proximo sategit usque culmine.
 Quid me beatius foret? quid promptius?
 Quam pedibus amantis tuis adsternier,
 Offerre & amplexum, & humile osculum dare.
 Non denegaret quippe laudem istam mihi
 Benignitatis illa pulchra copia,
 Quæ larga, vestro corde, gaudet conspici.
 Adesse sed postquam vetat me, res mea,
 Pulvinar ad vestrum, vel absenti tamen
 Pervellit aurem Musa, gestiens tibi
 Se se approbare, nec pudoris, nec memor
 Audacis ausus, nec suæ illa infantæ.
 Amore tantum tuta vestri Numinis.
 Cui laxam habenam cum semel concessimus,
 Amore eodem nempe vestri libera,
 Nil non sibi permisit, ipsas aureas
 Sedes polorum semita ardua petens,
 Vatumque magnis se intulit sacrariis.
 Libans ocellis, abditas imagines,
 Quas, post futuris temporum successibus,
 Signavit illa, præscia omnium, manus.

Si forte,

Si forte, congruus quis, ætati, color
 Vestræ emineret, candida insignis nota.
 Namque aureum speravit ævum currere,
 Nunc conditum, vestra sub indulgentia.
 Gavisa tandem repperisse, dulcibus
 Quievit orsis, quâ Jôélis, pagina
 Intacta, solvit multiplex os carminum.
 Post sæva bella, post tumultus asperos,
 Post omnium, omnigenum laborum turbinem,
 Tandem serenos, aureos laudans dies.
 Cuiusmodi donare tu mundo potes.
 Nam, quæ nefanda pestis, aut quis non furor,
 Repressit orbem ad ultimam metam mali?
 Quis porro te placare cœlitum minas,
 Quæ sola restat ad salutem ianua,
 Paratior? vel mente pura instructior?
 Magisve amicus candidis virtutibus?
 Queis absque vita se beata non gerit.
 Sed me reppendit usque Musa, amor meus.
 Ne vocis humanæ tibi dicta oggeram,
 Neu te amplius sermonibus morer meis,
 Ipsum Jôélem ducit auribus tuis,
 Genus Jôélem Pathûelis optimi,
 Verba adferentem dia, quæ interpretes sacer,
 Distantis hausit, ore sancto, Numinis.
 Senum senes, ætate provectissimi,
 Vfus Magister, longa & exploratio,
 Quos æstimatores catos rerum facit,
 Adeste, ad auditûs trutinam accurrite.
 Tum, quicquid usquam est, qua patet vastissimus
 Telluris orbis, educans hominum genus,
 Omnis propages, sæcla gentium omnia,
 Adeste, pensate acribus sententiis,

T 2

Vimque

Vimque aurium, vim mentis omnem advertite
 Cum pristino, ævum computantes nuperum.
 Vnquamne lucis munere hoc spirabili
 Florere dum vobis datur, vel Patribus
 Dum vita vestris sole in hoc resplenduit,
 Facinora tanta, tale ad exemplum edita,
 Insignibus adeo datum nosse est modis?
 Non hic silente lingua opus, non pectore
 Oblivioso, sed palam vocalibus
 Animisque distisque ad renarrandum obviis.
 Narrent Parentes Filiis facta hæc suis,
 Narrentque porro Filii nepotibus.
 Porro nepotes alteri propagini
 Tradant ferendum, ad alteram, atque ad alteram,
 Ævoque nullo conticescat perpetis
 Hæc penna famæ, sæculis clara omnibus.

Atrox, nefandum carmen eheu ordior.
 Expulsa damnis damna, vulnus vulnere,
 Successiones duplicatas cladum,
 In peius excrecente semper augmine.
 Eruca, ventrirepæ, deses, vermipes,
 Florum aucupatrix fœdæ, labes frondium,
 Virentiæ hortorum hostis impurissima,
 Primævum honorem germinantium abstulit
 Regnorum, & orbis in iuventam sævit,
 Fœdans maligne pacis alma munia.
 Non sola, nec crudelitatis ultimo
 Morsu. sed ipsa postquam avaram alvum satis
 Exercuit, mox ad reliqua pabula,
 Fervens tumultu, examinum nimbos rotans,
 Alisque dentiumque pollens impete,
 Imber locustæ, turbine horrendo ingruit.
 Exesor, extirpator acer omnium,

Radice,

Radice, quicquid obvium truncans tenuus.
 Nec sat. nec isto fine consistet malum.
 Nam quicquid intactum locusta liquerit,
 Procella mox supervolans bruchi asperi,
 Idem fero insultu opprimit vestigium,
 Lateque nuda cuncta pascendo dabit.
 Dira interim teredo, pestis pervicax,
 Propage verminabit intus subdola,
 Tyranna fraudulenta, nil non vendicans,
 Nil non peragrans inquietis moribus,
 Tenax premendo, permeans ad intimam
 Succi medullam, cortice exhausto super.
 Hæc reliquiarum reliquias pæne extimas
 Absumet, inque pulverem cinesfaciet.

O luxu, & usibus voluptatum ebrii,
 Pulli leporum, gens sepulta inertis,
 Tempus veterno liberare lumina,
 Tempus soporis excutere gravedinem,
 Vultumque fletu, luctibusque tingere.
 Vos qui meracam vitium dulcedinem,
 Avidam palati hauritis ad lubentiam,
 Modulunque vitæ, mensam opimam ponitis,
 Adest, adest, ululandi aucta occasio,
 Adest gemendi dira vobis formula.
 Solamen omne vestri hiantis gutturi,
 Lasciviendi omnis redundans copia,
 Labra inter ipsa, ab ore vestro evanuit.
 O terra, o hæredium volupe meum,
 Tuum beatum uber, tua super culmina,
 Gens robore eminens, superba viribus,
 Incomprehensa nomine, numeri incapax
 Ascendit. olli dentium serrata vis,
 Vt dentium leonis, ast molarium,

Modu:

Modus tam iniquus, ut recens ipsos satos
 Scymnos leonum excedat abnormi statu.
 Florentis olim vineæ excellens decus,
 Multa frequentatum manu, multo ordine,
 Redegit ad deserta solitudinis,
 Vastamque præstitit, prius cultissimam.
 Ficum meam, meos amores unicos
 Omni decore, usque ad cutem vivam exuit,
 Ademit usum frondium, hausit corticem,
 Spoliumque raptans futile afflixit solo.
 Nunc illa quondam nobilis, quondam virens,
 Quondam beata fruge mellitissima,
 Præcepto honore luget, atque albescentibus
 Ramis, stat agrorum perenne opprobrium.

O terra, non te provocho ad luctum levem.
 Sed Sponsa qualis, nacta florentem Virum,
 Ver pulchrum agentem ætatis, in lanugine
 Si fortè prima amisit, intactum toro.
 Frustrata dulci nuptiarum munere,
 Omnem illico remittit elegantix
 Splendentis ambitum, & nitores aureos,
 Vitæque se se damnat atris sordibus.
 Pro pallæ honore, proque gemma lucida,
 Horroribus sacci asperis obnubila.
 Sic te esse mæstam, sic inornatam decet,
 Sic usque atratam sacci ad aspritudinem.
 Lux illa sacrorum, illa maiestas domus,
 Quam tu apparatus struxeras Deo tuo,
 Celebritatis pristinam omnem gloriam
 Perdidit, transcripta vastitudini.
 Non victimarum dives ampla opulentia,
 Non februis libationum præmiis.
 Flet mæsta turba, Deo Sacerdotes sacri,
 Devota

Devota cælo pectora, electum genus.
 Lessumque lugubrem integrant, fracti malis.
 Quæcunque, quantacunque sparsis finibus
 Porrecta pandit regio latifundia,
 Furor per omnem bellicus vefaniit,
 Nullum rapinis non penetrans angulum.
 Atrata lugent arva, crudeli manu
 Ad carduos redacta, & herbam inutilem.
 Non fruge, non superba tritico annuo.
 Non lentipes illis labor amicus boum,
 Cultu reponit debitam feraciam.
 Mærent sine ulmis, inquilinæ collium,
 Motæ locis, genitrices vini inclytæ.
 Lenimen illa corporum, mensæ nitor,
 Horti medulla, mater unici unguinis,
 Baccis opima oliva, tota elangvuit,
 Percussa tristi vulnere, atque incuriis.
 Agrorum alumni, pubes arvis dedita,
 Ob militis metum, impiæ ob sonum tubæ,
 Disiecta, dispalata, væcordi fuga,
 Perisse aratri usum, perisse servidas
 Messesque frumentique lætam copiam,
 Penuriam usque ad hordei vilissimam
 Deplorat. Vna vinitorum inops manus,
 Planguntque pugnis pectora, ululantque anxie,
 Autumnitatem propter uvæ evanidam.
 O palmitum fons alme, vitigene o latex,
 Tuos nitores ante limpidissimos,
 Nunc turbulentos stare, nunc lentos trahi.
 Nullaque ductos ordinis solertia,
 Non miror, & te ficus, olim pingvibus
 Fecunda ramis, nunc inique torpida,
 Vos culta mala nominis granatici,

Vos

Vos palmæ amantes ponderum, premi insciæ,
 Et quotquot hortus germina arborum edueat,
 Non miror, esse vos in aritudine,
 In squalē, in horrore, ætheris ludibrium.
 Quùm vestra quippe salus ab humana manu
 Dependeat, curæ colentis indiga,
 Turbante rerum summa, vitæ perditis
 Solatiis, cultore nullo relliquo,
 Vestros honores ire pessum par quoque est.

O quæis ministris splendor altaris cluit,
 Devota cælo corda, divinum genus,
 Suprema nunc vos flagitat necessitas,
 Non usitatis luctibus planctum dare,
 Omnes habenas fletuum diffundere,
 Toto querelas excitare pectore.
 Vos vos reposti in eminentibus locis,
 Dei sufetes, Præsides rerum omnium,
 Præite normam supplicum exemplar pium,
 Pro purpura, pro lumine infule aureo,
 In pulverem, & sacci severa tegmina
 Descendite, inchoate funebres modos,
 Humoque dura corpus usque affligite,
 Diesque stratos videat, & nox pervigil.
 Nam cura dulcis vestra, vester inclytus
 Labor, beata quo stetit domus Dei,
 Expulsus, exul, infrequens cessit loco.
 Non amplius sacro hostiarum munere,
 Non splendida libationum adorea
 Insignis, aut silentiis fœde obrutus.
 Secernite Austerum diem ieiunio,
 Sacrate gratam Numini abstinentiam,
 Æque domitricem cibi, æque criminum.
 Cessent labores. feriatus sit dolor,

Interpo-

Interpolatus opere nullo extrario,
 Totus sibi, atque luctui intentissimus.
 Vocate populi vulgus omne, omnem tribum,
 Vocate populi capita, dios principes,
 Columnen Senati, honoribus mactos Patres.
 Et quicquid uspiam orbe terrarum maximo
 Curru citato gentium sol aspicit,
 Adeste facite ad Regiam Domini domum,
 Domum verendam, quam Deus præsens habet.
 Agite, miseriter mugiat promiscuus
 Ad astra clamor, audiendus Numini.
 In antecessum, post futuros inchoans
 Vitæ eiulatus, & diei Aha asperum.
 Adest, adest, lux destinata cladibus,
 Vltrix cruenta, addicta vindictæ Dei,
 Impune cui nemo obvium tollat caput.
 Quid illa non vastum dabit? quid non rutum?
 Quanto feretur fulmine violentiæ?
 Quantis in iras emicabit ignibus?
 Rigore sævo adulta, parcendi immemor.
 Heu heu, quam acerbum proditum est exordium.
 Non luce, non sub visibus nostris palam,
 Illa, illa felix, illa rerum multiplex
 Opimitas, uberque pulchrum alimonix,
 Cessit furoris hostici ad lubricum?
 In partem abusum, parte scædatur mala?
 Altrice porro copia pessumdata,
 Mortaliumque paupertatis commodis,
 Langvescit una maximi domus Dei.
 Festivitarum debitis splendoribus
 Orbata, gaudiorum inops solennium,
 Lugubribus tota abdita in silentiis.
 Non gleba sementi ratam servet fidem,

U

Non

Non messis in spem creditas fruges fover,
 Putore sed tetro hausta grana prodigit.
 Penu illud æternum, illa conferta horrea,
 Cellæque cumeræque; intimum ornamentum agri,
 Inaniis stant obsitæ atque araneis.
 Pars dissipatæ, aut propalam æquatæ solo.
 Cessante quippe rure, & almīs messibus,
 Restat involat situs quoque in granaria.
 Quid sæcla memorem buccera & armentas boves?
 Quantis in auras sæviunt mugitibus?
 Quali boatu pulsa resqua personant?
 Quæ tam lubido dira, rumpendi truces
 Gemitus, querelæ inconditæ mistos sono?
 Fames, nefanda fames adurget, & improbus
 Exercitor venter, suetæ egens dapis.
 Defecta propter pabula, & stabulis pecus,
 Caulisque cassa mugit ad præsepia.
 Et quotquot, herbæ sponte creto munere,
 Prati per æquor, sustinent victum vagum,
 Fusi, fugati, perciti clade ultima,
 Cessere passim pascuis trepidi greges.
 Quid restat ultra? quæ super spei via?
 Non est quod intra terminos patientiæ
 Dolor fatiscat, aut silens ictum premat.
 Frustra obstinatam nitor in modestiam.
 Quia templa cæli voce, voce cælitum
 Patrem lacesso, & obruo clamoribus.
 O Rex Supreme, o omnium Princeps fator,
 Hæc adspecies? vultuque non moto approbas?
 Dum flamma fufis æstuans incendiis,
 Vorare gestit dulce sylvarum decus.
 Spelæaque inter intima avide perfurit,
 Vitis favillam ventilans mapalibus,

Nullam

Nullamque non igne involans stirpem arborum.
 Pervasit ardor, usque terræ in abditos
 Specus, ferarum inhospita ad cubilia.
 Incitur illicet animans omne excitum
 Fervore diro, vasta perfruit sola,
 Raptatque modo fugam huc, modo illuc ancipem.
 Aut nare hiulca, quærit auras liberas,
 Ad te supinans aridam faucem siti,
 Exusta qualis, æthere anni fervido,
 Hiante tellus quærit imbrem viscere.
 Siccavit eheu ignis ipsas fontium
 Venas perennes, ipsa fluminum vada.
 Omnis venustas, omne pulchritudinis
 Specimen superbum, sponte quod mitis parens
 Natura fundit solitariis locis,
 Haustum, voratum pessimo æstu concidit.

Quis Æneator nunc citus tubam rapit?
 Atque arce de Sionis horrendum intonat?
 Signum duelli, Nuntium infandi mali?
 Ite, entheis bachare circum excursibus,
 Vlulumque sancto monte feralem edite.
 Percellat arva clamor, omnes incolæ,
 Omnes remotis quotquot hærent finibus,
 Terrarum alumni, ferrei sæcli genus,
 Oestro pavoris misceantur fervido.
 Turbasque consent, mentibusque aspris fremant.
 Adest, adest, nec longa distinet mora,
 Adest citatis ultionis cladibus,
 Dies cruenta, addita vindictæ Dei,
 Dies tenebris involuta immitibus,
 Caliginosæ noctis umbris obsita,
 Nigrans procellis, cæca fædis nubibus,
 Latetque terrifici creatrix turbinis.

Quo cuncta verrat, cuncta confestim opprimat,
 Istaque pæne involvat urens unico.
 Qualis recentem quum mari flammam icet
 Aurora, cellos montium se in vertices
 Impigra vibrat, pæne momento omnibus
 Invisita solis tela spargens angulis,
 Nullumque non volucris locum face involans.
 Eheu minacis quanta vis exerciti,
 Numeri incapax, virtute militum eminens,
 Flagrans superbo ardore fortitudinis,
 Crudele figit huic agro veltigium.
 Telluris ex quo cæpit habitari hoc solum,
 Antiquitatis ultima ex origine,
 Nemo hostis huic parem intulit ferociam.
 Nec inferet post, sæculo altero, & altero.
 Quam vultus atrox? quanta frontium acritas?
 Qua flexit ora, qua viam rapere institit,
 Nimbi antecedunt ignium voracium,
 Agmenque claudunt pone flammarum globi,
 Procul vomentes, fumidam fuliginem,
 Æstuque nuda cuncta dantes fervido.
 O terra, amœnitatum ocelle, o unci
 Orbis medulla, Gratiis seleste flos,
 O tempe amorum, o voluptatum hortule,
 Tu nunc beata, nunc nites pulcherrima.
 Hostilis ast simul manus te fregerit,
 Feres nefandæ damna vastitudinis,
 Ibisque deserti in rigorem luridum,
 Et quotquot uber dulce perreptant tuum,
 Fuga efferentur impotenti, nec fuga
 Glade impeditos, ulla servabit tamen.
 Quid mirer? aut quid horream expavens prius?
 Frontisne diritatem, & aspectus truces?

Quales

Quales equorum præliis frementium.
 An irruentum non ferendos impetus?
 Plantasque plane præditas cursu igneo?
 Queis expeditus non eques certaverit.
 Non sic quadrigæ montium insultant iuga,
 Saxa increpantes ungulis sonantibus.
 Non sic edacis fervidus flammæ furor,
 Arentem acervum quando stipulæ ingurgitat,
 Torquet favillis æstuantem turbinem,
 Lateque sonitu pulsat auras torrido.
 Quodcunque robur esse fortitudinis
 Vsq̃uam potest, quæcunque gens bello effera.
 Jactat superbam gloriam duellicam.
 Hæ una princeps omnium instar est manus.
 Tota in cruorem prona, tota vulnerum
 Sæva artifex, magistra bellorum aspera,
 Parata prænfa cædium ad vesaniam.
 Quacunque diros vertit orbis luminum
 Iram vomentes, ferreus passim pavor
 Oppressa sternit corda, spes ægræ tremunt,
 Vncumque cura carnifex figit trucem.
 Non stare sanguis integer molli in gena,
 Sed illatebrans intimos vitæ in sinus,
 Fædata linquit ora nigrore horrido.
 Quales caminus, oblitus fuligine
 Testas remittit, squalæ tinctas fumida.
 Heu heu Gigantum quanta currunt robora
 Frænanda nullis aggerum repagulis,
 Spretura quævis tela, quosvis obices,
 Tanti irruent, ferrorque iter late dabunt.
 Non murus illos, turriumve vastitas,
 Arcebit ulla. machinæve desuper
 Imbrem ruentes saxæum tonitru igneo:

Trans

Trans ipsa septa, transque propugnacula
 Cursu evolabunt pervicaces arduo.
 Viri feroces, sueta bello pectora,
 Scientiæ mavortiæ expertissimi,
 Locum tueri quisque pertinax suum,
 Nec flectere usquam de viâ tramite,
 Non ordines turbare, non gradu excuti,
 Non alter alterum tumultu obtundere,
 Fraterve Fratrîs premere collisum latus.
 Quin ire calle quisque strenuus suo,
 Pedemque fixa ponere ad vestigia.
 Tum quando velox provocat necessitas,
 Procul fenestris præpetem saltum dare,
 Cadent volucres, saltibus pernicious
 Crebri petauristæ, ignei salisubfili,
 Aurisque credent corpora, alitum vicem,
 Nec corruentes, casus allidet procax,
 Luxator artuum, cerebri everritor,
 Quin expediti, & undecunque innoxii,
 Pulchre caducum deferent pedem solo.
 Quæ porta fractis non patefcet vestibus?
 Quis urbis angulus, ruentum ab imperu
 Recedet immunis? palam, palam, agmine,
 Densi, frementes, rapere pertendent viam,
 Urbisque victæ, lata inundabunt fora.
 Pars emicabunt mœnibus celsissimis,
 Murosque persultare ovantes gestient;
 Pars in domorum aprica scandent cutmina,
 Tectisque sublimes amabunt conspici.
 Nec sat, per amplas, limine emotas fores,
 Penetrare dabitur, ad rapinas ædium.
 Nî, quâ vocavit ardor audendi impotens,
 Ipsas fenestras moliantur scanfiles,

Aditus-

Aditusque captent avios, nisi improbo,
Furum æmuli, rapace dextra avidissimi.

Nec te quietam, pondere æterno sitam,
O magna tellus, alma Nutrix omnium.
Nec te licebit sede tranquilla frui.
Simul, nefanda luce, fulserit tibi
Hostilis oculus, heu misella non feres
Nec te tenebis mole fundatam tua,
Sed contremisces artibus penitissimis,
Lateque quassa cuncta sternes dissipans,
Conata dorsum pessimis subducere.
Nec vos, corusca regna, sedes astricæ,
Beata cœli maximi palatia,
Quæ, pulcher ordo, cursibus rotat vagis,
Nec vos, choreæ semper inclytum decus
Juvabit, aut libebit instare hunc gradum.
Loco moveri vos tuor vestro quoque,
Fragoribusque concuti vastissimis,
Orbesque concurrare lapsos perperam.
Tuque o diurni muneris fons auree,
Mundi oculus, radiorum perennium fator,
Thesaurus unicus corusci luminis,
Sol alme, tu lugebis atratâ gena,
Vultusque merges in tenebras horridos.
Tecumque consors ipsa mœstior tua,
Fax noctium, iubar secundum cœlicum,
Splendore destituta munifico tuo,
Quassabit incassum rubentem lampada
Ferule nigrans, nocte tota condita.
Quin pictæ stellis, prata cœli florida,
Mœrore opaca, subtrahent ignes suos.
Polique peplum deferent, luctu obsitum.

Non

Non ante, ferri se tamen stringet rigor,
 Jus, fasque donec iusta clarigatio
 Testata promulgârit, atque edixerit,
 Quâ lege læsi numinis flectant minas,
 Quo more pollutos honores sarciant.
 En Imperator ipse rerum maximus,
 Cui omne robur, omne sæclum militat,
 Structos priusquam iubeat ire exercitus,
 In hosticoque ponat ultricem manum,
 Vocem ante mittit fecialem nuntiam,
 Iniuriasque iure repetitum venit.
 Ut parte se quoque hac probeat iustissimum,
 Pollentiamque dexteræ ostendat suæ.
 Non, nescios, monitisque non cœercitos,
 Se fraude velle improvida convolvere.
 Palam, palam olli virium stat copia,
 Nec una castra, militisve unum genus,
 Sed gentium pæne omnium electissimi,
 Superfluam evocati ad exsuperantiam,
 Late, stativa collocantes omnibus
 Campisque regionumque nullo non solo.
 Queis acrius nihil, nihil ferocius,
 Duraciusque audacibus periculis,
 Aut iussâ sacra promptius capeßere,
 Ausuque strenuo imperata persequi.
 Ut vulsa signa, ut cædium licentia
 Permissa clangorem tubarum exaudiit,
 Diesque dictus ultionis ultimæ est.
 Nil hoc cruentum, nil mage enorme, aut ferax,
 Spectabit orbis obrutus formidine.
 Nec stare contra impune' nec pertendere
 Cuiquam licebit, poscere aut veniæ modum,
 Vsq̃ue obferatis auribus clementiæ.

Nunc,

Nunc, nunc, benigna, mitibus se induciis,
 Indulget hora, nunc Patratus optimus
 Pater ipse, criminum ultor olim acerrimus,
 Poscit receptum transfugæ mentis sibi,
 Pacisq̃ue blanda lege condicit fidem.
 En. sponte amica voce devios ciet.
 Quo, quo scelesti pergitis? quo vos pedes
 Ducunt prophani, vultibus nostris procul?
 Revocate cursus impios, retro date
 Fugitiva vela flectite ad portus meos,
 Redhibete cordis debitam sedem mihi,
 Sed integram, sed candidam, puram, puram,
 Omni carentem labis adnexa nota,
 Plenamque concessamque mi medullitus.
 Nil subdolum, nil namque fictum admittimus.
 Duxque adsit una, pressa continentia,
 Succincta non procacibus ieiuniis.
 Adsitque luctus, ipse damnator sui,
 Commissa tergens lachrymis fidelibus.
 Totoque planctus surgat ingens æthere.
 Non vestium lacerator ille, ast cordium,
 Dolore findens intimos mentis sinus.
 Auditis? an surda arcet obstinatio?
 Adeste, adeste, vertite indignam fugam,
 Redite vernæ turba pristinum ad larem,
 Redhibete vos hero fugaces servuli.
 Non cum hoste vobis, non tyranno cum aspero
 Res est futura, Dominus ipse vester est,
 Deusque vester, omnium optimus sator.
 Patens ad omnem gratiæ indulgentiam,
 Vel ipsa vota promptus antevertere.
 Dans cuique pectus obvium, obvios sinus,
 Vber benignum, Matris Almæ viscera,

X

Fellis.

Fessisque pæne condolens sensu pati.
 Non nare acerba lentus iras voluere,
 Differre non asper, opulens clementiis,
 Miserationum plane inexhaustum penu.
 Jam iam flagellum comminatus. & mala
 Intenta vibrans, mox remissus & favens.
 Parcus nocendi, supplices facilis pati,
 Ab ultione dimoveri flexilis.
 Hæretis insulsi? ullave dubitatio
 Retentat usque criminum mentem ream?
 Speique pulchræ liberas cludit vias?
 Infestus esse quis sibi tantum potest?
 Benignitate ut se abdicet Dei sui?
 Dirisque vitam destinet perennibus?
 Numenque fingat prorsus intractabile?
 Hoc discere, hoc cura mage est capeffere.
 Sceleribus adversum Deum, virtutibus
 Solere placari, & redire in gratiam.
 Feros domare, cernuis ignoscere,
 Nec stirpitus convellere decora inclyta.
 Quin linquere benedictionum reliquias.
 Ut, quâ mearit prospero vestigio,
 Sepulta surgant sacra, surgant germina
 Divorum honorum, munus & libaminis,
 Deo dicandi perpetim libaminis.

Eja intonetur æneæ sonor tubæ,
 Signum severum, publici carmen mali.
 Sint feriata sæcla ritu sobrio,
 Semota mensis pingvibus, cultu aspera,
 Amfanta fruge dapilis ieiunii.
 Vocate cætus, & sufetes cætuum,
 Adsint gregatim densa popli examina,
 Plebs undiquaque confluens, immiscua.

Adfic

Adsit corona concionum nobilis,
 Cives disert, concilii electum decus.
 Vosque o verenda Capita, grandævi Senes,
 Et parvulorum currat alma ætacula.
 Et quorquot usque lacteam nefrenduli
 Mulgent opem, tenelli Alumni infantia,
 Nutricum habendi vagiant in dexteris.
 Nec te, recenti mæste mentem gaudio,
 Par est leporum blanda dona carpere,
 Lente impeditum dulcibus complexibus.
 Linque, o beate sponse, felicem torum.
 Tuque o voluptas unica, thalami iubar,
 Jucunda sponsa, linque secessus tuos.
 Age, ocyùs te elimina, viam rape,
 Matrumque te te cæteros adde in greges.
 Quæ tum vacabit planctibus sedes feris?
 Non ipsa, inaccessa ante mæsto luctui,
 Delubra, læta Numinis præsentia,
 Defender a squallore, sanctitas vetus.
 O area, o statio Ministrorum Dei.
 A fronte templi, altare quæ discriminas,
 Solis Sacerdotum frequentata pedibus,
 Pulsanda quantis fletibus remugies?
 Dum mæror in te fræna diffundet sua.
 Flebunt sacrorum præstites, Dium genus,
 Viri verentes Numinis, Mystæ pii,
 Atque ora guttis proluent calentibus.
 Ibitque mussans murmur, anxie ingemens.
 O parce, parce, dulcis o quondam Pater,
 Tuo popello parce, parce vernulis.
 Ne dede turpitudini, aut opprobrio,
 Hæredium tuum, tuam sortem unicam.
 Ne perduelles, Barbari impurissimi

Manu tyranna sæditer tuos premant,
 Tuique honores vellicentur indidem.
 Procaxque lingua, sumat aptam copiam
 Mali veneni, teque per nos vulneret.
 Quis sospitator noster ille tu Deus,
 Impune carpens, teque lancinans palam,
 Nec supplices fuere frustra, nec mora.
 Exarsit ingens ossibus Dei dolor.
 Iraque non ferente contumeliam
 Commotus, haut tulit suum lædi decus.
 Ipsamque tellurem super miseritus est.
 Mentemque suscepit quietam erga suos.
 Multumque de rigore dempsit pristino.
 Ultro benignæ temperans veniæ modum.
 Distisque amicis lene responsum dedit.
 Voce ipse pacata calans populum suum,
 En læta vobis rura, lætas frugibus
 Reddo novalis, vile & annonæ forum.
 Et late opimis horrea ampla messibus.
 En vitis ulmos densa vestit fertiles
 Vvis onusta, mustei roris parens,
 Medela vitæ, nectar orbis unicum,
 Nec pingvis usquam deest olivi copia,
 Ævi refectrix, recreatrix virium.
 Stant densa late arbuta, sylvis æmula,
 Honore baccarum affirim ornatissima.
 His este macti commodis, his præmiis,
 Nec amplius manete Gentium pudor,
 Nec turpitudine iniqua nominis mei.
 Et hunc opacæ noctis ex propagine,
 Frenetici septemtrionis filium,
 Belli procellis efferatum immitibus,
 Tundam, repressum sedibus vestris procul

Saltus.

Saltusque in invios, inhospita in loca;
 Pullum supinabo, accolam inculti soli.
 Jacebit umbra, maximi cadaveris,
 Protenſa longinquo orbe crudis artubus.
 Qua ſol renatus aureos ortus ciet,
 Vndamque luſtrat æquoris cognominis,
 Hac ſumma frons, apex nefandi verticis
 Volveretur, ora littoris vaſtiſſimi.
 Aſt corporis margo, pedum ſtatumina,
 Idem relapſus quâ diem ſol occulit,
 Sternentur, uſque marmor ad noviſſimum.
 Ibitque cælo fætor affatim arduus,
 Tabo cliquatus, pabulum ſipedinis.
 Ibitque putredo inſepulta, vermînans.
 Redhoſtimentum rancidum ſuperbiæ,
 Quâ geſſerat ſe ſe impotenter, uls modum,
 Victoriæ frænare iura reſpuens.
 Nunc pulchra tellus, nunc amica mi ſola,
 Arvum politum nunc inertite metu
 Vacare mando, mando comptam vivere,
 Et luſibus dare otium, & terere diem,
 Fæſtisque laſcivire lautam gaudiis.
 Tanti æſtimatam, quando te Deus tuus
 Ornare quærit, nec laborem defugit,
 Magnum laborem, dexteræ pignus ſux,
 Quo ſplendidam, quo te ſuperbam provehat.
 Proдите luſtris, antra cæca linquite,
 Meticuloſo arcete curam pectore.
 Fæcunda pecua, liberum armenti genus,
 Quodcunque nutricare Patria hæc amat.
 Diſceſſit agris horror, ubertas virens
 Priſcum nitorem reddidit teſquis locis.
 Et quæ rigeſcat gleba, deſerti vicem,

Lappis-

Lappisque carduoque late squallida
 Splendere gaudet, flore picta lucido.
 Turgere rami gestiunt gemma nova.
 Frustumque nulla non suum arbor parturit.
 Et ficus omnem præstitit dulcedinem.
 Et uva totam suavitatem maximam.
 At vos novella turba, spes domus recens,
 Pulli parentati, iuventæ flosculus,
 Sanguen Sionis, affectæ sapientiæ,
 Hoc tempus, hoc est, quo vagam diffundere
 Mentem datur, studiisque lætis provehi.
 Vitulate magno gannientes ludicro,
 Vitulate certa numinis præsentia.
 Numen voluptas vestra, numen sit lepor,
 Et lusus & venusta subsultatio,
 Talem Magistrum, disciplinæ præsidem,
 Ducem irrepresum, corculum peritiæ,
 Vobis redono. Cuius ore limpidus,
 Fontem bibetis veritatis aureum,
 Æterna iuris, atque legum sagmina:
 Hic vos hic arte finget exactissima.
 Quales fuisse constitit, primo sætu,
 Olim profectos optima ex origine.
 Nec uda cæli vena, sudis imbribus.
 Rorem feracem, fundere in terræ sinum.
 Usquam negabit, mane seu roseo, facem
 Aurora, currus ante solis proferet,
 Seu condet obscuranda sero lûmina
 Et antevertens, & diem pone insequens.
 Geu lauta mundi forma primitiis fuit.
 Jam iam, reposta maximis granariis
 Frumenta turgent, personant tunæ areæ,
 Dum munda aristas relinquere expetit seges. :
Surgunt

Surgunt acervi, adoretur locuples penu.
 Gemunt referta præla, vitigenus latex,
 Expertus usque crebra plantæ verbera,
 Vndare quærit, uvidus largo alveo.
 Quæritque olivi undare blanda opimitas,
 Cibi nitela, pingve mensarum decus.
 Nil molle, parvis ausibus nil ordior,
 Sed virium, pollentis atque roboris,
 Ingens opus, quæ nostra se vobis palam
 Probet potestas, usibus vestris data,
 Qua compotivi vos superne præditos.
 Valere iam iubete languidam famem,
 Cænisque vos curate pollucibilibus.
 Licet venustos agere convivas, licet,
 Vel ad palati maximam lubentiam,
 Cui sola denique satias ponat modum.
 Tunc ore vestro, sit nomen meum frequens,
 Tunc pulchra laudum dona, tunc præconia,
 Reponat altis, lingua grata, nubibus,
 Queis vester esse noscar & Rex, & Deus,
 Ingentium patrator in vos munerum,
 Stupore fingens corda præstitis bonis.
 Hac sit secuta vos tenuis confusio,
 Hac servitutis Barbarum contagium.
 Deinceps vetabo cum prophanis vivere,
 Gentem mi amicam, segregem populum mihi,
 Privo fruentem libero consortio,
 Vel usque sæcla perpetim ad perennia.
 Nec me pigebit præesse vestris cætibus,
 Coramque in Israël conspicui meo,
 Medium frequenti Civium comitio.
 Nescire nemo ut possit obrutus meos,
 Sed scire cuncti me Deum, & Regem suum.
Cui

Cui possit alter nemo compararier,
 Qui sceptrâ postmodo ista nulli cesserim.
 Rex ipse, Princeps ipse vester unicus.
 Certum est, in unum dissipatos cogere,
 Certum, exules donare patrio solo,
 Nec perfido amplius iugo sinere opprimi.
 Nec inquinari sordibus promiscuis,
 Latusve purum cum prophanis iungere.
 Sincera sed durare sæcla perpetim,
 Claudenda nullo fine, nullo termino.
 Migrabit ætas ista pridem sævior,
 Pulchrumque pulchro tempori cedit locum.
 Jam ventilari blandientes expetunt
 Auræ, & ferescit purior cœli dies.
 En ipse, flamen, en meam vim maximam,
 Depromo, deque fundo largo flumine,
 Cœleste munus, carnis in glebam rudem
 Nil corporum averfatus obscura augmina.
 En faxo, proles vestra, vestri liberi,
 Maresque sexus & minor viragines,
 Lymphata nostro corda tacti Numine,
 Oraculorum diâ fundent carmina,
 Vatumque primas sortientur glorias.
 At maior ætas, incluti cascî senes,
 Dum fessâ lentus membra distinet sopor,
 Mensque exsoluta liberis pennis volat,
 Catas futuri somniorum imagines
 Cernent, repanda porta qua fati patet.
 Porro iuventus, perspicax visu mage,
 Palam, sub ipsâ luce, promptis sensibus,
 Coram intuentur spectra rerum lucida,
 Vivos colores imminentum eventuum.
 Nec te, secunda turba, parva mancupi,

Nec

Nec te relinquam munerum exsortem meam.
 Vobisque servuli, meo de spiritu
 Impertiam, vobisque bellæ ancillulæ,
 Mensura herili, copia lautissima.
 Cælumque, telluremque portentum metu
 Quassabo. tu percussa terra, gurgitem
 Volues cruorum, cædibus tota obruta,
 Imberque te coruscus, ardentum ignium,
 Figet superne, incendiis procul furens.
 Fumabis, heu misella, fervore ultimo.
 Anhela ructans pectora, in mundi cavum,
 Vaporque te auris, & favilla differet.
 Hic sol, hic almæ lucis auriga aureus,
 Atratus ibit horrida ferugine.
 Tu Luna, lumen alterum purissimum,
 Hæc ora lactea, iubar hoc argenteum,
 Cruore tingues, discolor, vapallida.
 Tanta antecedent monstra, tandem maximus.
 Pollens procellis, turbinum promus minax,
 Formido & horror orbis, horror sæculi,
 Vltor supremus, ingruet Domini dies.
 Hæc summa rerum, hic hæret alte terminus.
 Quem nulla post momenta verterint loco.
 Quin constet id, quod stat ratissimum fore.
 Tunc nominis nostri invocatores pios,
 Sacrata cælo pectora, electum genus.
 Vitæ asseram, fætoque subtraham aspero.
 Ipso Sionis quippe pulchro culmine,
 Ipsisque Solymes inclytis pomæris.
 Salus vigebit, tuta virtutum choro.
 Nec cæteros plerosque non contexero,
 Lectu novo accensos supernumerarios,
 Servare quos mi cura, quos labor fuit.

Y

En fiet

En fiet illis, fiet usque lucibus,
 Cum præstitutam tempus orbitam teret.
 Quo servitutis compedem, & crudum iugum.
 Demam meis Solymis, meo Judæ unico,
 Reddamque iura civibus postlimini.
 Tum conglobabo gentium mista agmina,
 Omnem superbam Barbarum propaginem,
 Ducamque mecum iure confertos manu.
 Quâ plana pandit septa territorii
 Vallis Josaphat, Judicij Campus sacer.
 Hic mi tribunal stabit, hic creperum forum,
 Hic iusta litis iurgia adversum reos.
 Quæramque calculumque poni mi volam.
 Meo popello, hæredio meo super.
 Qui tam proterve libuit esse iniuriis?
 Ut Israël, nostra patrimonia,
 Tam diriter, tam pessimis tuncsum modis,
 Irent redactum ad ultimas minutias,
 Sparsumque vastis gentibus disploderent.
 Cur ausa nostrum pertica arvom carpere?
 Dominisque partem vendicare non suis?
 Heu heu, meorum, capita mi charissima,
 Vilis fritillus, vana ludit alea.
 Impubis ætas, volupe matrum gaudium,
 Heu profedas, nefande merces, ad lupas,
 Ivit, libidinum pudendum præmium.
 Heu ebriosus miles, heu gurgis meri,
 Temeti amore sauciari se expetens,
 Florem puellarum, aureas virgunculas,
 Vini propolis obligavit impius.
 At tu superba civitas Sydonia,
 Tu civitas Tyri, Palæstinum & solum,
 Quodcunque nostris finibus iungis latus;

Potesne

Potesne quicquam triste, quicquam inhospitum,
 Narrare de meis? aperte & conqueri?
 Tibine mecum quivit intercedere
 Offensa quæquam? ires ut ultum iniurias,
 Priusquam læsa, redderes noxam parem.
 Si te nocendi tanta vexavit sitis,
 Impune ut incurfare sperares meis,
 Et damna sponte innoxiiis procudere.
 Disso ocyus, mox mox tibi rependero,
 Iusta libella, talionem asperrimum,
 Tuumque cornibus tuis frangam caput.
 Auri talenta, divitem gazam meam.
 Perfecta gemmis vasa, signis aspera,
 Et quicquid argenti extulit domus mea,
 Mala abstulistis fraude, raptu pessimo.
 Ipsoque honores; queis serenari meam
 Ego professus mentem, & expleri solens,
 Et quicquid in rebus meis pulcherrimi,
 Demptum mihi, obscenas Deum vestrum in domos,
 Fæde intulistis, & sacristis perperam.
 Gnatos Judæ, nobilissima corpora,
 Gnatosque Solymes, liberum semper genus,
 Quæstistis aucupio plagi iniustissimo
 Proculque venundastis oram in Græciam,
 Trans vasta terræ spatia, trans magnum mare,
 Ne spes misellis ulla, perpetim foret,
 Dulcem videndi Patriam, & patrum domos.
 Non sic abibit, non sed obversum malum
 Torquere certum est vestra contra pectora.
 En, queis in oris, institores improbi,
 Mercatu iniquo, convolantes ad lucra.
 Distraxistis incolas meos, germen meum.
 Inde excitos, servaque raptos compede,

Mihi reducam, & libera asseram manu.
 Ruet retorta vestra retributio
 Vestrum in caput, frangerque vos iustam vicem.
 Vestrum propagmen impium, sobolem notham,
 Natosque iunicumque læta corpora.
 Dedam sub hastam, filiis Judæ in manum.
 Passimque vos, vilis precij, mercem malam.
 Vendent, revendent, usque ad ipsos ultimos
 Orbis Sabæos, dissitam gentem procul.
 Non est Dei, mutare, quod ratum semel
 Enuntiavit ore constantissimo.
 Percellat aurem gentium clamor minax,
 Volent frequentes Nuntii, voces fremant,
 Pandantur alta claustra, bellorum viæ.
 Arma, arma conclamate, stent iusti dies.
 Vexilla pinnis ventilentur arcium,
 Devota ferri sæviat licentia,
 Nil sanctius sit cæde, nil antiquius,
 Scandant feroces trosluli, scandant equum
 Instrata dorsa, testa ferri fornice.
 Ruant phalanges, quique robustissimi,
 Quacunque terræ parte, quocunque themate,
 Dent magna, bello consecranda nomina,
 Gemant refectis officinæ incudibus
 Nil tela præter, præter armorum struem,
 Festinet expedita fabrilis manus,
 Vel ipsa aratra, ruris apta muniis,
 Bellorum in usus asperos refingite.
 Eat rigorem in ensium dens vomeris.
 Eantque dura sarcula, & scaber ligo.
 In gessa tela, in longiumbres lanceas
 Vel efferrari nunc liceat inertibus,
 Gnavamque se se iactet ima imbellia

Dicant-

Dicantque segnes, fortium nos æmuli,
 Victoriarum conditi ad palmarium
 Ite, omnibus mundi plagis, omni loco,
 Movete signa, convolate, erumpite,
 Cogite vires maximas exerciti.
 Densi manipuli ferveant cohortium.
 Hic campus, hic est, hæc duellica area;
 Tinguenda vestro sanguine, hic late dabo
 Stratuni omne vestrum robur, afflictum solo,
 Humumque mordere faciam audacissimos;
 Non hoc sedendi tempus, aut lentæ moræ.
 Properate magno sistier vadimonio,
 Omnis propages, gentium sæcla omnia,
 Vallem in Iosaphat, iudici campum sacrum,
 Quo dicta vobis est dies severrima,
 Hac sede Iudex, orbis omnes incolas.
 Coram evocatos, litigantes audiam,
 Cernamque prolatu ultimæ sententiæ.
 Adulta aristis iam seges falcem vocat,
 Ite o frequentes, dura messorum agmina,
 Telluris hanc densam comam, satum arduum,
 Sub cultri acumen profecantes mittite.
 Cessare nulli libeat ex operis meis,
 Vindictæ celebramus uda tempora.
 Iam protulit se plena tandem autumnitas,
 Iam vasa vinitorcula ubertim scarent.
 Iam præla feruent, iam trapetes æstuant,
 Summam potitum copiam excrevit scelus.
 Diffusa late criminum exundant vada.
 O plebs, misella, plebs misella, ter quater.
 Non vallis ista, non solum fixum te habet.
 Sed cespes Orci, sed vorago perfida,
 Campus ruinæ, funerum gurgis vorax.

Iam

Iam iam, nec arcet longa terminum mora,
 Quum se arduus mundo inferet Domini dies,
 Hic vâlle fœva, cœdium hoc stato loco,
 Pœnas lueris, lancinati cruditus.
 En fœvit ipse sol tenebrîs horridus.
 En luna lumen impiatis denegat.
 Nox atra stellas distinet, porta ætheris
 Oppressa, vultus aureos cœli abstulit.
 Rugiet Sionis arce Dominus infremens,
 Vocemque Solymes edet altis turribus.
 Vocem, polorum testâ moturam loco,
 Terræque moturam refractos cardines.
 Fatiscet ista tota mundi machina,
 Et fluctuabit funditus caduciter.
 Vos interim, mei Israëlîs; gens mea,
 Filios mihi, secura conteget quies.
 Ad me recepti, spe mihi innixi rata,
 Degetis immunes, periclis invii,
 Meo refulti tuta corda robore.
 Sensuque dabitur scire compertissimo,
 Quod ipse vester Dominus, & vester Deus,
 Sionis arce, montium sanctissimi,
 Charissimique montium mihi omnium,
 Diverto præsens, & meam sedem hic gero,
 Atque ipsa Solyme, sydus urbium & iubar,
 Apex supremus elegantîæ unicæ,
 Primos honores sanctitatis auferet,
 Splendore maiestatis arduo eminens.
 Quam fronte prona, subque missis fascibus
 Vrbes adorent, & stupeant omnium
 Lumienque Reginamque latè Gentium,
 Nemoque deinceps perduellis, perfidus
 Nemo exterus grassator, aut prædo rapax.

Pertender

Pertendet incestare contactu impio.
 Pedemve sanctis ponet impurum viis.
 Ventura, nec mutanda quondam sancio.
 Quum pulcher ille fulserit mundo dies,
 Novos lepores, promet ætas aurea.
 Non mella pratis efficax apum labor
 Leget minutim, cellulis condens cavis.
 Sed montium fœcunda se se viscera,
 Passim refundent, nectaris satu oblita;
 Roresque largos proferent dulcedinum.
 Passimque colles lacte manabunt mero.
 Olimque Iudæ regio, fluminum indiga,
 Sitim relinquet siccitatis aridam,
 Nulloque non revolvat undas rivulo.
 Ipsoque Regis maximi palatio,
 Prodibit ingens, limpidæ parens aquæ,
 Fons largus, amplo se vomens ex alveo,
 Spinisque torrentem procul cognominem
 Ditabit, ad Iordanis usque littora
 Fluctus propagans, irrigator prodigus.
 Ægyptus, hæc Ægyptus, arvum perfidum.
 Hostilis ora, nunc tumens successibus,
 Inculta, desolata, contemptissima,
 Iacebis olim, turpe spectrum cladium.
 Et vos Idumes regna, latronum domus.
 Fraudum officina, ergastulum doli mali,
 Et vos nefanda damna deserti manent.
 Sic vasta, sic fœdata squallore ultimo,
 Sic inquinata pessimis incuriis,
 Cedetis in pravum lucrum, furi improbo.
 Palamque præmiator & prædo vagus
 Vos permeabit, ganniens raptu impio,
 Ut nulla deinceps vos satis servet salus.

Hac

Hac scilicet mercede vobis venerit
 Iniuriarum nullus in ludam modus.
 Fastæque cædes innocentum corporum,
 Sanguisque large fusus in terræ sinum.
 At terra Iudæa, Incolas populos suos,
 Fovebit æternum, beata & libera,
 Habitata semper, culta semper impigre.
 Urbisque Solymes ampla territoria,
 Semper vigeant Civium frequentia,
 Hac stirpe Gentis, hac, & altera procul,
 Usque ad perennes Gentium Prosapias.
 Purumque, mundatumque sanguinem dabo,
 Mundare quem forte hæcenus neglexeram,
 Sionque mons, ocellus iste collium,
 Me Præside, & Rectore me, regnabitur.
 Regnabitur vel perpetini, omnes sæculi
 Vls terminos, vls atque metam temporum.

Jesu Christo laus & gratia.



PENTESILEA

PENTESILEA

Z A M O S C I

In Officina Academiæ, excudit.
Christophorus Wolbramenfis, Anno Domini 1618.

SIMON SIMONIDES

THOMÆ ZAMOSCIO

PALATINO PODOLIÆ

JUVENI INCOMPARABILI. DOMINO. PATRONO
BENEFACTORI SUO. LIBENS MERITO

DEDICAT.

P E R S O N Æ.

PENTESILEA.

AMAZONES.

CHORUS ex Virginibus
Troianis.

TALTIBIUS.

PRIAMUS.

ANDROMACHA.

ASTIANAX.

NUTRIX.

AETHRA.

NUNTIVS.

AENEAS.

DEIDAMIA.

COETUS fœminarum.

THEANO.

TRES Milites faucii.

NUNTIVS alter.



P E N T E S I L E A.

TE magne Mavors, sanguinis Sator mei,
 Primum invoco, ut me robore invicto iuves,
 Dignamque te parente natam comprobes
 Fallorne? num pavoris hæc vestigia
 In me emicant, signumque dant diri ominis?
 Virtutis an sunt talia hæc præludia?
 Vt vim suam ordiatur a metu anceipe.
 Ne defetisce anime, nec augurio malo
 Te frange. non est in manu tua situm,
 Quid fata possant. hoc situm est, ut strenuum
 Te præbeas, vel numinum usque ingratiis.
 Cædemne vitas? quam per arma quæritas?
 Colo accubandum cum hac fuit sententia.
 Belli aleam, belli frequenta moribus.
 Aut perdere, aut perdi, duelli lex iubet.
 Sed vos Sodalitii mei pars unica,
 Adeste amicæ, & consulite, quid facto opus.
 Magno in periclo, particeps periculi
 Solus sapit. nil cæterorum desides
 Solertias moror. quibus facti carens
 Diserta lingua, fuciles voluit sonos.

A M A Z O N E S.

Nos imperata facere, nostrum ducimus.
 Tuum est monere, quid velis facto exequi.
PEN. Communis alea, expetit communem opem.
 Servile non est munus, armorum labor.
 Nec vinculo hoc quicquam esse sanctius potest.
 Vitæ necisque quo fides se mutua

Revincit,

Revincit, & fortunam in omnem devover.
 Nunc hoc videte quid sit expeditius.
 Belli ad cruenti venimus commercium.
 Res hostium hactenus cluit felicior,
 Afflictior res Troica hi, prout solent
 Victi, pavoris anxii sunt compotes.
 Illos superbos efferunt victoriæ.
 Spes ultima in nobis. vel horum imbelliam
 Redintegrare, vel hostium ferociam
 Reprimere. qua via id gerendum, hoc artis est.
 Manumne conferamus omnes cum omnibus?
 An sola solum quempiam lectissimum
 Optabo, & uno rem paciscar sanguine?
 Prior modus vicem meam securior
 Fors fuerit, alter iste honori & nomini
 Illustrior, votoque & ingenio aptior.
 Quid censeatis certiore reddite.

AMA. Hera fortitudinis modum præscribere
 Ei, qui in illa totus est, perarduum est.
 Tamen vel impigerrimæ pollentiæ
 Nunquam obfuisse cautionem congruum est.
 Proinde nec tu fræna sic audaciæ
 Permitte, ut omnem segreges prudentiam.
 Illudque comprimis vide, non hic tua
 Regna esse, verum adesse nos hic hospitas.
 Nec inchoare bella, quin iam persequi
 Dudum inchoata. nec tenere principem
 Locum, sed auxilii quasi esse appendices.
 Ut non necesse sit priores poscere
 Partes, vel anteire velle cæteros.
 Tutissimum expectare, qua nos collocent
 Statione, quidve muneris gestum velint.

PEN. Rebus secundis ire tutam semitam.

Zz

Verissi.

Verissimum est, adversa res exorbitat,
 Nec tranitem fixum sinit decurrere.
 Quod huius urbis fata postulant quoque.
 Quam pæne iam procella stravit ultima.
 Ut ni recentis auxilii lux protinus
 Affulgeat, nunquam seipsam vindicet (gat.
 Metu ex supremo, nec animos sponte eri-
 Videſne ut omnes ora convertunt sua
 In me unicam? ex nobisque sumant spiritus?
 Ut qui moretur, aut ab illis pendeat,
 Illosque seque prodat, & mulcet malo.
 Conandum & audendum est, vel ipsa occasio
 Non deferenda comparandæ gloriæ,
 Scythicique late proferendi nominis,
 Græcanicam quod deprimat superbiam.
 Stetisse Martis filiam, contra Deā
 Satum marina, virginem contra virum.
 Non indecorum, nec feretur sordidum,
 Utinamque solum sola possim apiscier.

AMA. Quocunque te virtutis indoles tuæ
 Producet, hac sequemur. ast considera,
 Erroris aliquid ne pariat incitiam.
 Quando nec arma, usus neque armorum, neque
 Belli gerendi ratio, qua hostis utitur,
 Nobis sat explorata sit, ne forsitan
 In retia incurramus imperitiæ,
 Pœnasque debitas temeritati demus.
 Idcirco singularis ad certaminis
 Dubiam fidem te protinus descendere
 Non suaserim, antequam periculum hostium
 Faciamus, atque conferamus cum omnibus
 Omnes manum. interim ducis te munia
 Obire potius censeam, quam militis,

Laudis

Laudis paratur unde maior adorea,
 Artisque bellicæ facultas cernitur
 Illustrior, complura quippe millia
 Armare, quam sævire privum, pluris est.

PEN. Quanquam aliud animus gestiebat aggredi,
 Tamen impetrari non gravatim a me id sino,
 Ne spernere obstinate amicos iudicer.
 Quando quidem & ipsa insomnii divinitas,
 Videre quod sum visa nocte proxima,
 Vestræ disertim congruit sententiæ.
 Videre nam sum visa me in faciem læ
 Mutari, & irruere in greges promiscuos,
 Stragemque late fundere, & ferere fugam.
 Tandem virorum congredi cum acri manu,
 Qui se impetus contra meos ferro obvii
 Vltro offerebant, & petebant vulnera.
 Quidamque eorum prouens fidentior,
 Mucrone convolabat in pectus meum.
 Me muniebat dextera Pater meus.
 Nam coram adesse visus est. Mavors mihi,
 Et me admonere, & adiuuare aperta ope.
 At somniorum inanias frustra arripit,
 Qui corde non pollet, nec olim partam habet,
 Labore gnauo eventuum peritiam.
 Damno ancipes mortalium solertias,
 Qui luce quod, quodque vigiles volvunt palam
 Plerumque transmittunt supinis visibus,
 Nec persequuntur mentis acrimoniis.
 Caligo sed quod noctis, & fallax sopor,
 Insomniorum protulit ludibriis,
 Id curiosa quæritant indagine,
 Hoc vota temperant sua, & vitæ modum.
 Me nulla vanitatis huius arguet

Dies,

Dies, sat ardor instruet me pectoris,
 Fraudique nulli fortitudo obnoxia.
 Vos adiuvas dictoque reque quando mi
 Fortuna concessit mea, & vester favor,
 Non est metus rei gerendæ perperam.

AMA. Consentiant, dissentiantne, hæc quæ vocas
 Infomniorum & noctium ludibria,
 Cum sanioris consilii experta fide,
 Parum interest, hoc interest, ne dum nimis
 Contendimus, feramur in præceps nimis.
 Periculosus factus est belli alleæ,
 Nec error admissus mederi se finit:
 Juvare amicos, non præire cæteris
 Huc venimus, sevanda sunt iura hospitii,
 Potiusque spectandum quid ipsi nos velint,
 Præstare, tum demum eminere strenuas.
 Dicto audientes pulchrius victoriæ
 Sequuntur, importuna facta non probo.
 Nam si evenit labi, ad malum, noxa insuper
 Accuditur, crimenque adest discrimini.
 Nec sim prior, nec hæream inter ultimos.
 Sermonis at non est locus, ubi est facto opus.
 Phalanx tua ut parata pransi sit vide.
 Ne quid moretur, signa si vellenda erunt,
 Armisque nostris instruemur nos simul.
 Cedamus intro, post foras prodibimus,
 Cultu rigentes ferreo, ut fortes decet.

CHORUS.

Opulentia, unicum
 Mortalium Solatium;
 Curaque perpetua,

Vt cunq̃

Vtcunque vulgus anchoram
Te sacram atque portum
Turissimum vitæ autumat,
Fortunæque reponit
Paginam in te utramque
Vento secundo seu placidus fluat
Ævi lepor, seu ruinam
Difficiles faciant procellæ.

ANTISTROPHE I.

Ego te nec aurea
Gaza, nec affluentis
Omnigenis metior,
Nec copia rerum ubere.
Namque rectius tu
Sinu in benigno te locas
Fidos inter amicos.
Quem armat hæc corona
Vere ille dives, vere opulens mihi,
Thesaurus ingens amici.
Pauperies, caruisse amicis.

E P O D. I.

O Troja, o Priami domus,
O strusta divum Pergama dextera,
Quamvis cruenta vos premat necessitas,
Ensisque late sæviat hosticus,
Non tamen interitu supremo,
Vos damno, quando in tempore
Talia præsidia, & sociorum
Opem parastis commodam.
Qualis virago hæc, seu potius Dea,

Flavo

Hoc adprecatur rex tibi, hoc omnis simul
Populus, patresque & quidquid hic est gentium.

PEN. Sospesne rex quietis hausit munia?

TAL. Quin iam tui videndi habere copiam
Peroptat, atque causa ea me nunc tibi
Præmisit, adventi eius ad te nuntium.

PEN. Quin iuniores nos adire eum decet.
Ævum senile nempe honorem hunc postulat.
Et iam, nisi importuna sum futura, me
Ad limen eius confero, tu sis vide,
Ne permolestæ adsimus, inque gratiis.

TAL. Paulisper hic subsiste, donec quippiam
Profamur, & mandata pauca exponimus.
Quantum sibi grateretur & quantum tibi
Debere se se intelligat, quod illius
Amica rebus veneris durissimis,
Metiri ab animo potius, & sancta fide,
Non ex lepore dictionis splendido
Verbisque factis affabre ut velis, rogat,
Hoc & secundis, & tuis contrariis
Rebus probaturum palam se se autumat.
Ut promptus atque gratus opera mutua
Sit perpetim, stringitque se hoc nexu tibi.
Nunc hospitalis parva iuris pignora,
Lubente sumas ut manu, poscit volens.
Monumenta maiorum suum. hos olim senex
Laomedon arcus Hercule a magno tulit,
Quum construendis urbis huius mœnibus,
Se præbuit perquam benignus, & favens.
Vtuncque post hostilibus factis ferox.
Ipsæ sagittæ cum pharetra munus est
Apollinis. clypeus opus Vulcanium.
Hic balteus, Vulcanius labor quoque

Aa

Hunc

Hunc insuper Neptuniæ propaginis
 Addit sonipedem, prosequens hoc omine,
 Vt hostium victrix ubique illo cluas,
 Semperque te mactes superba adorrea.

- PEN.** Non est quod abnegem, pudore me affici,
 Munem quod erga me prior se se offerat
 Rex optimus, quam operæ meæ periculum,
 Aut commodum ullum potuit experiri.
 Verum ille liberalitate gaudeat
 Sua. mihi duplex onus video inditum.
 Et pro mea virtute iaciendæ alex,
 Et gratiæ eius munerandæ æquam vicem.
 Utinam eius hisce sive donis inclytis,
 Seu gratiis illustribus sic perfruar,
 Vt summa ad illum, summa ad hanc Rempublicam
 Et quemlibet vestrum redundet faustitas.
 Sed convenire, & alloqui ipsum pervelim,
 Occasionibus moræ nequid vacet,
 Rei gerendæ neve tempus effluat.
- CH.** Venire Priamum, iamque præsto esse hic puta.
 Jam turba prævia incipit præcedere,
 Satellitumque promicat grex hastifer.

PRIAMUS.

O Virgo cani isti mei, & florens tua
 Ætas, videtur hoc mihi permittere,
 Vt filiæ te apellem amico nomine.
 Vt cunque dignam te geras honoribus
 Primariis, nobisque nunc venias prope
 Numen salutare atque præsentaneum
 Quantoque tu paratior nobis ades,
 Tanto tibi maiore nos accedere

Curaque

Curaque studioque & salubris consilii
Fide expedita, prorsus est æquissimum.

PEN. Non verba cedere, aut inanes nominum
Jactantias huc aucupari venimus.

Sed strenuam navare opem rebus tuis,
Seu filix tu me loco, Rex optime,
Seu inter asseras amicorum gregem,
Vtrumque nobis fuerit, haud asperrimum.
Præstanda, non eblandienda est gratia,
Quisquis se amicum nuncupat plana fide.
Quin hoc agamus potius, ecquid facto opus,
Qualive profligandus hostis sit via.

Quæramus, ætutumque certi quippiam
Statuamus, & negotio addamus manum.

PRI. Negare non licet, quibus nunc in malis
Versemur, anceps arbitrandi ut se offerat
Ratio, nec explicare se sinat satis.

Audaciæ ne, an cautionis sit locus.

Celare nec mihi liquet luctum meum,

Quo nunc perempto ex Hectore orbus opprimor.

Qui murus huius urbis, & sacra anchora,

Et terror hostium vigebar unicus,

Is occidens tantos reliquit hic metus,

Vt nemo non perisse iam se se autumet,

Troiamque speret funditus procumbere.

Hincque ambigendi occasio strepit frequens,

Tentandæ ne, an finenda sit belli alea.

Recentibus modo hostium ferociis,

Nostræque fortunæ reciproco statu,

Nam corda prosternas, nec erigas statim.

Viresque lassas, tutius tradas fugæ,

Quam præliorum credulas discrimini.

PEN. O rex procaz sit & sui æstimans nimis,

Aa 2

Qui

Qui nesciat quid sit pavor, quantumve sit
 Fidendum anhelos pectori victos apud.
 Verum hanc vicem vel maxime summa eminet
 Virtus ducum, cadavera & promiscuas
 Inter neces, stragemque & excordes fugas,
 Victoriâ, & trophæa pulchra quærere.
 Persæpe lapsi, perculere interritos
 Victoribusque erepta de manu palam est
 Victoria. amittenda præclaræ rei
 Nunquam est potestas, nec iacendum istis semel.
 Plerumque res secundior, lentissimam
 Supinitatem, & oscitantiam invehit.
 Nimisque securos, propinat cladibus.
 Redintegranda semper est mens strenua,
 Nullaque de spe animosior rapienda spes.
 Hæc unica est salus, salute inperdita.
 Quid quod minutis casibus, vel maxima
 Momenta bellorum, frequenter verti amant?
 Quid quod inopina audacia, alias acerrimos
 Infregit, hancque iecit aleam aptius.
 Negare non licet, manu & vita unius
 Fortis viri, vel stare vel cadere alios.
 Hoc pace videas, inque tranquillo foro,
 Hoc signa, remque duram apud duelliam.
 Nemoque laudem hanc dempserit magno Hætori,
 Quin ille murus fuerit, & vita omnium.
 Postquam sed illum infestior Mars abstulit,
 Iniuriam fieri illius fortissimis
 Non credo manibus, si in eius se locum
 Sistat quis alter, & mora nulla impigram
 Continuet operam splendido vestigio.
 Tollendus est dolor recenti vulnere.
 Metusque in herba comprimendus protinus,

Ne

Ne se efferat, longasque radices alat,
 Vix eximendus intonato pectori.
 Quo mi videtur esse consultissimum,
 Vel civium, vel hostium causa, illicit
 Audere, & urgens aggredi periculum.

PRI. O Virgo, pro me quando militat tua
 Virtus, modum conatibus tuis dare
 Non est meum. rogare te saltem est meum.
 Nostram salutem dum regis, ne negligas
 Tuam, nec occupes prius pericula,
 Quam tota belli ratio tibi perspecta sit.
 Ne quod per inscientiam incurras malum,
 Mihique mœrores, & æruginam augeas.
 Mei quidem omnes tibi aderunt, quocunque te
 Vocabit excellens tui voti vigor.
 Consulta sed præire factis convenit,
 Viresque nostras cognitās velim tibi.
 Ut scire possis, quid queant præstare, quid
 Nequeant, quantumque liceat illis fidere.
 Hoc amplius, præstolor auxilia nova,
 Quæ nunciantur indies mihi adfore.
 Rex ipse nempe Memnon, Aurora satus,
 Ætiopum abusque finibus longissimis,
 Adducit omnes huc suos exercitus.
 Fidesque certa est, non procul iam tendere,
 Castris secundis veniet aut tertiis.
 Illo recepto, viribus iunctis simul,
 Paratiores fors fuerimus, & mage
 Hostem aggredi poterimus, intrepida manu.
 Idcirco vos obnixius rogaverim,
 Servare vires integras in illius
 Paulisper adventum, ut molestum non fiet.
 Audaciæ robustiores plus valent.

Junctæ-

Junctæque dextræ se tuentur arctius.
PEN. Non una facies bella conficere solet.
 Hæc mole, constructisque aciebus se explicant.
 Fraude alia gaudent, & tumultibus geri.
 Nonnulla furto, vel dolo, aut fista fuga.
 Fatemur esse quale nostrum patrium.
 Proinde, non possum tuæ sententiæ
 Non congruere, ne robur omne exerciti,
 Discrimen in Mavortis hodie prodeat,
 Quin arma prætolanda socia censeo.
 Non hoc tamen vetare protinus potest,
 Quin audeamus quippiam nos artibus
 Nostris, tumultu sive, sive istud fuga
 Confiat, hostemque haud sinamus vel diem
 Istum quiescere, affatim ne gaudeat,
 Neu se superbum tollat hoc rerum exitu.
 Quin sentiat, superesse vel victis manum.
 Sic & tuis paulisper abscedet rimor,
 Fiduciæque ad damna belli cætera
 Toleranda, meliores in animos influent.
 Pro me timorem ne geras prorsus precor.
 Non primulum ista nempe ludicra ludimus,
 Portam patere, potius actutum iube.
 Dumque absumus, dum redimus ad te sospites,
 Mensa hospitalis præsto sit, ne nos fames
 Labore functas, plus satis pertorqueat,
 Lætas & ipse lætus exceptas velis,
 Sic spondet augurii optimi mens conscia.
PRI. Postquam videntur hæc tibi, voto tuo
 Utare, ego interim Deos precabor, ut
 Te sospitem lætamque restituant mihi.
 Tamen ex meis plerosque cape, dicto ut tibi
 Sint audientes, & periculi adiuvæ.

Talti-

Taltibiæ, ad Æneam otius viam vora.
 Manda ut manipulum velitum, unum atque alterum.
 Expediat, & parere iubeat huic duci.
 Reliquos in armis teneat, alam collocet,
 Firmam ante portæ limen, ut potissimum
 Incerta pugnæ sunt, capeffant si fugam,
 Recipere se in tutum queant superstites.

S T R O P H.

CH. Mavortis rapidis fluctibus, & fero
 Armorum quisquis se dedit arbitrio,
 Et belli semel aream
 Audaci pede pressit.
 Vtcunque velum torqueat
 Fortuna inconstantibus auris,
 Ille iter invicto impete radat,
 Neu cadat oppressus, sanguineque in medio
 Sumat acriora corda.

A N T I S T.

Nil non restituit curaque pervicax,
 Virtusque immoto stans pede, perque ruinas ipsas
 Vixitrix immodico ausu. (stabilit gradum.
 Rebusque se artis asserit.
 Nec spes se insinuat, nisi ubi anceps
 Eventus cepta ardua gaudet
 Miscere, atque vocare in dubium, alacri
 Illa gestit ire vultu.

E P O D.

Et trahit ad meliora
 Blanda simul, simul atrox

Horta-

Hortatrix, nec in ipsa
 Morte relinquit.
 At qua rite suas locavit arces,
 Et solido ex adamante,
 Fixit pectoris aulam
 Regnatricis ratio, casibus asperis
 Non tantum se credere quærit.
 Fiduciamque concipit lætam sui,
 Omnia quin oculo despicit altivolo.

ANAPŒSTI.

Solum observans mentis honorem,
 Illæso liberrima sensu,
 Non vi non obnoxia fraudi,
 Non pellace cupidine fracta,
 Late partem provida in omnem,
 In re crepera curæ vacua,
 Ingens animis, impigra facta.
 Humana in discrimina pugna
 Diis minor, ipso de Jove pendens.
 O qui cælo fulmina torques,
 Et bellorum flectis habenas
 Sanci tandem fœdera amica.
 Et da finem, metamque malis.

ANDROMACHA.

Cupido vitæ, tuque sol pulcherrime
 Qui lumen hoc nobis fruendum commodas,
 Quam blanda amoris illecebra sensibus
 Illaberis nostris, & avidos detines?
 Vt mole quamlibet malorum asperissima
 Premamur,

Premamur, & ferendo vix simus pares,
 Tamen tueri p̄vices quærimus,
 Hoc corporis quasi carcere in teterimo
 Animam misellam, ingratisque vivimus.
 Vel mi quis usus lucis hoc dono frui?
 Quæ nulla sum, quæ sum umbra, & umbræ somnium
 Interque vivos functa pæne obambulo.
 Nam cassa coniunx, morte deiecto viro,
 Non illa viva sed perinde est mortua.
 Tamen reluctor funeri concedere
 Pacemque apisci, mortē finitīs malis,
 Dulcissime Hector, nam tibi fortissimi
 Nomen vel omnes affatim dant cæteri.
 Tu mel meum, meus fuisti tu lepor.
 Quando cruentum auro redemptum supplice,
 Te genitor infelix reportabat domum,
 Atque in sepulchri collocabat limine,
 Cur non cruenta victima ad rogam tuum
 Vna occidi, huncque spiritum pectus dedi?
 Vel mortuales inter, æternum tibi
 Coniuncta, tecum uno beata funere.
 Testor fidele pectus, & dextram tuam,
 Mihi benigne cognitam, hosti fortiter.
 Optasse, nec vitasse me hanc fati vicem.
 Quin usque suspirare pulverem ad tuum.
 Sed me pusilla, vagiens nati tui
 Detinuit ætas, editi satū tuo.
 Orbis parentum, ne misellus debita
 Alimonix careret ope, sanguis tuus,
 Olimque servaretur ad necis tuæ
 Justam ultionem, vel manu eductus mea.
 Vt cunque matrum cura mollior eluit.
 Neque educare est nata fortes spiritus.

Bb

Defer-

Desertus omni parte ne tamen foret,
Operamque saltem nostram haberet anxiam,
Habere quando non licuit aptam tuam
Manum magistram, subque te florescere.

ASTIANA X.

Vai, vai, vai, vai, vai.

NUTRIX.

Puppe meus, puppulle meus, mi
Blandule puppe
Mi Astianaſtule, mi mellite,
Mi dulciſſime, mi pulchellule,
La, la, la, la, la, la,
Vnde tibi ſendi iſta libido?
Num te facies terruit aliqua?
La, la, la, la, la, la,

AST. Vai, vai, vai, vai,

NVT. En tibi mammam.

En ſolatia,
En mella tua,
Siſte lachrimulam
Preme vagitulum,

AST. Vai, vai, vai, vai,

Num te lumine lævo, lævus
Oculus ferit? qualia multa,
Puſos miſto in populo inſeſtant.
Siſte lacrymulam
Preme vagitulum.

La, la, la, la, la, la,
Mi Aſtianaſtule, mi mellite,
Non te puſus lætior alter,

Non

Non lachrymarum parciore alter.

Vnde hæc flendi tanta libido?

Etiam hoc uber delicias tuas

Aversaris? La, la, la, la, la, la,

AST. Vai, vai, vai, vai,

AND. Huc huc illum mihi, promptius fletum premer.

Ades, meus, meus tu, ades, da mihi osculum,

Da mihi ulnulas, appinge te ad me pressius.

Fili, meæ ærumnæ unicum solacium,

Ob quem misera vivo, nec alias viverem.

Dicamne te sentire, in hac ætacula?

Quæ damna nos circumtonent, quibus malis

Premamur, orbitatis extremo in gradu?

Qu li viro ego, quali parente tu heu miser,

In limine ipso infantiæ deiectus es.

Ideone fletum tollere amas? iam quasi

Iram Deorum, & damna nostra intelligens,

Omitte nunc sensum mali, carere quo

Potes, vel ævi propter ignorantias.

Molestiarum olim satis superque erit

Exhauriendum, quando te anni proferent

Cædis paternæ vindicem, cladem hostium

Columen, iubarque nunc ruentis patriæ.

An ista spes est lactea? ut lactis modo

Tu particeps, ceu prima flores herbula

Maturitatis fruge debita procul.

Ince-ta veluti cuncta sunt mortalium,

Nec in futurum sponsionis est fides

Condicta fati hac & hac labentibus

Ancipite, præsertim duelli in area.

Quam magna vortens, sævus exercet Deus.

Modo his, modo illis, annuens victorias.

Qui nunc nefanda strage nos pectus ruit,

Bb 2

Voluit

Voluitque cladis ad supremæ terminos.
 Nam ni sinistra mens disertim me monet,
 Non est labor, quin Troia funditus cadat,
 Nosque ensis hosticus hauriat promiscue.
 O fili, ego haud me verterim meam vicem.
 Quin mortis expetam potiri munera.
 Libensque linguam lucis hoc blandum iubar.
 Seu sponte, sive sit cadendum vi improba.
 Tibi misello, cheu, tibi metuo nimis.
 Ne te procella belli, adhuc vitæ inscium
 Honore vitæ privet, & sternat nece.
 Verum ferenda fors vel ipsi infantulo est
 Suprema Divûm, quam iubet necessitas.

NVT. Regina, cui fatale vulnus accidit.
 Mentemque stravit insueta calamitas,
 Non miror esse corde prorsus saucio,
 Nullasque spes deinde posse admittere
 Secundiores, quin miser sit perpetim.
 Mœror metum parit, metus nec consilii
 Compos, nec ullius bonæ artifex rei est.
 Mirum neque est, tantis malis te obnoxiam,
 Animo iacere, nec dare ærumnæ modum.
 Nam coniugis tanti carens, quid postmodo
 Speres, vel optes, non reperias protinus.
 Damnae privatis sed infortuniis
 Totam salutem publicam non congruum est.
 Fortes viros pro Patria cadere, novum
 Non est, nec aliter iste ludus luditur.
 Gnavissimum quemque decimari præliis
 Vulgo ferunt. Vxorulas imbellium
 Plorare non solere, vulgo iridem ferunt.
 Aiò esse iacturam vel usque maximam
 Decedit urbi quando vir primarius.

Rariû-

Rarissimum si quidem boni est istud genus.
 Sed unius non est opus respublica.
 Quæ continetur omnium virtutibus.
 Vtunque sæcla defluunt mortalium,
 Perennat immortalis ipsa iugiter.
 Viroque vir succrescit, & generi genus.
 Et Troia stabit, & hostium victrix cluet.
 Vix esse desperatione peltis tetrior
 Potest, manum quæ proicit præceps nimis.
 Durare nec constante sustinet gradu.
 Non Hectoris sint ista dicta opprobrio.
 Qui solus antistabat omnibus palam.
 Herois, haut mortalis os dium gerens,
 Totamque molem sustinens duelliam,
 Habere fortes insuper Troiam viros,
 Qui nos tuentur, & tuebuntur satis.
 Vel ista, sanguis ut ferunt Mavortius,
 Quæ copiis advenit auxiliaribus
 Subnixæ, non permittit omnem funditus
 Spem deferi, nec ultimo sterni metu.
 Tantis videtur eminens audaciis.
 Pelidem ut ipsum provocare sit potis.
 Servilis, ista quæ loquor, non fortean
 Sunt iudicij, qualem me ego esse sentio,
 Verum hæc habet felicitas heroicas
 Domos, liceat ut sapere in illis cuilibet.
 Nec humile quicquam musitant vel servuli.
 AND. Solatiis, aut suasionibus, etiam
 Ratione nimis non rata, aurem pandere
 Quisquis negat, præsertim in adverso statu
 Fortunæ, eum hominem ego esse plane haud di-
 Tam pertinax lubido blanditur spei (xerim,
 Quæ morte in ipsa dicitur non linquere.

Neque

Neque sermo mi tuus odio, vel tædio est.
 Mihiq̃ue partes hoc loco mendacii
 Assumpserim potius, tibi concesserim
 Vel veritatis vel boni vaticinii.
 Eventus hoc tantum annuat benignior.
 Ac cætera in dictis tuis non improbo,
 Assentiorque sæpe fieri humanitus,
 Istamque lampada ab his, ad alios currere,
 Troiamque non prorsus carere fortibus
 Viris, vel exopto, vel agnosco libens,
 Quanquàm Hectoris mei careat acri manu.
 Verum istius viraginis, quam prædicas,
 Quæ se cohorte cum puellarum huc tulit,
 Subsidia tanti non facio, ut illis putem
 Troiamve servari, aut Achivos repprimi
 Posse, ut libet iactantiis superbiat,
 Reique bellicæ scientem se efferat.
 Quin contigit mihi illius vanam vicem
 Vel condolere, vel prope miserescere.
 Ad mensam heri dum regiam vino calens
 Modo hosticis ignes minatur navibus,
 Exerciti modo totius stragem & fugam,
 Ipsumque domitum hasta, cruentum Achillea
 Loris trahendum tota circum Pergama.
 Tunc mi Hector ante oculos meos, sed lachrimæ
 Jam me obruunt, ille Hector, ille patriæ
 Murusque columenque ille fulmen hostium,
 Quantum vigebar corde, quantus viribus,
 Tamen momordit terram Achillea manu.
 Fabarque mecum. quos misella spiritus
 Gestas, quibus turgescis animis inscia?
 Tun' contra Achillem stare? tun' vultum illius,
 Orbesque sustinere luminum igneos.
 Rugamque frontis inquinatam cædibus,

Hæstæve

Hastæve declinare sis potis impetum?
 Jam te, misella, iam tuor, mollem velut
 Celsis columbam præditam volatibus.
 Quam mox aperto consequutus æthere,
 Acceptor acer, tollit insultu fero,
 Rostroque frangit, unguibusque eviscerat.
 Tantum misella te video, quantum modo
 Video. ubi portæ limen extro cesseris,
 Non iam tui videndi erit post copia.
 Sed fœminarum gens sumus, more hoc moro.
 Speramus antistare virtutem virum.
 Nostrasque longe tollimus solertias.
 Domestica hoc in re, hoc reprecandas cæteris
 Negotiis, neque sat foris quiescimus.
 Plane inquietum fœminæ sumus malum.

NVT. Subsiste paulum, Æthram video recta gradum
 Huc ferre; non frustra est; citum movet pedem.

Æ T H R A.

Regina ab Helena ad te venio. si sit tibi
 Cordi, venusto perfrui spectaculo.
 Quâ præliantes fœmina exercet viros,
 Lateque mistis stragibus pugnam ciet,
 Ne differas adesse turrim ad Dardanam.
 Ibi aula rota, regiæque omnes auras,
 Cum Rege Priamo, desuper visu aucupant
 Fortissimæ viraginis miraculum.

AND. Verone portis ista muliebris phalanx
 Pedem extulit? bellique se in fluctus dedit?

ÆT. Vt gloriari liceat illarum impigro
 Facinore, vel nostri usque sexus gratia.

AND. Solæne? an armis Troicis auxiliæ simul,
 Fuere

Fuerit martis æquor in duellicum?

ÆT. Orabat ipsa, nempe sola cum suis
 Ut laudis hoc referre posset præmium.
 Sed Rex negavit, scilicet discrimini
 Experta nondum cuius esset orbitam,
 Primo pedatu protinus, ne se suo
 Periculo præceps nimis permitteret:
 Idcirco nostri exerciti pars maxima
 Vna ivit, ivere & duces primarii.
 Verum ipsa præ cunctis, qua equo lætissimo,
 Insignibus qua armis, palam longe eminet,
 Non virginis, sed fulguris faciem gerens,
 Quod Juppiter de nube spargit ignea
 Venti furentis nuntium, aut pluvii ætheris.
 At tu vel oculis debeas multum tuis.
 Eimodi si te expleas spectaculo.

AND. Non est modo operæ; funerum sat vidimus,
 Quando Hector heu meus, vigeat viribus.
 Nunc fletuum potius mihi tempus datum
 Divumque ad aras supplicem procumbere.
 Condicta quin hæc est dies per pluribus
 Nobis. Minervæ numen ut voti reæ
 Mactemus eccellente pepli munere
 Jamiamque læta pompa virginum venit,
 Donum gerentum, & sonantum cantibus
 Quarum choro me par quoque est adiungere.
 Helenæ salutem ex me, atque amicam gratiam.

COETUS

POEMINARUM PEPLUM FERENTIUM.

Hanc tibi Virgineis manibus, Tritonia Virgo;

Contextam pallam, splendida dona tua,
Præferimus, pedibusque tuis veneranda sacramus.

Supplice cum voto, supplice cum titulo,
Clara Gigantæ referentem signa triumphii.

Cum tua dextra altum straverat Enceladum,
Sideribus medijs iam iam caput insertantem.

Et pugno cæli percutientem adita.

Te nos armorum dominam, te bellipotentem

Dicimus, inque tua fidimus usque manu.

Sis felix, urbique tuæ succurre ruenti,

Et nos rite tuo contege præsidio.

Ille vel propter quonquam florentis honorem:

Cui tu divini munera Palladii

Sedibus æthereis misisti, & condere gentem

Nomine mandasti de proprio Iliacam.

Hicque tibi poni voluisti amplissima templa,

Vt tuus hic sedem semper haberet honos.

Suffice nunc, animosque tuos, dextramque potentem.

Sisque favens virgo: virgineis opibus.

Atque hanc, quæ duri ruit in certamina Martis,

Cumque viris audet conferuisse manum,

Assere. fac illam victoria læta reportet,

Hostili multo sanguine conspicuam,

Hæcoreæ ultricem cladis. da sævus Achilles

Ex eius loris pendeat, atque rotis.

At nos pulchra salus, & pacis mitior aura

Muniat, & tristi servet ab exitio.

Sic tibi perpetuis surgat nova gloria sæclis.

Sic tuus in nostra laude perennet honos.

Cc

NUN-

N U N T I U S.

Priamum, vel Æneam, vel ipsum Antenorem
Vbi sim reperturus doceri pervelim.
Negotii adeo urgentis est necessitas.

CH. Quid est, quod apportas novi, fare otius.

NVN. Moramini, vos scire primas non opust.

CH. Verbo tamen, quo sit loco res expedi.

NVN. Bono loco, nostra in manu est victoria.

CH. O sancta Pallas, adiuva nos supplices.

NVN. Fac missa verba, hoc quod rogo mone si potes.

CH. Hac nuper Æneam meantem vidimus.

NVN. Inermem an armatum & paratum prælio?

CH. Pro more nempe obire stationes puto.

NVN. Hac flexit? ane illac? ut accelerem assequi.

CH. Ellum haut procul abest, atque vertit hac gradum.

Æ N E A S.

Quis est requirens hic meam præsentiam?

Num in acie aliquid anceps repentinum accidit?

Multa evenire qualia hoc ludo assolent?

Is tu es? loquere; venisne pugnae ex turbine?

NVN. Ipsissimis densissimisque ex cædibus.

ÆN. Fugæ potitus, & neci te subtrahens?

NVN. Hæc probra desertoribus sint congrua.

ÆN. Quæ causa te ergo, huc ut venires perpulit?

NVN. Feliciter gestæ rei essem ut nuntius.

ÆN. Vt tempus est, vix prælium acceptum autumo.

NVN. Quin tota profligata iam res est prope.

ÆN. Multa inchoantur faustiter, fini occidunt.

NVN. Promiscuam fugam hostium iam vidimus.

ÆN. Quid si hostis ad casses doli simulat fugam?

NVN. Multo coactus sanguine, eiectus loco est.

ÆN. Sic.

ÆN. Stetne structa acie atque in ordinibus fuit?

NVN. Nil tale metuentes, tumultu oppressimus.

ÆN. Subitariam, haut statariam pugnam refers.

NVN. Ex impetu fortuna nostra omnis stetit.

ÆN. Quod impetu surgit, novo impetu ruit.

NVN. Durum est redintegrare versum poplitum.

ÆN. Forte in vagum vulgus datus fuit impetus?

NVN. Infesta conferre arma vulgus non solet.

ÆN. Exercitum fixa multa comitari assolet.

NVN. Fugam calorum forte tu istam cogitas?

ÆN. Subita procella non rapit fortes viros.

NVN. Multi cruoris & laboris res fuit.

ÆN. Cæcus furor belli est. videt quæ non videt.

NVN. Rem si audies, usum manu & oculo asseres.

ÆN. Nostine Graia quempiam ex primoribus?

NVN. Et nomina, & vultus, representem omnium.

ÆN. Tumultu in isto cognitus quisquam tibi est?

NVN. Ferrum vibrabat Merion iuxta hoc latus

ÆN. Potes secundum nominare aut tertium?

NVN. Tytiden & Idomeneam vidi propalam.

ÆN. Istine cum aliis terga verterunt simul?

NVN. Promiscuos videre non memini in fuga.

ÆN. Visusne Achilles indidem aut Ajax tibi?

NVN. Hac non fuere, qua fui; nescio alibi.

ÆN. Non contigissent talia his presentibus.

NVN. Quid si Deorum quispiam nos sublevar?

ÆN. Opes Deorum nostra duntaxat salust.

NVN. Verum admovenda est cum Diis manus quoque.

ÆN. Hoc agimus, utinam non profundamus operam.

NVN. Sed tam celer quam decucurri huc gratia,

Et me tuis offerre quæsi aures,

Si te volente proloqui liceat, loquar.

Veniam ad te deprecatus impudentiæ,

Cc 2

Quod

Quod imperatorem monere miles haut
Dubitem, tuæque obganniam sapientiæ.

ÆN. Præfationes amputa, fare numero.

NVN. Qui rebus auxilia ministrant perditis,
Fessisque succurrunt recentata manu
Passim omnium mortalium sit moribus.
At prosperas res, sponte securus tui,
Fortunæ in ipso cursu & in portus vado,
Dum disfluunt, & cautiones negligunt,
Plerumque videas intimo elapsas sinu.
Nam læta & impotens sui felicitas
Facile remittit cordis acrimoniam
Spatiumque dat rursus relabendi ad malum.
Victoriæque ipsæ, cruore plurimo
Partæ, modo intermissione paucula
Aut horulæ brevissimo respiro,
Mox in ruinam sunt volutæ præpetem.
Vt non minus sint fulciendi orsus boni.
Quam quando tristis obruit necessitas
Quocirca, & hanc vicem, ut ut hæc fuga hostium
Evenit, & spes se extulit victoriæ,
Vestigio premendam, & urgendam ilicer,
Novisque subsidiis fovendam censeam,
Nullamque dandam copiam ullius moræ.
Adeoquæ tu ipse cum tuis legionibus
Illuc ut evoles diserte optaverim.

ÆN. Recte mones. persæpe damnum hoc præbitum est
Victoriis, partæ modo, ut partæ haut forent.
Dum persequendi atrox labor remittitur.
Neque hoc loci plane alia mea sententia
Fuerit, si ita est ut prædicas, fugam hostium
Factam, usque & usque ut opprimantur viribus
Novis, nec habeant copiam interspirii.

Sed

Sed non meum est statuere de hoc negotio.
Regem te adire opust, eique exponere,
Quicquid statuet, ad iussu nos præsto sumus.

S T R O P H.

CH. Fœcunda rumorum creatrix,
Pollens præpete penna,
Insignis linguis centum
Publica fama,
Verumne nuntium per ora totius
Troiz excitasti?
Fusas, fugatas, ultima
Strage, hostium catervas?
Pausamque bello funditus inditam.
Quod nos decennali fatigabat metu.
An mens anxia credulam
Plus fatis se præbet ad id, quod optat.
Sermonibusque gaudium vanis fovet.

A N T I S T R O P H.

Imago mi mentem retentat.
Si quis lumine læsus,
Obscuretur palpebra
Sole carente,
Longumque tædium in tenebris horridis,
Omnis salutis
Evanida spe devoret.
Si forte vel Deorum
Benignitate, aut opera manus
Medentis, asperet iubar faustum poli.
Quânquam non solida face,
Et mali parte haut minima relicta,
Lætum tamen se se gerit vel hoc bono.

E P O D.

E P O D.

Rumoris huius, particulas itidem
 Aliquas, utinam liceat legere,
 Fruar vel ipso dimidio libens.
 Cæno tenaci efferre protinus pedem.
 Fortuna nulla, nulla fata permittunt,
 Primis principiis premenda damna.
 Postquam furorem in curriculum acrius
 Miseris, nullas sonipes habenas,
 Non currus aurigam audit.

C O E T U S

FÆMINARUM CUM PEPLO REDEUNTIIUM.

D E I D A M I A .

Paulum moremur, nec relinquamus chorum.
 Est quod monere, quod dare in medium velim.
 Consistite, & parumper inhibete hic gradum
 Auresque mi præbere, dum quædam eloquor.
 Qui se Deorum ad præsidia conferre amant,
 Totasque spes pietatis in sinu locant,
 Eos sapere, partesque persequi optimas
 Existimo. nam cum Deorum maxima
 Pollentia, & potentia, & præstantia
 Sit, opumque thesauros manu omnes in sua
 Teneantque, possideantque propitios sibi
 Qui illos habent, habere ab illis omnia
 Credo, neque ullum maius autumo bonum.
 Odisse tamen ipsos Deos ignaviam,
 Et quos amant, beare per solertias,
 Gnavisque desudare velle laboribus.

Constans

Constans opinio est. in hoc quin vertitur
 Virtutis omnis ratio, qua nemo sine
 Beatus aut felix satis censendus est.
 Idcirco nostra præ viris iniquior
 Sors æstimatur, quæ veluti ad ignaviam
 Damnatæ, & inclusæ pudendum in carcerem,
 Servare limen, & domi senescere
 Necesse habemus. dum viri & Respublicas
 Late gubernent, & gerant bella incluta,
 Et glorias quærant, opesque splendidas.
 Quasi vero nobis, vel manus planas quoque
 Vel brachium, vel oculos, vel humerum
 Vel cordis acrimoniam & solertias,
 Vel quicquid illis suppetit, negaverit
 Natura, & hisdem muniis percommode
 Sufficere possimus, quibus viri eminent.
 Ineptiores forte an Mavortis ad
 Negotium putemur, idque ob virium
 Imbelliam roburque non firmum satis.
 Verum hæc quoque ærumna atque contumelia,
 Eidem latebræ, desides qua includimur
 Est imputanda. quid? viri omnes scilicet
 Ad bella sunt aptissimi & fortissimi?
 Minore in ævo, ut quisque se se exerceat
 Ita gnavus, aut imbellis ætatem terit.
 Nam robur est quoque minus asuetudinis.
 Neque dubium est, si exerceamur nos quoque
 Ad fortitudinem, fore haut lentissimas.
 Vel hæc Amazon, specimen istius rei
 Præbet satis; quæ, more quia gentis suæ
 Est instituta; pensa non producere.
 Non assidere fuso, & ignavæ colu,
 Vibrare sed securim, & arcus tendere,

Ferocis

Ferocis aut versare fræna sonipedis,
 Nunc vel ducis primarii implet munia;
 Vel militis fortissimi: tamque strenue
 Adversum Achivos dura in acie rem gerit.
 Ut finierit omne iam bellum prope.

Totam per urbem vera si rumor canit.
 Sermonem eum, qua causa apud vos fecerim
 Nunc expedibo. Quid si ad exemplum illius
 Sumamus animos, atque corda fortia?

Et scæminæ, sequamur, ipsam scæminam.

Non tam futuræ forte prælii adiuvæ,
 Quam, quod magis reor potituræ simul
 Certissimo victoriæ consortio.

Vel ultionis gratia; quam persequi,
 Lacérare & ipsos mortuos, dulcissimum est.
 Nam quæ doloris non habet causam sui?
 Hæc orba filiis, thorum hæc viduum gemit.
 Vel fratre, vel parente plurimæ carent.

Multæ propinquis nulla non iustum gerit
 Vulnus, gravem in vindictam ut exardescere
 Non debeat. rapiamus arma, quæ offeret
 Præsens furor, moræque non demus locum.
 Occasiones clara facta provehunt.

Res maximæ puncto labascunt temporis.

COE. Placet, placet sententia: utamur foro.

Moram amputemus, vindicemus funera

Charissimorum. suavius nihil fici est

Iustæ ultionis; gestio haurire hostium

Fædum cruorem; imitemur inclytam ducem.

Et gloriam nostri efferamus sæculi.

THEANO.

THEANO.

Quæ istæc malum est infânia? aut ubi est pudor?

Quo ruere pergitis? gradum subsistite.

Locum date potioribus sententiis.

COE. Præclara facinora impedire non licet.

TH. Præclara non sunt, quæ pudorem negligunt.

COE. Telum necessitatis est durissimum.

TH. Necessitatem sæpe confingit furor.

COE. Multam moram facis tuis sapientiis.

TH. Senectæ me vobis monet succurrere.

COE. Tuam senectam semper observavimus

TH. Observat is, qui auscultat, ad mentem redi.

COE. Occasionem perdimus, missa hæc face.

TH. Occasio non omnis est fidei bonæ.

COE. Nimis viam qui quærit, amittit viam.

TH. Quo ruitis amentes? ruinam quæritis.

COE. Igitur doce meliora, quando plus sapis.

TH. Qui vult doceri, oportet esse seria

Mentē atque defecata, & aure libera.

Non impedita suasionibus malis.

Idcirco, non tantum pede, sed animo magis

Consistite, & levate vos respirio.

Te affabor imprimis puella Antimachia.

Et submonebo erroris, in quem te intulit

Fervor iuventæ, vel viæ inscientia,

Imitamen, in qua potestis, vim maximam.

Vertens utramque paginam, vultu pari,

Bonam, malamque, prosperam atque improperam.

Contra malam, persola cautio hæc viget,

Nec improbos, nec impares sectarier.

Ab improbis, maligna vita acceritur,

A disparibus adversa. quæ lædit tamen,

Insignis & præclara licet appareat.

Dd

Nam

Venusta naturæ ruat concinnitas.
 Multisne agam: deses domi vir si hæreat,
 Ignaviæ non effugiet atram notam.
 Si fœmina vagetur foris, nil turpius
 Devotiores nos sumus; frequentius
 Delubra Divum ideo solemus visere.
 Prout modo ad pulvinar almæ Palladis
 Accessimus: mutemus obsecro ordinem.
 Ad templa confluant viri; noster chorus
 Descendat in Mavortis aream truncem;
 Absurditatem præter & turpes vices,
 Periculum hinc utrisque cladesque ultima,
 Crèetur. hanc si quis Scytham viraginem
 Prætendat, & miretur; arbitrio meo,
 Ista studia, neque huic convenire iudico.
 Vtcunque more Patrio est exercita,
 Producit ut natura monstra; verum ea
 Perrara, scævique habita semper ominis,
 Res pariter est monstrosa, miles fœmina.
 Communibus vita est peragrandæ orbitis,
 Naturaque insequenda dux certissima.
 Artisque fastitandus asuetæ modus.
 Lausque aucupanda de labore congruo.
 Vtcunque bellatrix superbit maxima,
 Tamen vel illa sospes utinam se efferat
 Loco ex tam atroci, in quo virorum fortium,
 Ducumque summorum iacent tot funera.
 Næ vos misellæ non perieritis male
 Muscæ velut, pessumdate pogoneo.
 Dextella quarum vix aciculam sustinet.
 Nedum vibraret pondus, hastæ aut spiculi.
 Cedamus in domos, coloque strenuam
 Manum applicemus, fœminas frugi ut decet.

Dd 2

Viris

Viris & arma, & ultiones & graves
 Iras relinquamus, secundum Divûm opem.

MONOSTROPHICA.

CH. Sermone in sapientum
 Audivi memorari
 Nil tranquillius esse
 Magno mari; insolentia
 Ventorum nisi perturbetur.
 Væsaniamque fluctuum
 Concipiat, miseris discrimina nautis,
 Urbibus in magnis populorum
 Persimile ingenium esse.
 Blanda ut pace fruantur,
 Pacati, lentumque quiescant.
 Seditiosæ animæ author
 Donec insurgat, gravidam tumultu
 Trahens procellam, & bene compositos
 Miscens fluctibus asperis.
 Tunc videas ignobile vulgus
 Cætus cogere, concurrere,
 Frænum excutere, poscere tela,
 Non patriæ, aut legum meminisse,
 Ruere in perniciem, certamque ruinam.
 At si furentibus, obviam se se offerat
 Magna viri facies, quem
 Splendor & vitæ gravitasque morum,
 Et meritis illustria facta,
 Commendent; mox limphatos
 Multiat fando, rabiemque demat.
 Stent arrecti, ponantque iras.
 Et pristinae quieti

Dedant

Dedant se se
 Vnicus vir, corde pollens,
 Urbibus totis salutem
 Impertit; hunc si fata demant,
 Jactura maior vix potest recenferi.

MILES SAUCIUS

Me miserum, ach, ach, o miserum me,
 Quod vitæ generi huic me addixi,
 Militiamque sequi potius, quam
 Tranquillum ævum elegi ducere.

O gloriola,
 O vitæ aucupium vanissimum,
 Fraude tua hæc in retia veni.
 Nunc miser ex te hæc præmia capio.
 Vulnera, sævum, artumque cruorem.
 Quin vicinum funus præsto est.
 Me miserum, ach, ach, o miserum me.

CH. Quid hoc rei est? de prælio hoc vulnus refers?

MIL. Non de popina, non fori de circulo.

CH. Hæc sunt virorum condimenta fortium,
 Imbellium haut Mavors moratur sanguinem.

MIL. Me miserum, ach, ach, o miserum me.

O bellum, o pernities maxima.
 Quisquis te prior humanum in genus
 Introduxit, næ ille leonum
 Cor gessit, vel dirius etiam.
 Orci tu thesaurus per te.
 Mors messem facit innumerabilem,
 Nunc florem ætatis miseræ meæ
 Detruncasti. pereo, pereo,
 Jam deficio, iam deficio

Tenebræ

Tenebræ involvunt oculos, o sol
 Non te iam video, solvuntur
 Frigentque artus, cado iam cado.
CH. Decessit; hastæ vulnus hoc est per femur.
 Ecce alterum venire saucium, & alterum.

MILES alter SAUCIUS.

O vulnus dum te respicio
 Fatalemque horam mihi adesse
 Jamiam video, non hoc moveor,
 Quod migrandum e vita est iam tum
 Primum, cuncti militiæ nomen
 Consecrabam, pro stipendj
 Pretio, deponebam vitam.
 Inque aciem, non alia mente
 Descendebam, quam ut redeundum
 Non sperarem. quippe ubi ferro
 Res agitur, ferri expectanda est
 Lex & vis, vitam qui alienam
 Appetit ibidem destituat suam.
 Legibus itaque belli pareo
 Æquo animo, & vim fati amplector,
 Quanquam decimus est hic annus,
 Ex quo saxum hoc volvo illæsus.
 Fecit hoc vel Divûm alma benignitas,
 Vel virtus & dexteritas ducum,
 Quorum ductu, atque auspiciis, pedem
 Semper sospes retuli ex omni
 Discrimine. nunc sub Duce nihili
 Interitu communi, veluti
 Fluctu haustus sum, & pereo inglorius.
 O fœmina, quæ te pestis dira

Attulit

Attulit in nostras regiones.

Tua superbia, tua stultitia,
Clade suprema, nos oppressit.

CH. Mi miles indolem tuam fortissimam
Admiror. at miseresco fortunam simul.
Stragemne nostri nuncias exercitus?

MIL. Vt me vides, de cæteris sic iudica.

Ostentatio & ambitio duæ
Humani generis funestæ
Clades, quam sædare ruinis
Gravibus vitam omnem soleatis.

Tum præcipue inter belli ardua
Stragem exercetis, si quando
Dux stolidus se imperio ingessit.

Insuetusque manu trepidante
Prendit habenas.

O Diva, o fulgenti pollens
Ægide delubri huius Præses,
Inclyta Pallas, numen mihi ut in
Vita, sic in morte colendum.

Miseram hanc animam leni passu
Permitte ægros deferere artus,
Et tranquilla in sede reponere.

At vos amicæ, cura si qua vos tenet
Labentis in mortem, & trahentis ultimum
Anhelitum, deducite hinc me aliquo in locum
Solum; vel ad viciniam fani istius.

Ne spiritum sævo æstuantem vulnere
Efflem ante vestra lumina, & spectaculo
Tetro, cruoris insuetas inquinem.

Amabo, prende dexteram, & dum adhuc datur
Movere vivum poplitem, hinc me submove.

CH. Imo

- CH. Imo ad medentis te manum deducimus.
 MIL. Spes nulla; tanta vulnere vis opprimit,
 Jam iam auferor, duc quæso, subduc otius.
 CH. Ire, hinc & hinc, utrumque subtus brachium
 Manum indite, & qua iusserit deducite.
 Pium laborem sumere, addecet pias.

TERTIUS MILES SAUCIUS.

Juppiter, aut tu, qui bella regis
 Omnia vertens, maxime Mavors.
 Vtcunque mihi, vulnere acerbo
 Vita eripitur; tamen hoc nomine
 Justas vobis grates reddo.
 Quod me hæc intra mœnia vivam
 Et spirantem, concessistis
 Inferre pedem; ne coruis &
 Canibus fierem turpe obsonium.
 Neve carerem sorte sepulchri.
 O Patria, o longe dulcissimum
 Natale solum, suscipe inane
 Hocce cadaver, suscipe vilem
 Corporis umbram; quando animis &
 Sospite dextra, salvam & sospitem
 Te præstare negatum est; non hoc
 Miseret, quod pereor; hoc mage miseret
 Quod coram video interitum tuum.
 Et ruo, te iam iamque ruente,
 Nec iustitiæ me solatur,
 Oculus; quin morte ipsa, mortis
 Causa asperior trepidum concutit.
 Nam sceleri alieno vitam nos
 Impendisse ecquis non iudicat?

Ni Patriæ

Ni Patriæ erroribus involvi,
 Et commune malum, omnibus æque
 Impingi, iubet arcta necessitas.
 O Priame, o quondam, non solum
 Magnorum Regum ast hominum omnium
 Felicissime, dum te ætatis
 Vigor, & consilij alta potestas
 Florentem, immotumque fovebat.
 Omnes læta pace tegebas,
 Nec tempestas ulla gubernâs
 Læva tuis incurrere amabat.
 At postquam anni deteriores,
 Mollius & te concurvavit
 Senium, concessisti imperium in
 Muliebri, & Juvenum natorum
 Proiecit vassania frænum.
 Hinc flamma irrequieta malorum
 Profiluit, teque & nos hausit
 Exitio, extremaque ruina.
 O Domus, utinam te pede firmo
 Tangam, & vitæ reliquias tuo
 Dulci in gremio fessus ponam.

- CH. Permiserisne? si tibi supponimus
 Manum, atque limen ad tuum deducimus!
 MIL. Si feceris, beneficium summum mihi
 Præstiteris; ach cruore te sædo effluens.

STROPH. I.

- CH. Quisquis humanum genus ad colenda
 Jura mutui confortii
 Deduxit; atque nexibus
 Adstrinxit vitæ socialis,

Ee

Vt domos,

Vt domos, ut urbium
 Ponerent fundamina,
 Moribusque & legibus
 Obnoxiiis sacratis
 Cum choro virtutum venerabile ævum
 Degerent, pacis simul atque belli
 Constitutis munimentis.

ANTISTROPH. I.

Næ ille Divini precium laboris
 Sæcla per mortalium vagâ
 Vulgavit. an tantum hoc decus
 Est acceptum Jure ferendum
 Orbis ipsi condito-
 -ri? manu qui præpoten-
 -ti, propages viventium
 Quum proderet, cohortes
 Cæteras brutorum animantium ad unum
 Nempe vescendi officium vocavit.
 Atque humo preffit supinas.

STROPH. II.

Ventrem ut parentem agnoscerent
 Tantum; & vivere privo
 Ævo, usque quaque possent.
 Ast hominum sobolem altiore
 Edidit partu, rationis almæ
 Compotem, ad cæli supremas
 Sedes usque animo penetrantem;
 Oris honore, aptaque loquela
 Ornatam; ut genitoris

Laudem

Laudem sui; lætissimo
 Munere linguæ concelebraret.
 Cœtibusque congruis
 Inter se se agitaret
 Vitam beatitudinis
 Virtutumque capacem.

ANTISTROPH. II.

Necessitatis insuper
 Telum ex corpore nudo
 Infixit, ut iuvamen
 Alter ab alterius labore
 Quærerent, atque inde operæ ac amoris
 Induerent artissima vincla.
 Artes omnigenæ hinc caput extu-
 -lère; hinc omnibus oris
 Sudatur & decurritur.
 Omniaque in medium cumulantur
 Non greges citos rapit
 Formicarum adeo ardens
 Cupido; acervos dum congerunt
 Æstatem per amœnam

E P O D.

Farris opimi: ut curæ innumeræ
 Deproperant hominum satagentum;
 Ast non omnibus aurum
 Conferre fulgens, aut nitorem gemmarum
 Conceditur, vilissima
 Rerum, etiam veniunt in usum.
 Non tamen ullius præstantis pondera gazæ
 Antestant preciiis

E e 2

Prodigam

Prodigam virtutem animæ; quietem
 Dum Patriæ, dum templa Deorum,
 Fessos dum amicos, eripit
 Hostium ex charibdi.
 O mihi militiæ nomen sanctissimum, & o tu
 Semper Juventus inclyta
 Quæ nec morte fugis nostram munire salutem.
 Dii tibi propitii sint
 Et his, & olim oris beatioribus.

ÆN. En quo relapsa est tam repens victoria?
 Mussanda sed sunt Principum deliria
 Vtunque damnis perfoluta atrocibus.
 At nunc, quod instat, ne hauriamur ultimo
 Periculo, ite quo suum quemque evocat
 Munus, volate in mœnium pinnacula,
 Volate propugnacula in alta turrium,
 Sint expeditæ machinæ, sint undique
 Intenta tela, militum fueri globi
 Portasque & arcem sepiant custodiis,
 Fremat tumultus omnibus vicis palam
 Ad arma, ad arma conclametur, horrens tympanum
 Tubæque tristes, dent sonorem turbidum.
 Ne improvidos hostilis impetus obruat.

NVN. Orci tenebras & specum infernalium
 Advenio linquens, ultima tantum abfui
 A mortis orbita, ut perisse crederem.
 Hoc profuit, quod cladis esse nuntium
 Volvere Atridæ, eaque gratia mihi
 Cessere vitam; posteaquam cæteros
 Omnes neci obtrudere, quosunque in manus
 Venire vivos contigit Marte ex fero.
 Adeo cruentas victimas promiscue
 Jussu videbam publico mactarier.

Me præter

Me præter unum, sorte semotum ancepe.
Sed obviam eccum habeo ducem optimum
Æneam, ei effabor malorum hunc turbinem;
Quo perperam est strages patrata exerciti.

ÆN. Quid est? quid adfers? fare, nil sponte occule.

NVN. Elinguis utinam istam vicem & mutus forem

ÆN. Malis ferendis iam ægra mens occaluit
Non est, quod auri postules te parcere.

NVN. Vis magna tam triste imposuit onus mihi,
Vita redemptum nuntium vobis fero.

ÆN. Hoc iam liquet, victoriam esse hostem penes,
Nostros potiros cladis, & turpis fugæ.

NVN. Clades fere omnes abstulit, paucos fuga.

ÆN. Occidionis sæva damna prædicas.

NVN. Sic res habet, tam arcta incidimus in retia.

ÆN. Infessor an vos miles oppressit dolo?

NVN. Nullæ extitere insidiæ, aperta vis fuit.

ÆN. Acie confictum est, & instructa manu?

NVN. Acie, nec acie, cæca mens nos perdidit.

Et verius vis insolens, quam prælium.

Artisque militaris inscientia.

ÆN. Num Scytica disciplina non satis cata est?

NVN. Feræ impotentes præliantur cautius.

ÆN. Armatus hostis copiam pugnae dedit?

NVN. Vagum atque palantem per arva invasimus.

ÆN. Bellum futurum nescientem scilicet.

NVN. Nec cogitantem, nec paratum ullo modo.

Plerique tuti obambulabant, plurimi

Spolia legebant, aut rogis ardentibus

Tumulisque mandabant suorum corpora,

Vulgusque passim errabat; ut fieri solet

Victoria parata, & patratis cædibus.

Quum nostra Dux, non arte belli, aut ordine,
Non

Non more structis congruo legionibus,
 Signisve prolatis, tubisve canentibus.
 Clamore sed duntaxat, & voce horrida,
 In barbarum furens modum, præfulgidam
 Vibrans securim, cum suis prima evolat,
 Turbamque late penetrat inpromiscuam.
 Imbellia & vaga in pecua ceu trux lea,
 Necibusque cædibusque miscet omnia.
 Totisque campis fundit atrum sanguinem.
 Nos consequimur, atque irruimus. una illicet
 Cuncti; ordinibus itidem, atque lege prælii
 Neglecta, ut effera & voracia agmina
 Sturnorum eunt clamore acuto, pessimam
 Prædam petitum de racemis dulcibus,
 Sternuntur, obtruncantur, ut quisque obuius,
 Cadunt inermes, struibus implentur sola
 Cadaverum, rivis cruor passim ruit,
 Turpem in fugam vertuntur omnes, qua patet
 Latissimus campus, Scamandri ad litora.
 Nos insequi, nec facere cædium modum
 Ad castra donec stragis illatus pavor
 Eruptioque nostra satis apparuit.
 Jamque ardor occidendi ad ipsam fluminis
 Ripam, impetu nos tulerat effusissimo.
 Neque hostium a tergo, neque memores sui.
 Savire Amazon, atque ovare cædibus.
 Nosque incitare pervicam ad ferociam,
 Magis, magisque ardebat, amens uls modum.
 Prodire castris interim Græcanicus
 Exercitus, portisque fundi ex omnibus.
 Et terga nostra perpeti circumdare
 Indagine; neque sensimus claudi prius
 Ferri fagena; quam exitus nullus super
 Relictus,

Relictus, ut minimam fugæ daret viam.
 Vallante frontem vorticoso flumine.
 Duces volare visi, & adstruere aciem,
 Lentoque lunata admove re gradu agmina;
 Ajaxque, Achillesque altaque vis Vlyssæi,
 Geminique Attriðæ, & cætera heroum manus.
 Mox dissipatos segreges, male avios,
 Fessosque anhelosque impetu rapidissimo
 Petunt, trucidant, vulnèrum vi proruunt.
 Ceu aræ nubes, sæta dira grandine,
 Ventique turbinisque perperam potens,
 Segetis adultæ verberat propaginem,
 Totasque aristas in sinum terræ quatit.
 Nec tempus horæ unius amissum exiit,
 Quam internecio nostrum omnium palam edita est.
 Partem fluvius absorpsit in præceps datam.
 Vivi in manus vix venimus paucissimi.
 Itidem fugæ beneficium vix abstulit
 Paucissimos; in castra quotquot sunt tamen
 Rapti, capite dedere pœnam omnes trucem
 Me præter unum; quem ista servavit fides.
 In urbem, ut huius cladis irem nuntius.

ÆN. Quid ipsa Amazon? in potestatem hostium
 Viva est recepta? an cecidit inter cæteras
 Strages? humumque momordit ore frigidò?

NVN. Achillis hastâ occisa, fortem spiritum
 Effudit uno, haud altero, istu saucia.
 Nam ubi undecunque vidit a nostris fugam
 Fieri, & tumultum turbidum increbrescere,
 Graiosque pervulgare cuncta cædibus.
 Stupore paulum, vel pavore constitit
 Incerta; pedibusne etiam, equoque fideret;
 An cordis acrimoniis staret ferox.

Mortem-

Mortemque quæreret media per vulnērā
 Vitamque non inulta in acie amitteret.
 Dum volvit hæc, & anxie secum autumat.
 Jamjam illi Achilles imminebat arduus.
 Succinctus impigerrimo Juvenum globo
 A queis caterva Scythica, vel sædam in fugam
 Disto otius dabatur, aut orci in domos
 Truci premebatur nece, satura vulnērū.
 Ast ipse Pelides feris obtutibus
 Solam occupabat Ponticam Viraginem.
 Quæ milibus totis, suorumque agmine
 Nudata, varios huc & huc orbes, equo
 Spumanti agebat, nec satis stabat loco.
 Quam comminus nactus, oculis ut voceque
 Posset laceffiri, loco sic increpat.
 Heus heus puella Pontica, heus, huc huc ades.
 Cupidus tui iuvenis vocat te, heus huc ades.
 Mayortii teli appetens, non Venerii.
 Hic illa, seu furoris æstro percita,
 Pudoreve externata, equum calcaribus
 Adurget, impetumque plane acerrimum
 Facit in Achillem, tum bipennem ter quater
 Infigit in galeæ moras, ictu irritō,
 In fragmina ut chalibis volaret protinus.
 Tanto arma Achillei valebant robore.
 Perfesta fida olim arte Lemnii senis.
 Missa bipenni, hastilibus manum admovent.
 Ictuque iaculatur prope infestissimo.
 In pectus adversum viri; ictus hic quoque
 Umbone frustratus nihil noxæ tulit.
 Namque illam inescans, tela clypeo scilicet
 Duntaxat eludebat, & dabat moras.
 Rimatus opportuniorem spiculi

Sui

Sui impetum; nec arte sueta falsus est.
 Namque irruens, ipsam in papillam condidit
 Ferrum, per usque cordis intimos sinus.
 Momento ut halitum ultimum flaret, & equo
 Rueret; nec amplius sui compos foret.
 Labentem Achilles, a suis sumi in manus,
 Situque quam decente deponi in solum
 Præcepit, omni parte testa corporis,
 Ne virgineus honor pateret uspian.
 Delapsus ipse equo, & parumper lumina
 Faciemque contemplatus; o Virgo misera
 Quæ te mala, inquit, mens, virorum in prælia
 Coniecit? aptius fuisses inclyta
 Mater familias, & domum auxisses tuam.
 Nec spolia legere, nec arma quenquam tangere
 Sivit iacentis; quin datis custodibus,
 Servare tutam iussit, ornatu integro.
 Flammam in duelli ipse, inque confertissimas
 Strages relapsus, cædibus se immiscuit.
 Nec iam diuturnus supersuit labor.
 Fusi, fugati, occidionem ad ultimam
 Omnes redasti, aut fluminum torrentibus
 Hausti, nefandis conciderant mortibus.
 Magnusque clamor personabat undique
 Feri, feri, occide, occide, cave parcere.
 Nondum diei flexerat merities
 Quum cuncta profligata, strata corporum
 Fædis acervis, plena cladis cerneret.
 Tuba interim receptui cæptum cani.
 Campoque in ipso Principes omnes viros
 Præco advocabat regium in Tentorium.
 Præsto frequentes adfuere: mox datum
 Edictum in omnem exercitum; ne quis caput

Ff

Vivum

Vivum hostis asservaret, aut si acui foret
 Captivus eum regi illico fide bona
 Ut traderet, pauci illico sunt traditi.
 In quibus ego quoque: sorte dein censi sumus;
 Quis iret, atque verba Troiam non bona
 Deferret; ut victoriam Græcos penes
 Stetisse scirent; pacis ut silentium
 Esset perenne; fœderis ne mentio,
 Ne nuntiorum missitatio foret.
 Non postulatio ulla, ne cadaverum
 Sepeliendorum quidem, aut causa pia.
 Venire si quis audeat, caduceo
 Tutum haut fore imo capitale extemplo fore.
 Hæc ferre iusso, præmium vitæ datum est.
 Producta turba alia, capite pœnas luit.
 Nec parvitum cuiquam est, tam atrox persæviit
 Vindicta, iura ut gentium pessum daret:
 Mox aliud edictum editum est; ut militi
 Præda universa cederet; cadavera
 In flumen ut raperentur, esca piscibus.
 Omni sepulchri destituta munere.
 Neque mora, quum nudissimi, turpissimum in
 Modum, trahebantur, tetrosque in vortices
 Præceps dabantur, flumina ut consisterent,
 Meroque spumarent cruenta sanguine.

ÆN. Etiamne Amazon tale supplicium tulit?

NVN. Quin prima tracta a publicis lictoribus,
 Vnaque cum illa cæteræ viragines.

ÆN. Nudæne? an habitus sexui debitus honos?

NVN. Non sat scio; fieri spolia vidi tamen.
 Equumque duci Vlissis a famulitio.

ÆN. Non illa Achilles iure possedit suo?

NVN. Neque id scio, tantummodo ex tentorio

Vidi

Vidi peritatum exeuntem Achillea.
 Vultu feroci flammeis obtutibus.
 Remurmurantem fervidas secum minas.
 Rumor ferebat, iurgio intentissimo
 Egisse, ne crudele quidquam in mortuos
 Decerneretur, neve conscirent nefas.
 Quod iura abhorrent Deum & mortalium.
 Eaque causa, contumelia excitum
 Tersitis, in malam eius impegisse tam
 Pugnum valens, ut dentium illico omnium
 Sputum faceret, atque ante sessimonii
 Ora, exanimis, & vix hians procumberet:
 Quid postea actum, non liquet mi dicere.
 Mox namque iussus ire sum, & rapere viam.
 Nec diffitear ivisse perceleri gradu.
 Nec terga post vertisse flexa lumina.

ÆN. Hac me sequere, regem ut adeas, atque omnia hæc
 Sermonem quam verissimo renunties.

STROPH. I.

CH. Supra querelas, & lachrymas supra
 Omnesque luctuum modos,
 Exarsit hoc incendium.
 Stupore torpesco, nec orbitam spei
 Amplius ullam dispicio, quæ
 Exitum ab interitu supremo
 Præbeat; o Patria, o creatrix
 Dulcissima o sanctissima
 Pergama? struxta manu Deorum,
 Jamiam vos ruere ultimo
 Excidio, iam funditus existir-
 -pari video; nec subsidio
 Vllum amplius locum dari.

Ff 2

Flam-

Flammeus iam vos vortex vorat,
Iam ferrum in vobis dominatur.

ANTIST. I.

Humana quando præsidia omnia
Nisû irritò in cassum ruunt
Seque opprimunt lapsu suo.
Sperare nam Deorum opem, vanissimû est
Iudicii, quum crimine læsam
Mentem habeas, scelerique nullam
Constituas sine fine metam.
Nec corrigi te postules
In media feriente pœna
Felix, qui potuit manum
Nosse Deorum, & vindice flagro
Admonitus, mox ad meliora
Reflexit errantem pedem.
Obstinatus neve obduruit.
Is cœlo contendere palmas

E P O D. I.

Supplices, egens opis potest.
O iustitia, o pacis amicæ
Genitrix veneranda,
Tu sola bellorum gubernas nomina,
Victoriis tu sola cultores tuos
Beas. ruinis
Contra fatigas,
Qui iura conculcant tua.
Tandem illabere mentibus
Regum meorum, ut præsidio tuo,
Auræ pacis gremio reponi
Pietate non vana expectant.

Jesus Christo laus & gratia.

PENTE-

PENTESILEÆ EPITAPHIUM.

Merſa Vndis, Superata Armis, Dum Fœmina Sexum
Contra Contendo, Fœmina Sic Perii.
Stultitiæ Exemplum Muliebris, Quod Monet Omnes,
Metiri Vt Proprio Se Pede Quisque Velit.

IN NUPTIAS

SIMONIS BIRKOWSKI

ET

SOPHIÆ MOZDZARSKÆ.

ZAMOSCI in typographia Academia excudebat Martinus
Lenſcius, Acad. Typogr. Anno Domini M. DC. XIV.

ERgo Bircovius blando conceſſit amori?
Coniugis & ſe ſe contulit in gremium?
Non illum Pæon potuit felicibus herbis
Servare ut liber lætulus eſſet ei,
Non Muſæ. aſt teneræ potuit iucunda puellæ,
Purpureis facies æmula ſola roſis;
Atque ebori, aut niveo facies ſimul æmula lacti,
Poſſeſſum, placito neſtere ſervitio.
Gaudeat ut cupidum nomen captare mariti,
Et ſpernat vacuo ſe cubuiſſe thoro.
Et medium feſta quærat ſe oſtendere pompa.
Pompa, quam lætus conglomeravit Hymen.
Dicamus bona verba; pias iam venit ad aras
Virgo, puellarum concomitata choro,
Et Matrum.

Et Matrum. iustæ sobolis quas optima cura
 Excitat, humanum ne genus intereat,
 Imo perennetur propter connubia sancta.
 Nam nisi se matrum conferat huc opera.
 Fluxa puellarum cessent lentissima vota,
 Aut dilabantur deteriore via.
 Huc ades & tu sponse, tibi iam magna Sacerdos
 Verba præit, iam te ad fortia vincla vocat.
 Qualia nulla dies demat tibi, nulla potestas,
 Hoc mortis fuerit solius arbitrium.
 Parcite, sed mortis, vel solum dicere nomen,
 Hic, ubi formosus gaudia iungit Hymen,
 Vitæ, quin potius longissima tempora vitæ
 Optemus, sunt hæc omnia coniugii.
 Cernitis? ut roseo vultum perfusa pudore,
 Auroræ qualis fax rosea ante nitet.
 Sponsa verecundos terræ demisit ocellos?
 Fallor? an & lachrimis commaduere genæ?
 Non sunt tristitiæ, non sunt hæc signa timoris;
 Lætitiæ ingenium verius indicium,
 Intus quæ tacita se se dulcedine prodit.
 Proditur a flammis ignis ut ipse suis.
 Nec tibi non tremulam concessum est porgere dextram
 Sponse, etiam vestro corde pavor micuit.
 Et frontem pervulgavit sudorque madorque,
 Linguaque non potuit verba diserta loqui.
 Quin hærens, titubansque ægre sua vota recepit.
 Audendum in mediis est quoque læticiis.
 Non ego te trepido dubium quasi pectore damno,
 Nec parvi crimen fingere posco animi.
 Aut iura invitus quia tu divina capeffas.
 Mæstior e cælo spiritus iste venit.

Qui

Qui postquam arrestis se sensibus insinuavit;
 Atque ignis iecit mystica tela sacri.
 Cor salit, attonito trepidant præcordia motu,
 Et tota extra se mens vaga surripitur.
 Paulatim tandem redeunt virtusque vigorque,
 Pectusque atque omnis vena quieta silet.
 Proiice te supplex ante hæc altaria Divûm,
 Esse solent Divi supplicibus faciles.
 Et crede, e cælo rerum pulcherrima dona
 Præberi, e cælo copia manat opum.
 E cælo vitæ splendor portusque fenestæ,
 E cælo optatæ pacis amica quies,
 Et cornu fortunarum gazæque medulla,
 Et procul auditi nominis altus honos,
 Ipsaque amicitia longe sanctissima iura,
 Queis nihil in vita dulcius, aut melius.
 Natorumque olim fructus sobolesque beata,
 Funditur e cælo quicquid ubique boni.
 Atque ipsum tandem cælum, & commercia Divûm,
 Panditur & superum regia tota patens.
 Dicamus bona verba, redit formosus ab aris
 Sponsus, ab hisdem aris Sponsa venusta redit.
 Non illum iam pervulgat sudorque, madorque,
 Non illam lachrimæ, non pudor ambiguus.
 Quin risum meditari, & iam splendescere vultum
 Incipiunt; risu ludere gestit Hymen.
 Ecquid te similis tenuit labor inclyte Sponse?
 Quando alto quis se flumine proiicere,
 Et tranare cupit ripæ ulterioris ad oram.
 Non primo aspectu non trepidare potest,
 Et fluctus exhorrere & tentamina prima,
 Et sensu gelidæ præne rigere novo.

Donec

Donec se tandem tentato audacior alveo
 Intulit, & iacto corpore fregit aquas.
 Tum vero accipiesque metus vanosque pavores
 Deferit, & totâ brachia mole ciet,
 Intentus magnum nando superare laborem.
 Principii tanti est alea iacta prior.
 I quo Te genius duxit tuus, i pede fausto,
 Atque ævi faciles percipe delicias.

Simon Simonides Bendorfski
in Nuptiis Simonis Birkowskî
& Sophia Mozdarska faciebat.

EPITAPHIUM

GASPARIS GELASINI *vulgo* SZMIESZKOWICZ LEOP.
Philos. Doct. & Prof. in Alma Universitate Cracov.
 à SIMONE SIMONIDA CONSCRIPTUM.

O Raculum urbis, iuris Antistes facer,
 Legum sequefter, aureum os eloquentiæ,
 Hic conditur GELASINUS humili ingens humo,
 GELASINUS ille, cui nec ante habuit parem,
 Nec post habebit quantacunque Civitas.

ODE

O D E

In Repotiis Illustrissimorum Conjugum.

THOMAE
DE ZAMOSCIO

PALATINI TERRARUM

KIOVIÆ, KNYSZYNEN. GONIĄDZEN. &c. &c.

CAPITANEI

ET

CATHARINÆ

DUCISSÆ

ALEXANDRI DUCIS de OSTROG

OLIM PALATINI WOLCHYNIÆ &c.

F I L I Æ.

Z A M O S C I

In Typogr: Academiæ excudebat SIMON NIZOLIUS

Anno Domini 1620.

I N A R M A
DOMUS ZAMOSCIANÆ.

*Hæc tria miraris præfixa hastilia ferro,
Capripedisque cupis barbati noscere causam:
Eja age. capripedem, cornu ferit ille, caveto,
Et primumque time Gradivi hastile corruscum,
Nec velit inferior dici Bellona secundo,
Tertia rite sibi deposcit docta Minerva,
Bella ZAMOSCIANÆ, & rerum prudentia maior,
Vestris pro meritis, hæc vobis præmia donant.*

O D E

S T R O P H. I.

PROcede obviam Heroi meo
 Musa velox, canore
 Dulciloquo pectus exercita:
 Non semper clypeos galeasque rigentes;
 Non aquilas, lituosque tristes,
 Non Martem tunica testum adamantina
 Mirata: miremur
 Idalium nemus: Paphiasque sedes,
 Blando carmine canamus.
 Et queis se blanda insinuat
 Cura, pulchra parentum,
 Ut virtus redivivo,
 Palmite natorum,
 Surgat terris sublimior.

A N T I S T R O P H. I I.

Horum laude nunc te vindica,
 Sydus o Musæ amicum.
 Quid fuerit namque sublimius,
 Ad dulces cytharæ celebrare recessus,
 Pectora quam memori renovata
 Mente, hinc eximiis pandere laudibus,
 Grata unde se fundunt
 Nomina, postmodum generis propage.
 Sic & candida vireta,
 Quæ se cælo conspicua,
 Dant amœna per arva,
 Non tantum proprii ausus

G g 2

Germiné,

ANTIS. II.

Fulſiſti unicum tum illis iubar,
 Concitaſtique amoris
 Lampada, ſoli tuo nomini
 Accenſam, atque ſuas celebrare Camænas,
 Nil niſi quæ propriæ tuæ eſſent
 Laudes, attonito barbite amœna per
 Arva, algidasque oras
 Aure avida hauriebat amor, ſimulque
 Centum ponere, dicare-
 que aras, promptus numinibus,
 Per patentia quæ te,
 Expoſta atque pericla,
 Ducere dignata:
 In quo felices ſurgere

EPOD. II.

Tot ſpes, patria promicante culmo
 Cernit, & votis, ſequitur beatis
 Coniugii veneranda
 Præſes, dux provida, porta renidens,
 Vitæ ſerenæ flos, tua
 Componat aura alma, fluctivagæ
 Mentis, & vitæ procellas:
 Tu donas beata, tu ſplendida
 Sæcla, tu propagas copiæ olim
 Vbere flore cornu:
 Virtutum theſaurus audis, nam tua
 Imperia, ſelectum
 Florem, ac animos redivivos
 Per progeniem ſæclis renaſcentem,
 Alite ſuggerunt
 Felici, inque patrum orſa

STROPH.

STROPH. III.

Ducunt, qua via est Cœli ad domos.
 Nulla per vota sic mi
 Ut liceat, stare divum ad pias
 Aras, quam ut faciles sua munera larga,
 Perpetuo cupiant vocare
 Ad tales cumulos, & segetem boni,
 Non solum ut unius
 Dulcia gaudia accumulent calentem
 Votis, iustaque vocantem
 Mentem, quin communia, per
 Pluraque illa benigni,
 Illa o sæcla nepotum,
 Ire velint, ut flos
 Communis, surgit pulchrior

ANTIS. III.

Vernantis coronæ per sinus.
 Ad suaves iuvat sic,
 Et memorandos Camœnæ modos,
 Tyrrheni lapidis, rigidam ecce propagem
 Atque gravem, superas per oras,
 Vdi fluminis, & Nereidum domos
 Ferri, inficiam mergi
 Pondere, quo tenax sua se resolvi,
 Naturæ unio potentis
 Non permittit; robora sic
 Juncta, non superanda,
 Nec tantisque periclis,
 Obiicienda olim,
 Blando ausu instillans mentibus.

EPOD. III.

Frustra divitis Indiæ stupendas,
 Vanus & vobis Arabumque gazas,

Solicitas

Solicitas prece tentem,
 Et condam me laquearibus aureis,
 Per clara ducta exordia,
 Dextra perita, seu liquidis
 Illa præfulgens colorum
 Nimbis, marmorum seu prodiga
 Arte: promicans frontisque honorem
 Nec diadema cingat,
 Et quicquid condit voluptatem sinus:
 Condiat amaram ni
 Vitam hanc, vitreosque secundæ
 Fortunæ animos, stillans amorem alnum,
 Perpetua fide
 Consors, æquiparanda

STROPH. IV.

Votis & beatis præmiis.
 Voce docta Priene
 Provocat, & suadet alta abdita
 Mentis, segnibus haud studiis adeunda
 Tangere, dicere dum Biantem,
 Supremum decus olim Patriæ suæ,
 Pulchra addocet fama:
 Nascimur, en semel, neque bis datum est, ut
 Nascamur, tuaque cernas.
 Tu solum Sydus rutilum,
 Veritatis amicæ,
 Et præses genialis
 Diva thori, æternas
 Sola, & tollis mortalia

ANTIST. IV.

Mundi iura: dum, instar palmitis,
 Flore sæcundo opimi,
 Suaveolentisque plantarii,

Longam

Longam per seriem numerare nepotes;
 Das patribus, similique virga,
 Florentem sobolem, germine prospero,
 Virtutis excelsæ
 Sufficis; illa prisca redire secla.
 Illa o tempora beata,
 Sic fas, dum iam progeniem,
 Hoc capeßere solum,
 Hoc & neßtere solum
 Aspiciam felix,
 Qua cælo portam candidus

E P O D. IV.

Dat limes, monitis patrum coruscans.
 Flore vitis pampineo novella,
 Non amat exiguo, per
 Terræ fragrantia iugera frustu
 Adstare, larga fundere
 Aris deûm, larga vel populo
 Uvido; illius brevique est,
 Affatim liquore succrescere,
 Vt vetustiori, certa probra
 Oggerat, illa quod sit,
 Sat sæcundi, proma vini parcior.
 At sterilis aufert quod
 Ætas, cumulet trutinam mox
 Sors altera, astant divitum mensis,
 Dum bene fortia
 Multo vina, ferunt quæ

S T R O P H. V.

Ætatem, liquentesque inchoant
 Inde succos, Superstes
 Niliacæ & regiæ per vaga
 Mundi limina, fama canit, memorandum

Dans

Dans iter, unde animi cati plus
Surgant; alite dum fat celebri suo,
Lunæ nitenti olim,
Paciferoque Maiugenæ sacro, omni-
que oræ Niliacæ colono,
Pulchre audet secla instruere:
Ibis aligerum stirps,
Quo se pulchra Juventus
Allevat, & pulchro
Conneſtit vires robore,

ANTIST. V.

Heu diram mephitim, tum sua
Membra, virusque tetrum
Spargere: sed curva postquam appetit,
Deformis, titubans, cariola senectus,
Purpurei redolere iam tum,
Floris delicias, ac hyacyntheo,
Longe halitu afflare.
An quia cana pectora, rite debent
Hæc præconia manere,
Sertumque hoc laudis capere,
Sola quod pede fausto
Norint, per vada vitæ
Noxia, fulgenti
Ad portum ferri sydere.

EPOD. V.

Felix me speculis tuis reguſtem,
Mens bona, & cani modulis coroner
Conſilij, teneræ ſios
Ætatis, purpureæque iuventæ
Fucus, levi colliditur
Aura, ſalutem ſuam occipiens
Inde, qua ſe acciſa quondam,

Hh

Heu

Heu multæ memor procellæ, extulit
 Cymba: dans cursus maris per turbida
 Æquora, præivit cui,
 Augusta senum veneranda
 Mens. Eia anime, & tu Musa, præana
 Nunc animos iuvat,
 Lætum concinere, almo

STROPH. VI.

Heroi meo: aude, quæ dea?
 Quæ Cnidi lux? Charis quæ?
 O radians quale sydus? catum
 Naturæ o operæ pretium, o iubar, affer
 Aurea corradiata cunctis,
 Optatis animi, secla vocantibus.
 Non sic serenum dat;
 Velivolum mare, atque polum tonantem,
 Ledæ par geminum, atra olim,
 Dum nox pontum obnubit, & in
 Ima, naufraga saxa
 Mittit, sydereum ut nos,
 Os hilarat, nomen
 que amsanctum maiorum tuum.

ANTISTROPH. VI.

His nil sanctius, nil & prius
 Exitit, quam furentis
 Hostis, acerbis minas, fortibus
 Ausis, cædibus atque fugis superare,
 Et patriæ super altra nomen,
 Fama clarifona, ducere perpetim.
 Olim & viget non sic,
 Herculeus labor, facies tremenda,
 Quem nulla arguere rerum
 Audet, quærenda unde salus,

Et sibi,

Et sibi, & patriæ esset,
Fama ut se inferit astris,
Inclita maiorum,
Queis confurgit nomen tuum.

EPOD. VI.

O NIMPHA altrigeri poli decus par.
Testis est ingens toties Scytharum,
Rusſi fracta procellis,
Cum CONSTANTINUS avus tuus, ut lux
Affulſit alma, hoſtem impiger
Frangens, fugans, cædium cumulis
Arva replens, patriæque
Chæræ plena contulit præmia,
Debitæ ſalutis. Jam & rigentes
Perpetua nive, illum
Oræ miratæ, Tyrannusque efferus
Moſchus, ad acerba orſa,
Nil dum obtinet: amplius ille,
Ne iam velit in ſe corda Gradiſa
Tollere, bellaque

STROPH. VII.

Regnis ſuis. Altum ſic comam
Explicat per virentes
Irriguarum ſylvæ amores, teres
Ornus, ſic & odoriferæ cypariſſi,
Roſcida ocyma ſuper coruſcant:
Veſtra ut promicuit maxima gloria,
Inter virum cætus,
Maxima ſemper, ardua ſeu vocarent,
Mavortis ſtudia, amicæ aut
Pacis ſæcunda otia: ſic
Fertilis ſequitur vos,
Laudum congeries, quam

Hh 2

Multa

Multa virent sylvis,
 Candentum florum germina,
 ANTIST VII.

! Veris sub benigni tempora.
 Dia NYMPHA, o beata, &
 Aurea spes, corda nostra occupat,
 Tecum quin veniant bona gaudia nobis,
 Mella fluantque cava illice, atque
 Nostra hæc floriferis vinea furculis
 Florentior multo
 Ibit, & hoc feret, radiis tuarum
 Virtutum, satis amicis
 Lustrata, infestus ne oculus,
 Feriataque inique
 O mens, termitem olivæ
 Arte mala expungat.
 Quin iam plura & mirabimur

EPOD. VII.

Felices: venerabimurque acerris.
 Vt domus felix vigeat ZAMOSCI,
 Vt domus alma ZAMOSCI,
 Orbe inclareat, velut inter opaca
 Alstra, eminet Latonia:
 Prolis beatæ audiatque parens,
 Prolis olim quæ paterna,
 Incedens via, suæ gloriæ
 Culmen unicum ponat, paterna
 Perpetuo ingredi nor-
 ma, hoc ut sit certissimum omen tramitis
 Illa quod Olympi altis,
 Sic se domibus radiante.
 Penna inferat, & ducat triumphos, qui
 Tergeminas canant
 Voces, jō triumphē!

EMBLE.

EMBLE. I.

D E L P H I N U S.

Uxor corona domus.

Anchora dum mediis fulcitur fluctibus almo
 Robore Delphini, nil maris horrifoni,
 Nil Euri, furiaque Noti, nil nubila Cæli,
 Subsidii certi tollere fulcra queunt.
 Vxor erit tutela domus, rerumque corona,
 Nubila diffugient hac duce flexanima.

*Clau.
 Min.*

E M B L E. I I.

C I R I S.

Obsequium amicos parit.

Regia Persarum vestis sibi me dicat unam,
 Et Pharaoniarum symbola certa gero:
 Nunc dicor Cirrhis, Xiphias nunc, & sacer ales,
 Exemplum magnum fœmineo generi:
 Nemo ut me superat pernicious ocyor alis,
 Sic sua cuique viro se dabit obsequiis.

Gesn.

EMBLE. II.

A N T H I A S.

Signum bonum.

Est piscis sacer, & cilium cui circulus ambit
 Aureus, Anthiam fama vocat populi:
 Hic forte æquoreis si quando se extrulit undis,
 Omnia felici sydere conciliat:

*Plut.
 Mor.*

Tum

Tum mare velivolum tranquilla silentia mulcent,
 Tum monstra atque omnis bellua tetra fugit:
 Tum liquidam gemmam hauri, tum & corallia rubra,
 Cunctas æquoreas divitiasque cape.
 Affulsit quoque cui felici sydere consors,
 Omnes divitias, omnia tuta tene.

EMBLE. I V.

ALCIONE.

Amor immutabilis, verus amicus.

SUm genus aligerum, sum proles & maris alti, *Gefn.*
 Alcijone, audet quæ dare iura thoris:
 Quæ lucem niveam ducit florente marito,
 Non facit exosum vel seniumque grave:
 Quin membris tremulum, & cassum dulcedine vitæ,
 Fertque fovetque humeris, quod iubet altus amor.
 Ut quæcunque subit confortis iura fidelis,
 Semper honore pari floreat altus amor.

EMBLE. V.

CETE.

Salus Dux via.

PER me dum sinuant immensa volumina Ceti, *Plut.*
 Dum scopulosque cavent, dum vada navifraga *Mor.*
 Pisciculi parvi ductoris munere cauti,
 Et scopulos vitant & superantque vada.
 Est vitæ estque vitæ coniunx fidissima custos,
 Hac ibis fretus tutus ab insidiis.

EMBLE.

EMBLE. VI.

GALERITIS.

Non uno vivitur ingenio.

Cristam conspicuam Galeritis vertice portat, *Plut.*
 Cristam an quod Genius cuique suam tribuit. *in Ti.*
 Coniugis eximia morum cognoscere normam,
 Hoc solo & philtro iam superare virum.

EMBLE. VII.

HELIOTROPIMUM.

Præsens absensque idem.

Solis amica herba, ac fidus custosque viarum, *Plin.*
 Dicta Heliotropion nomine Graiugenum:
 Hunc sequitur veniente die, sequiturque cadente;
 Et cæli medias dum tenet orbe vias:
 Huius ab auricomo surgit sua gloria vultu,
 Et primumque suum pignus honoris habet.
 An quia dum est coniunx cultosque comesque mariti,
 Vxori ille suæ solis ad instar erit?

EMBLE. VIII.

FALCO.

Disimulatio.

SÆpe atrox pugna exarsit Falconibus, ut iam *Gesn.*
 Nec dominus notus, nec sua blanda manus,
 Convocet iratos: domini cum pectus anhelum,
 Dissimulans noxam, dissimulansque fugam,
 Persuasit

Persuasit placidis iam nullo instante magistro,
 Optatum reditum, iussa patique sua.
 Dissimulare iuvat ferventes coniugis iras,
 Fœnoris ut maior gratia mox redeat.

EMBLE. IX.

EPOPS.

Utraque Fortuna.

Nomen Epops audit, cristis extantibus ales,
 Anni & quæ dici parva tabella meret: *Æsch.*
 Anni nam vario ut se dant distincta colore
 Tempora, sic varius concolor ille venit:
 Fallor an hoc poscit sanctum quoque connubii ius
 Sive adversa cadant, sive secunda cadant,
 Æqualem portare animum, nec cedere forti,
 Esse sibi similes condecet ingenuos.

EMBLE. X.

LUNA.

Luna mutuat lumen à Sole.

Ore suo radiante nitens Tithonia coniux,
 Oris ei splendor Solis ab ore venit: *Ci. de*
 Coniugis eximix clarescere laude mariti, *Nat.*
 Eius & ab radiis lumen habere suum.



SIMONIS

S I M O N I S S I M O N I D Æ

& PETRI ROYZII MAUREI

STANISLAUS CÆSUS

JUXTA EXEMPLAR CRACOVIAE EDITUM

Анно МDCIV.

A

STANISLAO GROCHOVIO.

ILLUSTRISSIMO & REVERENDISSIMO

PRINCIPI D. D.

BERNARDO MACIEIOWSKI.

S. R. E. CARDINALI AMPLISSIMO,
EPISCOPO CRACOVIEWSI DUCI SEVERIENSIS,
&c. &c.

DOMINO & PATRONO COLENDISSIMO,
STANISLAUS GROCHOVIUS
FELICITATEM.

Tanta semper fuit maiorum nostrorum erga D. Stanislaum, communis patriæ parentem & Patronum religio, *Jussu* *strissimo* Cardinalis; ut non modo priuata, vel publica negotia illius tutelæ committerent: aut eius precibus, apud Deum conciliari sibi gratiam expeterent: sed & laudes eius verbis, scriptisque ornarent ipsi, vel ad has

ornandas alios excitarent. Multi propterea extiterunt, qui cum vitam integerrime & sanctissime actam, magni huius Patroni; tum eiusdem pro honore Dei, ac pro pulchra veritate, pulcherrimum & constantissimum certamen, vere & splendide extulerunt. Inter hos est & *Petrus Royzius* Hispanus, qui huius sancti virtutes admiratus, in eius laudes excurrit; dicata *Samueli* patruo tuo opera, magno illi Cracouiensium Præsuli, qui in diebus suis tanquam stella matutina refulserat in Domo Dei, & tanquam sol lucebat in Patria. Protulit & nostra ætas tam præclari studii æmulus, quos inter *Simon Simonides* magni ingenii, & excellentis doctrinæ vir, cum multa egregie scripsisset, laudes quoque *D. Stanislai* suis Oñonariis, summa verborum gravitate, & elegantia, magnoque rerum & sententiarum pondere, persecutus est. Hos tibi, ipso præsertim scriptore annuente, adiuncto & *Royzii* carmine, offerre potissimum placuit: cum, quod ei Ecclesiæ cum dignitate præes, quam sanctus ille Martyr suo sanguine irrigavit: tum quod magni Patruui exemplo, non solum splendidissimis ingeniis, quale *Simonidæ* est, sed & mediocribus delectaris: ut qui & meam quoque de huius sancti, vita, patria lingua lucubrationunculam, (quæ iis diebus lucem aspexit) libenter videris & legeris. Patiare itaque, *Illustriss. Cardinalis*, ad gratulantium voces, ad faustas acclamaciones & carmina, que quisque tuo amplissimo nomini addictus promit, gaudens ex hoc augustissimo Cardinalatus tui honore, quo te nunc idem *Clemens VIII.* Pontifex Maximus ornavit, qui ante annos aliquot *B. Stanislai* sanctimoniam in uniuersum mundum ad omnem posteritatem propagavit, has quoque duas lauros adiici; me vero clientem tuum, ut cœpisti, fouere & tueri perge. Vale *Illustrissime Cardinalis*, diu felix. Crac: ex contubernio lurisperitorum 28. Iul. 1604.

SIMON

SIMON SIMONIDES

STANISLAO GROCHOVIO

S. D.

Mitto ad te, ut petisti, *Odonarios* hosce olim a me plane adolescentulo scriptos: muscicum prorsus carmen, & dignum illa aetate: quos ego, si ad gustum huius aetatis, in qua nunc sum, explorem, abiiciendos potius, quam tollendos puto; nihil enim in illis agnosco, prater pietatem meram. Sed quoniam a summis viris, qui apud Cracoviensem Ecclesiam sunt, probari atque expeti: & de eis ipsum Illustrissimum Principem BERNARDUM MACIEJOVIUM, urbis eiusdem Episcopum, iam non nihil inaudivisse mihi significasti, vel contra iudicium meum, non possum illis esse non aequior. Tibi itaque dantur, tanquam bonæ Lucina; ut ex manu tua, vel lucem aspiciant, vel ad tineas redeant, cum quibus hactenus colluabantur. Verum hoc a te pro nostra amicitia peto: dum eos, ipsi Episcopo, divinisimo atque humanissimo viro offeres; ut me quoque simul clientem, & eius virtutum admiratorem, offeras. Vale Ex prædio Cernecensi, Kal. Julii. Anno M. DC. IV.

SIMONIS SIMONIDÆ

DIVVS

STANISLAUS.

OCTONARIVS I.

SÆpe diuisit meam
 Mentem, huc & huc alterna cogitatio,
 Queis prima honorum iudicio intrepido
 Ornamenta referrem.
 His ne, qui isto gloriæ,
 Vulgi non taciti ora ventilante
 Igne succensi, atque auidi populos
 Imperia ostentare per omnes.

OCTONARIVS II.

Militum ferocibus
 Nimbis redundantes, procellam ferream
 Belli, in remotas euomerent regio-
 nes, vrbesque virosque,
 Cultaque arua, incultaque,
 Sceptorumque potentias cruento
 Turbine ad se corripere, domini
 Terribiles late atque opulenti.

OCTONARIVS III.

Anne iis, qui pectora
 Tranquilliora nacti, alumni pacis, &
 Concordiæ, vnam iustitiam studio
 Exercere fideli
 Pergerent, ad commoda
 Non priuata adeo sua, vt suorum
 Ciuium attenti, placidi, æquanimis,
 Non cupidi iacturæ alienæ,

OCTO-

OCTONARIUS IV.

Pauperum æque ac diuitum
 Recti æstimatores, superbis asperi,
 Iniurioforum & mala agentum hominum,
 Nequaquam tolerantes,
 Non maligni mitibus,
 Legum solliciti, Dei timentes,
 Quos velut sacrum iubar aspicere
 Cuncti aueant, & libero amore

OCTONARIUS V.

Diligant, soli mali
 Exhorreant. donec stetit tandem mihi,
 Sententia hæc fixa, vt modicum melius
 Iusto ausim memorare,
 Ferreumque postputem
 Æuum vulnificum, aureæ quieto
 Seculo astreæ. tua enim tua me
 Edocuit mens denique sancta,

OCTONARIUS VI.

Præsulum o Stanislae
 Selesse flos, Poloniæ vnicum decus,
 Qui postquam eam in sortem, haut sine consilio
 Nutu cuncta mouentis
 Numinis, vocatus es,
 In qua olim Samuel stetit sacerdos,
 Aut Natam, Regem hic cythara hymnisona
 Nobilem apud, regem ille priorem,

OCTONARIUS VII.

Tu Boleslaum autem apud,
 Cracouia in pulcherrima, Pastor bonus.
 Non hoc fategisti, vt tumidus titulis,
 Torrensque ambitione,

Cum

Cum satellitum grege
 Regum purpureus perambulares
 Atria, aut auri furiatus amo-
 re improbo, egenos pauperum in vsus

OCTONARIVS VIII.

A piis relicta auis
 Dona, in crumenas conglobares perfidas,
 Centum pauori vestibibus oppositis,
 Praua olim vnde nepotum
 Gens, solutæ promeret
 Vitæ materiam, & male aggregata
 Perderet peius, misero in strepitu
 Luxuriæ, mensisque caducis.

OCTONARIVS IX.

Nil ei modi tibi
 Gestum; neque superbiuit hæres de tua
 Splendente gaza. at continuo officii
 Concessæque superne
 Prærogatiuæ memor,
 Urbem te illicet esse cogitasti
 Montibus summis positam, valido
 Præsidio cuius, populi grex

OCTONARIVS X.

Omnis vitro fideret,
 Securus a rabie luporum, & pabulis
 Pollens abunde; nec minus interea
 Lumen te atque oculum esse
 Principis tui, capi-
 tis vicem regionibus qui in istis
 Præferebat, rite sciens, tenebris
 Ne temere obscuris titubaret,

OCTO-

OCTONARIUS XI.

Neue secum cætera
 Raptaret, incertus viæ, membra, aureo
 Illi institisti pandere iter radio,
 Iam vitæ apte ad amissim
 Lucida innocentia
 (Quæ est certissima norma suasionis)
 Fulgurans, iam flexanimis monitis,
 Igneque verborum rutilante,

OCTONARIUS XII.

Viuidam quassans facem;
 Plerumque creperis fulminans incendiis,
 Veri palam audax proditor, & scelerum
 Semper cognitor acer.
 Ni sacerdos vera enim
 Ausit dicere, fabitur quis? aut quis
 Obstruet vim nequitæ? aut solidum a
 Non solido æqua lance reuellet?

OCTONARIUS XIII.

Fixa tum Boleslao
 Cupido nominis propagandi fuit,
 Sceptri que auiti non patiens animus,
 Verum latius ardens
 Regna frænare extera.
 Non tam sollicitus, bonorum vt esset
 Ciuium rector, numero quam inhians
 Et patulæ late ditioni.

OCTONARIUS XIII.

Ergo bellorum siti
 Bohemiam primum, corona montium
 Clusam penetrare aggreditur; media in
 Tum parente Polonis

Regulum

Regulum Bohemicum

Nactus Silesia, arva nostra fuso
Præmiantem milite, quem leo cœu
Feruidus, imbellem hinnulum opima

OCTONARIUS XV.

Prata lasciuo pede

Temere impetentem, ipso illico aspectu in fugam
Ignobilem vertit, tacitum, & tenebris
Noctis castra mouentem.

Insecutus mox eum;

Dum ex libidine non potest potiri

Rictum hiantem ultor saturauit agris

In profugi prædaque Moraua.

OCTONARIUS XVI.

Laudem illi eo nomine

Tamen damus. nam bella, iusta causa quo-
rum est, quæque iniquam vim fieri prohibent
Vitæ aruisque suorum,

Seruitute aut barbara

Pressos eripiunt, crucisque Christi

Gloriam stratam reparant, moueat

Qualia si quis nunc domitorem

OCTONARIUS XVII.

In Tyrannum Græciæ,

His iure laus danda est sua, & diuinitus

Optanda merces, cætera si quo alio

Conatu instituuntur,

Pessimis nil differunt

Latronum artibus, ut marinus olim

Prædo, prædoni orbis, Ego, inquit, inops

Lembo homines, tu classe trucidas.

OCTONARIVS XVIII.

Gens fidem dein Prussica
 Frangebat, excutere iugum Polonum auens,
 Ac Pomeranum depopulabat agrum,
 Prædis improbe onusta.
 Iusta item Boleslao
 Hæc sumpta arma in eam, nec absuit for-
 tuna. vbi victoria dedocuit
 Pondere in armorum, tunicisque

OCTONARIVS XIX.

Æreis, spem ponere
 Gnauum Polonum militem, sed fidere
 Dextræ expeditæ, & corporis egregiæ
 Virtuti, ac leuitati ;
 Indeque exemplum datum
 Armaturæ habilis diem hunc ad vsque.
 Martium nostrorum animum Vngaria
 Non minima mox clade, Tibiscæ

OCTONARIVS XX.

Littora experta est apud,
 Boleslai pulcherrima cum gloria.
 In Russiam vnde itum, quam animo penitus
 Rex multo ante vorabat,
 Castraque ad Kiouiam,
 Urbem tunc opibus fluentem & auro,
 Luxuique obnoxiam (opum soboles
 Quæ est genuina) admouerat, ista vrbs

OCTONARIVS XXI.

Vista, vicit nos quoque.
 Non id statim quidem, sed hamum esca velut
 Testum dolosa primitus obiciens
 Gustandum, nociturum

K k

Post

Post nimis, dentemque in os
 Fixurum, siquidem lepore perce-
 pto voluptatum, inter amœna loca,
 Deses ibi æstatem atque hyemem rex

OCTONARIUS XXII.

Traxerat cum milite,
 Ad turpe totus prostitutus otium:
 Cor sœminarum forma avidum satians,
 Structurisque epularum
 Haud viriliter fauens.
 Mens mi pender, eamne inesse dicam
 Vim voluptati? rigidissima quæ-
 que ut sibi possit corda virorum

OCTONARIUS XXIII.

Blanditer substernere?
 Praux anne mentes solum ad illam, grex velut
 Muscarum odorem ad mulsi alacri strepitant
 Ala, hærentque retentæ?
 Quem momordit vipera hæc
 Nunquam, proximus hic Diis: nec ille
 Prorsus infelix, saniem penito
 Qui potuit corde expuere hauritam.

OCTONARIUS XXIV.

At perennat pestis in
 Quo, is vero vivit omnium miserrimus.
 Ex tertio isto (proh patriæ opprobrium
 Fœdum) cœtu vtinam tu
 Non fores Boleslae.
 Posses sic vtinam imperare telo
 Prauo amoris, prælia ut indomitus
 Dux simul & miles probe obibas.

Осѳоѳ

OCTONARIVS XXV.

Sed pusilla hæc remora
 Fortissimam mentis tuæ cepit ratem;
 Merfitque, non id protinus, ac spatio
 Post non longo. etenim haustus
 Fluctibus ceu qui est, ope.
 Natandi manuumque destitutus,
 Iam licet languens pereat, rapiaturque
 maligno pondere ad ima,

OCTONARIVS XXVI.

Vltimum robur tamen
 Vsq̃ue excitat, aquis emicans identidem.
 Lasciuia, sic mens tua rapta semel
 Vndis, quanquam ope prorsum
 Destituta omni, tamen
 Maiori reditura nempe mole
 Fluctuum in fundum, emicuit, locaque
 Deseruit paulisper iniqua.

OCTONARIVS XXVII.

Nam retro Præmisiam
 Cincturus obsidione abiivisti, inde item
 In proximam iuxta Vngariam exiliens,
 Hicque illicque secundo
 Rem alite egisti, simul
 Virtutis statuens trophæa, mirandam
 simul laudem referens celeritatis,
 ut Audacis quoque nomen

OCTONARIVS XXVIII.

Publicum ferres, satis
 Beatus, ad Kyoniam reciproco
 Inflexu habenæ, præcipitem nisi te
 Rursus fors reuocasset.

Kk2

Profuit

Profuit semper mali
Declinasse alimenta blanda morbi,
Et loci plerumque noui facies
Restituit iam iam moriturum.

OCTONARIVS XXIX.

At tu in ardentem prope
Flammam dedisti denuo saltum, doli &
Tabis locorum non memor, aut etiam
Pronus sponte sequaxque.
Res fidem est omnem supra
Nec accepta memoria vlla avorum;
Omnis electissima nobilium,
Quorquor opimo tum vbere glebæ

OCTONARIVS XXX.

Vitam alebant Lechicæ,
Cum rege bellatore late iuit cohors,
Munitiones Volhinia populans,
Russisque vltima nectens
Vincla, septenosque ibi
Coniugumque domusque liberumque
(Tantus armorum ossibus arsit amor).
Immemores hæfere per annos.

OCTONARIVS XXXI.

Ipse Rex vel maxime
Kyouicis iterum illecebris redditus,
Roburque sensim militis, indecori
Exemplo, rapiens ad
Criminis commercium
Idem. Nam pede præuio qua iter Rex
Primus incessit, populus subito
Impete denso illuc amat ire.

OCTO-

OCTONARIUS XXXII.

Non laboriosa apum
 Queis certa sedes aluearis condita est
 Examina ausint deterius, proprio
 Si spreto lare, victu
 Se efferant erroneo,
 Expugnentque aliena, in exteroque
 Hæreant, oblitæ operum & veteris
 Hospicii sætusque relictæ.

OCTONARIUS XXXIII.

Sed rates vt nauita
 Vnus duas remis simul propellere
 Non est potens, quin hanc moderans, aliam
 Ventis ludibrium det:
 Occupati sic foris
 Dedere ancipiti domos ruinæ.
 Ac leuẽm primum arripuit stipulam
 Ignis edax, grassatus iuermum

OCTONARIUS XXXIV.

In pudorem coniugum,
 Torique sæpimenta. neque id iniuria,
 Namque est morarum non patiens mulier,
 Tum vltrix sæua, fidem ni
 Seruet olli Vir suam.

Fama qualia multa inaudiebant
 De suis: atque hinc sceleris similem ad
 (Pro dolor) ærumnam exilueræ,

OCTONARIUS XXXV.

Atque adulter accitus
 Vicem in mariti. itidem audientibus viris
 Non admodum hæc accepta fuere, etenim
 Nequam sit, licet ipse

Vir

Vir, tamen vicarii
 Nequaquam est tolerans. doloris ergo,
 Inuicem læsi grauibus stimulis,
 Per media vrgentis quoque brumæ

OCTONARIVS XXXVI.

Frigora, altas & niues
 Incendium ad domesticum, pernicibus
 Fusim frementes emicuere in equis.
 Iuuito atque verante
 Rege, & atroces minas
 Attollente, adeo vt subinde cunctis
 Ad sua elabentibus, ipse quoque
 Ad sua sit migrare coactus.

OCTONARIVS XXXVII.

Plenus irarum, & siti
 Magnæ vltionis feruidus, torrens velut
 Amnis, quem ab altis montibus immodicam
 Vim vndæ præcipitantem,
 Machinis ac molibus
 Lactis, agricolæ amouere certant.
 Ille victis omnibus aggeribus
 It populans læta aura satasque

OCTONARIVS XXXVIII.

Spes boum & mortalium:
 Quid? principum fortissime, quid? auditane
 Vnquam tibi vox Romulidæ egregii?
 Qui se malle ferebat
 Ciuium vnum sospitem
 Seruatum dare, mille quam peremptos
 Hostium? flammæ anne modo, imperia
 Quæque vorando amplissima, reris,

OCTO-

OCTONARIUS XXXIX.

Te beatum & munere
 Functum tuo ? quæ vnam simul domum attigit,
 Vicina sorbens culmina continuo,
 Tota incendia mittit
 Vrbe, nil post se, horridam
 Præter vastitiem, nigrumque fumo
 Rudus, & fœdas cineris miseri
 Reliquias, luctumque relinquens.

OCTONARIUS XL.

Nulla enim maiora sunt
 Incendia humani generis, absumpta quam
 Morum atque legum sobrietas, odium &
 Virtutis, neque Princeps
 Sceptra habet diuinitus
 Villa ex causa alia, quam vt optimos &
 Incolas, quondam superum patriæ
 Euehat, iniunctos sibi ciues.

OCTONARIUS LXI.

Nec tam honos quam onus mage est,
 Rempublicam qui sustinet: pensandaque
 Mens rite, quo quid proposito aggredimur,
 Dextrone an ne sinistro,
 læta nec fundamina
 In mera ambitione, sustinere
 Pondus, aut structuram aliquam eximiam
 Conspicue possunt rationis.

OCTONARIUS XLII.

Tetra quæ porro sunt
 Distu, abstinebo, habenam enim linguæ haut decet
 Laxare ad obscœna. illud agam expediens
 Duntaxat, quibus actus

Non

Non bonis factis, bonus
Præful, cui memorem ferens honorem
Pango dicta hæc qualiacunque hodie,
Post habuit Mauortia quævis

OCTONARIUS XLIII.

Gesta felicissima
Tua, & triumphos quosque splendentissimos,
Gentesque regno, & multiplices populos
Partos fortibus ausis.
Rideant hoc plurimi,
Sed vulgus preciosa quæ æstimauit,
Mox refutat vir sapiens. quis enim
Maxima post tot functa duella,

OCTONARIUS XLIV.

Post tot insignes rela-
tas hoste non de vno palam victorias,
prouinciarum postque tot accumula-
tas circum ditiones,
Crimen vnus frequen-
tatum adulterii, aut fori remissum
Iure dicundo officium, aut solitum
Præter auara exacta tributa.

OCTONARIUS XLV.

Hæc quis, inquam, strenuo
Vsq; adeo regi sponte non concederet?
Aut non putaret magnanima omnibus his
Gesta eius potiora?
Solutus hoc Stanislaus
Non sensit, prope tantum opinione
Discrepans vulgi, iaculator habi-
lis, posito qui spicula signo

OCTO

OCTONARIVS XLVI.

Certa figit, quantum abest
 Ab eo, qui in auras mittit incassum, inscius,
 Metæ expetitæ, sed temere iaciens
 Ludo falsus inani.
 Bella enim considerans
 Pacis fine geri, & bonum a Tyranno
 Principem hoc distare, suos spoliæ
 Hic ut, & istum in maxima quæque

OCTONARIVS XLVII.

Facta dirigat scopum,
 Illustis ut foris, timendus sit domi,
 Passimque quouis se saturet scelere,
 E contra ille salute
 Nil suorum antiquius
 Ducat, nil mage curet, hostibus quam
 Ut sit horrore, domi amorem habeat,
 Nec studio vnquam excedat honesti.

OCTONARIVS XLVIII.

Tum seuerè gentium
 Ipsum Magistrum edicta pangentem audiens
 Infidi & execrabilis in loco habendum,
 quem cura suorum
 Non penetret, tantum abest
 Ut prædam statuat suos sibi quis.
 Veritatis præterea indubia
 Voce palam promendæ, & habenis

OCTONARIVS XLIX.

Insolentæ opprimenda,
 publicum munus sibi meminens datum,
 Dextraque pastorale pedum gerere,
 Non solius honoris

Ll

Aurei

Aurei ergo, se extimans,
 Verum ob vitam ovium, & necem luporum,
 Liber inconcasso animo facinus
 Orfus in omne ævum memorandum.

OCTONARIUS L.

Regis illico forem
 Adit, grauique multa dictu, illius in
 Aurem intimam profatur: honorifice
 Primum abducere cœptis
 Tristibus secretum auens;
 Ut qui non faceret calore quoquam
 Oggerendæ ignominix, potius
 Publicæ opis fluxæ recreandæ,

OCTONARIUS LI.

Regiæque dignita-
 tis in suum decus reponendæ. placi-
 dos quippe, lenesque esse pedes, voluit
 Vitæ ipse optimus auctor,
 Nuncia edentum sua.
 Non semper quidem id, ad flagella quando
 Ipsemet dextram tulit acrem, alias
 Res vbi verbis nequit vltro

OCTONARIUS LH.

Decidi salubribus.
 Quod pertinaciter Boleslaus quoque
 Pertendit, indignantem vbique obliiciens.
 Dictis præsulis aurem,
 Ferreumque exasperans
 Cor. chalybs velut, ardor æstuantis
 Quem camini vi calida immodice
 Ambuit, humentem propere si

OCTO-

OCTONARIUS LIII.

Forcipe intinguatur in
 Scrobem, sonoro se trucidat protinus
 Clamore, & haurit duritiem indomitam;
 Clara feruidus vndas
 Turbulentia increpans.
 Idcirco tamen haud remisit ille; at
 Perseverauit: repetens iterum
 Atque iterum, crebro & congrua fandi

OCTONARIUS LIIII.

Tempora vsurpans catus.
 Donec bonis nil profici dictis videns,
 Ad duriores serior vsque etiam
 Se se contulit artes:
 Intonans ardentibus
 Præceptisque minisque, 'publicoque
 Plurimum coram facie opprobrio.
 Denique, deplorata quod olim

OCTONARIUS LV.

Vltimi demum vice
 Remedi aduocari in corda solet: Ecclesiæ
 Consortio almo in decorem prohibet,
 Arcetque omnibus aris:
 Templaque in silentium
 Dat, dirisque caput sacrum esse mandat.
 Hic mihi, hic te expergefice, o anime!
 Hic noua fulcra, alasque recentes

OCTONARIUS LVI.

Indue, ipsas sub poli
 Nubes secuturæ, arduam, fortissimam
 Mentem: caduca hæc, nata neci omnia, ni-
 su excelso exuperantem:

Veritate proque pul-
chra, oblitam decorisque sanguinisque:
Prodigamque vitro venerandæ animæ, &
Sponte timores obuiam in omnes,

OCTONARIUS LVII.

Vnico sub numinis
Timore. sed non ante, portu te tuo
Consistere est fas, quam geminum socies
Cæpto pollice honorem,
Russicæ ad tyræ fidem:
Insignem Ambrosium simul frequentans,
Atque eadem ex sorte Theodosii
Concelebrans fastigia pressa,

OCTONARIUS LVIII.

Dispari eventu. neque
Enim negotium est simile, tractabilem
Versare ceram, & tundere vim manuum
Cautem alte renuentem.
Arduis superbia
Non semper volitat locis, frequenter
Nidulatur sede minore etiam,
Palliaque inter fordida turget.

OCTONARIUS LIX.

Conferat Boleslaum
Quis cum Theodosio; ille formicas erit
Inter; leonum hic in numero, dominus
Qua sol aspicit orbis.
Mentis at submissio
Tanta, ut de grege plebis esse dicas,
Iænitentum in turba humilem, sceleris
Lugubriter commissa piantem,

OCTO-

OCTONARIUS LX.

Aufus indignum nefas.
 Nam cum esset, innocente sanguine imbuens
 Ensem cruentum: non tulit Ambrosius
 Auso impune potiri;
 Verum adulta fortiter
 Confestim obstitit increpatione,
 Factum in os vsque improperans, aditu-
 que eiiciens & limine templi.

OCTONARIUS LXI.

Omnibus non digna ea
 Tum visa solum principem præter; hominem
 Qui se pusillo vel nihilo potius
 Maiorem meminerat
 Cæteris; porro Dei
 Ministrum, Ambrosium videbat, esset
 Cui potestas interimendæ animæ
 Credita, quam ipse in corpora haberet.

OCTONARIUS LXII.

Tum quod vrgebat 'magis
 Constabat Ambrosii integerrima mens apud
 Illum. remota omni ambitione, siti
 Nulla auri temerata,
 Non adulando procax,
 Non infracta timore, veritatis
 Sed tenax iuxta atque sciens, superum
 Ad placitum intentissima vbique.

OCTONARIUS LXIII.

Ergo sæcundæ velut
 Terræ solum, quam triste presserat gelu,
 Præteruolantem almi ad Zephyri sonitum,
 Molli continuo aura

Se

Se resoluit, & sinu
 Vigorem genitabilem refundit,
 Læta vernanti vberè & omnigenum
 Luxurians in floris honorem

OCTONARIUS LXIV.

Inclytum Theodosi
 Sic pestus, aspra non nihil vitii hyeme
 Pressum, salubrem ad fortia per monita
 Flantis præsulis auram,
 Protulit vernans decus,
 Fructusque ingenuos dedit doloris,
 Floridum late vberibus lachrimis
 Inque nouum virtutis amorem

OCTONARIUS LXV.

Transditum; vt sententiam
 Relinquat in suspenso, vter locum occupet
 Laudis priorem, magnanima anne adeo
 Libertate sacerdos
 Tantum agens in principem?
 Princeps anne adeo se obedientem
 Adstruens illi? paribus veniant
 Anne trophæis ambo colendi?

OCTONARIUS LXVI.

Rariorem Phœnice
 Nullam alitem æther nutrit: ast ei modi
 Regis sacerdotisque minus locuples
 Multo copia prompta est,
 Indies mortalium
 Vita in deterius ruente. Quid dum?
 Quid mihi motu micuisti anime!
 Insolito? quis te pavor anceps

OCTO.

OCTONARIUS LXVII.

Transmeat? quæ degener
 Externat hæsitatio? iamiam hicce te
 Rerum institutis suefcere non leuibus
 Vultu peruico oportet,
 Iam pati non mitia.
 Non omnes eadem fauentia effert
 Numinis; non, si Ambrosius potuit,
 Isdem animis, & pectore eodem

OCTONARIUS LXVIII.

Noster effectum dabit
 Stanislaus, vita illi emenda veritas;
 Vita litandum nomine pro innocuæ
 Libertatis & æqui.
 Sed neque hanc tamen vicem
 Dici fas miserum, omnibus beatum
 Quin modis, cui ferre aliquid licuit
 Vulnificæ illius crucis, ad quam

OCTONARIUS LXIX.

Nos ferendam sedulo
 Inuitat, ipse baiulans prior crucem
 Christus redemptor, spinea, mortifera,
 Clauis fixa cruentis
 Serta post, ad gloriæ
 Æternique vocans coronam honoris,
 Aureoque altos solio, ipsa supra
 Sydera, cælestumque preponens

OCTONARIUS LXX.

Constitas stellis domos.
 Te verius te nuncupo Boleslæ
 Omnes supergressum, numeros miseræ
 Fortunæ & rationis,

Qui

Qui velut sternax equus,
Frænorum impatiens, ferox maligne
Sessili tergo, domitorem equitem
Officio tractare fideli

OCTONARIVS LXXI.

Te volentem, & cursui
Recto benigne comparantem, in aspera
Saltu nefando saxa procul, procul in
Conuallesque fragosas
Detulisti, non sine
Sæua strage tua, ah miser, quo abis? quo?
Quos maniplos ire iubes? quid eum
Tam celer ipse insurgis in ensẽm?

OCTONARIVS LXXII.

Ante sed, præludia
Furoris huius quæ dedisti exordio,
Percensere hic non est operæ precium.
Momenti licet illa
Non minuti sint quoque:
Auri nempe potentia in tam acerba,
Plurimis quæque ut leuius veniant
Damna pati, dispendia lucri

OCTONARIVS LXXIII.

Quam pusilla. busta vbi
Calumniam contra tuam Stanislaò
Et Petricus (proh mira fides) cinere
Busti exitus ab ipso,
Adfuit ferens opem.
Hæc quis falsa putat, sua ex dolosa
Me riens virtute Deo placitos.
Sed facibus qua incessit iniquis

OCTONARIVS LXXIII.

Inuidus, contrariam
 Fumo boni fundunt aquam. Vir innocens,
 Qui se suo fundat pede, non temere
 Tollit laudem alienam:
 Credulus quin ampliat
 In multis aliis amans, quod in se
 Ipse sentit, verum ita si libitum
 Inuidiæ, sunt ista minoris

OCTONARIVS LXXV.

Nec satis firmæ notæ.
 At mortis haustus impigerrime calix,
 Vitaque consignatus amor solidæ
 Cis fraudem pietatis,
 Quapiam ne vltra premi
 Potest suspitione criminandi?
 Omnium iactura habilis facile
 Rerum, animam impendisse supremum est.

OCTONARIVS LXXVI.

Ausus id, Boleslae,
 Vellem haut fores, tuumque non istis malis
 Nomen veniret commemorandum hodie.
 Nam quis malit amara hæc
 Dicta? quam cum laude mel?
 Verum iustitiæ trutina præsto
 Esse vati debet amica bonis
 Parturiens, contraria prauis.

OCTONARIUS LXXVII.

Mortuus Stanislaus
Fulcherrima pro veritate manu tua est,
Exceptus ipsa altaria apud, calicem
Cælestem superis tum
Ore prælibans sacro.
Cruorem ut prope cum cruore Christi
Funderet miscens proprium, nouaque
Ad celebrem procumberet aram

OCTONARIUS LXXVIII.

Victima, acceptissima
Iuxta atque preciosissima superum patri.
Damnosa sed prorsum tibi. nec satis hoc
Quippe amens habuisti,
Ut furentem impingeres
Diuo enses in caput, & propinqua saxa
Spargeret circum calido cerebro,
Quin patriæ summo velut hoste

OCTONARIUS LXXIX.

Proruto, cadauer in
Exanime sæuisti miseriter, alitum
Turpi gulæ, rictisque canum ejiciens
Frustratim laniamen
Comminutum, improuidus,
Eneatos etiam fame leonum
Nosse ventres parcere mente viris
Innocua uiuentibus, & se

OCTONARIVS LXXX.

Labe continentibus

Omni. quid est? cernisne pendentum polo

Agmen volutrum hoc? officio insolito

Cæsi membra tuentum?

Colligant quæ mox pii

Mystræ, vltro reditura pristinos in

Corporis nexus; quod item haut facile,

Degener vt quisque est mage credat.

OCTONARIVS LXXXI.

Sed nepotum turba post

Melior; sepulchri honore seruet aureo,

Structisque sanctis ædibus accumulet,

Certatimque tabellis

Fixa contestantibus

Vota insigniat, atque opis benignæ

Nuncupet certum auxilium dubiis

Rebus, & obnixissima figat

OCTONARIVS LXXXII.

Oscula ossibus sacris.

Adhuc feror. licet peritus non satis

Ceu textor absolutam operam ante pe-

pli, subrumpere filum,

Protrahendum longius,

Iam iam commeditans: erit canendi

Aptior forte hæc alias etiam

Copia & accrescens cum tempore virtus.

OCTONARIVS LXXXIII.

Tu mihi salve interim
 Beate sanguis, te te ego nisi omnibus
 Præpono gazis, omnia posthabeo
 Soli ni tibi regna,
 Deferat me cor meum.
 Tu nex perniciësque gannientum ad
 Gratiam, tu firmi animi specimen,
 Tu columen, verique sequester,

OCTONARIVS LXXXIV.

Præfulum pulcherrima
 Imago tu. ad quam splendidi delineent
 Vitæ colores quisque suos. tibi me
 Si fas deuoueo ipse.
 Æmulari in maximis
 Parui si quid habent, minuta prorsum
 Nec mari magno leuibus tabulis
 Nauigia arcentur dare cursum.

AD VIRUM ILLUSTRUM
SAMUELEM
EPISCOPVM CRACOVIENSIVM,
ET SUPREMVVM IN POLONIA
CANCELLARIVM:

PETRI ROYZII (*) MAVREI HISPANI CELTIBERI IURIS-
consulti, Carmen de sancto Pontifice cæso, siue
STANISLAVS.

SÆpe ego, qui cecini magnorum gaudia quondam
Heroum: soluique animos, & carmine lato
Mente procul pepuli curas: nunc tristitia mæstus
Funebribus plangens numeris exordia sumam.

Aspira, magne o Samuel, mihi suffice carmen
Præsidii, velut ante, tuis: & funera fienti
Ante tui cessoris ades. seu templa Deorum,
Augusti seu celsa tenet te curia regis,
Incluta Sarmatici moderantem iura Senatus.
Siue tui rerum vacuus Prædnicis ad vndam
Fronde super viridi recubas: & tecta superba

Miraris

(*) PETRUS ROYZIUS Hispanus, e Bononiensi Academia, ubi studia coluerat, a Petro Gamrato, Cracoviensi tunc Episcopo, in Poloniam vocatus: Insuperque Civilis Professor Ordinarius in Cracoviensi Academia constitutus est. Regi Sigismundo I. ejusque filio ac Successori, Sigismundo Augusto, carissimus fuit: prout etiam Regni Proceribus omnibus: in primis autem Petro illi Gamrato, Gnesnensi Archiepiscopo, simulque Episcopo Cracoviensi: & Samueli Maciejovio, Cracoviensi Antistiti. Carmina complura edidit. Cum Cochanovio, Poeta principe, intima familiaritate vixit, laudatusque a Cochanovio est frequentius. Hæc de Royzio habuimus ab Eruditissimo viro Io. And. Ianocio Can. Kiøv. Bibl. Zaf. Custode.

Miraris tuā, sydereo, quæ tollis Olympo.
 Qui te cumque tenet locus, adsis: flebile sancti
 Pontificis funus dicam, qui cæsus ad aram
 Ob Christum templique decus, laniatus & artus,
 Infandum, Regis dextra: sparsusque per auras
 Alitibusque feris datus esca: sit integer olim,
 Extemploque suo coierunt membra tenore.

Christe mihi causas memora, quibus excita quondam
 Ira Boleslai exarsit: cur Regia dextra
 Cæde Stanislaum crudeli obruncat ad aras
 Pontificem? tantæne animis Regalibus iræ?

Iustus erat præsul, quo non præstantior alter,
 Ore ciere viros, animosque attollere cælo:
 Sarmata Sauromatas inter sanctissimus vnus;
 Fama ingens, factisque: tuus Cracouia præsul.
 Ast quem læta suum Scepanouia iactat alumnum:
 Tantum nacta decus felix Scepanouia tellus.
 Non illo quondam populos errare magistro
 Fas erat: aut diuis colere impia sana relictis:
 Non vitiis onerare animas, non crimine vitam
 Polluere, & tacito versare in pectore fraudes.
 Insidias struere, & mensas temerare veneno.
 Non odisse suos; iramque laceßere diuum:
 Turbatis sacris & religione vetusta.
 Non fas ignotos sine præfule figere ritus,
 Et morem templis audere imponere diuum:
 Sanctior ac æui quæ gens tulit illa prioris,
 Quæque hodie vasti sequitur pars maxima mundi,
 Arbitriis mutare suis: & sola putare
 Recta, placent vni populo quæcunque profano.
 Contemptisque novos patribus præscribere cultus;
 Sit tanquam afflatum meliori numine vulgus,
 Ceu rigeant proceres: sit flamine plena Deo plebs.

Qualia

Qualia monstra gemens nostra ægre sustinet ætas :
 Iactatusque sacer tot tempestatibus ordo.
 Tuque adeo Romane pater, cui terra fretumque,
 Cui styx mortali, melior cui paret Olympus :
 Indignans late spoliatis aspicis aris.
 Sarmatiamque doles tantum in discrimen iisse
 Sacrorum, male vicinus quam perculit error.
 Et nisi nos tandem, cælo Deus æquus ab alto
 Respiceret miseros, frustra tua fulmina torques :
 Æternasque necēs & nigra minaris auerna.
 Viueret o vtinam, & vitales carperet auras :
 Perpetuumque colo Lachesis deduceret æuum.
 Talia non illo molitus Sarmata quondam
 Pontifice est, Saxo aura licet vicina teneres :
 Saxo nouæ assertor pietatis, & improbus auctor :
 Diuini Saxo verbi importunus adulter.
 Vrgebat dictis populos, iussisque premebat :
 Ore potens præsul, vitæque verendus honesta.
 Regem ille ac populum nullo discrimine habebat ;
 Numina lædentem, sic carpere fuetus vtrumque,
 Effet vt vpilio Regi par: purpura nullos .
 Principis, aut maius facinus sentiret honores.
 Quin sæpe in Reges maioribus excitus iris
 Antistes ruit, ac verbis exarsit acerbis.
 Crudelis læti fuit Olli vnde omnis origo.
 Quippe Boleslaum, gentis qui sceptræ Polonæ
 Sauromatum late populorum & regna tenebat,
 Dum carpit præsul, magnisque licentius ausis
 Increpat: exuere & vitiis, & crimine tentat:
 Quo se Rex, quoque angustos fœderat honores
 Plurimus, implebatque odiis vrbesque, domosque,
 In se se: atque sui oblitus Diuumque hominumque,
 Quicquid erat nil Rex vitiorum liquit inausum.

Quid

Quid memorem ciues cædentem, urbemque suorum
 Sanguine fœdantem, populantemque omnia ferro?
 Matres, infandum (quod postera nesciat ætas)
 Ablatis gremio natis, fugenda ferarum
 Vbera dant catulis: sæuo cogente tyranno.
 Hæc bonus Antistes dum iusta percitus ira
 Castigat, Regemque iubet meliora monenti
 Parere: & facilem voces audire Deorum,
 Illius in se se exacuit crudelia corda:
 Armavitque manus. at non tamen abstinet audax
 Incæpto, videat quamuis sibi dira tyrannum
 Fata parare: necemque atrocem & funera sæua.

Ergo secreto non iam Regem admonet ore,
 Sæpius indigne Regali pulsus ab aula:
 Publica non iam vox sit erat, non carmina dira,
 Quæ in ditis mittunt hominem pallentia Regna,
 Exortemque boni faciunt, vitæque beatæ.
 Facto opus est. templis Diuum, atque altaribus arcet
 Regem infelicem, conclusis vndique valuis:
 Qua Rex it, gressumque infert in templa Deorum.
 Talibus in Regem præsul fortissimus vsus,
 Tantorum vindex scelerum, vitæque nefandæ:
 Qua se Rex, quaque Angustos fœdarat honores.

Ille autem accensus furis, victusque dolore,
 Tantum Pontificis tolerare haud iam potis ausum:
 Multorum victor populorum, o! inquit, ab vno
 Sacrifico vincar? me, quem Scyta, quemque Valachus,
 Quem Moschus tremit, & quicquid stans aspicit arctos,
 Imbellis pulsat manus, atque altaribus arcet
 Diuum, conuentuque hominum, mihi dira minatur
 Excidia: infernosque ignes, mortemque perennem?
 Ah ego, qui nuper Ruthenum Marte subegi:
 Austriacasque arces, & fortis castra Moravi

Ense

Ense tuli : quo Pannonius victore tyrannus
 Purpuream fundens animam terram ore momordit.
 Scilicet hæc patiar ? dum ferrum dextera & arma
 Sustinet ? & non sacrificum hunc, non hoc caput audax
 Dedo neci ? pedibusque meis in vulnere curro ?
 Dedo neci, manibusque meis in tartara mitto ?
 Non mihi lux hæc, non cælo sol ante voluto
 Occidat, & stellas accendat in æthere vesper :
 Quam caput illud ego scapulis tergoque reuello ;
 Inuisum caput, & merita me me expleo cæde.

Eheu Rex demens, facinus qui cogitat atrox :
 Pontificem templis aptum meliora monentem
 Sacrilega violare manu, sanctumque cruorem
 Fundere, & armata moliri funera dextra :
 Quin melior monitus Antistitis audiat ultro,
 Et miserandam animam scelerato crimine soluat ;
 Nec se præcipitem sub aperta pericula mittat.

Sed non sponte sua iam Rex miser, atque suis it
 Arbitriis : agitur furiis, & turbine mentis
 Huc atque huc fertur, nec se ratione gubernat.
 Quo furor impellit demens, & tristis Erynnis :
 Quo rabies malefuada rapit, sine ducitur vllis
 Consiliis : hominum non hunc metus, atque Deorum
 Incæpto retrahit : parat arma, & milite sæuo
 Cinctus it in cædem : mora longa sit omnis eunti.
 Stat quocunque loco, quacunque occidere sede
 Pontificem, atque animam scelerato abrumpere ferro.
 Vlli non hominum, diuumue pepercerit aris.

Forte Stanislaus Gracchi extra mœnia præsul
 (Omnia namque illic ob regem templa silebant)
 Sacra Michælis parua faciebat in æde :
 Post urbem, Casimire, tuam, qua se Istula findit :
 Alluit & mistum diuiso flumine ciuem.

N n

Huë

Huc actus furii Rex fertur, & impete magno
 Tempia Dei subeat, sed misso milite, sacra
 Pontificem iubet æde trahi, tractumque necare.
 Sat visum templis diuorum arisque dedisse,
 Si non pontificem sacra obruncaret in æde.

It miles dicto parens, & iussa capeffit:
 Templumque ingressus sanctum, tracturus ab ara
 Pontificem: diuumque adytis, quis numina lædat?
 Ter miles vim ferre parat, ter concidit amens,
 Attonitisque animis it verso poplite retro.
 Nil tamen hoc Regis sæuissima corda furentis
 Mitefcunt magis, aut dextra cadit ultor acinax.
 Quin magis indignans, dira ceu pulsus Erynni,
 In templum frendens ruit: obiurgatque morantes
 Armatos, refides animos, imbellia corda
 Exclamat, qui non iam dudum ex æde reuellant
 Pontificem: & sacris operantem cæde cruentent.
 Succeditque operi scelerato, & fertur in hostem
 Non hostem, infelix sed quem sibi fecerat hostem,
 Dextram injecturus, iamque auulsurus ab ara
 Pontificem; ferroque virum violare paratus,
 Atque Deos: retro Rex it. mirabile visu,
 In terramque, vlli non tactus, voluitur amens
 Protinus, immotusque iacet ceu truncus humi Rex.
 Mox surgens, animoque resumpto, rursus in aram
 It: ferroque caput facientis sacra cecidit
 Pontificis, casumque trahit violentus ab ara:
 Ante foresque necat templi, timuisse putandum est
 Tectorum casum, & præsentis numinis iram,
 Ne se se media vindex in cæde lacunar
 Obruat, & sceleratam animam scelere ultor in ipso
 Auferat irata dextra Deus, & nece sæua.

Quasque

Quasque furens animis violarat martyre cæso,
Ipse cruore suo sacratas imbuat aras.

Non satis immani fuerat sæuoque tyranno,
Pontificem vita spoliare; & sternere ferro
Sanctum Pontificem, nisi centum in frustra cadauer
Ense secet. spargatque sacratum corpus in auras.
Ante fores ergo non vno vulnere cædem
Expedit, offensi quid non facit ira tyranni?
In partes corpus sæuo secat ense minutas.

Hinc caput, inde manus, dextram hinc, atque inde sinistram,
Inde pedes, genua hinc, diuellit ab artubus artus.

Non tergo ceruix, humerisue hædere lacerti:
Non cruri femur, auulsis non tibia furis,
Barbarus ut quondam charo crudele perempto
Fratre furit miles, fraternaue vindicat ultor
Funera, & incumbens multa nece sæuit in hostem:
Vulnera vulneribus geminans atque ictibus ictus,
Nec se explere potest, dum spiritus artubus vllus
Palpitat: & motare animam videt eruta membra.
Præfule non aliter trux Rex se gessit in ipso;
Trux magis, heu dirus magis, heu truculentus & ille,
Barbarus ille magis, sectos, ut se expleat, artus
Discerptumque cadauer agrum, iactare per omnem
Imperat: alituumque escam iubet esse ferarum.

At Deus omnipotens cælo demisit ab alto
Terribiles rostris aquilas atque vnguibus vncis
Quatuor, a totidem cæli quæ partibus artus
Alitibus seruent avidis, & vulture pulso.
Visa quoque in noctem medio fax lucida cælo,
Quæ sparsum illustret nocturno lampade corpus.
Quo monstro attoniti ciues, quum postera primum
Titoni croceum linquens aurora cubile
Effulsit terris, collectos vndique tollunt

Componuntque artus vna, conduntque feretro.
 Hic maius sequitur, vidit quod nulla vetustas
 Prodigium: coiere artus, mirabile dictu,
 Inque abiire suam nullo cogente figuram.
 Prima redit facies superum vi, nulla cicatrix,
 Non vllæ plagæ manserunt, viuere dicas:
 Frigida ni rigeant immoto corpore membra.
 Protinus audita re, monstroque excita tanto,
 Circumsusa ruit late Cracovia tota:
 Et ciuis, Casimire, tuus: studioque videndi
 Huc omnis populus, vicinaque confluit ora.
 Mirantur, coisse artus diuersaqua membra,
 Quæ nuper disiecta agros videre per illos.
 Agnoscunt veterem faciem, diuamque figuram,
 Pontificisque sui vultus; si vita maneret;
 Attonitique stupent: illum hic, hic aspicit illum,
 Si credant sibi, quæ coram cernuntque, videntque.

An Rex immanis rursus tela impia fumes?
 Sacrilegasque manus superis infensus & æthræ
 Intuleris demens, diuum & miracula solues?
 Inque anima cassum tua strinxeris arma cadauer?
 Quanti olim infelix, heu quanti optaueris emptum
 Pontificem intactum, & sacrum seruasse cruorem?
 Mox regno, breue tempus erit, depulsus auito
 Lugebis tua facta exul, testa externa quærens.

Condere corpus humi, sanctumque inferre sepulchro
 Tempus erat, nullo ne magnus honore iaceret
 Martyr: magna licet populo spectare libido
 Præsulis ora sui, nec se satiare videndo
 Attoniti possint: aut fixa cadauer in ipsum
 Lumina, & intentas valeant auertere mentes.
 At tandem dant corpus humo, vilique locatus
 Aggesta e terra tumulo Scepanouius heros

Maximus

Maximus, exigui iuxta iacet ostia templi,
 Non illi populus dare marmoris ausus honores,
 Non intra celubra illum tumulare Deorum,
 Non lugubre canunt: tumulum nec carmine signant.
 Talia si faciant, sævum timere tyrannum,
 Funestasque manus: iterum ne dirus in aras
 Irruat, & clausa manes disturbet ab urna:
 Pontificemque suum videat Cracovia centum
 Sæctum in frustra iterum, discerptaque præsulis ora.

Non hæc finitimas tantum vulgata per vrbes
 It fama, & crudele nefas, non frigidus axis,
 Nec soli hoc septemfunus flevere triones:
 Res late exierat, populoque audita Latino est,
 Hesperieque omni. iam Tybridis accola luger,
 Romuleusque pater, vasti datus arbiter orbis,
 Terrarum cælique potens, nigræque gehennæ,
 Ingemuit cæde audita, lachrymasque profudit:
 Excideratque ægro prope vertice sacra tiara,
 Dextraque vix sceptrum tenuit; cubitoque moratus
 Incumbens, humeris heros caput exerit altis
 Turbidus: & mixta lachrymis sic intonat ira.
 Ergo crudeli Rex barbare cæde tulisti
 Pontificem? cælique virum, templique ministrum?
 Diuorumque domos temerasti martyre cæso?
 Irato pœnas olim Deus ore reposcat,
 Et des crudeles, crudelisque exigat orcus:
 Regali interea nobis spoliandus honore es.
 Continuoque omnem, qua se Istula fluctibus infert,
 Sarmatiam diri Regali iure tyranni
 Edicto soluit sacro: populumque, patresque,
 Liberat imperio, Regaleque sustulit ostrum:
 Infque Boleslao Regni, indignatus, ademit.
 Ferre nefas sceptrum, capiti que adhibere tiaram

Esse

Esse iubet: dirisque caput stygiæque paludi
 Deouet, extinctisque canit mala carmina flammis:
 Præsentans illi tenebras noctemque profundam.

Talibus immanis factum crudele tyranni
 Castigat, cædemque pater Romanus inultam
 Haud sinit: & fufum non olim impune cruorem
 Pontificis iusta percussus vindicat ira.

Præterea sacris impofita fientia templis,
 Non fas pontifici folennes ducere pompas,
 Non canere ante aras, vocesque attollere cælo.
 Murmurat in templo demiffa voce facerdos,
 Valuarumque homines obiectu submouet aris.
 Pulfa nec excelsis resonant in turribus æra,
 Temporibusque fuis populo dant figna vocato.
 Luce fub extrema fi quem fua fata vocarunt,
 Non decus inferiæ, non villos funus honores.
 Ære tulit pulfo: nec mæltis vocibus hymnus
 Placauit manes, veniamque popofcit Olympum.
 Conduntur pura morientum corpora terra,
 Indecoresque iacent quocumque in puluere ciues,
 Auratumque equitem marmor non claudit auitum.

Hic quoque cernere erat, populos difcrimine nullo
 Ire, iugo poftquam excuffo fpreuere tyrannum.
 Vulgus honoratis, comiffaque ciuibus it plebs.
 Non dominum glandem ructans agnofcit agreftis
 Armatus fude ferrata, non vertice nudo
 Cerdo magiftratum meritoque affitur honore.
 Cuncta ruens, fine more furit lafcia iuuentus,
 Nulla olli fat claufa domus: non veftibus vllis
 Defenfæue nurus, caftæue fuere puellæ.
 Scilicet irrumpunt magnæ in penetralia Veftæ,
 Intactos thalamos, & facos diis Hymenæos
 Aufi polluere, anfanctumque auferre pudorem

Accinctus

Accinctus ferro pauper locupletis in ædes
 Currit hians prædæ, gazamque fatigat auari.
 Importuna animos mendicis addit egestas.
 Ius erat in dextra, quo fert suâ quenque libido,
 Irrumpit demens, campo grassatur aperto
 Securus latro pœnarum, & carceris atri.
 Qua fert cunque pedem trepidat cum fasce viator,
 Prætentasque notis ludentibus expauet umbras:
 Prædonem metuens ramo latitare sub omni.
 Non noctem ciues horrent, tenebrasque ruentes:
 Luce furens media stricto siccarius ense
 Irruat, atque palam quemcunque impune trucidet.
 Non fora, non leges, non iudicis ora seueri,
 Non vlli fasces metuuntur: vi geritur res.

Hos motus, quos ipse malis exciuerat ausis,
 Arce Boleslaus nequicquam spectat ab alta:
 Et spretus vana sine viribus æstuat ira.
 Quî modo Sarmatiam late tremefecerat omnem,
 Et fortes sumptis terrebat Theutonas armis,
 Aruaque possessio septem subiecta trioni.
 Hunc nunc impauidi brevia intra mœnia ciues
 Contemnunt, coramque audent excire tumultus.
 Et quod triste magis, quodque exitiale tyranno:
 Consilium procures agitant, omnisque senatus:
 Ponere Regales fasces, & sceptrâ negantem:
 Seu perdant ferro, seu captum in vincula ducant.
 Ferre Boleslai iam dudum dura nequibant
 Imperia exosi, & nullis tolerabile Regnum.
 Non hoc grande malum diri erinita comete
 Præluxit fax vlla, leues quæ sydera vates
 Conscia fatorum dicunt, casusque futuros,
 Regnorum excidia, & Regum portendere cælo,
 Cladesque, stragesque, atque illætabile bellum.

Ergo

Ergo vbi se primo sensit rumore petitem
 Insidiis, cecidere animi, nec conscia tanti
 Mens sceleris sterit: inuisito non pectore virtus.
 Quid faciat Rex infelix? cui Regia non est
 Tuta sat iratis patribus? subeatne periculum?
 Cogitat instanti se se subducere fato,
 Molitur tacitamque fugam, Regnoque relicto
 Cum paruo ratus exilium sibi quærere nato.
 Pannoniam venit, Regemque petiuit amicum:
 Eiectum regno quem quondam in scepra reduxit.
 Illic non aurum, non illic Regia Gaza,
 Non structiue tori, non alta palatia defunt:
 Ille modo exposcat, non vlla negata voluptas.

Hic primum sceleris memori, cum sæua quierunt
 Corda Boleslao, positoque insana furore
 Excessit rabies: & pristina reddita mens est.
 Multa mouens animo turbato pectore fatus,
 Heu quid, ait, volui miser? aut quis me impulit error?
 Sanctum pontificem, diuum, sceleratus, ad aras
 Sacrilega occidi dextra, corpusque sacratum
 Centum in frustra amens secui, sparsumque per auras
 Vulturibus canibusque dedi crudelis in escam.
 Quis Deus huc adigit, demonue? quis abstulit ægro
 Mentem animumque mihi? quin protinus ima dehiscis
 Terra? nigrosque, aperis manes, Acherontaque dirum?
 Dicis Regna patris, multo loca sulphure sæta,
 Et pœnis, quas promerui? quin terra dehiscis?
 Et me tergemini viuentem mittis in ora
 Infaturata canis? mandandum ristibus illis?
 Aut tu fontem animam hanc cælo indignatus ab alto,
 Funde pater dextra, & sæuo me fulmine tolle.
 Talia jactabat, mortemque miserrimus ultro
 Poscebat, lachrymisque genas fœdabat & ora:

Ilia

Ilia concutiens gemitu & singultibus ægra.
 Non epulas capere, aut speciosum haurire falernum
 Deliciæve iuvant ullæ, cantusve, lyreæve.
 Absque cibo solem, & stellas videt absque sopore.
 Exagitata malo mens non capit ægra quietem,
 Humida nec gravido nox prensat lumina somno.

Visa animum interea ludunt, & corpore cassæ
 Ante oculos media volitantes nocte figuræ.
 Heu, qui non acies, qui non modo tela timebat,
 Non truculenta ducum mediis in millibus ora:
 Hunc vanæ species atque irrita terret imago.

Hinc tristis sævas agitans in pectore curas,
 Consilii ignarus melioris, seu Deus ultor,
 Seu cæca impulerat vesania, mentis inops Rex,
 In sylvas abiisse vagus lucosque profundos
 Fertur: & a canibus vestigia nota secutis.
 (Queis rabiem Deus & sævas immiserat iras)
 Interiisse suis, factus miser esca ferarum:
 Dente truci laniatus, humi ferus occubuit Rex.

En memores iustosque Deos! quæ funera sanctis
 Manibus, infontique animæ ferus ille pararat,
 Hæc eadem patitur, sparsusque cadavere toto
 Atra canum infelix rabidorum viscera complet:
 Semianimesque feris trepidant sub dentibus artus

At tu magne toros pater o Scepanovie sacros
 Sede tenes celsa, & positis stas aureus aris.
 O patriæ tutela tuæ, cui Sarmata largum
 Thus adolet, septemque genuflexere triones:
 Et sæpe ereptis discrimine civibus olim,
 Plurima cui totis pendent donaria templis:
 Placatum precibus supremum redde tonantem
 Sauromatis, cunctisque tuos defende periclis.



Oo

FLAGEL-

FLAGELLUM LIVORIS

*Continens omnia fere Metrorum genera,
quibus usus est Horatius.*

Nihil, Deo volente, livor officit:
Nihil, Deo nolente, proficit labor.

CRACOVIÆ

Ex Officina Lazari. Anno Domini M. D. LXXXIij.

IN STEMMA JELITARUM SIVE SARIADARUM MONOMACHIA GRATIARUM & EUMENIDUM.

*Hastarum fascem, proavorum Stemma tuorum,
Virgineæ Charites diripere manu.
Telo quæque suo adversam confecit Erinny,
Et Stygiam rapta cuspide fixit anum.
Inprimis Aglaia, caput confodit Alcæus,
Hastæque funesto sanguine tinctæ fuit.
Tisiphones pectus, vivis natricibus lirtum,
Transadigit gracili, pulcra Thalia, manu.
Confecit Euphrosine lethali cade Megaram,
Traiecit mediam fraxinus Eumenidem.
Dumque videt Livor morituræ vulnera matris,
Orphanus infelix, matre cadente, crepat:
Vidtricesque Deæ, Furiarum Strage peracta,
Hastas in fascem composuere, suum.
PHTHONOMASTIX AD ZOILUM.
Quod si flagellum non times, o Zoile,
Ne verberere Scorpionibus, vide.*

FLAGEL-

FLAGELLUM LIVORIS

Continens Odas unam de viginti:

Ad Illustrem & Magnificum Mæcenatem.

ARGUMENTUM

Omnia suis pestibus esse obnoxia:

Inprimis vero, VIRTUTEM Invidiæ.

ODE PRIMA.

OMnia Mæcenas proprio exercentur ab hoste:

Namque Deos hominesque remordet.

Adversus genius, sua stant incommoda brutis:

Et plantis, gravibusque metallis.

Ecce Deos armis infestare Gigantes,

Sacrilego Mavorte severi.

Invidere Jovi sceptrum, paterasque beatas

Concilio mensisque Deorum.

Sidera sideribus contraria numina quosdam,

Dextra iuvant, vexantia plures.

Jam profunt elementa, eademque animalibus obsunt:

Constituunt, & corpora solvunt.

Ignibus en sylvæ pereunt, urédine messes:

Et pratis inimica locusta est.

Quæque suis tineis obnoxia, cernis ut hortum

Eruæ populantur agrestes.

Frondis opes adedit bruchus nemorisque coronam,

Et vernos accidit honores.

Curculio Cererem lædit, Convolvulus uvam,

Et fucus flaventia mella.

Theſauros rubigo comelt, ærugo metalla:
 Diſpereunt putredine ligna.
 Inſidias tendit ſtabulis truculenta ferarum
 Efuries, triftiſque vorago.
 Aſt homini lupus eſt homo, nullaſque bellua plures
 Mortales, cognataſque læſit
 Corpora, quam rabies hominumque inſania lædit,
 Mutua qui ſibi retia tendunt,
 Inque vicem ſe ſe miſeranda cæde cruentant
 Sanguiniſ, heu, tam prodiga pubes.
 Et velut in ſua coniurati funera cives,
 Præcipites rapiuntur in arma.
 Nonne vides homineſ paſci diſcrimine fratrum, &
 Viciniſ ſucceſſibus uri?
 Sauciat occulto præcordia vulnere Livor,
 Et fibraſ exulcerat imas.
 Fortunam ſequitur comes, ut ſine nube micantem,
 Umbra ſequi ſolet æmula ſolem.
 Sed cedo, quid meruit tandem immeritiſſima VIRTUS?
 Cur gemit huic obnoxia vermi?
 Scilicet hoc ſceluſ Heroumque Deûmque noverca,
 Immiſit ſæviffima Juno.
 Elevet ut laudeſ operoſaſque facta bonorum,
 Rûmoreſ mentitur inaneſ.
 Sub Junone fera Livoriſ militat ala,
 Imperiis Junoniſ obaudit.
 Æolon inſtigat Juno, dum præcipit Euris
 Æneæ ſubvertere claſſem.
 Livoriſ matri iubet imperioſa Megæra,
 Vt Rûtuloſ accendat in arma.
 Matribuſ hæc quoque Troianiſ incendia ſuaſit,
 Subiiciant ut navibuſ ignem.

Herculeiſ

Herculeis etiam immisit Saturnia cunis,
 Cæruleos, duo monstra, colubros.
 Læsit semideos & pectora debita cælo,
 Obiiciens certaminis anfas.
 Hæc quoque Mæcenas voluit tua facta morari,
 Livoremque molesta subornat.
 Hic insincero tua lancinat acta cavillo,
 Cuncta notans aspergine nigra.
 Sed velut e solido conflatis ære columna,
 Non cedit tua vivida VIRTUS.
 Succubuit Livor, cuius certissima clades.
 Hoc nostro descripta libello est.

De Livoris ortu.

ODE II.

Livoris ortus manat ab inferis,
 Authore iactat se Cacodæmone.
 Impleta Cocyto Megæra,
 Quem parit atra, fatu maligno.
 Lævo solutus membra Cupidine
 Cocytus ardet, deperit impiam
 Stupratque Dirarum Sororem, &
 Suscipit exitiale monstrum.
 Quod gestat alvo sæva puerpera,
 Motu senili donec in æthere
 Compleverat Saturnus annum,
 Atque suum peragravit orbem.
 Fœcunda demum parturit Eumenis,
 Quæ mille tetris acta doloribus,
 Aptum sibi quærit cubile,
 Tartareis ululans in antris

Tandem

Tandem recessu fluminis ultimo,
 Lætata ripis Tartaræ Stygos,
 Curvisque Mæandris Averni,
 Qui novies Acheronta cingunt.
 Selegit umbras & loca partui,
 Tam pœnitendo prorsus idonea,
 Æterna quæ caligo texit,
 Cimmeriæque premunt tenebræ.
 Hic semper auras noctua ventilat:
 Hic ominosus nycticorax volat:
 Hic murium cæcus volucris,
 Obstrepit in tenebris vaganti.
 Hic multa surgit taxus in æthera,
 Buxusque pallens, pinus & ardua,
 Surguntque funestæ cypressi, &
 Flumen amantia populeta.
 His ergo partum sedibus edidit
 Proiecta densas inter arundines,
 Livoris atrî dira mater,
 In Stygiaque reponit ulva.
 Dum triste vagit progenies fera,
 Stridore totos concutit inferos.
 Accurrit Orci fœda labes,
 Monstriferique caterva Ditis.
 Mater terrarum Tisiphone prior,
 Charo nepotî præbuit ubera:
 Ferale suxit lac alumnus,
 Nequitîæque bibit medullam.
 Post hæc Alecto senior advolat,
 Et gratulatur læta puerperæ;
 Quassat caput sævum colubris,
 Crinibus aguisferis timenda.

Conta-

Contagiosis horrida basis,
 Dissuaviatur labra trementia,
 Ducit venenum tristis infans,
 Imbuit ossa trucesque venas.
 Cunas ad illas & Nemesis venit,
 Vna Querelæ & Vociferatio,
 Huc Ira passu concitato,
 Atque silens Odium volauit.
 Fatale munus tristeque Pægnium,
 Virtus Olympo misit ab igneo,
 Vt sopiat voces nefandas,
 Et pueri fremitus malignos.
 Limam trecentis ictibus asperam,
 Vt Livor illam manderet improbus.
 Vt discat exercere morsus
 Indomita domitrice ferri.
 Sed dente rodit dum chalybem truci,
 Se lædit ipsum ridiculus puer.
 Nam bolus inconsumptus, atros
 Atterit & violat molares.
 Sic fertur infans ille adolescere,
 Caliginosis editus in locis.
 Velocibus pennis in auras
 Hinc solet evolare monstrum.

Livoris Descriptio.

ODE III.

Nosse cupis faciem Livoris, & ora mordicantis.
 Apellis udo picta penicillo?
 En, quod poscis habes, monstrum Furiale conspicator,
 Et cominus vide nefas nefandum.

Quod

Quod velut in scenam producitur, & sacrum triumphum,
 Spectaculo fave Patrone quæso.
 Adspice prodigium, suetum tua facta criminari,
 Et gloriæ tuæ quod imminebat.
 En caput horrendum, de quo coma viperina pendet,
 Cui mobiles vivique sunt capilli.
 Et quos non agitat Boræas minaxque Apeliotes,
 Sed viperas movet suum venenum.
 Pervigiles oculi nimiumque volubiles vagantur:
 Obrutus inquietus & cruentus.
 Ambiguo radio, partem simul intuens utranque, &
 Albugine obliqua, nimisque pæta.
 Buxea labra tremunt, rubigine nigricant vetusta,
 Cum dentibus primoribus canini.
 Guttare vox rauco teterrima, vox inauspicata
 Dum prodit, ingens obstupefcit orbis.
 Hæc vox rumores & nuntia seminat sinistra,
 Adulteratque gloriam bonorum.
 Vulturis est rostro nasus vigilantior sagaci,
 Odore cladis pascitur dolendæ.
 Et macie vultus consumitur invidæque malæ,
 Vix ossibus strigosa pellit hærer.
 Cordis enim virtus eroditur intimæque fibræ,
 Quas exedunt striges feræque larvæ.
 Æmula mens & lingua procax. manus otiosa torpet,
 Dum nil facit, præclara facta culpat.
 Ambifinister enim Ceromatae Livor atque arenam
 Detrectat, invidet tamen labori.
 Virat curriculum & certamina, pulveremque festum,
 Bonis tamen data uritur corona.
 Infestis queritur stridoribus, ungve, dente, voce
 Bacchatur, alas concutit feroces

Alis

Alis Nycteridum similes. Volucris velut Dracæna,
 Si in rupium laceffitur cavernis,
 Sibilat, evomitat flammæ, sinibus rotata crebris,
 Et ipsa vapulat suo veneno.
 Morsibus horrificis dum se petit atque mordet ipsam,
 Et spiculo sibi nocet bisulco.
 Sic quoque livor edax virtutis honore provocatus,
 Se morsibus castigat ipse iustis.
 Extremo dorso trahitur, colubrique crevit instar:
 Plicatilis ter mille cauda spiris;
 Quæ longo tractu maculat spatium viamque totam,
 Quacunque serpit virulenta labes.
 Harpyiæ similis, quæ proluvie soluta ventris,
 Mensas & agros inquinat volando.
 Tardior est illi, sed non sine sceditate motus,
 Progressibus tamen suis valescit.
 Et qua progreditur, si non populatur atque vastat,
 Certe locis aspergit ille labem.
 Quæ tangit, scdat: quæ transvolat, halitu perurit,
 Et inficit quæ dentibusprehendit.
 Ingenio nigro perimens oculoque pervicaci,
 Veneficaque pupula trucidat.
 Fascinat auditu contagia rebus affricando,
 Gustataque ipso concoquit palato.
 Profuit & nares vitare bonis viris odoras,
 Occasionisque amputare pesti.
 Præcipue si quis quovis penetrabilis periclo est,
 Nec sustinet vulgi leves susurros,
 Ille domi lateat, cælans benefacta præmiumque,
 Contentus angulo arbitrisque paucis.
 Sed cui spiritus est nullo superabilis furore,
 Suffragiis rumoribusque maior,

Ille foris pugnet, pleno bene firmus in theatro,
 Vadatque Marte dimicans aperto.
 Non parebit inops Livor, sed abibit, & venena
 Convertet in suum caput resorpta.
 Ut iacit ex oculis mortem Basiliscus in colonos,
 Quos eminus præverterit videndo.
 Si tamen in speculo se se videt author ipse lethi,
 Mox populæ perit suæ veneno.
 Sic quoque Livoris natura reciprocumque virus,
 Prius parentem sapiusque torquet.
 Belua Pompeia dignissima lege, culeoque
 Cum viperaque simiaque, claudi.

*Quæ sint voluptates,
 & quæ tormenta, degeneris Invidiæ.*

ODE IIII.

L Ivori, Charites, quid placet impio,
 Aut quæ pabula sunt invidiæ truci;
 Blando dicite versu, &
 Musæ progenies Jovis.
 Nimirum scelus & perniciës virum
 Paupertas lacero squalida pallio,
 Infamisque voluptas,
 Deçostrix patrimonii.
 Socors ingenium, pigritia grave,
 Contemnens humili pectore glorias;
 Mens demissa, solo quæ
 Sidit reptilis infimo;
 Imprudens animus forsque miserrima:
 Ægroti facies lurida corporis:
 Tristi membra grabato
 Decumbentia iugiter:

Nec

Nec non mors tragico funere tabida,
 Famam si maculis turpibus oblnit.
 Si post fata parentum,
 Paupertas premit orphanos.
 His pinguescit iners Livor & improbus:
 His illum genitrix invida pabulis
 Densa nutrit in umbra,
 Dum pestem Canis educat.
 Sed rursus teneræ dicite Gratia,
 Quos hostes habeat Livor, & horrido
 Quisnam dente peratur
 Monstri degeneris precor?
 Nimirum probitas atque hominum salus,
 Quæsitæque bonis divitiæ modis:
 Frugalissima VIRTUS,
 Servatrix patrimonij.
 Felix ingenium, quod petit ardua,
 Excello sitiens pectore gloriam,
 Adspirans in Olympum,
 Curis insuperabile.
 Tum solers animus forsque opulentior,
 Vires eximie corporis ardui,
 Quod pulchram vegetamque
 Præsefert habitudinem,
 Mortis mite genus, gloria subsequens;
 Post summos cineres, posteritas bona.
 Quæ VIRTUTE coruscat,
 Fortunatior in dies.
 His ægrescit iners Livor & improbus;
 Hæc illum perimunt Thessala toxica:
 Hæc diræ, bona, pesti,
 Perstringunt oculos malos.

Dent ergo superi, Livor ut invidus,
 Horis excipiat vulnera singulis,
 Morsu inflicta perenni
 Sævi dentis & ungvium.

VIRTUTIQUE sacræ stent sua præmia,
 Splendor, divitiæ, veraque gloria,
 Et stipendia, sudor
 VIRTUTIS ferat igneæ.

*Rogantur Gratiæ, ut cicurent
 Invidiam, eamque reconcilient Virtuti.*

O D E V.

O Nexus Charitum cælicolis micior omnibus,
 Nodo virgineo quem religat cingulus unicus;
 Cur monstrum pateris tamque nefas incicrabile,
 Afflatu nocuo gesta hominum lædere fortium?
 O non immemores artificii surgite virgines,
 Livorem gracili quæso manu prendite stridulum.
 Mansuescat manibus fœmineis livida bellua:
 Notis incipiat vocibus & plaufibus obsequi.
 En mitescit equus nec refugit frena & ephippia:
 Poppysmo facili perdomitus dat caput aureis.
 Sic ingens elephas æstiferis ductus ab Indiis,
 Discit militiam, fert solidas tergore copias.
 Ursus Menalium vel Scyticum quem nemus educat,
 Exercet choreas non secus ut Ludio Roscius.
 Vestro numine fit blandior, & Pardalis & Lea:
 Assuescit manui tam placidæ vel draco lubricus.
 Solus Livor iners omnibus est vipera viperis
 Intractabilior, tam faciles nec patitur manus.

O Diana,

O Diana, feram solivagam retibus implica,
 Et captam lepidis trade precor Cynthia Gratiis.
 At vos o Charites, virgineas sumite fascias,
 Qui vos perpetuo iure ligat: sumite cingulum,
 Cervicemque iugo vipeream subdite libero,
 Et rictum tenera monstrificum nectite fibula.

*Responsio Grattarum, non posse
 illarum comitate mansuesceri Livorem,
 neque retibus Dianæ capi.*

O D E V I.

Livorem non est nostrum cicurare protervum;
 Nec inquinari hac labe Gratias decet.
 Tractatur melius Libycis Basiliscus in antris;
 In aridaque sæva solitudine
 Dipfas, quæ morsu sitibundos enecat artus;
 Quam Livor ille carnifex domesticus.
 Nec Diana solet turpes agitare colubros,
 Assueta ludis virgo gratioribus.
 Nec maculare volet puros innoxia casses,
 Nec Diva persequi hanc feram dignabitur.
 Nec terrere canes illam latratibus audent,
 Ne præda fascinet molossos præpetes.
 Nam velut irritata, canes incantat Hyæna,
 Aufertque vocem persequenti vertago;
 Sic animum Livor vocemque veneficus aufert;
 Dum ringitur, canes fugat venaticos.
 Respergit fugiens rabidis vestigia spumis,
 Quas nulla contingit vel olfacit fera.
 Mulcebunt igitur Charites, quod sæva Diana,
 Abominata, non movet venabulis?

Nōn

Non facient certe, nec fas est stringere cæstu,
 Enorme collum, & cingulo sororio.
 Nec sacra scædabit tam triste monilia monstrum,
 Et fibulas, & virginales fascias.
 Non illi dabitur Charitum contingere lucos,
 Dapesque puri simplices convivii.
 Nec turbabit Acidalias hæc vipera lymphas,
 Ne virus innatet piis liquoribus,
 Spargens cæruleos in aquis liventibus orbes,
 Eheu, veneni signa præsentissimi.
 Præterea nobis gliscunt sine scædere lites,
 Hæreditariiue iurgii calor,
 Cum Livore malo, miserisque parentibus. Ergo
 Faceffat & Megæra, & filius ferox,
 Tisiphoneque minax, abeat lethalis Alesto,
 Contrariæque Gratiis Erynnyes.
 Dispercatque malus livor Cocytia proles,
 Et nemini tractabilis ferociat.
 Non manibus nostris mulcenda nigerrima labes,
 Sed igneis est exedenda vermibus.
 Quam Lumbricus edat, quam potet hirudo palustris,
 Atræ Stygos, cum flammeis natricibus.
 Nos Jovis infantes natæ, nec tristia palmis
 Portenta mulcemus piis, nec vocibus.
 Nam si quid Furiarum vel Livoris habemus,
 Heu Gratiæ statim sumus non Gratiæ.

Ad novem

*Ad novem Camœnas, ut musicis harmoniis
leniant Invidiam, vel denique sopiant.*

O D E V I I.

FLexanimes Divæ, quæis vocum Gratia curæ est,
 Suavitasque carminum Pieriumque melos;
 Delinite fremens & inexorabile monstrum,
 Sono modisque Musicis arteque melliflua.
 Nunc Helicon grata vice Parnassusque bivertex;
 Spirantis Hyblam carminis, nectar & omne, sonet;
 Ut mitescat atrox Livor, vel membra solutus,
 Humique fusus dormiat voce soporifera.
 Numine Pegasides vestro placatur Olympus,
 Placantur inferi graves, Oceanusque furens.
 Auritas ornos deducere montibus Orpheus,
 Æmiquæ vepres horridos Caucaeosque rubos
 Creditur; & choreis nemus indulgere videres,
 Dum filius pulsât fides Calliopeia tuus.
 Amphion etiam lapides in mœnia cogit,
 Petras ciet surdissimas carminis obsequio.
 Æquoreos pisces Cythara demulsit Arion,
 Jactura navis perfidæ: & victima blanda maris:
 Delphinum dorsi equitat proiectus in æquor,
 Ad continentem patriæ Tenariasque plagas.
 Somnum inducit Aristoridæ Cyllenius Argo,
 Pigrum sonante fistula somnificisque modis.
 Centum palpebras fallaci carmine sopit;
 Custode cæso, pellicem surripit Inachida.
 Threicius fidicen placat testudine Manes,
 Ditisque coniugem feri, Tartareumque canem.
 Quis tandem dubitat, vestra quoque posse donari
 Chely, minutam bestiam vermiculumque levem,
 Livorem

Livorem Stygium, Furiarum ignobile germen,
 Nigrique tormentum ingeni, quod sua corda comest?
 Ne petat indigno *VIRUTEM* dente coruscantem,
 Sed in suis cubilibus dormiat angvis iners.
 Extendat gelido sinuosum corpus in antro,
 Obaudiatque vocibus Bistoniarumque lyrae.
 Ne bilis tristes animos obnubilet atra,
 Umbratilis malignitas ne fera corda premat,
 Jam fidibus doctæ, iam voce sonate Camænæ,
 Concors per auras Musice perstrepat æthereas.
 Terpsichore canat arguta Cytharistria chorda,
 Cœlestis auctor carminis intonet Vrania.
 Temperet Euterpe varios tibicina status:
 Dulces Thalia fundat & Calliopea sonos.
 Melpomene Clioque cavæ testudinis istu, &
 Grato susurro perditam leniat invidiam,
 Jamque loquax Erato & sumat Polyhymnia plectrum,
 Ut ferveat concentibus Phocidos omnis ager.
 Thespia, Libethros, Parnassus & Hippocrene,
 Pimple scatentes rivuli, Castaliusque latex.
 Forsitan incipiet Stygius mansuescere Livor,
 Solvet voluptas carminis Musaque docta feram,
 Auribus excipiet modulos, oculisque choreas
 Innoxias mirabitur, virgineumque decus.
 Quod si non capiet mentem dulcedo malignam,
 Pergetque dente stridere tristis Echidna malo:
 Vel si damnabit caperata fronte Camænas,
 Obliqua cernens & gemens, indomitumque furens;
 Tum saltem pigro iaceat resoluta veterno,
 Sopita cantu bellua Pieriisque modis.
 Fistula Mercurii Divinaque virga, colubrum &
 Insomne mulceat scelus, strataque membra domet.

Et quo

Et quo centoculum perimit Caducifer Argum,
Hoc dormientis aspidis amputet ense caput.

*Responsio Musarum: Non posse
edomari Livorem carminis dulcedine.*

ODE VIII.

OBruditur nobis alumnus improbus,
Aonioque choro nimis molesta vipera.
Quam nec movent docti fides Apollinis,
Nec tenues calami raucumque plorans tibi,
Chelys loquax, effœminata Barbitos,
Nec lyra triste querens: nec sibilantes fistulæ.
Rupes & arbores moventur ad sonos,
Ad numerosque suos dum sequuntur asperi.
Delphines audiunt susurros Lesbæ
Dulciloquos cytharæ, fluctus per altos plaudent.
Custos adulteræ iuvenæ sedulus,
Mercurii tremula sopitus est arundine.
Canis trifaux, acerrimus Proserpinæ,
Divitis excubitor, dat carmini victas manus.
Sed livor infelix, feris immanior,
Surdior Oceano, quovis rubo spinosior,
Inhospitali Caucaaso sylvestrior,
Piscibus indomitis multo furit præfractor,
Immitior servante Manes Cerbero.
Anguibus omnibus est Lacerta virulentior;
Et cæteris quo vermis est minutior,
Dentibus horrificis eo tenacius premit:
Et stridula minutius teredine,
Pectora comminuit quibus ferox innascitur.
Quodsi Camænæ perstreperunt vocalius,
Mox quoque livor iners intendit acres sibilos:

Qq

Stridet,

Stridet, ferocit, obstrepat canentibus,
 Atque suos fremitus opponit arti Musicæ.
 Quodsi choros exercet ulla virginum,
 Legibus Harmonicis obtemperans docto pede;
 Mox Livor æmulus, Camelo proflit
 Segnior, in tenebris saltus ciens inconditos:
 Expandit alas, calcibus vestigia
 Inprimit unguiferis, ut per viam repens Draco.
 Sed cauda ludentem secuta beluam,
 Signat & inficit heu longo solum volumine.
 Nec forma liberalis & modestia
 Permovet indomitam surdamque mulcet aspidem:
 Frustra sales funduntur & facetiæ,
 Et placidæ Veneris festivitas innoxia.
 Nec fortitudo Martis, & laudum sitis,
 Nec studium Triviæ, sagacitasque sedula,
 Livoris emollit feri præcordia,
 Nec superat miseri crudele pectoris nefas.
 Ergo Jovem sonet Camænarum chorus,
 Atque viros celebret dignos Apollinis lyra.
 Tristis malignis eiulet singultibus,
 Livor, & indoleat ultus bonorum gloria:
 Oblivione seculorum conditus,
 Perpetua fideat sepultus in caligine.

De Livore Cacodæmonum.

O D E I X.

Infelix Genius lapsus ab æthere,
 Cum turba socii complice criminis,
 Sidens in specubus carceris infimi,
 Flet sedes male perditas.

Æterno

Æterno siquidem proxima numini
Cælorum tenuit summa palatia,
Divinoque throno luminis Angelus

Vicinas coluit domos:

Felices oculos in faciem Dei
Defixos habuit, cælitibus piis
Dæmon lucidior, spirituum sacris
Præfectus legionibus.

Sed fulgore sui luminis insoles,
Tantis intumuit cæcus honoribus,
De se plura sibi pollicitus miser,
Quam par & licitum fuit.

Majestate DEI roditur æmulus:
Affectat solium numinis optimi:
Molitur Satâél imperium novum,
In summis Aquilonibus.

Sic cælum studiis seditio nova
Turbat sacrilegis, plurima pars favet
Autori miseræ stulta coloniæ, &

Votum promovet impium.

Sed rerum genitor, fulmine perditos
Conatus dirimit, cum duce perfido:
Coniurata cohors protinus æthere,
Deturbatur ab arduo.

Constantes Genii lætaque concio,
Permansère suis in stationibus:
Sub victore alacris principe militat
Felix ordo satellitum.

Verum dissidii Dux, reus ambitus
Et vulgus periit mobile cælitum;
Turmatim ruit & fertur ad inferos,
Vt vis horrida grandinis.

Exutus radiis & redimiculo
 Splendoris nitidi, cum grege Dæmonum
 Suasor perfidiæ truditur invidus,

Ad fundos Acheronticos.

Urgetur tenebris igneque perpeti,
 Ad palum Satanas vinctus aheneum
 Diris compedibus: supplicio datur
 Æterno, malus artifex.

Mutatisque locis & vice prospera,
 Infandisque gemens in cruciatibus,
 Amissæ patriæ dum reminiscitur,

Dentes dentibus atterit:

Successura sacris dum regionibus,
 Humani generis respicit agmina,
 Stridens invidia rumpitur, anguis ut,
 Irritataque vipera,

Tormenti socios atque superbix,
 Ad cæcus hominum mittit ab inferis;
 Vt mentes miseras ad scelus incitent,

Nantes àëra Dæmones.

Illi consiliis omnia pessimis
 Turbant, pectoribus crimina suggerunt:
 Imbelles animas præcipites agunt

In fuscæ puteum Stygos.

Inprimis Phthonos est pessimus omnium,
 Ses, excarnificans ossa medullitus,
 Vt nil invenias durius, & nihil

Hoc tortore ferocius.

*Duo Livoris esse genera, bonum videlicet
& malum. Cuius rei aliquot exempla subiiciuntur.*

O D E X.

CUM primum Stygio vivax emergeret Orco,
Livor nefandus carnifex.
Heu primum fortunatos irrepfit in hortos,
Mentitus angvem lubricum.
Hic ubi par hominum fuerat, nova plasmata Divum,
Recens creati coniuges,
Livor erat scelerum fator, affectator Olympi &
Divinitatis arduæ.
Mox etiam terras infelix inquinat Hydrus,
Novos secutus exules.
Concitat in fratrem præcordia rancida fratris,
Suasitque parricidium.
Quicquid mundus habet scelerum, quid Olympus & Orcus,
Livore constant omnia.
Non tamen omnis erit livor damnandus ubique
Cum sit bonum alterum genus.
Si quis enim peior melioribus invidet, ut mox
Et ipse vir sit optimus;
Invidet egregie, generoso percitus Oestro,
Suam increpans ignaviam.
Sic opifex doctis indoctior invidet artem:
Sic diligenti segnior.
Quodsi non melior, similis tamen esse laborat,
Virtute, forte, gloria:
Si videt uberius lætasadolescere messes,
Videtque dives horreum.
Vicinum frugi, sequitur vicinus arator,
Quamvis iners & negligens,

Verfat

Versat humum solers, effætos stercoret agros,
 Maturius quam cæteri.
 Æmulus orator Ciceroni, miles Achilli,
 Et architectus Dædalo,
 Vergilio vates, & Coö pictor Apelli,
 Phæboque cantor invidet.
 Hic livor stimulos addit virtutibus acres,
 Tollitque somnolentiam.
 Est tamen & livor nequam melioribus hostis,
 Est tristis invidentia,
 Quæ malæ VIRTUTI corrupta mente, precatur,
 Et ipsa nil facit boni.
 Hic livor tacite segetes exurit agrestes,
 Et palmitum propagines:
 Vicinum pecus emulget, gracilesque iuencos,
 Visu facit venefico:
 Fascinat infantes, thalami divortia suadet,
 Rixasque coniugum ciet:
 Jurgia concordēs disseminat inter amicos,
 Cædesque patrat impias:
 Et Phthisin, & varios inducit carmine morbos:
 Fugat Lares domesticos,
 Inducitque malos Genios: alienat amicos,
 Et hospites ab ædibus:
 Pestes & maciem pecori meditatur, & herbas,
 Visu facit marcescere:
 Perfringit vestes, agit in tellure cuniclōs,
 Regum petens æraria:
 Captat fortunas, detrectat ferre labores,
 Opes in otio cupit:
 Dum sibi Divinos decerni possit honores:
 VIRTUTIS expers inclytæ est.

Hic tibi

Hic tibi Mæcenas invidit præmia Præster ;
 Hic virulentus Scorpio.
 Inter pestiferos occulta nitedula vepres,
 Lethale spirans toxicum.

*Optimum Heroem & patriæ
 amantissimum, extra omnem Invidiæ
 aleam evasisse.*

O D E X I.

HOs tu dante Deo fugis
 Inferni fremitus & Furias graues.
 Stridorem quoque cardinum, &
 Portarum superas dira crepantium,
 Quas ferrugine stridulas,
 Plutonis taciti fecit inertia.
 Livorem pudet æmulum,
 Quod te tam fatua mente laceffit.
 Et quod spicula prompserit
 In te iam pharetris omnibus omnia;
 Enses cotibus asperis
 Nequicquam exacuens, telaque Martia.
 Frustra factitiis ferox,
 Fulgetris crepat & fulminat insolens:
 Vires exerit impares,
 Nummos dilapidans & patrimonia.
 Orci monstriferi stupet,
 Deploratque suos Regia milites.
 Cocytus genitor dolet,
 Obtrito adspiciens robore filium.
 Tu moles velut ænea,
 Fulmen Tartareum respuis irritum.

Evadis-

Evadisque potentior
 Insultu Stygio, fortis & inclytus.
 Livoris positus manes,
 Extra præcipitem iugiter aleam,
 Et iactum variabilem,
 Teli vulnifici fortis & invidæ.
 Nam clades memorabilis,
 Quam Livor fugiens auspiciis tuis
 Accepit, memori metu,
 Torrebit miseris invidiam modis;
 Vt non audeat in bonos,
 Instaurare suas perfida copias.
 Sed callem tibi comparat
 In cælum pietas, optima pontifex.
 Invitaque Jovis boni
 Scandens ad superos, coniuge livida.

*Rumores invidorum sparsi,
 in absentia optimi & clarissimi Senatoris.*

O D E X I I.

DUm Senator optime
 Causa vocante publici negoti.
 Commoratus es foris,
 Formidolosus æmulis & asper:
 Confodisque tristium
 Cornicularum pupulas dolentes;
 Heu mihi, quid improbus
 Non ausus est disseminare Livor?
 Fabulamque fabula,
 Rumorque rumorem trahit malignus:

Alter

Alter elevat decus:

Sudore partos atterens honores;

Alter hostis acrior,

Infauſta quæque & ominosa fingit,

Oſioſus invidis,

Et oſioſis oſioſa narrat,

Autor in foro novus,

Dum concionatur levi popello,

Fumivenda futilis,

Edentulas anus & omne paſcit

Vulguſ uſque Næniis.

Strepiſque tonſorum per officinas,

Per theatra per domos:

Narrator in conviviiſ ineptuſ;

Et ſubindè ditior

Mendaciorum acceſſione prodiſ:

Criminatur improbuſ,

Morumque ſanctimoniam tuorum:

Ille fretuſ angulo,

Miranda prædicat; ſiniſter augur:

Ille patre libero

Diſertuſ, invidentiæque lippuſ,

Fingit æmulis tuiſ,

Te ſupplicem manuſ dediſſe victaſ,

Turpiterque Gratiam

Hoſteſ rogaſſe te tuoſ, fidemque

Sed priuſ caput petet;

In rivuluſ tenuem coactuſ amniſ;

Fortitudo quam tuâ,

De viribuſ ſuiſ remittat unquam.

R r

Sollicitudo

*Sollicitudo Deorum hominumque de optimo
Senatore dimittente cum Invidia.*

ODE XIII

Quibus imo sedet in pectore VIRTUS,
 Quibus est vel tetricæ cura Minervæ,
 Vocitarique boni forte viri iure merentur;
 Simul omnes eadem sollicitudo
 Capiebat, simul omnes gemuerunt;
 Tot acutis stimulis invidiæ te esse percitum.
 Mala contagia Livoris & ipsos
 Tetigerunt meliores & amicos:
 Ita virus penetrans intima præcordia serpsit.
 Tamen ingens hominum pars tibi favit:
 Studuit quæ tibi rumore secundo;
 Ea rursus metuebat tibi rumore sinistro.
 Simul & Dii studuerunt tibi sancti,
 Jovis & Mars ferus, Hermesque disertus:
 Aderat tum quoque blandissima Suadela Deorum.
 Timuerunt tibi Musæ Charitesque &
 In Olympo superùm humanius agmen,
 Inimica modo sola tibi Junone noverca.
 Tamen illam Deus obiurgat amicus,
 Oculorum ciliis Jupiter atrox.
 Silet uxor, taciturnaque timet mente maritum.
 Igitur Dique virorumque corona
 Meliorum, tibi linguis animisque
 Faver, & nil bonitas invidiæ castra moratur.
 Sed & audax Lyrico mota furore,
 Mea plaudit tibi devota Camæna.
 Quoties de Furiis ferre triumphum perhiberis.
 Nimis

Nimis acri queritur mæsta dolore:
 Quoties vim perhibent invaluisse e-
 Xitiale, caput infons nimis urgentis Averni.

Expositulatio Virtutis cum Invidia.

ODE XIII.

Livor infaustæ soboles Megæræ,
 O nepos atræ metuende noctis,
 Nate Cocyto genitore nigro,
 Livide fili.
 Quid tibi VIRTUS nocuit frementi?
 Aut quid Herdēs nocuere sancti?
 Cur tuo sædo teritur honorum
 Gloria dente?
 En iaces angvis piger in caverna,
 Semper infames tibi quæris umbras.
 Cur bonis ergo sua denegari
 Præmia velles?
 Quo tibi fasces cupis aut honores
 Jure decerni, locupletis atque
 Læta suspiras fata latifundi,
 Prædia, vicos?
 Non tibi debet Deus otioso
 Ista, nec lectus patriæ Senatus;
 Sed licet flava tumeas & atræ
 Bile fatiscas
 Juris æterni titulo perenni,
 Semper hæc VIRTUS operosa tollit.
 Illa sudavit, ferat illi veri,
 Culmen honoris.

Rr 2

Quando

Quando tu ludis ferus insolensque,
Matre sub molli puer educatus,
Perticis audax equitas columnis,

Compita lustrans.

Illa solertem peragit juventam,
Sub verecundo docilis magistro:
Trivit infantes data tædiofis,

Artibus, annos.

Quando tu Sylvis ululas paternis,
Nota rimatus fruticeta ducis
Vertagum loro, solita superbus,

Cæde ferarum.

Illa per libros volitans & urbes,
Aureum quærit studiosa ramum;
Possit ut tristes superare Lucos;

Ditis Averni.

Tu domi tanquam Satyriscus exlex,
Opprimis Nymphas, Bromio calefcis,
Cui voluptas est animumque rodens,

Alea cordi.

Abstinet VIRTUS, cupidoque frenat.
Spiritus, Bacchi fugiens calorem;
Dum foris degit sequiturque duri

Prælia Martis.

Interim dum tu latitas in antris,
Fornici addictus, patrimoniumque
Decoquis, ludis, Lachitumque potus

Oppida turbas;

Edidit Virtus specimen laborum,
In toga prudens, patiens in armis;
Præparant artes in utramque partem

Nobile pectus.

Ergo

Ergo tu mutus miserande Livor,
Semper in cœtu celebri racebis,
Angulo tutus meliora carpes

Facta virorum.

Concionantem reueretur omnis
Ordo VIRTUTEM: regit illa Patres
Concili, fundens trutinata iusto,

Pondere verba.

Tu domi strato recubas cubili,
Mersus in plumis, Geniumque mulces,
Exigis census inhiasque lucris,

Pœna coloni.

Ultimo durata Aquilone virtus,
Interim sumptis oneratur armis,
Redditus & se patriæ saluti

Posthabet ipsam.

Dic mihi sodes posito furore,
Præmiis iustis uter extat horum
Dignior? vel cui rogo debeatur

Gratia maior?

Nunquid ignavo stupidoque civi,
In toga muto timidoque in armis?
An bono & forti, patriæque causa,

Plurima passo?

Nempe qui plura & meliora semper
Egit, in longos referenda fastos,
Præmiis amplis etiam sub hoste

Iudice, dignus.

Fasque si spectes apicesque legum,
Segnis & vacors, etiam parenti est
Imperator bene diuidenti

Prætereundus.

Desinas

Definas ergo, vel iners iacere,
 Vel queri, quod te melior iacentem
 Jure prævertit, sua tollat ut stipendia VIRTUS.
 Legibus sacris ita comparatum est,
 Ut bonus pigro tibi præferatur,
 Lævus ignavis DEUS, in merentes
 Præmia transfert.

*Nil novi accidisse Mæcenati, cum
 eadem Fortuna præferit veteres Heroas.*

ODE XV.

Accidit an beate
 Quid novi, quod te merito non meritum laceſſat?
 Non equidem putarim,
 Cum ſcias priſcos eadem ſemideos tuliffe.
 Hæc eadem protervus
 Et malus Dæmon ſuperis intulerat benignis,
 Qui modo poſt labores,
 Neſtar in cælo liquidum cum Jovè patre potant.
 Prælia multa Juno,
 Libero patri peperit, materiam laborum.
 En reparatur Hydra,
 Herculi ærumnas referens perpetuo renatas.
 En Palamedis inſons
 Æmulum VIRTUS habuit dexteritasque Ulyſſem:
 Ruſus & ipſe Ulyſſes,
 Sentit Aiæcis furias & capitale virus.
 Hectore ſic Achilles
 Morſus, Æneas Rutulo roditur ipſe Turno.

Et patiens

Et patiens Athenas
 Sparta facundas odio prosequitur vetusto.
 Arsit & urbs Elisæ
 Laude Romana, titulos imperiumque captans.

*Criminationes æmulorum,
 salva Virtute, in ipsos redundavisse.*

O D E X V I.

Æ Reus ut paries, nec non adamantina turris,
 Stat bene fixa solo:
 Impetui minime cedens ictumque repellens,
 Missile non metuit
 Balistæ iaculum, fundaque volatile saxum:
 Plura pericla ferens
 In caput adversum iaculatoremque protervum,
 Dum sine mente furit;
 Crimina, sic tibi livor edax, obiecta resorpsit:
 Ipseque talis abit,
 Qualem te voluit: tunica velatus & illa,
 Quam tibi forte parat.
 Incolumis VIRTUS multo radiantior exit,
 Quo magis ingemuit.
 Furnus ut argentum probat explorator & aurum,
 Splendidiusque facit;
 Sic quoque tu splendes inter mendacia maior
 Desidis invidiæ.
 Livor at infelix inhonesto saucius ictu,
 Vltor & ipse sui:
 Supplicium de se sumit proiectus in umbra,
 Est iecur ipse suum.

Quasnam

Quasnam calumnias resorsperit Invidia.

O D E X V I I.

Non erubescis Livor ignavissime,
 Stas inverecundus foris?
 Potesne tot reglutiens calumnias,
 Sufferre conspectum fori?
 Redundat in caput tuum quod finxeras:
 Tricæ tuæ te strangulant.
 En prodiit, quem tu calumniatus es:
 Qui teste conscientia
 Stat absolutus, & bonorum calculis;
 Et omnium sententia.
 VIRTUTIS argumenta & innocentia,
 Jam diluunt fictum nefas:
 In teque deprehenditur de patria
 Dolosa nundinatio:
 Tractata Maiestas, & ipsis mortuis
 Convitiaris Regibus.
 Nam dignitati detrahis viventium,
 Elingvibusque manibus.
 Tu fastione Sarmatas Diûm genus,
 Tumultibusque concutis.
 Jo triumphæ, vicit innocentia:
 Periclitantur æmuli:
 Siletque Livor cum suis rumoribus.
 Jo triumphæ nobilis.

*Quod*

Quod Livor absentem rodât, præsentem Virtutem pertimescat.

ODE XVIII.

UT nigri lemures nocte sub horrida,
Sol dum sanctus abest æquore conditus,
Pascuntur tenebris, sæpeque territant,
Et ludunt hominum pallida corpora.

Sol dum purpureo prodit & emicat
Auroræ thalamo, nox abit humida,
Larvarumque choros occiduo refert
Orbi, cum nebulis ima petentibus:

Cessant insidiæ, lux fugat aurea
Nocturnas Furias, & Genios malos.
Te nox atra timet magne Diespiter,
Nec solare iubar Stryx fera sustinet.

Sic Livor querulus, dum facies abest
VIRTUTIS, fremitus excitat improbos,
A tergoque bonos exagitat viros,
Audax atque catus fingere crimina:

Interdumque minax rem vocat ad saga,
Pacis sæpe canit tempore classicum,
Dum securus abest hostis & inscius,
Vel ridet fatuam sæpe ferociam.

Sed postquam radio fulgida proximo
VIRTUS emicuit, sidus ut inclytum:
Dum plena facie prospicit ardua,
Præsentem penetrans omnia numine;

Maiestate sua territat æmulos,
Connivent Furix, protinus occidit
Livoris miseri tota protervitas,
Fulgorem fugiens intolerabilem.

Ieiunasque minas atque ferociam
Rideres alacris spleneque libero;
Cernens invidiæ castra fugacia,
Et murem rumidis montibus editum.

Ss

Peroratio

Peroratio ad Juventutem, ut contemnat Invidiam

O D E U L T I M A.

VOſ igitur Iuvenes moneo, ceſſate morari
 Livorem miſerum; ſed pergite ferre labores,
 Ærumnaſque graves, & ne deſiſtite cœptis.
 Sibilat ille licet, feriat ſtridoribus auras;
 Regia voſ tutos nihilominus orbita ducat
 Culmen in ætherium, placidam VIRTUTIS in arcem.
 Non tolerabit iners & nodoliſſima ſerpens
 Cernere vicini torrentia lumina ſoliſ.
 Donec enim conſſeta petent ſpineta colubri;
 Dumque occultabunt horrentes aſpida vepres:
 Dumque latet ſiſifer ſpecubus Melanurus in arctis;
 Semper livor edax nota latitabit in umbra.
 Et velut à magno conſiſſus Apolline Pythion;
 Sic cadet inviſtæ, Livor VIRTUTIS ab iſtu.
 Atra quidem vobis caudamque trahentia nigram
 Semper ſunt, vel Pythagora monitore, cavenda,
 Non metuenda tamen; Sed tanquam ſæpe viator
 Quem fugit incedens, inventum conſciit angvem;
 Sic quoque præclare factis torquendus, ut horrens
 Intereat Livor, vel certè latret in umbra.

: A D M E C O E N A T E M,

Magno cum Iovè Regiam Deorum
 Magnis fert humeris onuſtus Atlas.
 Tu molem patriæ, piumque pondus,
 Mæcenas, humeris beate geſtas,
 Affervasque ſuo Iovi Polonos,
 Regnum virgineo integrum nitore.
 Ergo qui Tibi non favet Patrono,
 Certe nec patriæ favet ſaluti.



SIMON

SIMON SIMONIDES

ADAMO BURSIO:

BURSI, sepultam dum excitas vetustatem,
 Ars differendi quâ vigeat antiqua,
 Quam maior usurpabat & minor Zeno,
 Quam cæteri, qui ab hac propage descendunt,
 Stoæ magistri, argutiis viri insignes,
 Quos ipse Tullius secutus hac parte est,
 Hac parte Tullius hætenus patens nulli,
 Obscuritatis tanta præsserat nubes.
 Hanc tu sepultam dum excitas vetustatem,
 Vtunque vim laboris improbi exhauris,
 Dum sparsa in unum membra corpus effingis,
 Et dissipata congeris novo nexu,
 Non laudis inde maximum decus sumis,
 Candore quantum quod fateris integro,
 Quo fonte demanavit hæc ad te cura.
 Sic candor olim fulsit optimi vatis,
 Cui scriptitasse fabulas viros summos,
 Primos Senati, Principes duellorum,
 Rumor ferebat, ipse nec refutabat.
 O te beatum, cui frui ore concessum est
 Zamosciano, atque inde pulchra libare
 Distata. vives illius bono, vives,
 Geniique te eius penna proferet famæ.
 Illum ô beatum, post duella, post pugnas,
 Negotiorum post tot arduas moles,
 Post publicam rem strenua arte curatam,
 Cui esse summo vel minutis istis
 Evenit, in quæ sæpe conterunt totam
 Plerique vitam, nec gradum movent ullum.
 Tantum antistare Principes viros verum est,

Ss 2

Quos

Quos in iuventa rite Musa nutritivit.
 Præ cæterorum feriis, ut ipsorum
 Ludicra, rerum pondus auferant maius.
 Sic gentis Romulæ unicus victor,
 Inter tubas, interque ferreum Martem,
 Lingux nicelas connotabat, ipsosque
 Fandi magistros provocabat ad palmam.

SIMON SIMONIDES

A D S U O S C I V E S .

Canente J. E. MINASOWICIO Can: Cath: Kiou.

S. R. M. Secr.

Jlle ego Sarmatiæ Vatum lux maxima, Cives!
 Qui vestrum immemori mente sepultus eram:
 En venio in dias iterum nunc luminis oras,
 PRÆSULE mî Magno restituyente diem,
 Jamque alis famæ volito perque ora meorum,
 Ora per externum, munere Præsuleo.
 Hinc redivivus ego: DIVINUS, at ille DURINUS
 Qui tribuit vitam, iure vocandus erit.

IO: ANDRÆ IANOCKII CAN. CATH. KIOV.

BIBLIOTHECÆ ZALUSCIANÆ PRÆFECTI,

PRÆPOSITI BABIMOSTENSIS

DE SIMONE SIMONIDE,

POETARUM POLONORUM

P R I N C I P E,

BREVIS SED ACCURATA NARRATIO.

R Oxolanicarum urbium regina, Leopoli, fecunda illa ingeniorum pulcherrimorum parens, benignaque al-
 trix, Sarmatarum Pindarum, id est, SIMONEM SIMONIDEM
 protulit. Pater eius, SIMON nuncupatus BRZEZINENSIS,
 Vir Consularis, summaque auctoritate, in eadem urbe fuit.
 Græcis ille, Latinisque litteris excelluit. Filiumque suum,
 de ungui tenero, erudivit ipse insigniter. Ephebum autem
 factum misit Cracoviam, ingeniis maximis, doctoribusque
 præstantissimis, ea tempestate affluentem. Dedit ibi opti-
 mis omnibus doctrinis admirabilem operam. Emicuit ta-
 men flagrantius, in ipso, poëtices studium. JOANNISQUE
 COCHANOVII, Poëtæ florentissimi exemplo incensus, PIN-
 DARUM legit avidissime: ipsumque imitari ausus est gran-
 di auspicio. Aggressus enim, eo tempore, difficile divinum-
 que opus est, quod DIVUS STANISLAUS inscribitur. Illo-
 que carmine, magnorum omnium, clarissimorumque ho-
 minum oculos, animosque in semet convertit. Insinuavit-
 que

que sese, ad venerabile Theologorum Oratorumque par,
 JACOBUM videlicet GORSEIUM, atque STANISLAUM SO-
 COLOVIVUM. A SOCOLOVIO quidem, fortunæ pariter atque
 ingenii divitiis abundanti, singulariter amatus est: men-
 sæque suæ, consuetudine ac voluptate quadam perpetua,
 adhibitus. Huius etiam viri consilio operæque, in JOAN-
 NIS ZAMOSCI, summi Poloniæ Cancellarii, copiarumque
 Polonicarum Imperatoris maximi, conspectum prodijt. A
 quo mox, propter multam suavitatem ingenii, carminisque
 & dulcedinem, & magnificentiam, mirum in modum di-
 lectus est: inque consortionem atque familiaritatem peni-
 tiorem receptus: nec ante ingravescentem ætatem à latere
 suo dimissus. Eiusque, & itinerum, & bellorum, pericu-
 lorumque maximorum, comes assiduus fidusque: illustris-
 sima ipsius facinora, divinis celebravit carminibus.
 Quarum rerum nos maxime, SIMONIDÆ ipsius ÆLINOPÆ-
 ANA, documentum æternum habemus. Tulit & ille, ab
 Heroë, Mæcenateque inclytissimo, laboris atque virtutis
 præmia digna. Donatus enim, ab ipso, in Koxolania est
 rure pingvi & amæno. Eiusque rogatu, à SIGISMUNDO
 III. Polonorum Rege, prudentissimo litteratissimoque ipso
 Principe, nobilis creatus. Atque à Maximo, sapientissimo-
 que atque doctissimo Romano Pontifice, CLEMENTI
 VIII. corona condecoratus laurea. Obrento Nobilitatis ho-
 nore, BENDONSCII cognomentum assumpsit: quo tamen
 in editis operibus suis haud frequenter usus est. SIMO-
 NIDI huic, ZAMOSCIUS ille magnus, morti proximus, fili-
 olum unicum suum, THOMAM nomine, bonis litteris mo-
 ribusque imbuendum, inprimis commendavit atque con-
 credidit. Eiusque præceptis, incitamentisque, THOMAS
 ille, genitorem suum, humanæ sapientiæ virtutisque speci-
 men absolutum & perfectum, feliciter adæquavit. Vivo-
 que

quæ adhuc præceptore, peradolescens præaltum in Repub-
blica Kiioviensis Palatini locum conscendit. Regni dein-
de Sigillum minus assecutus est. Cancellarii supremi mi-
nisterium ætate provecta adeptus. Præter ipsum SIMONI-
DES, JACOBUM quoque SOBIESCIUM, Lublinensis Palatini
filium: immortali merito Cracoviensem Castellanium crea-
tum; doctissimum illum atque gravissimum Regni Sena-
torem, inter eminentiores Poloniæ auctores, editis nitidis-
simis CHOTINENSIS BELLI COMMENTARIIS præfulgentem:
IOANNIS III. fortissimi invictissimique Polonorum Regis
Patrem: disciplinæ suæ alumnus habuit. Cæterum ipse,
quamvis principum virorum amicis, præ aliis, in patria
sua floreret, & gratiosus esset apud omnes ordines; nil
tamen magnum ambivit. Extremamque ætatem suam, par-
tim Leopoli, partim Zamosci, partim in prædio Cernecensi,
quod à Mæcenate suo acceperat, in otio trasegit. Vixit
tunc temporis, cum ADAMO BURSTO, Philosopho atque
Oratore magno: THOMAQUE DRESNERO, egregio Juriscon-
sulto: & IOANNE VRSINO, Medico atque Mathematico ex-
cellenti, intimè. Potissimum tamen senectutis solatium,
dedit ipsi Bibliotheca sua, lectissimis utriusque linguæ au-
ctoribus abunde instructa. Quam GEORGIUS DOUSA,
Belgarum litteratissimus atque politicissimus, magnopere ad-
miratus est. Namque ille Constantinopolim iturus, Leopoli
aliquamdiu constitit: iucundo ac liberali hospitio à SI-
MONIDE detentus: ab eoque, eruditorum hominum more,
bene pascus refectusque. Exstat huiusce rei, in DOUSÆ illi-
us, DE ITINERE SUO CONSTANTINOPOLITANO, ad IA-
NUM DOUSAM, PARENTEM SUUM, EPISTOLA, honori-
ficentissima mentio. Mortuus SIMONIDES Noster est, A. R.
S. MDCXXIX. Ætatis suæ annum primum ac septuage-
simum excessit. Ossa eius, in Basilica Zamoscenti, Heri ac
Mæcenatis sui cineribus sacris apposita sunt. Sicut remo-
tissimus

tissimus à studiis ambitionis: ita nec mansuræ post fata gloriæ cupidus fuit. Nimis pæne negligens scriptorum suorum. Quibus fere omnibus caruisset posteritas, nisi amicorum eius industria ac diligentia nobis illa servasset. In divulgandis iis, amorem perennem ipsi testati sunt, collega eius, PETRUS CIEKLINIUS, magni IOANNIS ZAMOSCI SCRIBA vetustissimus atque eruditissimus: ANDREASQUE SKRZINIUS, adolescens ingeniosissimus, civiliumque pariter atque bellicarum artium peritissimus, Adiutoris campi honore à ZAMOSCIO adornatus: itemque STANISLAUS GROCHOVIUS, Crusviciensis Ecclesiæ Collegiatae Custos, carminis vernaculi fama celebris: & SIMONIDÆ ipsius, sororis filius, GASPAR SOLCIUS, Medicus bonus, Poëtaque haud spernendus. Lyricis eius palmam ipse tribuit, nobilissimus illius æmulator, ANDREAS SCHONEUS, Philosophiæ in Cracoviensi Academia Professor publicus. Effusissimè eum dilexit, inque Epistolis suis dilaudavit, STANISLAUS RESCIUS, Varmienfis Ecclesiæ Cathedralis Canonicus, atque Andreoviensis Abbatiæ Administrator: gloriosissimorum Poloniae Regum, STEPHANI BATHOREI atque SIGISMUNDI III. in sacrosancta Curia Romana, Legatus amplissimus. Isque, verbis amantissimis atque copiosissimis, SIMONIDEM ad visendam Italiam invitavit, veterumque Philosophorum exemplis instimulavit; sed à lare patrio distrahere ipsum persuasione nulla potuit. Sat eloquenter illum, in ILLUSTRIMUM POLONIAE SCRIPTORUM ELOGIIS ET VITIS, prædicavit SIMON STAROVOLSCUS. De vita autem, scriptisque eius, admodum dubie exposuit. Ab exteris quidem ingeniis SIMONIDES æternitate immortalitateque donatus maxime est. A Belgarum sidere, IUSTO LIPSIO, ob Elogorum indolem divinam, cum CATULLO comparatus. A GASPARE autem BARLEO itidem Belga; THOMAEQUE SEGHETO

GHETO gente Scoto, præclaris utrisque Poëtis, ob Lyricorum vehementiam maiestatemque, PINDARO par existimatus. Horumque instinctu, sæculo superiore, Hamburgensis urbis decus; JOACHIMUS MORSIUS, Lugduni Batavorum commoratus, in inclyta illa Musarum artiumque omnium sede, SIMONIS SIMONIDÆ POËMATA AUREA, quæ tunc in manus suas venerant, cum magno applausu, coniunctim publicavit. Hacce demum nostra ætate, FRANCISCUS RICHARDUS GOETIUS Austriacus, præcellens ingenio eruditioneque iuvenis: quo adminiculatore, in administrando bibliothecarii publici munere, utebatur: nostro suasu ductoque, SIMONIDÆ omnium, quotquot in ZALUSCIANO Museo exstabant, operum editionem, diligentia ac cura maxima apparavit. Quæ tamen, calamitate intercedente bellica, lucem non adspexit. Constitutum enim quasi divinitus fuit, ut SIMONIDÆ felicitati cumulus, ab eminentissimo temporum nostrorum ingenio adjiceretur: ab ipso inquam Apostolico, ad Orthodoxam Regiam Maiestatem, atque Rempublicam, Nuncio Ordinario, Ancyranorum Archiepiscopus maximo, ANGELO MARIA Comite DURINI: Sarmaticis Musis carissimo, omnique ætate ac memoria venerando, sancteque colendo. Antistes namque doctissimus ille, magnanimusque, & ad iuvandas, altiusque provehendas elegantiores litteras alacerrimus, divina omnia SIMONIDÆ Poëmata, nunc in lucem insimul revocat. Princepsque ipse Vates, Poëtam principem, cultu producit Poëtico exornatissimum. Nos cœlestissimas illas manus, quæ litteratæ Poloniæ principale decus suum restituunt; ardore religiosissimo exosculamur. Supplicesque à DEO Optimo Maximo petimus, ut tantum litterarum Statorem, Musarumque Præsidentem, diu servet incolumem.

Tt

Ex STANI-

catam conservaverimus. Dabit etiam Zamoscida, sicut antea dedit, catum, ut ais: cor, pectus adamantina firmitate munitum, robur capax laborum, mentem consiliis fultam fidelibus

ὁ μέγας δὲ κίνδυνος
ἀνάλκην οὐ φῶ-
τα λαμβάνει.

qui à cervicibus charissimæ patriæ vim barbarorum immanem furiasque Saracenas avertet. Odium etiam imbellis ævi, & rigentis ferri amorem, iuventuri Polonæ tribuet, ut ne cruorem tuens fufum horreat, sed crudelibus effera studiis, divinorum honorum strages vindicet, nec abnuat Cadaverum.

Reserre pacem Christianam

Prißinam magnis cumulis redemptam

(vide an tua legerim) idque nos sperare, & expectare iubet, cum ipsius Regis pietas omnium vocibus percelebrata, tum ea quam verissime prædicas, quamque universa patria liquidissime perspexit, Zamoscii altitudo.

Porro quæ mihi destinasti, quæque adhuc parturis: utinam cito parias. Narro tibi Simonide! ad oculos siti-entes venient. Interim ad beatorum cineres vota faciam, ut tibi det Dominus vitam quam mereris, & conservec animum quem dedit: huic porro adiungat, ut tuus Pindarus loquitur μελιτόεσσαν εὐδίαν. *) Vale. Nos ama, nec amare define. Dat. Romæ 28. Martii 1590.

Ex Epistola XLV. ad SOCOLOVIVM.

Et Simonidem nostrum omnium Charitum, Gratiarum, Nympharum, Syrenarumque nomine Neapolim invitabis. Nostrum enim nomen vix apud illum tanti, qui ne Andreoviam quidem. Vale, Neapoli Idib. Augusti 1592.

Tt 2

SIMONI

(*) mellitam tranquillitatem.

SIMONI SIMONIDÆ

POETÆ LAUREATO.

Epistola LIIII.

NE vivam Simonide, si mihi missa abs te salus salutem non attulit: & quæ ad eius comitatum adiunxisti, teque materiaque digna poemata. JOHEL Propheta, si ligatis voluisset, tuis plane usus verbis, pedibusque fuisset: Repotia Zamoisciana, plus Nephalia & horas antelucanas, quam Dyonisia & cænas Cereales redolent: quo quidem nomine meritas te gratias à Zamoiscio recepisse non dubito, reliquarum rerum omnium, præterquam iniuriarum, memore Senatore. Utinam huius quoque solisque, cælique, gratæ sint Gratæ: sed ut ut acciderit, virtutis in virtute, benefacti in benefacto præmium est. Nulla iustitiæ maior merces, quam iustum esse.

Quæ porro de rationibus tuis domesticis æconomizque onere appinxisti, non possum non sapere te dicente, οἶκος φίλος, οἶκος ἄριστος domus amica, domus optima. οἱκοι μένεν δὲ τὸν καλῶς εὐδαίμωνα domi manere oportet belle fortunatum: aut non beatum illum verè dicier; Equidem.

*Si me fata meis paterentur ducere vitam
Auspiciis, & sponte meas componere curas.*

Iisdem crede mihi, irem itineribus. Mirum quam suave suo sub testæ.

*πύκνας ἀκούσμι λεκάδας εὐδοῦσθι φρενί.
Frequentem audire guttam securo animo.*

Beatus qui procul negotiis, paterna bobus colit rura suis.

At ego prorsus non video, Simonide, quas clades possit afferre rei tuæ domesticæ, unius anni absentia: Habent suas agri quoque ferias: Amant & arva inter calares. Parit & tempestas piscatoribus ocium. Debes quidem

Patriæ,

Patriæ, debes parentibus, debes tibi, sed debes & Musis, quarum hic sedes propriæ.

Quæ tibi, quod rarum est, vivo sublime dederunt

Nomen, ab exequiis quod dare fama solet.

Notæ sunt Pythagoræ peregrinationes, Platonis navigationes, relicta penu artium Græcia, ad Ægyptios, ad Magos, Persas, Italos commeantium; ut earum gentium ritus, leges, mores, sacra pernoscerent. Quid quod & *μοῦσας* idem Plato dictas putat, *ἀπὸ τοῦ μῶω*, quod omnibus vestigiis omnia ubique scrutentur & inquirent. Inde menti prudentia, inde sensibus recreatio, inde litteris nitor; cùm multa videris, multa audieris, quæ vel sola & nuda, & scientiam addunt, & iudicium limant, Longa bonæ menti ad prudentiam nulla est via. Ego te, ait Vlysses ad Achillem, prudentiâ superavero multùm *ἐπὶ πρότερος γενόμενῃ καὶ πλείονα ὀίδα*, quoniam prior natus sum & plura vidi. Quorum rerum copia, dubito virum alibi quam sub hoc Sole, & in hoc solo maior? vbi difficile est, vel oculum flectere, vel ponere vestigium, quin tibi ipsa quæ calcarunt sola, summorum virorum rerumque maximarum memorias repræsentent. Crede mihi, saxa, montes, sylvæ, viæ, flumina, lacus, pontes, ipsa adeo templa, theatra, sepulchra, rudera, parietinæ, sua quadam lingua, quod docet, quodque delectet, loquuntur.

Excitatur animus, & nescio quomodo maior seipso fit, rerum sublimium aspectu. Inflammat visa, cogitataque sæpius aliena, virtus & gloria; incurrentibus in oculos magnis illis magnorum virorum Manibus, fortibusque fortium ausis.

Si tibi per Ægypti solitudines, aut Arabiæ deserta, aut monstrosam Lybiam, aut per obnoxios Scytharum excursionibus vastæ Podoliæ campos, per Scyllas, Syrtes, & Charybdes iter faciundum esset, si Catonis canterio, Hippoperis

populis impositis, si vehiculo Seneciano insidendum, quod mulæ trahentes exossatæ, ambulando tantum vivere se testabantur: ipse fortasse, ut te nobis & Musis conservares; nec ulli committeres periculo, retinerem: At ita nostrorum vestigiis detrita, ita pervia facta in Italiam via est (Vituliam rectius dixeris *Ἰταλὸς* enim veteri Græcorum lingua Timæo & Varrone testibus, boves seu vituli appellati sunt, quorum hic olim magna copia) ita crebris oppidis, tabernis, hospitiiis, distincta & coedificata videtur Silesia, Moravia, Austria, Styria, Carinthia; ut quasi quoddam Suburbium Italiæ videatur; non ob aliud fortasse a natura, tam horridis rupibus interclusæ; quam ne vim suam omnem Alpini Boreæ in has amœnitates effundant.

In Italiæ porro ingressu, Venetias videbis, mari supernatantem civitatem; Urbium ocellum; Mercurii forum; Emporiorum rosam, Adriatici Dominam, Divæ Cypriæ officinam; ad invidiam pulchram, felicem, opulentam, & æviprioris instar togatam; In qua templa, fora, palatia, in mediis fluctibus quasi seminata, stupefces usque ad miraculum superba, vias ceruleas, equos ligneos, In pisces & homines, totam divisam civitatem, Vicos & plateas pisces, Mulli, Dactili, Ostreæ, Conchylia; Domos incolunt homines; a quibus illi iam etiam loqui didicissent, si per cohabitatorum ventres producere vitam licuisset.

Inde vastum Patavium navigabis, illam artium & scientiarum stationem, insignem quondam iuventutis & officii magistram, nunc vereor ne corruptelam. Inde munitam & Circumpadanam Ferrariam. Inde studiis & urbanitati amicissimam Bononiam. Inde politicissimam & elegantissimam Florentiam. Inde Senas salubres senibus, ut scis, & valetudinariis, olim exædificatas. Romam deinde pervenies Septicollam, illam Orbis Dominam, illam Urbium Reginam, Christi Vicarii Sedem, Arcam & Stationem Præsti-

Præstitum Ecclesiasticorum: Apostolorum prædicatione beatam, Martyrum sanguine purpuream, Confessorum testimonio gloriosam; quam vidisse: in qua vestigium posuisse, qui se Christianos meminerunt, partem benedictionis reputant. Stetisse, ait Hyeronimus, ubi steterunt pedes Domini, pars Fidei est, vere ut etiam Ethnicus ille dixerit.

Dignus Roma locus, quò Deus omnis eat.

Inde per felicem Campaniam, plus, ut ille ait, ungenti ferentem, quam ceteræ Provinciæ olei, Neapolim pervenies, Parthenopes tumultu claram, Nympharum sedem, Volupiae aream, Sole soloque suo beatam. Narro tibi, situs amicitate, Maris cratere, Collium corona, Insularum crebritate, Promonteriorum aspectu, plane primam, Templis, Castris, Palatiis, Præditiis, Ingeniis, Opificiis, Arcibus, Portibus, Opibus, Frugibus, solique sui fructibus, nemini secundam. Locis potro Suburbanis, & magnis viris semper charam, & ipsis etiam, ut Gentiliras putabat, Diis immortalibus amiceam, Nullum enim extra Civitatem ponere vestigium poteris, quin in magnos alicujus Semidei manes incurras. Æneam si voles, vel in Miseno, vel ad lacum Avernum umbram Anchisis Patris sui quærentem, vel cum Sybilla colloquentem invenies. Scipionem Linternis: Julium Cæsarem in portu Baiano: Pompeium in Herculeano, Neronem ad fossam Cumanam; Syllam & Tarquinium Puteolis: Marium ad caput Miseni: Octavium Augustum in Octaviano, vel in ipsa Neapoli quinquennale certamen Gymnicum spectantem: Lucullum, togatum illum Xerxem, vel ad Eupleas, vel ad Pausilippi piscinas: Annibalem Capuæ: Marcellum Nolæ: Fabium Max. in collibus Campanis, Pollium Vedionem homines ad Murenas damnantem, in Pausilippo. Alios alibi. Et si infra dignitatem duxeris, cum mortalibus in Paradiso conversari, ipsos tibi Deos olim vocatos ostendam; Saturnum in vicino Latio latentem,

tem, Minervam in Surrentino Promontorio, Plutonem, Proserpinam, Minoem, Rhadamantum, ad lacum Avernum: Herculem in Vacculo, vel ad montem Baulum, vel in Pompeiano armenta pascentem: Nymphas in Nysita, Syrenes in Capreis. Crede mihi, vel sola istiusmodi vestigiorum inspectio, magna prudentiæ mater. Et quia cessator esse non soles, si forte quid additum in natura libebit adhuc quærere, Plinii manes in Pomponiano ad Vésuvii radices consulamus; Aut is, aut alius nemo nobis aperiet, non sine fructu fortasse eius, quæ te Leopoli & distinet & detinet Oeconomix tuæ; quomodo quercus nostræ transformari queant in vites, bonum vinum ferentes: quod fieri posse Magnus Albertus putabat; aut, quomodo queant arborum culmina hordeum producere; quod in Mæssa Antonini Pii tempore factum legimus: aut cur pinus Ravenatenses cum nucleis, Andreovienses conos producant, sine nucleis. Aut quæ sit illa Regio ultra Alpes, in qua siligo post biennium convertitur in triticum (ô nos opulentos!) aut ubi Rafanum adeo excrecat, ut infantium puerorum magnitudinem superet, aut quæ arte curari rapæ possint, ut singulæ quadraginta libras ponderent.

Licebit & hoc expostulare, cur vitio vertat Septemtrionalibus populis, quos barbaros vocat, quod Vrorum cornibus binas urnas tenentibus bibant: cum apud suos Romanos Milo cadis, Phagus in mensa Vitellij, plenis urceis, tantum vini hauserit, quantum Cæsus marinus vasto non haussisset corpore: Nonne & hoc notissimum, Romanos bibisse pateris; ab eo dictis, quod latius pateant? Varro testis. Nonne ter tria pocula multiplicabant? Ausonius testis. Nonne amphora? Svetonius testis. Nonne Græco more, maioribus scilicet poculis? Cicero testis. Nonne pro salute Principum? Dio testis. Nonne in gratiam absentium amicorum? Tibullus testis. Nonne tot cyathos, quot

quot faissent in amici nomine litteræ? Martialis testis. Nonne in orbem à summo ad infimum? Athenæus testis, qui hoc genus vocat ἐν κύκλῳ πῖον. Nonne propinabant? Homerus testis, Nonne nivem? Martialis testis: Quin & fidem homini per errorem lapsò faciemus, quod Septemtrionales populi cerevisiâ, vel ut ille vocat, hordæaceo vino remulenti, non semper in tergum cadant, quod ille scriptum reliquit: sed in omnem partem, ante, retro, proni, supini, ad dexteram, ad lævam, sine discrimine labantur. O quantùm tanto viro ad eam, quam profitetur rerum omnium cognitionem defuit, Ebrium cadentem nunquam vidit. Habebo & ego quod cum multisocio Philosopho expostulem, Cur matutinam vrinam calidam pedibus instillatam, & infelix appositum Lolium prodesse podagricis putavit, cum nobis non prosit: aut, quod nunc ad te scribens in hortulo meo demiror, cur cæteræ arbores omnes florent sola ficus non floreat.

Si flos orationis, & gemmata verba delectabunt, vel in domo sua Rabiriana, vel in villa Neapolitana, quam Silius Italicus ipso mortuo emerat, vel in Baijs, de quibus Ovidius.

Nullus in Orbe locus Baijs præluet amans.

Magnum illum Ciceronem differentem audiemus; ex eoque cognoscemus somnium Scypionis, somniumne fuerit, an Insomnium, an Visio, an Oraculum, an Phantasma; an geminæ portæ Somni: an earum altera cornea.

Altera cadenti perfecta nitens elephanto.

Licebit & hoc è tanto viro quærere, cur Orationes suas non combusserit potius, salutem promittente Antonio, ut se Musis & Reipubl. conservaret, quàm caput præcidentum à se defenso Popilio cum tanto Doctorum dolore dederit.

Si tuis Poetis loqui licebit: Homerum in Cumis invenies. Forte hoc sæculo nobis revelabit, quâ Patriâ, quibusque

Uu

busque

busue Parentibus natus sit, quod præterquam Appioni Grammatico, nulli adhuc mortalium revelasse memoratur; ea tamen lege, ne cuiquam secretum sibi creditum patefaceret; septem quod nosti de eius nativitate contendentibus Urbibus. Quis scit? an non & illud enodabit ænigma, quod in Chalcide ad Amphidamantis Poetæ celeberrimi exequias proposuit.

*Musa mihi memora, quænam nunquam ante fuerunt,
Postque futura haud sunt.*

Quæremus & hoc, cur immenso risu cum cæteris Diis riserit potius quàm doluerit Iupiter, videns filiam suam Venerem in amplexu Martis dormientem, prudentis Vulcani vinculis circumfusus, risuique Deorum propinatos. Aut cur ex Jovis cerebro, armata nata sit Minerva. Aut cur Apollo cum cæteris Diis beatis, non interfuerit in Nuptiis Achillis; Aut cur mures equestres copias contra ranas non eduxerunt. Vel cur non comedant raphanos, caules, cucurbitas, betasque virides. Causam quoque petemus, cur huic Soli non oculos tantum, sed & aures tribuat, nec tantum intuentem, sed omnia etiam faciat exaudientem.

Vergilium quoque in colle Pausilippo curæ mæroris, que expertem, convenire poteris. Forte quod olim tacuit, ne Romanos rerum Dominos proditoris Gentilicios faceret, hoc tempore nobis aperiet, Æneasne pius an Sinon Sisyphius Troiam infelicem prodidit; Aut cur Juno summi soror Jovis & coniunx, Ænæ Veneris ex eodem Jove natæ, filio, ita fuerit inimica; an forte ignoravit Romanos ex eius posteritate surrecturos, coniugis & mariti sui tam superstitiones cultores. Et si forte extra Heliconem sine stylo & pugillaribus; hominem ociosum viderimus. Libebit & hoc querere, Cum & Bucolica quæ scripsit, & Georgica, & Æneida, paulo plus ultra octuaginta sex millia & quadringentos pedes contineant, inimo & ipsius Homeri tam illas quam

quam Odyssea, vix excedant centum septuaginta pedum millia, supra trecentos; fieri ne possit, ut duo sola Heroica carmina decies centena supra quatuor pedum millia contineant? Si tam catus Poëta ignorabit; exemplum proponemus, sub Alpino Borea natum.

Mille boves pascunt vitulorum millia centum,

Musca super vitulum quemlibet una sedet.

Si Musica delectabit?

Monte sub acrio, qui nunc Mysenus ab illo

Dicitur, aeternumque tenet per sacula nomen.

Mysenum Æneanum tibicinem dulci canentem

STRINGA AUDIEMUS.

Si scire futura? sicut Æneæ sic & nobis Sibilla Cumana, quæ venient, revelabit. Forte & præterita, quæ scilicet rerum facies fuerit antequam *χρόνα δατέοντο Ζεὺς καὶ ἀθάνατοι* terram partiebantur Jupiter & immortales: Quid ais? Aut ab ista vate, aut ab alio nemine cognosces, cur Jupiter, quod flet adulterinum, signa dedit aperta inter homines.

Sed quo queat signo malus cognoscier?

Infitus nullus character corpori.

Bellica forte studia libebit inspicere, Magnum tibi certamen Liberi Patris cum Cerere tota Campania ostendam.

Si & vastos Gigantes, & Iliacas Patris Æneæ naves, Ænariam, Græcis Pythecusam, nunc Hirschiam dictam navigabimus, Typhæi centicipitis Gigantis, Jovis iæti fulmine nobilitatam Insulam, aut circa Vesëvum interdum & noctu oberrantes videbimus.

Si & veteris morem Lybitinæ, Myseni ad Mysenum inspicemus exequias, pyram pingvem tædis & robore secto, frondes atras, ferales cupressos, arma, athena, latices, purpuras, feretra, faces averfas, thura, dapes, crateres, olivas, flammæ, undas, vina, cineres, ossa denique & favillas, cado testas atheno.

Uu 2

In reditu

In reditu si voles & Labyrinthum, & Dædalum volan-
tem, ad Centumcellas; & paludem Acherusiam, & Cerbe-
rum tricipitem & Ditis mœnia & eburneam portam; &
auricomas ilices, apud Cumas invenies; forte & ferreos
Eumenidum thalamos: & Centauros stabulantes, & Scyllas
biformes, & Briareos centum geminos, & Lernas striden-
tes, & armatas Chymeras, Gorgonesque Harpiasque & illum
terribili squallore Charontem, cui plurima mento canicies
inculta iacet, & succinctam Typhionem; forte & Minoem
vitas & crimina discentem, Gnossumque Rhadamantem.

Inde Puteolos divertemus, ubi sua scripsit Herodianus
Symposia; Iuvabit ex eo cognoscere, cur in ædem Hercu-
lis, nec canes unquam nec muscæ intraverunt; vel quo-
modo Architz Tarentini lignea columba volaverit; aut
cur olim Neapolitani Apollinem imberbem, Liberum Pa-
trem barbata senilique facie, totâ Campaniâ fingeant; Cum
idem sit Liber Pater & Apollo. Forte etiam narrabit, quid
Syrenes cantare sint solitæ; aut num veris lachrimis Julii
Cæsaris equi fleverint.

Libebit & hoc quærere, an per leges gladiatorum,
secutorum, venatorum; Gallienus Imperator donare vena-
torem corona potuerit, quod taurum ingentem decies in
arenam, è cavea perductum, decies ferire non potuerit.
Taurum dicens, toties non ferire difficile esse. Aut, an im-
postura dici debeat, quod in negociatorem impostorem, ad
Leones, uxoris rogatu, damnatum, quod illi gemmas vitre-
as magno precio vendidisset; Pro Leone, medio theatro
Caponem ex cavea dimisit; nil aliud, rem ridiculam miran-
tibus, respondens, quam imposturam fecit, imposturam pas-
sus est; ac ita impunitum dimisit. Licebit & mare inter
Baianas & Puteolanas moles 3600. passuum ponte, ad Xer-
xis imitationem, qui Hellespontum sinu Baiano angustio-
rem contabulaverat, in Appiæ viæ formam à Caligula si-
lice

lice stratum inspicere: quem si post decursum phalerato equo pontem: deiectosque de eo spectatores, aut canticum desaltantem, aut aurigantem, aut reorum defensionem meditantem, animo quietiore, invenerimus; quærere securius poterimus; cur Homeri & Virgilii carmina & Livii historiam voluerit abolere; aut cur Senecæ doctissimi scripta, arenam esse sine calce dixerit.

Domitianum ad Atellam videbimus. Licebit cum eo exostulare, cur devictis Sarmatis Lauream modò Capitolino Jovi retulit, cum tamen Sarmatæ legionem eius cum Legato simul ad internecionem deleverint. Et si sagittas habebit ad manum, quorum præcipuo studio tenebatur; patriæ tuæ more licebit experiri, uter vestrum melius tantaque artē iacula dirigat, ut palmam dextræ manus pueri procul stantis pro scopulo dispanfam non lædat; sed per intervalla digitorum, nulla secuta læsione missas sagittas penetrare faciat; aut ardentem candelam ceream, supra frontem stantis pueri applicatam, iacto iaculo extinguat; quod nostris Catholicissimis Masovitis solemne esse non ignoras; illo, quo scis, tempore.

Si forte animus discendo, oculi spectando, pedes ambulando dolebunt, ad ociosas te Capreas quietis causa mittam, Apraxopolim ab Augusto vocatas; ubi Tyberium contemptissimæ inertię Principem salutare, garrireque omnia poteris quæ solent subrostrarii: rogare præterea, utrum in eius Bibliotheca extet adhuc Aselii Sabini Dialogus H. S. ducentis, ab eo emptus: in quo boleti & ficedulæ, & Ostreæ, & Turdi certamen induxit: aut eiusdem Tiberii Lyricum carmen, quod inscripsit, de Julii Cæsaris morte Conquestio. Tum & illud, quæ causæ tam insolitæ legis fuerunt, ut ieiuni homines biberent; potusque vini cibos antecederet. Aut quo præcipue meri genere, Tarentinum enim ut generosum acetum, & nobilem vappam, oderat; in sua

in sua delectabatur iuventute: aut cur vitrum solidum & argenti instar flexibile, ad Lacum Lucrinum, trucidato inventore, & ipsa etiam dissipata fornace, parari vetaverit.. Forte causam quoque dicet, cur tonante cælo lauro coronabatur; aut in tontendo capite servaret interlunia; & hoc etiam, tantundemne nocte illuni, quantum claro die cerneret, & reliqua istiusmodi multa libere tibi garrere cum Principe ante mortem sepulto licebit, aut nullas, aut ineptas, aut luxuriosas, aut ridiculas res in Capreis agente.

Jam, si fallor vides, quàm multæ in tuo ad nos adventu utilitates, quàm præcipua habebis in his oris enucleata paradoxa: quàmque multarum rerum abditarum efficiemur gnarures.

Quò magis operam dabis, ut venias; nec illud amplius putidum nobis occinas: Mirum est quam sum occupatus; aut ego tam inviso verbo, lumbos defractus curabo.

Narro tibi, hospitem invenies, mentis & frontis apertæ, scis & in superciliis animi partem habitare. Fumum tuâ causâ maiorem, vicinia non videbit. Mensa tibi ponetur sobria, frugalis, qualis oblato solet, non invitato hospiti; post quàm non magnæ reliquæ, vix & lavandæ manus: Non ave Phasianâ, Argivâ transportatâ carinâ, non Rhombo patenti, non bilibri mullo, non accipensere toto empto patrimonio, non Cedride succo, non Leucophago, non Limonjaco pultario, non Amygdalina placenta, non strucea cotonea, sed maiorum more, assâ bubula & porcina subrancida instructa. Rapæ, olus, pultes, cænam claudent. et si integram famem attuleris, ovum apponetur. Sed neque lectos expectabis eburneos, Culcitra in terra, & tu in Culcitra. Da igitur operam ut venias, Nam & epistolam hanc hilaritatis plenam dare ad te propterea volui, ut iam etiam cæli huius solique hilaritatem & amœnitatem delibes. Petasumque statim, penulamque poscas; Te expecto. Vale. Neapoli. Kalend. April. 1594.

ANGELI

ANGELI DURINI

ARCHIEPISCOPI ANCYRANI

NUNTII APOSTOLICI

O D A

I N L A U D E M

ARTIS TYPOGRAPHICÆ

Ad numeros Horatii Ode VII. Lib. I.

Laudabunt te alii Vates Statuaria; quondam
Heroum votum atque voluptas,
Compingis solidos quæ artus, & corpora vera
Materiâ superante senectam:
Quæ Domitori Asiæ Juveni pro mille trophæis
Lysippum officiosa dedisti,
Romano Victori orbis simulacra Tyranno,
Traiano æternamque columnam
Teque alii, Pictura, rotundo carmine dicent
Quæ soror es germana Poësis,
Expressisse animas solers in imagine ficta
Et vivos appingere sensus,
Palleat ut metuens, lymphatus ut ardeat, ore
Huic risus sedeat, dolor illi

Naturam;

Naturamque omnem brevibus laquearibus arctans,
 Quam non lædat hyems, neque venti.
 Mi neque tam Pictura, sacræ soror alma Poësis,
 Delicium quæ nobile Regum est.
 Arridet, nec tam Heroûm, statuaria, vorum,
 Quæ cautes, fufumque metallum
 Instruit ad voces, facundaque marmora reddit;
 Ars quantum præclara Typorum
 Dædaleis operis edit quæ in luminis auras
 Quidquid apud Græjos, Latiosque,
 Atque alias Gentes, uberrima secla Sophorum
 Chartis illevere disertis,
 Sive velis res Divinas, sive aurea Legum
 Scita, potestatesque salubrium
 Herbarum, aut Vatum cantus: labor iste stupendus
 Ingenii in fœtus tenet omnes
 Supremum imperium, Musisque ingentia confert
 Commoda, doctrinæ atque repertis.
 Aonides quare loca sæpe industria visunt,
 Et formas cœlataque signa
 In ligno, vel liquentis fundamine plumbi at-
 tingere amant, urgentque laborem.
 Sudantùm, foliisque nitencia texta parantùm.
 (*) Iste notas quarum indiget usus
 Cellâ quamque suâ vocat, & discrimine longo
 Digerit: obvius ille abiegnas
 Supponit tabulas; alii de more per artem
 Compositas, mox vectibus zreis
 Includunt acies, fors præceps ne qua vagetur,
 Neve loco importuna vacillet.
 Atque anceps: pandunt alii stridentia præla
 Et spumâs nigricantibus ungunt

Litterulas

(*) Describitur ars Typographica.

Litterulas. sunt humentem queis cura papyrum
 Sternere; ne quis apex malus obfit
 Adversis habilem atque student protendere signis,
 Ferrea tum bene clauditur alvus
 Itque reditque viam sub prælis: concipit intus
 Charta nitens nigrantia miris
 Sed simulacra modis: spatiis æqualibus ora
 Jamque palam exerrat, specimenque
 Ostentat: Censor subit inde severus, & omnes
 Explorat latebrasque situsque,
 Squallida si qua manet, si qua aut minùs emicat; atrâ
 Vel latitat niviis obsita nube
 E medio movet, & turbam execratur inertum,
 Succedunt & data munia præstant
 Mox aliæ. demum perfectum & fronte serenâ
 Exit opus, perque ora virorum
 Evolat, excipiunt Musæ plausuque, lyrâque,
 Fama sinu fovet ipsa virenti
 Vivaci atque ornans genio ac Parnasside lauro
 Innumeros defendit in annos.
 Salve magna parens librorum, ars Dædala salve,
 Inventa quæ à Teutone primum es:
 Orsu humili, sed mox annis labentibus aucta;
 Sanctarum tu sola recludis
 Dulces Aonidum scatebras, sitientia mulces
 Doctorum tu labra virorum;
 Jugis amor tibi cum Musis, æternaque constant
 Fœdera; te Phœbus colit, atque
 Mutua tu Phœbum; studiis certantibus ambo
 Inque vicem flagratis amore;
 Ipse tuas memor in laudes eo catmine quamvis
 Imbelli, cytharâ inque disertâ

SIMONIS dum **SIMONIDÆ** scripta aurea (*) **MITZLER**

Conspicuis dat vivere formis

Illum pulchra tuis voluisti excellere donis,

Ut de te traheret quoque famam,

Ingenio illius summo Tuque usa vicissim

In lucem conspectior ires.

Semper honore novo, semper cumulata figuris,

Salve iterum ars ô Dædala salve.

(*) **LAURENTIUS MITZLERUS** de Kolof in Regis Poloniæ Aula
Consiliarius, Regni Poloniæ Historiographus, omni scientiarum genere
Illustris.

F I N I S.

416 2015841